

MANUALE EXORCISMORVM:

Continens INSTRUCTIONES, &
EXORCISMOS ad eiiciendos è cor-
poribus obsessis spiritus malignos, & ad
quæuis maleficia depellenda, & ad quæ-
cumque infestationes dæmonum reprimendas: *Ad Simplicem & R. D. Maximilianum*

R. D. MAXIMILIANI AB EYNATTEN S. T. L.
Canonicæ & Scholasticæ Antuerpiensis
industria collectum:

Reuerendiss. aliquot BELGII ANTISTITVM
aliorumque doctorum virorum iudicio
recensitum & probatum.



ANTVERPIÆ,
EX OFFICINA PLANTINIANA,
Apud Balthasarem Moretum, & Viduam
Ioannis Moreti, & Io. Meursium.
M. DC. XXVI.

ad usum simplicem. Arabis.
Rochi Reverend Capucini in Sig

7440E875.

BK



96

LECTORI

S. P.



ANVALE hoc Exorcisticum, benigne Lector, diuiditur in tres partes.

Prima pars continet Instructiones & generalia documenta Exorcistis obseruanda.

Secunda pars habet modum & praxim exorcizandi energumenos seu obsessos à dæmone, cum Precibus, Exorcismis, & aliis eò spectantibus.

Tertia pars tradit modum tollendi maleficia & incanta-

tiones , quibus homines tam
in propriis corporibus , quàm
in aliis bonis , permissu Dei,
infestantur . Adiunguntur re-
media contra infestationes spi-
rituum in domibus seu aliis
locis , & indicia vnde discerni
queant apparitiones bonorum
spirituum & malorum . Sub-
iunguntur Benedictiones re-
rum vtenfilium pro energu-
menis & maleficiatis . Quæ
omnia sunt collecta ex Missa-
li , Pontificali , & Rituali Ro-
mano , Pastoralis Mechlinien-
si , & aliis probatis Auctori-
bus . Ex quâ collectione feli-
get sibi prudentia Exorcistæ ,
quæ

quæ pro occurrenti necessitate magis videbuntur opportuna. Caueat tamen, ne formulis vtatur à suo Ordinario non approbatis.



APPROBATIO.

MANVALE hoc Exorcismo-
rum industria R. D. Ma-
ximiliani ab Eynatten S. T. L. Ca-
nonici & Scholastici Ecclesie nostrae
Cathedralis collectum, ac aliquorum
Ordinariorum, aliorumq; doctorum
virorum iudicio recognitum, emen-
datum & probatum, utiliter typis
euulgabitur; ut eo utentes Exorcistae,
praetermissis qui passim circumferun-
tur Exorcismorum libris minus pro-
batis, ad Dei gloriam & animarum
salutem feliciter contra antiqui hostis
infestationes suo munere fungantur.
Datum Antuerpiae die XXIII. Ju-
nij, M. DC. XVIII.

Ioannes Episc. Antuerpiensis.

SVM-


SVMMA PRIVILEGII.

ALBERTI & ISABELLAE
CLARAE EVGENIAE,
Archiducum Austriæ, Ducum Bur-
gundiæ, Brabantiae, &c. Serenissi-
morum Belgicæ Principum Priuile-
gio cautum est: nequis, *Manuale*
Exorcismorum, R.D. MAXIMILIA-
NI AB EYNATTEN S. T. L. Ca-
nonici *et* Scholastici Antuerpiensis indu-
stria collectum, Reuerendiss. aliquot BEL-
GII ANTISTITVM, aliorumque
doctorum virorum iudicio recensitum &
probatum, præter Balthasaris Moreti
voluntatem intra sexennium impri-
mat, aut alibi excusum in Inferioris
Germaniæ ditiones venale importet,
vti latius patet in litteris datis Bru-
xellæ, VII. Augusti, M. DC. XVIII.

Signat.

De Witte.

ORDO ET INDEX HUIUS MANVALIS.



PARS PRIMA,

• Varias INSTRUCTIONES continens. pag. i.

INSTRUCTIO I.

DE requisitis in Exorcista, & debitis præparationibus ante exorcizationem. pag. i.

INSTRUCTIO II.

De variis signis & effectibus, ex quibus quis dignoscitur demoniacus vel maleficiatus. 4.

Ex eruditorum quorundam sententia alia de iisdem signis & effectibus INSTRUCTIO. 10.

INSTRUCTIO III.

De signis & effectibus maleficij, & quomodo discerni possint maleficia ab aliis naturalibus morbis. 12.

IN-

INSTRUCTIO IV.

*A quibus Exorcista in adiuratione debeat
abstinere: Ubi etiam agitur de interro-
gationibus faciendis vel non faciendis.*

17.

INSTRUCTIO V.

*De loco & tempore quibus energumeni
sunt exorcizandi.*

INSTRUCTIO VI.

*De qualitatibus exorcizandorum, & debi-
ta preparatione eorumdem.*

21.

INSTRUCTIO VII.

*De aliis quibusdam, in quibus adhuc in-
struendi sunt energumeni vel malefi-
ciati.*

29.

INSTRUCTIO VIII.

*De variis technis demonum prænoscendis
& præcauendis.*

32.

INSTRUCTIO IX.

*De iis quæ debet Exorcista observare circa
& post egressum demonum è corpori-
bus obsessis.*

34.

* 5

PARS

PARS SECVNDA,

Continens praxim & modum exorcizandi energumenos , seu vexatos aut obsessos à dæmone, cum Precibus & Adiurationibus requisitis. 37.

MODVS exorcizandi ex Rituali Romano, Pauli V. Pont. Max. iussu edito. 37.

Modus exorcizandi ex Pastoralis Mechliniensis. 75.

Altera forma Exorcismorum ad fugandum dæmonem de corporibus oppressis, vel etiam maleficiatis, ex dicto Pastoralis Mechliniensis. 87.

Orationes & Exorcismi, ad iuuandum energumenos & alios maleficiatos, ex probatis Auctoribus desumpti. 98.

Exorcismus, dicendus (si commodè fieri poterit) coram venerabili SACRAMENTO exposito in altari. 105.

Exor-

- Exorcismus per Sacramenta.* 116.
- Exorcismus præmittendus quando Exorcista iudicat expedire ut aliqua à demone interroget.* 123.
- Exorcismus per inuocationem beatissimæ Virginis MARIAE.* 126.
- Exorcismus per inuocationem sanctorum ANGELORVM.* 134.
- Exorcismus per inuocationem DEI & SANCTORVM eius.* 141.
- Alia formula exorcizandi obsessos & maleficiatos.* 151.
- Exorcismus ad compellendum demonem ut restituat chirographum quo homo se illi obligauit.* 181.
- Exorcismus ad compellendum demonem ut traditam sibi ab homine Eucharistiam restituat.* 184.
- Gratiarum actio, liberato demoniaco.* 188.

PARS TERTIA,

Continens modum & praxim exorcizandi & curandi spiritualiter omne genus maleficiorum seu incantationum, quibus homines in propriis corporibus, & aliis bonis externis, à malis spiritibus vel maleficis ope dæmonum affliguntur.

194.

EXORCISMVS *pro maleficiato in proprio corpore.*

194.

Alia formula exorcizandi maleficios quoscumque.

202.

Remedia contra febres, pestem, & alias infirmitates naturales.

213.

Remedia spiritualia contra philtora amatoria.

217.

Remedia spiritualia pro impeditis per maleficia, ope demonum, in matrimonio.

220.

Remedia spiritualia contra Succubos & Incu-

Incubos.

230.

*Modus exorcizandi circa quævis animalia
per maleficia & veneficia afflicta.*

232.

*Exorcismus contra maleficia lacticiniorum,
& aliorum comestibilium, frugum, &c.*

243.

Exorcismus pro lacte.

245.

Exorcismus pro butyro.

246.

*Exorcismus contra inuisibilem lactis, buty-
ri, vel aliarum rerum per incantationes
ablationem.*

247.

*Exorcismus contra imminentem tempesta-
tem tonitruorum, fulgurum, grandi-
num, ventorum, &c.*

250.

*Exorcismus contra quæcumque noxia ani-
malia, vermes, mures, serpentes, &
alia quæcumque agros vel aquas extra-
ordinariè inficientia & corrumpentia.*

262.

*Modus discernendi apparitiones spirituum,
utrùm boni sint an mali: cum remediis
& Exorcismis contra spiritus malos in-
festan-*

festantes domos vel alia loca. 269.

Exorcismus domus à malis spiritibus vexata. 217.

Alia formula benedicendi domum infestatam à malignis spiritibus. 287.

Formule benedicendi tam comestibilia quàm alia quibus vtuntur energumeni, vel maleficiati, desumptæ ex Pontificali, Missali, & Rituali Romano, & ex Scriptura sacra. 295.

Ordo ad faciendam Aquam benedictam. 296.

| | | |
|------------|------------------------------|------|
| Benedictio | Salis. | 299. |
| | Panis. | 300. |
| | Agni & aliarum carniū. | |
| | ibid. | |
| | Ouorum. | 301. |
| | Quorumcumque fructuum. | |
| | ibid. | |
| | Cuiuscumque comestibilis. | |
| | 302. | |
| | Vini, Ceruisie, vel alterius | |

rius potabilis materia.
ibid.

Vino propria. 303.

Olei. 304.

Quarumcumque medicina-
rum. 305.

Benedictio Thalami. 306.

Cubiculi. 307.

Ignis quo cremabuntur signa
malefica inuenta. 308.

Thuris seu Incensi. 309.

Benedictiones ad quaecumque volueris as-
sumenda in humanum vsum per modum
cibi, potus, vel medicina. 310.

Domine Ihu xpe

*Dei tibi Deus gratias et sa-
luti meorum ingredientibus in me
et salutem. Amen.*

*Oratio fac auxillia tua ad
me et in auxilium.*

Et proficiat inimicis tuis.

Oratio omnipotens deus Deus qui

b. partem suam per dationem

salutis in dationem et ditionem

et ditionem suam et ditionem

ad ditionem et ditionem et ditionem

et intercessionis ad eterna
stadium gaudia eius prole
peruenire mandatur

Fi sup

L V C Æ X.

In hoc nolite gaudere quia
spiritus vobis subiiciuntur :
gaudete autem, quòd nomina
vestra scripta sunt in cælis.

I

MANVALIS EXORCISMORVM PARS PRIMA,

varias INSTRUCTIONES continens.

INSTRUCTIO I.

De requisitis in Exorcista, & de debitis preparationibus ante exorcizationem.



QUI CVM QVE desiderat, habitâ licentiâ à Superiore, facile & sine periculo suæ & aliorum salutis, opus exorcizationis (maximi meriti & misericordiæ) exercere, debet cogitare se habere negotium cum antiquo & astuto hoste, forti & nequissimo: aduersus principes & potestates, aduersus mundi rectores tenebrarum harum, contra spiritualia nequitiae in cælestibus. Agnoscet itaque propriam infirmitatem, & assumet arma spiritalia, quæ D. Paulus subministrat ad Ephes. 6. & 1. ad Thess. 5. & D. Petrus 1. cap. 5.

Prima & præcipua armatura quam habere debet Exorcista, est viua & indubitata fides cum fiducia in Deum & Salvatorem

A nostrum

2 MANVALIS EXORCISMORVM
nostrum Iesum Christum: in Dei enim digito eiiciet dæmonia, & conculcabit leonem & draconem.

Et licet Exorcista operetur in persona Ecclesiæ, & eatenus eius preces sint gratæ Deo, & exaudiantur; nihilominus tamen debet allaborare vt habeat purissimam conscientiam, emundatam per veram contritionem & Sacramentalem confessionem: tum vt tantò sit gravior Deo, faciliusque impetret quod petit; tum ne diabolus eum confundat, aut aliquam in eum potestatem habeat, cùm notum sit ex Scripturis, quantam & quàm magnam habeat vexandi & nocendi vim contra peccatores.

Necessariò etiam debet habere veram humilitatem, certò sciens se solùm instrumentum indignum esse quo vtitur Deus pro salute proximi afflicti: & nihil se posse absque eius singulari assistentia & auxilio. Per hanc excludet omnem vanam gloriam, nec quæret laudari aut videri ab hominibus; sed gaudebit in augmento gloriæ Dei, & attendet dictum Saluatoris dicentis Apostolis: Verumtamen in hoc nolite gaudere quia spiritus vobis subiiciuntur: gaudete autem quòd nomina vestra scripta sunt in cælis. Hæc debet esse eius principalis intentio, non autem lucrum aliquod temporale, vel

vel similis respectus sordidus: maxime autem caueat, ne superbiat de potestate sua in dæmones: narrat enim S. Gregorius lib. 1. cap. 9. Dialogorum, quemdam Presbyterum à dæmone fuisse possessum, quia arrogabat sibi virtutem eiiciendi dæmones.

Reuocabit mentem & spiritum à curis & negotiis secularibus, eamque pacatam & tranquillam reddere studebit meditationibus piis & precibus.

Et quoniam Saluator noster nos docet Matth. 17. hoc genus dæmoniorum non eiici nisi per orationem & ieiunium, hæc & alia sub iisdem comprehensa opera bona, pro se & suis afflictis impigrè exercebit: & numquam ad exorcizandum accedet, nisi præiio ieiunio, vel aliis poenitentiae & satisfactoriis operibus, nisi præsens necessitas aliud videatur exigere. Incessanter orabit etiam priuatim, aliosque ad prædicta bona opera & pietatis exercitia inuitabit, elemosynasque elargiri curabit.

His & aliis virtutum armis instructus, intrepidè & securè accedet debellaturus hostem communem. Cauebit Exorcista omnis, alias preces & carimonias, quantumcumque piæ & bonæ appareant, quam quæ in approbato Manuali præscribuntur, adhibere, nisi obtentâ veniâ & consulto Ordinario,

4 MANVALIS EXORCISMORVM
nario, memor exempli filiorum Sceuæ Iu-
dæi Act. 19. qui malè & infelicitè hac po-
testate abusi fuerunt.

Non temerè aut facilè Exorcista iudica-
bit vexatum aliquem, etiamsi miris & extra-
ordinariis, vt ipsi apparebit, modis vexetur,
esse energumenum aut maleficiatum: sed
negotium seriò perpendet ex signis & indi-
ciis, de quibus infrà; omnesque circumstan-
tias prudenter obseruabit. Multò minùs
morbos tam hominum quàm animalium,
etiam insolitos, & ipsi incognitos, aut dam-
na frugibus & aliis bonis externis obuendien-
tia, statim incantationibus aut maleficiis at-
tribuet; nec afflictos hoc opinantes in illa
mox opinione relinquet aut confirmabit;
aut afflictorum huiusmodi vicinis aut aliis
notis vel ignotis imputabit, aut imputari
permittet: sed omnem sinistram opinionem
aut suspicionem contra proximũ, ab eorum
animis amouebit; vt hac ratione tollat &
auertat rixas, inimicitias, odia, & his peiora.

INSTRVCTIO II.

*De variis signis & effectibus, ex quibus quis
dignoscitur demoniacus vel maleficiatus.*

QVONIAM multa signa obsessorum &
maleficatorum, sunt communia cum
morbis & infirmitatibus naturalibus; quia
demon

dæmon vt creaturas Dei in odium traducat, vel vt facilius ipse lateat, sæpè miscet se morbis naturalibus; non statim Exorcista suo iudicio, vel ipsorum afflictorum dictis credet, vel iudicabit aliquem esse obsessum aut maleficiatum : sed circumspiciet & perpendet singula prudenter; suumque habebit recursum ad peritos Medicos & Theologos. Si deprehendat malum causari ab humoribus peccantibus, & omnino esse naturale, ostendet & persuadebit id ipsum afflicto, illumque ad Medicos remittet.

In examine & disquisitione vtrum quis sit obsessus à dæmone corporaliter, iuuabit inquirere causam quare diabolus putetur ingressus : quæ licet aliquando sit solius Dei gloria, & affligentis meriti augmentum, ordinariè tamen in causa sunt peccata, sæpissimè desperatio ex amissione bonorum vel rerum temporalium, vel nimia familiaritas cum dæmone, vel cum hominibus qui cum eodem commercium habent : etiam nimis addictum esse superstitionibus : aliquando mala imprecatio parentum, aut ignoratio earum rerum quibus contra tentationes dæmonum munimur : interdum nimia anxietas vel scrupulositas, per quam ad varias perturbationes miseri homines rediguntur, nisi tempestiuè consulant peritos

Confessarios ; prout etiam euenit tentatis alijs varijs tentationibus.

Secundò inquireret Exorcista de modo, quomodo putetur ingressus. Solent aliquando dæmones, antequam corpora ingrediantur, hominibus apparere in aliqua terribili forma, idque de nocte, vel in locis opacis & solitarijs : aliquando somnia horribilia dormientibus immittunt, illosq; terrent : quandoque ingrediendo corpora miserabiliter dilacerant. Ingrediuntur aliquando per modum venti, aut in forma muris aut similis animalculi : aliquando videtur quòd quasi vas aquæ frigidissimæ in dorsum effundatur, vel per totum corpus à capite vsque ad pedes aliquid discurrat.

Sed quia in multis hominibus, præsertim feminis, magnam vim habet imaginatio & variæ apprehensiones phantasticæ, quæ mira sæpè operantur in corporibus ; his prædictis, & similibus non ita insisteret vel semper crederet Exorcista, quin alia verisimilia signa requireret concurrentia cum prædictis ; qualia quædam ex sacra Scriptura & alijs probatis Auctoribus hîc adiunguntur.

Ex Scriptura sacra patet, aliquos energumenos indies reddi obstinatiores contra Deum, & in ijs quæ ad Dei seruitium spectant, magisq; inobedientes, exemplo Saulis

lis 1. Reg. 18. aliquando etiam variis morbis subito afficiuntur, Matth. 8. & 17. Marc. 9. Lucæ 11. strident dentibus; in terram extraordinariè elisi volutantur, & variè affliguntur; spumant ore, ad necem sibi inferendam tentantur; in ignem & aquam aliquando proiiciuntur, prout hæc patent ex diuersis Scripturæ locis. Aliquando etiam ad tempus in furorem aguntur, Act. 19. Prætereà obseruabit Exorcista, vtrum vexatus in præsentia rerum sacrarum, vt Crucifixi, Reliquiarum, &c. imò & ipsius Exorcistæ, verè & non fictè turbetur. poterit autem magis præsumi verè turbari, si ignoret præsentiam Reliquiarum vel aliarum rerum sacrarum. Solent etiam omnia spiritalia odio habere, Ecclesiam ingredi nolunt; vel si ingrediantur, statim inde fugiunt. Aqua benedicta vti recusant. Sanctorum imagines, præsertim Crucifixi, aspicere aut deosculari nolunt. Verba sacra nequeunt proferre, nec audire volunt. Si cogantur aliquam cærimoniam Ecclesiæ peragere, vel diuinis interesse officiis, potissimum sanctissimo Missæ Sacrificio, vehementiùs vexantur: & quâdo mentis compotes sunt, optât & fatentur se velle hæc facere, & Sacris interesse, & sacrarum rerum auxilium desiderare; sed esse quippiam in ipsis quod ipsos impediat.

8 MANVALIS EXORCISMORVM

Licet etiam indicium sumere ex oculis & vultu, quos ordinariè habent solito terribiliores. Ex sermocinatione, Si blasphement contra Deum & Sanctos; si conuitiis proximos sine causa proscindant, aliaque absurda præter solitum proferant; maximè si loquantur idiomatibus extraneis, quæ numquam didicerunt vel sciuerunt, aut alios sic loquentes intelligant; si norunt loqui & tractare subtilissimè de profundissimis nostræ Fidei mysteriis, sacras Scripturas interpretari, &c. Si renuntient occulta, aut iam pridem oblita, futura, occulta vel arcana conscientia, vt peccata occulta imaginationesque assistentium; si artes quas numquam didicerunt vel exercuerunt norint. Aliquando etiam econtrà redduntur planè stupidi & insensati.

Non rarò etiam dæmon in aliqua parte corporis palpitando sicut piscis aut formica aut alia forma sentitur. Interdum ipsi afflictī sentiunt per totum corpus inter carnem & pellem discurrentes tamquam formicas. Aliquibus totum corpus quasi continuis acubus pungitur; vel velut flatus à capite ad pedes descendit, & iterum ascendit. Interdum vesicula in lingua excitatur, quæ confestim disparet, vel plures apparent similes minutis grānis. Quibusdam ad gulam diabolus

bolus ascendit, & eam extraordinariè tumefacit, & siccam tussiculam excitat, vel linguam extorquet miris modis, vel eamdem exerit ingenti oris hiatu. In aliis diuersorum animalium voces imitatur: aliaque quàm plurima signa facit in corporibus obsessis, quæ facile aduertet prudens Exorcista; illumque reddent moraliter certum de veritate rei, præsertim si plura signa simul concurrant.

Maiores est difficultas in quibusdam obsessis, in quibus dæmones sub specie diuersarum infirmitatum solent ita latere, vt difficulter discerni queat, vtrum quis sit obsessus, nec ne. In huiusmodi perplexitate & dubio recurreret Exorcista ad Deum per preces; ieiuniisque & aliis piis operibus munitus, per exorcismos conabatur spiritibus immundis latentibus vires resistendi auferre. Ad quod conferet, si afflictus etiam ex toto corde se conuertat ad Deum, frequenter confiteatur, & sacram Communionem deuotè suscipiat, & eleëmofynis dandis & aliis piis operibus studeat Exorcistæ opus promouere.

*Ex eruditorum quorundam sententia alia de
ijsdem signis & effectibus* INSTRUCTIO.

SIGNA quibus obsessi dignoscuntur, sunt in triplici genere: quædam pariunt solùm suspicionem, alia coniecturam vehementiorem, alia deniq; certitudinem nonnullam.

Primi generis sunt, 1. Mutatio subita in mores ferinos & agrestes. 2. Somnus grauis. 3. Se consecrasse dæmoni. 4. Inuocatio diaboli vt se arripiat. 5. Furia. Fallunt sæpè eiusmodi signa; aliquod tamen indicium faciunt accedentibus aliis, & dant occasionem inquirendi de aliis.

Secundi generis sunt, 1. Barbaræ & insolite vociferationes & ululatus belluini. 2. Horribilis & truculentus vultus. 3. Stupor membrorum, & omnium ferè vitalium operationum priuatio. 4. Ingens inquietudo, adeò vt vno loco nequeat afflictus consistere, sed solitudines quærat, & desertis locis oblectetur. 5. Vires in corpore humano facultatem hominis excedentes. 6. Si variè torqueatur & deiiciatur, nunc in ignem, nunc in aquam, nunc ex alto præcipitetur, nunc se cultris laceret, nunc laqueo vel alio modo sibi vitam adimere tentet.

Tertij generis sunt, 1. Peregrinarum linguarum

guarum subitanea scientia extra suspitionem diuini miraculi. idem iudicium de scientia legendi, scribendi, cantandi artificiosè. 2. Si loquantur de rebus sublimibus quas non didicerant. 3. Si secreta reuelent quæ scire non potuerunt homines sed dæmones, vt sunt occulta peccata : aut referūt quædam quæ locis distantibus fiunt. Vt tamen hoc signum certum sit, debet abesse suspicio pacti cum dæmone, quale habent diuinatores, qui similia produnt, & tamen possessi non sunt. 4. Si postquam cessant vexari, nesciant respondere de his occultis de quibus locuti sunt: signum enim est, non tam ipsos quàm dæmones per ipsos fuisse locutos. 5. Si omnino prohiberi nequeant ne loquantur. 6. Si iussi inuocare Dei nomen, nomen I E S V, aut alicuius Sancti, id facere nequeant : si recitare non possunt Psalmum aut Orationem aliquam deuotam : si concutiantur, terreantur, impatientes fiant, blasphement adhibitis Reliquijs Sanctorum, aut Agno Dei, cereo benedicto, Cruce fronti impressa, aspersi Aqua benedicta, adhibita sacra Eucharistia, aut in aurem pronuntiato versiculo illo Cantici Moyfi: Deum qui te genuit dereliquisti, & oblitus es Domini creatoris tui. si exorcismos non ferant, si ad ingressum Ecclesiæ tumult-

12 MANVALIS EXORCISMORVM
tumultuentur: denique si Euangelium au-
dire, diuinis interesse vix cogi possint.

INSTRUCTIO III.

*De signis & effectibus maleficij, & quomo-
do discerni possint maleficia ab aliis natu-
ralibus morbis.*

PRÆTER ea quæ dicta sunt superiori
Instructione, quæ huic etiam quæstioni
ex parte deseruiunt, obseruabit curam ani-
marum habens, vel Exorcista, maiorem esse
incertitudinem signorum maleficij quàm
possessionis aut obsessionis: proinde cautè
& circumspectè in hoc negotio procedet, ne
cadat in varia inconuenientia præcipitanti
suo iudicio (de quibus latiùs in Instructio-
ne I.) nec facilè de huiusmodi malis abso-
lutè aliquid statuet sine præuio cõsilio Me-
dicorum: verùm, quia experientia docet,
plerosque Medicos ferè omnia mala & ac-
cidentia hominibus obuenientia attribuere
noxiiis dispositionibus corporum, & rarissi-
mè iudicare aliquem veneficio diabolico
infectum, Exorcista non semper ita absolu-
tè stabit iudicio Medici; quin etiam ex si-
gnis & indiciis infrà positis, & aliis variis cir-
cumstantiis, prudenter iudicabit de huius-
modi malis, consultis in grauioribus peri-
tiori-

tioribus Thelogis in hoc genere versatis. Et si omnibus consideratis videat ex maleficio morbum ortum habere, quantum in ipso erit, iuuare & alleuamen afflicto conferre conabitur per vsitata Ecclesiæ remedia: de quibus in 111. Parte huius Manualis.

Signa præcipua veri maleficij sunt hæc:

Primò, Si periti Medici non cognoscunt morbum vel malum quo afflictus laborat, nec aliquid certi de illo norint vel possint iudicare, nec remedia conuenientia adhibere, vel si adhibita videantur non solum non prodesse, sed potiùs malum augere.

Secundò, Quòd morbus sit valdè inconstans, & licet periodorum naturam referat, rarò tamen periodos seruet, & licet similis videatur naturalibus morbis, in multis tamen discrepet, vtpote quòd instar naturalium morborum non crescat paulatim, sed statim ab initio, nullis præexistentibus peccantibus humoribus, cum grauissimis symptomatibus & doloribus prodeat: quòd ægrotans grauissimè doleat, in qua tamen parte doleat, referre nequeat: quòd sæpè emittat luctuosa suspiria absque manifesta causa.

Tertiò, solent prætereà veneficio læsi habere oculos constrictos, totam cutem, præcipuè faciem, vt plurimum flauo seu cinereo

14 MANVALIS EXORCISMORVM
nereo colore suffusam, humores desiccatos,
& totius corporis extenuationem & extra-
ordinariam maciem, virium imbecillita-
tem cum summo languore. Omnia mem-
bra videntur habere ligata & constricta,
præsertim cor & os: videntur sibi habere
bolum in orificio stomachi, vel aliquid in-
star boli videtur in guttur ascendere & de-
scendere. Extraordinarias instar acum pun-
cturas sentiunt in corde, vel aliis partibus
corporis. Aliquando cor illis quasi corrodi-
tur, & renes dilacerantur.

Quartò, Solet instar venti frigidissimi,
vel etiam flammæ, per ventrem aliquibus
discurrere cum torsionibus acerbissimis.

Quintò, Solent aliqui ad venerem reddi
impotentes præter naturam.

Sextò, Maleficiati vt plurimum præter
naturam toto corpore extraordinariè exte-
nuantur & debilitantur cum summo lan-
guore, & mentis stupiditate, & variis me-
lancholicis deliriis. Laborant etiam diuersis
febrium generibus, Medicis multum nego-
tii exhibentibus: habent conuulsiones ita
vt epileptici videantur. Aliquando omnes
capitis partes tumescunt, aut talem circa to-
tum corpus sentiunt lassitudinem, vt vix se
mouere possint.

Septimò, Veneficio affecti, sæpè faciem
Sacer-

Sacerdotis vix aspicere valent, oculis saltem intentis, & album oculorum variis modis illis immutatur.

Prudenter & discretè Exorcista desumet indicium veneficij ex signo quod quidam tradunt ; nimirum quòd quando venefica ad visendum ægrotum accedat, statim infirmum ingenti molestia affici, terrore & tremore corripì : si puer sit, statim plorare; oculòsve ad fuscum colorem mutare, vel alias mutationes notabiles in ægrotis obseruari. Si quando illa signa aduertit, cauebit illa indicare parentibus aut amicis, vel aliis assistentibus, ne hinc det occasionem scandali malæ suspicionis, rixæ, odij, aut aliorum incommodorum : ipse autem pro discretionē sua illis vti poterit in suum bonum finem.

Licet præter prædicta signa sumpta ab effectu, & alia considerare sumenda à causa morbi vel mali inflictì; vt si morbus vel malum cœperit ex intentissimo alicuius amore, vel magno & iniquo odio: si præcedentibus maledictis vel minis alicuius suspecti de maleficio, subitò oriatur ; si instrumenta maleficij inueniantur.

Aduertat autem Exorcista, non fore necessarium vt omnia hæc signa in ægro inueniantur, sed sufficere si aliqua pro diuersitate

te

16 MANVALIS EXORCISMORVM
te morbi seu maleficij concurrant, quæ
moralem aliquam certitudinem, vel ma-
gnam probabilitatem dant. Maximè atten-
det ad iudicium Medicorum, qui licet ab-
solutè non iudicent malum esse à maleficio;
si tamen de eo dubitent, hæsitent, & ambi-
gui huc illuc animo agitentur, nec quid-
quam certi de illo norint vel audeant pro-
ferre; in remediis applicandis variant, & ni-
hil solaminis adferant: signum erit esse ve-
neficium operâ dæmonum illatum, modò
saltem concurrant alia signa superiùs po-
sita.

Licet Exorcistæ foret moraliter certum,
aliquem morbū esse à maleficio, vel quem-
piam esse obsessum, non ideò debet reiicere
medicamenta naturalia, vel illa dissuadere;
sed dando primas spiritualibus remediis,
procurabit etiam vt afflictus subinde ex
præscripto Medici vtatur huiusmodi medi-
cinis, quæ corpus eius possunt reddere mi-
nùs aptum vexationibus dæmonum: nam
licet nulla sit naturalis rei corporeæ vis quæ
dæmoni possit præualere, aut directè in il-
lum aliquid agere, teste sacrâ Scripturâ
Iob 41. indirectè tamen & mediatè natura-
lia possunt iuuare contra eius conatus, im-
pediendo vel auferendo dispositiones illas
quibus dæmon delectatur vel vtitur ad no-
cumen-

cumentum, iuxta Lyrā. in 1. Reg. 16. Huiusmodi tamen remediis naturalibus nullo modo se intromiscebit Exorcista, sed illa committet peritis Medicis. sed bonum erit, vt antequam applicentur vel sumantur, prius benedicantur ab Exorcista vel alio Sacerdote, iuxta illud Adriani Papæ I. Elementa quoq; tam ea quæ prædiximus, quàm cetera diuinis apta vsibus, & humanis necessaria infirmitatibus sacrate, infirmos curate, & cetera quæ ad vos pertinent diligenter perficite.

INSTRVCTIO IV.

A quibus Exorcista in adiuratione debeat abstinere: vbi etiam agitur de interrogationibus faciendis vel non faciendis.

IN applicatione Reliquiarum & aliarum rerum sacrarum, maximè Venerabilis Sacramenti, obsessis aut infestatis à dæmone, Exorcista adhibebit debitam reuerentiam & circumspectionem, ne aliqua irreuerentia committatur. Cauebit etiam tam ipse Exorcista quàm afflictus, ne admisceant superstitiones, vel superstitiosè illis abutantur, vel ne maiorem rebus sacratis tribuant efficaciam quàm mater Ecclesia similibus tribuendam docet: vel ne aliquid faciant

18 MANVALIS EXORCISMORVM
vnde diabolus possit sumere occasionem
introducendi in animos circumstantium
errorem circa venerationem Sanctorum,
Reliquiarum, & aliarum rerum sacrarum,
vel imminutionem reuerentiæ & honoris
debiti. Non nisi certis & ab Ordinario ap-
probatis vtetur Reliquiis.

Ipsium Venerabile Sacramentum Eucha-
ristiæ rariùs actu applicabit obsessis, & non
nisi exigente necessitate vel euidenti vtilita-
te; & tunc non nisi cum maxima reueren-
tia & deuotione, adhibitis luminaribus &
sonitu campanulæ, & aliis circa tantum Sa-
cramentum exhiberi solitis.

Tutius erit solùm exponere dictum Sa-
cramentum in altari, & coràm inferiùs an-
te altare obsessos exorcizare.

Abstinebit Exorcista à curiosis, leuibus,
& superfluis actionibus & interrogationi-
bus, solumque ea aget & interrogabit, quæ
putabit necessaria vel multùm expedientia
ad iuuandum afflictum, vel ad repellendum
nocumentum à se vel à circumstantibus,
vel quæ prudenter iudicabit cessura in aug-
mentum gloriæ Dei, & proximorum salu-
tem. Poterit itaque inquirere ex parte Dei,
vtrum sint multi dæmones, vel pauci: vel
quot sint in corpore obsessio: ob quam cau-
sam fuerint ingressi, vt contrarium reme-
dium

dium applicetur: si sint ibidem ex aliquo pacto vel maleficio: si aliquod signum maleficij vel pacti sit datum, vel alibi positum: & similia, quæ prudens Exorcista vel ex discretionem sua, vel aliorum peritorum consilio, iudicabit expedire. Postquam aliquam interrogationem instituerit, non facile desistet, etiamsi dæmon recuset respondere, sed prosequetur legitimis exorcismis extorquere (si Deo placuerit) obedientiam, ne reddatur proteruior contra ministrum Christi spiritus malignus. Nec putabit Exorcista in vocis contentione aut passionum vel affectuum suorum excitatione vim exorcismi consistere, quibus aliqui frustra se fatigant, cum in excitatione fidei, spei, charitatis & deuotionis in Deum præcipue sit elaborandum.

Si quando Exorcista vtetur vel applicabit afflictio aliqua verba sacra, vel ipsam Scripturam sacram, vel Euangeliorum librum, obseruabit ea quæ habentur infra Instruct. 6. & habebit dumtaxat respectum ad ipsa verba sacra & eorum intellectum, & effectum expectabit à Deo auctore & dictatore eorum. Similiter in inuocatione Sanctorum, adhibebit illos & inuocabit tamquam intercessores & patronos nostros, cum fiducia, quod Deus per intercessionem ipsorum ipsum exaudiet & concedet postulata.

INSTRVCTIO V.

*De loco & tempore quibus energumeni
sunt exorcizandi.*

EXORCIZATIO semper vel ordinariè fiat in Ecclesia, vel alio loco Deo sacro: nisi grauis & vrgens causa dicter in domo priuata faciendam.

Arceantur pueri & mulieres, nisi quæ necessariae pro adiutorio & seruitio feminæ exorcizandæ. Item curiosi, mundani & vani homines, in quantum fieri poterit, exemplo Saluatoris Marc. 7. & 8. & Luc. 8.

Exorcista nihil faciat sine testibus siue in Ecclesia, siue in domo priuata, procurabit, quæ ut adsint viri graues & pij, præsertim clerici, Sacerdotes, vel Religiosi, si haberi possint, qui non solum erunt testes sacrarum actionum, sed etiam ipsum iuuabunt orationibus & piis desideriis.

Caueat vmquam ob quemcumque respectum vel causam solus cum sola energumena manere, vel illam exorcizare, etiam si foret senex & decrepita ætate.

An autem dæmoniacy sint publicè & apertis ianuis exorcizandi, vel ianuis clausis, committitur discretioni & prudentiæ Exorcistæ, eò quòd huius decisio sæpè dependeat

ex

ex variis circumstantiis locorum, personarum, & aliarum rerum. Cessantibus incommodis, posset, & forsitan deberet fieri publice apertis ianuis, exemplo Saluatoris & Ecclesiæ, quæ omnes suas functiones sacras palam peragit; eoque magis, quod exorcismus sit actus Ordinis; deinde, quod multa bona spiritualia inde fidelibus proueniant; fides roboretur, Dei misericordia & potestas manifestetur, peccatores ad pœnitentiam & compunctionem moueantur, & multæ aliæ virtutes animis hominum ingenerentur.

Licet hoc charitatis officium possit & debeat omni tempore fieri, necessitate vel charitate proximi afflictæ id exigente; magis tamen opportunum est matutinum, post celebratum Sacrum: & quò dies sunt celebriores, eò frequentius & magis huic operi insistendum.

INSTRVCTIO VI.

De qualitatibus exorcizandorum, & debita preparatione eorumdem.

QUONIAM Exorcista fungitur officio Medici, cuius est non solum applicare pharmaca & medicinas, sed etiam amouere & tollere noxia & impediētia facilem cura-

tionē; non solum debet esse sollicitus vt energumenus vel maleficiatus exorcizetur, sed etiam debet tollere & remouere ea omnia quæ suo fini possunt obstaculum seu remoram iniicere. Proinde aduigilabit vt afflicti non recurrant ad impostores, ariolos, magos, & similes impios homines, néve illis vltro fortè se ingerentibus aliquam fidem adhibeant, vel audiant, nec malum suum facile vicinis vel aliis notis vel ignotis impudent; sed illos monebunt & docebunt exemplo Iob & aliorum Sanctorum, mala sua de manu Dei suscipere, suisque peccatis adscribere, & vt totaliter se resignent in voluntatem misericordissimi Dei, ad patienter ferendam istam afflictionem: eiusque bonitati humiliter supplicent, vt non velit secundum peccata & iniquitates ipsorum ipsis retribuere: & vt ipsos liberare dignetur à malis, si animarum ipsorum saluti expediat. Adhortabitur ne animum despondeant, etiam si statim non exaudiantur, & licitis Ecclesiæ remediis non inuentur; sed vt insistent orationibus, eleemosynis, & aliis piis operibus, cogitantes Deum Opt. Max. etiam ea quæ concedere cupit, sæpè differre ad tempus, tum vt desideria dilatione crescāt, tum etiam ne citò datum vilescat. Studebit quotidie in illis excitare veram & viuam fidem,

hoc

hoc est charitate Dei & proximi vallatam, præbente nobis hoc scutum & loricam hanc Apostolo ad Ephes. 6. & prioris ad Theff. 5. de quibus plura apud Cassianum & Cypr. ad Fortun. de Exhort. martt. Lactant. lib. 2. c. 15. Nazianz. Orat. in Cyp. & alios Patres.

Si afflicti non forent baptizati, vel ritibus Ecclesiæ ante Baptismum adhiberi solitis non exorcizati, curabit Exorcista ante omnia ut iuxta ritum Ecclesiæ baptizentur, vel ut dictæ cærimonie omissæ vel neglectæ suppleantur. Si dubium sit utrum sint baptizati nec ne, baptizentur sub conditione; non tamen id fiat, nisi dubium sit probabile: nam ex leuibus coniecturis id putare non sufficit, ne ad conditionale quidem lauacrum, verbi gratia, tantum quia quis noctu somnians ambulat, vel quia maleficiatus est, non concurrentibus aliis probabilibus indiciis veri dubij. De huius remedij efficacia vide Ecclesiasticas historias, & D. Antonin. Hist. part. 2. tit. 20. cap. 8.

Si non sint confirmati, debent confirmari. Vim huius Sacramenti in deiiciendis satanæ machinationibus docet Lact. lib. 4. Diuin. instit. cap. 27. Nazianz. Orat. 1. in Iulianum.

Adhibebunt frequentem, deuotam, & dolorosam suorum peccatorum confessionem.

24 MANVALIS EXORCISMORVM
nem. Consulatur Beda in 8. cap. Lucæ,
Ioan. Diac. lib. 1. Vitæ S. Gregor. cap. 11. 12.
& 13. & alij.

Sument frequenter cum maxima qua
poterunt animi deuotione & humilitate
sanctissimum Eucharistiæ Sacramentum.
De quo remedio vetusti Patres multa: Cass.
coll. 7. c. 30. & 22. cap. 6. Prosper de Dimi-
dio temp. cap. 6. in Vita D. Bern. lib. 2. c. 3.
Metaph. in Vita S. Auxentij 14. Febr. In dæ-
moniacis tamen habebitur ratio lucidi in-
terualli. Non solum dæmon timet ipsam
actualem perceptionem sanctissimi Sacra-
menti, sed etiam ipsius præsentiam. Proinde
(vt suprà dictum est) licitum, imò expe-
diens erit vt exorcismus fiat in præsentia
Venerabilis Sacramenti, modò id decenter
& reuerenter fieri possit absque dispendio
honoris tanto Sacramento debiti.

Supradictis remediis adiungendum sa-
crum Missæ officium, quod quotidie, si fie-
ri possit, afflicti audient, imò sæpè pro se of-
ferri curabunt in quantum poterunt. De
hoc remedio Augustinus lib. 22. de Ciuit.
Dei c. 8. Metaph. in Vita S. Theod. in April.

Poterit etiam Exorcista vti oleo commu-
ni precibus Ecclesiæ à se vel alio Sacerdote
benedicto. Exempla huius refert Beda in c. 8.
Lucæ, Metaphr. in Vita S. Theod. mense
Ianuar.

Ianuar. & S. Parthenij 7. Februarij, & Auxentij 14. Febr. Sed cauebit à superstitiosis vnctionibus & scandalosis, præcipuè circa feminas.

Excitabit afflictos etiam ad orationis assiduitatem & feruentiam, adiunctis ieiuniis & aliis pietatis & pœnitentiæ operibus, præcipuè eleëmofynis, exemplo & auctoritate Scripturæ sacræ, Matth. 17. & 20. Marc. 9. Tobix 6. & 8. & alibi. Nec contenti erunt propriis & priuatorum precibus; sed curabunt sibi applicari preces publicas Ecclesiæ. Nec ipse Exorcista hac in parte deerit officio suo, sed sedulò pro suis afflictis orabit, sacrificium Missæ offeret, & exorcismos Ecclesiæ sæpiùs applicabit, quorum vsum semper fuisse in Ecclesia constat ex antiquis Patribus, & ex eo quòd in Ecclesia sit Exorcistarum Ordo.

Prætereà assuescent prædicti afflicti reuerenter in corde & ore habere nomen I E S V & MARIÆ: petere opitulationem à beatissima Virgine, Angelo Custode, & à Patronis in quos vel in quas peculiarem solèt habere deuotionem, & ab omnibus Sanctis. Item adhibere & facere quasi ad omne opus signaculum S. Crucis, cuius maxima vis contra diabolum & opera eius, vt patet ex S. Gregorio lib. 3. Dial. c. 7. Chrysostomo

Homil. 8. in Epist. ad Coloss. Lactant. lib. 4. cap. 27. Cypriano Serm. de Passione Domini; ex Vita S. Bernardi lib. 2. cap. 2. & 3. & aliis passim Patribus.

In magno honore habebunt & secum deferent Reliquias Sanctorum, Agnos Dei, & alias res sacras ex consilio Exorcistæ vel Confessarij. De efficacia huius remedij vide D. Hieronymum contra Vigilantium, Chrysostomum in Vita S. Babylæ. Hic cauendum à vanis & superstitiosis cærimoniis, de quibus infra. Habebunt semper in domo Aquam benedictam, eaque sæpius vtentur. Alexander I. in Epist. 1. Epiphanius contra Hæres. 30. Theod. lib. 5. Hist. cap. 21. Ad idem conducit aqua Baptismalis, solita consecrari in Vigiliis Paschæ & Pentecostes.

Palmis de more Ecclesiæ benedictis domos suas ornabunt: cereum benedictum habebunt, eumque accendent & apud se ponent quando dæmon nimium insolescit vel molestior erit: sale & pane benedicto aliisque rebus benedictis libenter vtentur.

Præter piam Reliquiarum gestationem & Agni Dei, antiquitas etiam permittit & suadet religiosam gestationem sacrorum amuletorum, utpote Symboli Apostolorum, Initij Euangelij S. Ioannis, vel particulæ Psalmi alicuius. Sed quia hoc remedium
facile

facile vitiatur aliqua circumstantia mala, vt sit licitum requirit D. Thom. 2. 2. quæst. 96. art. 4. duas condiciones; Prima est, vt piis verbis nihil admisceatur superstitiosi, videlicet vt nō ponatur vis in figura, modo scribendi, vel aliis similibus nihil ad rem spectantibus. Secunda est, vt recta sit intentio gerentis, qua spes omnis dirigitur in Deum, à quo solo effectus sub eius beneplacito expectetur, & illa verba sacra ferant cum illa intentione & in illo sensu sicut Ecclesia permittit. Proinde quia facile in huiusmodi hallucinantur imperitiores, his prætermisissis alia remedia suggeret Exorcista, vel curam animarum gerens: aut ita illos instruet, vt nullum timeatur periculum superstitionis; & prohibebit ne gestent aliqua huiusmodi inuolucra seu breuia inconsulto Confessario, vel Exorcista, vel Pastore, illisque prius tradant examinanda, vtrum non habeant circumstantias parergas tamquam necessarias; qui etiam inquirent de intentione & mente gestantium, & si inutile inueniant adhibitum tamquam necessarium, vel si deprehendant expectari effectum vanum, vel alium à Deo vel ab Ecclesia non intentum, reiicient huiusmodi tamquam superstitiosa. multò magis illis prohibebunt gestare inuenta à superstitiosis & impiis hominibus, qualia

28. MANVALIS EXORCISMORVM
qualia sunt imagines & characteres Astro-
nomici sub certa constellatione fabricati, &
similia vana & noxia, per quæ varios mor-
bos & afflictiones volunt curare: illosque
docebunt quàm hæc sint perniciofa animæ
& corpori, licet aliquando & sæpè multi per
huiusmodi videantur curari à suis malis, Deo
id permittente diabolo, in vindictam super-
stitionis & incredulitatis ipsorum, eò quòd
relictis veris remediis confugiant ad inuen-
ta diabolica, quibus ordinariè etiam si vi-
deantur iuuari, deterius in anima, & sæpius
etiam in corporis sanitate contingit, iuxta
illud Prophetæ Amos cap. 5. Si fugiat vir à
facie leonis, occurret ei vrsus: & si ingre-
diatur domum, mordebit eum coluber.
Sciant longè melius esse Deo propitio ægro-
tare, vel aliam quamuis afflictionem pati,
quàm Deo irato feliciter agere, & tandem
proiici in ignem æternum, exemplo diuitis
epulonis, Lucæ 16.

Non permittet quoque afflictis vt male-
ficium tollant per aliud maleficium, etiam-
si malefica quæ malum intulit, vel alius
quispiam ultro se ad id offerret; memor do-
ctrinæ Apostoli ad Romanos, non esse fa-
cienda mala vt eueniant bona. Possunt ta-
men tam ipsi maleficiati quàm curam eo-
rum gerentes tollere & destruere signa ma-
lefi-

leficij, non solum vbi inuenta casu fuerint, sed etiam eo fine possunt ex professo quæri: imò petere licet à malefica vbi sint posita, illamque inducere & cogere vt ea ostendat vel amoueat, modò moraliter certi sint, quòd non vtetur alio maleficio, vel aliqua alia superstitione, & scandalum cesset.

Si afflicti aliqua vota Deo fecerint, procurabit Exorcista vt ea persoluantur quantocyùs. Poterunt etiam de nouo discretè cum consilio Confessarij vel Exorcistæ Deo aliquod votum emitte, peregrinationem sanctam suscipere, & alia pia pœnalia opera præstare pro cuiusque statu & conditione: constat enim ex Historiis Ecclesiasticis, huiusmodi sæpiùs profuisse.

INSTRVCTIO VII.

De aliis quibusdam, in quibus adhuc instruendi sunt energumeni vel maleficiati.

PRÆTER prædicta, studebit Exorcista suos afflictos auertere à vanitatibus huius sæculi, vt eius pompis & illecebris renuntient, & fugiant consortium hominum peccatis & vanitatibus deditorum, maximè superstitionum & suspectorum commercij cum dæmone. Procurabit illis econtrà conuersationem & familiaritatem bonorum &
pio-

30 MANVALIS EXORCISMORVM
piorum. Docebit illos contemnere minas &
conatus diaboli in nomine Domini I E S V
Christi, memores illius Isaia cap. 8. Timo-
rem eius ne timeatis, neque paueatis: Do-
minum exercituum ipsum sanctificate, ipse
pauor vester, & ipse terror vester.

Quando energumenus aliquis vel male-
ficiatus erit exorcizandus, deponet omnem
superfluum ornatum, & maxima qua pote-
rit humilitate accedet ministrum Christi.
Interim dum adiuratur, habebit animum
compositum & vacuum mundanis curis &
occupationibus, & attentè cum Sacerdote
orabit, vel aliquid de Vita & Passione Do-
mini meditabitur.

Si Deus illos exaudiat, & à suis afflictio-
nibus liberet, grati erunt Deo non solum
sacrificio labiorum, sed vitæ & conscientia
puritate, se à peccatorum maculis conser-
uando, ne alioqui deterius postmodum ip-
sis contingat, prout docet Christus Domi-
nus Lucae 11.

Si non exaudiat Dominus, consolabi-
tur afflictum Sacerdos, & ostendet beni-
gnissimū Deum hoc ita disponere pro ma-
iore ipsius salute, dicēte Apostolo, Virtus in
infirmirate perficitur; & dicet cum B. Iob,
Si bona de manu Dei accepimus, cur non
& mala sustineamus? sicut Domino placuit
ita

ita factum est ; sic nomen Domini benedictum. Interim cum omni patiētia expectet liberationem, si non in hac vita, saltem in futura, cum retributione magna nimis.

Non tamen Exorcista huiusmodi afflictum statim deferet, sed præter bona monita & consolationem, inquireret diligenter si aliunde non sit aliquod impedimentum quò minùs fortè à Deo exaudiantur:

Primò disquireret non solùm, utrùm afflictus habeat firmam & viuam fidem & fiduciam in Deum, sed utrùm etiam ipsius amici & curam eius gerentes cum tali confidentia & fide illum adducant ad Deum & ministrum eius, sicut Christus requirit Matthæi 17. & Marci 9.

Secundò, utrùm in afflictio nihil lateat, non solùm peccatum aliquod occultum, sed vel nimius affectus ad præterita peccata, vel res terrenas.

Tertiò, examinabit se ipsum Exorcista, utrùm omni ex parte satisfecerit conscientia & officio suo, & omnia perfecit & adhibuerit quæ possunt aut debent in simili opere adhiberi. Quo fine sæpiùs & maturè reuidebit instructiones & documenta in hoc Manuali præscripta, & negotium cum doctis & piis Theologis & in hoc genere versatis conferet.

Tan-

Tandem cogitabit, vtrum fortè Deus non cupiat alterius Exorcistæ virtutem notificari; proinde aliquando in huiusmodi casu expediet afflictum remittere ad alium pietate & potestate exorcizandi præditum; vel similes in adiutorium sibi assumet. Quòd si, postquam omnia tentauerit, res ex voto non succedat, committet in patientia occulto iudicio Dei, recepturus nihilominus mercedem post hanc vitam.

INSTRVCTIO VIII.

*De variis technis demonum prænoscendis
& præcauendis.*

EXORCISTA magna cum diligentia & prudentia aduertet & obseruabit omnes & singulas insidias quibus dæmones vtuntur, quando per preces & exorcismos Ecclesiæ vrgentur. Impediet ne ipsum vel circumstantes in peccatum aliquod pertrahant, quod semper conantur: ne ipsorum deuotionem & attentionem per nugas & leuia & obscœna verba, vel per nimios clamores aliaque similia impedian vel perturbent. Proinde quamprimùm supprimet illos Exorcista in virtute Dei, & illis imperabit in nomine I E S V confidenter, vt se contineant & conticescant.

Non-

Nonnumquam, cum feminæ exorcizantur, fingunt se egrè ferre quòd Sacerdos tangat vultum earum, & se simili attactu cruciari simulant, vt tanto sæpius Sacerdotem inducant ad tangendum, & hac ratione Sacerdoti vel exorcizandæ ingerant voluptuosa incitamenta. Sit itaq; Exorcista oculis manibusque & omnibus motibus pudicissimus & cautus, memor spiritus immundos non tam tactum quàm ipsum signum S. Crucis pertimescere. Quòd si aliquando necessariò tangenda sit energumena, illud faciet breuiter & perfunctorie, mente eleuata ad Deum.

Statim ac se malignus spiritus manifesta-uerit in corpore obfesso, interrogabit illum Exorcista breuiter & categoricè quæ necessariò erunt interroganda, illumque coget ad respondendum, nec facilè cedit, etiam si dæmonium reluctetur, sed iteratis adiurationibus & exorcismis instabit, donec extorserit, Deo fauente, responsum. In his obseruabit ea, quæ latius dicta sunt superiùs in 4. Instructione.

Cauebit dictis dæmonis statim adhibere fidem, qui pater mendacij in Scripturis dicitur; sed prudenter perpendet omnia & singula, inuocando gratiam Spiritus sancti pro vera discretionem spirituum.

Quantum in ipso erit, Exorcista nullam dabit requiem dæmoni inter exorcizandum, sed continuè illum vexabit & cruciabit orationibus, lectionibus, & exorcismis; multò minùs cum eodem aliquid extranei tractabit confabulando, vel aliquid aliud ad rem nihil faciens agendo, ne ei interim det tempus reassumendi vires. Considerabit se habere negotium cum capitali & infestissimo hoste.

INSTRVCTIO IX.

De iis qua debet Exorcista obseruare circa & post egressum demonum è corporibus obsessis.

QVANDO Exorcista aduertet dæmonem esse deuictum, & iam eiiciendum Dei potentia & iussu è corpore obsesso, præcipiet eidem ne egrediendo lædat corpus creatum à Deo, sed illud sanum, liberum, ac expeditum ad seruiendum & glorificandum Deo relinquat. Coget dæmonem dare aliquod signū recessus sui cum tota sua damnata societate. Solent enim aliquando aliqui eorum remanere in corpore, & latere aliquo tempore absque vlla vexatione, vt sic decipiant ministrum Dei; proinde Exorcista non erit securus, nisi liquidè illi constet afflictum planè liberatum. Vnde non statim

tim illum deferet, vel sibi relinquet, nec etiam postquam liberatus fuerit, memor moniti Saluatoris Lucae 11. quantas insidias assumpto auxilio ponat, vt vnde cum ignominia eiectus est, denuò possit redire, noscēs tunc posteriora fore peiora prioribus. hinc est quòd liberati maiores sæpè sentiant tentationes postquam liberati fuerint quàm antè. Quare Exorcista vel curam animarum gerens adiuuabit liberatum instruendo & monendo vt vigilet in silentio & orationibus, vt se exerceat in bonis operibus, frequentissimè confiteatur & communice, castè & pudicè viuat, & in omnibus tentationibus & difficultatibus suis, cum discretionē & ædificatione, semper ad prudentem Confessarium habeat recursum.

Solent subinde etiam dæmones, postquā coacti sint egredi, persuadere, personam liberatam numquam fuisse obsessam, vt hac ratione imminuant gloriam Dei, eneruent efficaciam exorcismorum Ecclesiæ, ingerāt varias dubitationes & incredulitates, denique vt reddant liberatum cum suis ingratum erga Deum & ministrum eius. Contra has insidias Exorcista habebit in promptis salutaria monita & instructiones, quibus excitabit tam liberatum quàm alios ad gratiarum actionem, & deteget insidias diabo-

li, qui confusus virtute Christi, conatur deprimere eius potentiam & maiestatem.

Egrediuntur autem dæmones è corporibus obsessis aliquando per os in modum flammæ ignis: aliquando per modum venti: aliquando in forma apum vel formicarum. Aliquando exeunt per aures, & sentiunt energumeni discessum à stomacho, à corde, & ab omnibus partibus corporis sensibilter. Subinde etiam egrediuntur per secessum in similitudinem pilæ quæ in gyrum voluitur, & è corpore eiicitur. Etiam per nares egrediuntur in similitudinem guttæ sanguinis defluentis, aliisque variis modis & signis quæ prudens Exorcista facile aduertet. quibus tamen non statim ita credet, quin exorcismis & aliis Ecclesiæ remediis experietur vtrum non fallat & mentiatur fraudulentus hostis; & diligenter obseruabit, vtrum in energumeno nulla ampliùs deprehendantur signa veri obsessi.

MANVALIS EXORCISMORVM PARS SECVNDA,

*Continens praxim & modum exorcizandi
energumenos seu vexatos aut obsessos
à demone, cum Precibus & Adiura-
tionibus requisitis.*

MODVS EXORCIZANDI
Ex Rituali Romano
PAVLI V. Pont. Max. iussu edito.



SACERDOS, siue alius Exor-
cista ritè confessus, aut saltem
corde peccata sua detestans, per-
aëto, si commodè fieri potest,
sanctissimo Missæ sacrificio, di-
uinoq; auxilio piis precibus implorato, superpel-
liceo & stola violacea, cuius extrema pars ad
obsessi collum circumponatur, indutus, & coram
se habens obsessum ligatum, si fuerit periculum,
eam, se, & astantes communiat signo Crucis,
& aspergat Aqua benedicta, & genibus flexis,
aliis respondentibus, dicat Litanias ordinarias

38 MANVALIS EXORCISMORVM
vsque ad Preces exclusiue. In fine, Antiphona.

Ne reminiscaris Domine delicta nostra,
vel parentum nostrorum, neque vindictam
sumas de peccatis nostris. Pater noster, &c.

Vers. Et ne nos inducas in tentationem.

Resp. Sed libera nos à malo. *Psalmus 53.*

Deus in nomine tuo saluum me fac: &
in veritate tua iudica me.

Deus exaudi orationem meam: auribus
percipe verba oris mei.

Quoniam alieni insurrexerunt aduersum
me, & fortes quæsierunt animam meam: &
non proposuerunt Deum ante conspectum
suum.

Ecce enim Deus adiuuat me: & Dominus
susceptor est animæ meæ.

Auerte mala inimicis meis: & in veritate tua
disperde illos.

Voluntariè sacrificabo tibi: & confitebor
nomini tuo Domine, quoniam bonum est.

Quoniam ex omni tribulatione eripuisti
me: & super inimicos meos despexit oculus
meus. Gloria Patri.

Vers. Saluum fac seruum tuum. *Resp.* Deus
meus sperantem in te. *Vers.* Esto ei Domi-

ne turris fortitudinis. *Resp.* A facie inimici.

Vers. Nil proficiat inimicus in eo. *Resp.* Et
filius iniquitatis non apponat nocere ei.

Vers. Mitte ei Domine auxilium de Sancto.

Resp.

Resp. Et de Sion tuere eum. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

Oratio.

DEus, cui proprium est misereri semper & parcere, suscipe deprecationem nostram, vt hunc famulum tuum [*vel* hanc famulam tuam] quem [*vel* quam] delictorum catena constringit, miseratio tuæ pietatis clementer absoluat. *Oratio.*

Domine sancte, Pater omnipotens, eterne Deus, Pater Domini nostri IESV Christi, qui illum refugam tyrannum & apostatam gehennæ ignibus deputasti, qui-que Vnigenitum tuum in hunc mundum misisti, vt illum rugientem contereret: velociter attēde, accelera, vt eripias hominem ad imaginem & similitudinem tuam creatum, à ruina & dæmonio meridiano. Da Domine terrorem tuum super bestiam, quæ exterminat vineam tuam. Da fiduciam seruis tuis contra nequissimum draconem pugnare fortissimè, ne contemnat sperantes in te, & ne dicat, sicut in Pharaone, qui iam dixit, Deum non noui, nec Israel dimitto. Vrgeat illum dextera tua potens discedere à famulo tuo N. [*vel* à famula tua N.] ✕ ne diutiùs præsumat captiuum tenere, quem

tu ad imaginem tuam facere dignatus es, & in Filio tuo redemisti: qui tecum viuit & regnat, &c. *Resp. Amen.*

Deinde precipiat demoni hunc in modum:

PRæcipio tibi, quicumque es, spiritus im-
munde, & omnibus sociis tuis hunc Dei
famulum obsidentibus, vt per mysteria In-
carnationis, Passionis, Resurrectionis, & Ad-
scensionis Domini nostri IESV Christi,
per missionem Spiritus sancti, & per aduen-
tum eiusdem Domini nostri ad iudicium,
dicas mihi nomen tuum, diem, & horam
exitus tui, cum aliquo signo, & vt mihi Dei
ministro, licet indigno, prorsus in omnibus
obedias: neque hanc creaturam Dei, vel
circumstantes, aut eorum bona vlllo modo
offendas.

*Deinde legantur super obsessum hæc Euan-
gelia, vel vnum, aut alterum.*

Lectio sancti Euangelij secundum Ioannem.
*Hæc dicens signat se & obsessum in fronte, ore,
& pectore.*

Ioan. 1.

IN principio erat Verbum: & Verbum
erat apud Deum: & Deus erat Verbum.
Hoc erat in principio apud Deum. Omnia
per ipsum facta sunt: & sine ipso factum est
nihil. Quod factum est, in ipso vita erat: &
vita erat lux hominum: & lux in tenebris
lucet, & tenebræ eam non comprehende-
runt.

runt. Fuit homo missus à Deo, cui nomen erat Ioannes. Hic venit in testimonium, vt testimonium perhiberet de lumine: vt omnes crederent per illum. Non erat ille lux: sed vt testimonium perhiberet de lumine. Erat lux vera, quæ illuminat omnem hominem venientem in hunc mūdum. In mundo erat: & mundus per ipsum factus est: & mundus eum non cognouit. In propria venit: & sui eum non receperunt. Quotquot autem receperunt eum, dedit eis potestatem filios Dei fieri: his, qui credunt in nomine eius. Qui non ex sanguinibus, neque ex voluntate carnis, neque ex voluntate viri: sed ex Deo nati sunt. E T V E R B U M C A R O F A C T U M E S T: & habitauit in nobis, (& vidimus gloriam eius, gloriam quasi vnigeniti à Patre,) plenum gratiæ & veritatis. *Resp.* Deo gratias.

Lectio sancti Euangelij secundum Marcum. *Marc. 16.*

IN illo tempore: dixit I E S V S discipulis suis: Euntes in mundum vniuersum, prædicate Euangelium omni creaturæ. Qui crediderit, & baptizatus fuerit, saluus erit: qui verò non crediderit, condemnabitur. Signa autem eos, qui crediderint, hæc sequentur. In nomine meo dæmonia eiicient: linguis loquentur nouis: serpentes tollent, & si

42 MANVALIS EXORCISMORVM
mortiferum quid biberint, non eis nocebit:
super ægros manus imponent, & benè ha-
bebunt.

Lectio sancti Euangelij secundum

Lucam.

Luc. 10.

IN illo tempore: Reuersi sunt septuaginta
duo cum gaudio dicentes ad IESVM:
Domine, etiam dæmonia subiiciuntur no-
bis in nomine tuo. Et ait illis: Videbam sa-
tanam sicut fulgur de cælo cadentem. Ecce
dedi vobis potestatem calcandi supra ser-
pentes, & scorpiones, & super omnem vir-
tutem inimici, & nihil vobis nocebit: ve-
rumtamen in hoc nolite gaudere, quia spiri-
tus vobis subiiciuntur: gaudete autem, quòd
nomina vestra scripta sunt in cælis.

Lectio sancti Euangelij secundum

Lucam.

Luc. 11.

IN illo tempore: Erat IESVS eiiciens
dæmonium, & illud erat mutum. Et cùm
eiecisset dæmonium, locutus est mutus, &
admiratæ sunt turbæ. Quidam autem ex
eis dixerunt: In Beelzebub principe dæmo-
niorum eiicit dæmonia. Et alij tentantes
signum de cælo quærebant ab eo. Ipse au-
tem vt vidit cogitationes eorum, dixit eis:
Omne regnum in se ipsum diuisum deso-
labitur, & domus supra domum cadet. Si
autem & satanas in seipsum diuisus est, quo-
modo

modo stabit regnum eius? quia dicitis in Beelzebub me eiicere dæmonia. Si autem ego in Beelzebub eiicio dæmonia, filij vestri in quo eiiciunt? ideo ipsi iudices vestri erūt. Porro si in digito Dei eiicio dæmonia, profectò peruenit in vos regnum Dei. Cùm fortis armatus custodit atrium suum, in pace sunt ea quæ possidet: si autem fortior eo superueniens vicerit eum, vniuersa arma eius auferet, in quibus confidebat, & spolia eius distribuet. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo. Oremus.

OMnipotens Domine, Verbum Dei Patris, Christe I E S V, Deus & Dominus vniuersæ creaturæ, qui sanctis Apostolis tuis dedisti potestatem calcandi super serpentes & scorpiones, qui inter cetera mirabilium tuorum præcepta dignatus es dicere, Dæmones effugate: cuius virtute motus tamquam fulgur de cælo satanas cecidit: tuum sanctum nomen cum timore & tremore suppliciter deprecor, vt indignissimo mihi seruo tuo, data venia omnium delictorum meorum, constantem fidem, & potestatem donare digneris: vt hunc crudelem dæmonem, brachij tui sancti munitus potentia, fidenter & securus aggrediar, per te
I E S V

IESV Christe Domine Deus noster, qui venturus es iudicare viuos & mortuos, & sæculum per ignem. *Resp.* Amen.

Deinde muniens se & obsessum signo Crucis, circumposita parte stolæ ad collum eius, & dextera manu sua capiti eius imposita, constanter & magna cum fide dicat ea quæ sequuntur.

Vers. Ecce Crucem Domini, fugite partes aduersæ. *Resp.* Vicit leo de tribu Iuda, radix Dauid. *Vers.* Dñe exaudi orationem meam.

Resp. Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

Oratio.

DEus, & Pater Domini nostri IESV Christi, inuoco nomen sanctum tuum, & clementiam tuam supplex exposco, vt aduersus hunc, & omnem immundum spiritum, qui vexat hoc plasma tuum, mihi auxilium præstare digneris. Per eundem Dominum nostrum IESVM Christum filium tuum, qui tecum viuit & regnat in vnitate Spiritus sancti Deus, per omnia sæcula sæculorum. *Resp.* Amen.

EXORCISMVS.

EXorcizo te, immundissime spiritus, omnis incurio aduersarij, omne phantasma, omnis legio, in nomine Domini nostri IESV Christi ✕ eradicare, & effugare ab hoc plasmate Dei. ✕ Ipse tibi imperat, qui

te

te de supernis cælorum in inferiora terræ demergi præcepit. Ipse tibi imperat, qui mari, ventis, & tempestatibus imperavit. Audi ergo, & time satana, inimice fidei, hostis generis humani, mortis adductor, vitæ raptor, iustitiæ declinator, malorum radix, fomes vitiorum, seductor hominum, proditor gentium, incitator inuidiæ, origo auaritiæ, causa discordiæ, excitator dolorû. Quid stas, & resistis, cùm scias Christum Dominum vires tuas perdere? illum metue, qui in Isaac immolatus est, in Ioseph venundatus, in agno occisus, in homine crucifixus, deinde inferni triumphator fuit. *Sequentes Cruces fiant in fronte obseßi.* Recede ergo in nomine Patris ✚, & Filij ✚, & Spiritus ✚ sancti, da locum Spiritui sancto, per hoc signum ✚ Crucis I E S V Christi Domini nostri. Qui cum Patre & eodem Spiritu sancto vivit & regnat Deus per omnia sæcula sæculorum. *Resp.* Amen. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

Oratio.

DEus conditor & defensor generis humani, qui hominẽ ad imaginem tuam formasti: respice super hũc famulũ tuum N. [*vel* hanc famulam tuam N.] qui [*vel* quæ] dolis

dolis immundi spiritus appetitur, quem vetus aduersarius, antiquus hostis terræ, formidinis horrore circumuolat, & sensum mentis humanæ stupore defigit, terrore conturbat, & metu trepidi timoris exagitat. Repelle Domine virtutem diaboli, fallacesque eius insidias amoue, procul impius tentator aufugiat: sit nominis tui signo ✝ (*in fronte*) famulus tuus munitus, & in anima tutus & corpore.

Tres Cruces sequentes fiant in pectore demoniaci.

Tu pectoris ✝ huius interna custodias. Tu viscera ✝ regas. Tu ✝ cor confirmes. In anima aduersatricis potestatis tentamenta euanescent. Da Domine ad hanc inuocationem sanctissimi nominis tui gratiam, vt qui hucusque terrebat, territus aufugiat, & victus abscedat, tibi que possit hic famulus tuus, & corde firmatus, & mente sincerus debitum præbere famulatum. Per Dominum nostrum IESVM Christum filium tuum, qui tecum, &c. *Resp. Amen.*

EXORCISMVS.

A Diuro te serpens antique, per Iudicem viuorum & mortuorum, per factorem tuum, per factorem mundi, per eum qui habet potestatem mittendi te in gehennam, vt ab hoc famulo Dei N. qui ad Ecclesiæ sinum

finum recurrit, cum metu & exercitu furoris tui festinus discedas. Adiuro te iterum ✝ (*in fronte*) non mea infirmitate, sed virtute Spiritus sancti, ut exeas ab hoc famulo Dei N. quem omnipotens Deus ad imaginem suam fecit. Cede igitur, cede non mihi, sed ministro Christi. Illius enim te urget potestas, qui te Cruci suæ subiugavit. Illius brachium contremisce, qui devictis gemitibus inferni, animas ad lucem perduxit. Sit tibi terror corpus hominis ✝, (*in pectore*) sit tibi formido imago Dei ✝ (*in fronte*.) Non resistas, nec moreris discedere ab homine isto, quoniam complacuit Christo in homine habitare. Et ne contemnendum putes, dum me peccatorem nimis esse cognoscis. Imperat tibi Deus ✝. Imperat tibi maiestas Christi ✝. Imperat tibi Deus Pater ✝, imperat tibi Deus Filius ✝, imperat tibi Deus Spiritus ✝ sanctus. Imperat tibi sacramentum Crucis ✝. Imperat tibi fides sanctorum Apostolorum Petri & Pauli, & ceterorum Sanctorum ✝. Imperat tibi Martyrum sanguis ✝. Imperat tibi continentia Confessorum ✝. Imperat tibi pia Sanctorum & Sanctarum omnium intercessio ✝. Imperat tibi Christianæ fidei mysteriorum virtus ✝. Exi ergo transgressor, Exi seductor, plene omni dolo & fallacia,

vir-

48 MANVALIS EXORCISMORVM
virtutis inimice, innocentium persecutor. Da
locum dirissime; da locum impiissime; da
locum Christo, in quo nihil inuenisti de
operibus tuis, qui te spoliauit, qui regnum
tuum destruxit, qui te victum ligauit, & vasa
tua diripuit, qui te proiecit in tenebras ex-
teriores, vbi tibi cum ministris tuis erit præ-
paratus interitus. Sed quid truculente reni-
teris? quid temerarie detrectas? Reus es om-
nipotenti Deo, cuius statuta transgressus es.
Reus es Filio eius IESV Christo Domino
nostro, quem tentare ausus es, & crucifige-
re præsumpsisti. Reus es humano generi, cui
tuis persuasionibus mortis venenum propi-
nasti.

Adiuuro ergo te, draco nequissime, in no-
mine Agni ✚ immaculati, qui ambulauit
super aspidem & basiliscum, qui conculca-
uit leonem & draconem, vt discedas ab hoc
homine ✚, (*fiat in fronte*) discedas ab Ec-
clesia Dei ✚, (*fiat signum Crucis super cir-
cumstantes*) contremisce, & effuge, inuoca-
to nomine Domini illius, quem inferi tre-
munt, cui Virtutes cælorum, & Potestates,
& Dominationes subiectæ sunt, quem Che-
rubim & Seraphim indefessis vocibus lau-
dant dicentes, Sanctus, Sanctus, Sanctus,
Dominus Deus sabaoth. Imperat tibi Ver-
bum ✚ caro factum. Imperat tibi natus ✚ ex
Vir-

Virgine. Imperat tibi I E S V S ✠ Nazare-
nus, qui te, cū discipulos eius contemne-
res, elisum atque prostratum exire præcepit
ab homine; quo præsentē, cū te ab homi-
ne separasset, nec porcorum gregem ingre-
di præsumebas. Rēcede ergo nunc adiura-
tus in nomine ✠ eius ab homine, quem ipse
plasmavit. Durum est tibi velle resistere ✠.
Durum est tibi contra stimulum calcitra-
re ✠. Quia quantō tardiū exis, tantō magis
tibi supplicium crescit; quia non homines
contemnis, sed illum, qui dominatur viuo-
rum & mortuorum, qui venturus est iu-
dicare viuos & mortuos, & sæculum per
ignem *Resp.* Amen. *Vers.* Domine exaudi
orationem meam. *Resp.* Et clamor meus ad
te veniat. *Vers.* Dominus vobiscum. *Resp.* Et
cum spiritu tuo. Oremus.

Deus cæli, Deus terræ, Deus Angelo-
rum, Deus Archāgelorum, Deus Pro-
phetarum, Deus Apostolorum, Deus Mar-
tyrum, Deus Virginum, Deus qui potesta-
tem habes donare vitam post mortem, re-
quiem post laborem, quia nō est alius Deus
præter te, nec esse poterit verus, nisi tu crea-
tor cæli & terræ, qui verus Rex es, & cuius
Regni non erit finis; humiliter maiestati
gloriæ tuæ supplico, vt hunc famulum tuum
de immūdis spiritibus liberare digneris. Per

D

Chri-

50 MANVALIS EXORCISMORVM
Christum Dominum nostrum. *Resp.* Amen.

EXORCISMVS.

A Diuro ergo te, omnis immundissime spiritus, omne phantasma, omnis incurfio satanæ, in nomine I E S V Christi ✝ Nazareni, qui post lauacrum Iordanis in desertum ductus est, & te in tuis sedibus vicit, vt quem ille de limo terræ ad honorem gloriæ suæ formauit, tu delinas impugnare: & in homine miserabili non humanam fragilitatem, sed imaginem omnipotentis Dei contremiscas. Cede ergo Deo ✝, qui te & malitiam tuam in Pharaone, & in exercitu eius per Moysen seruum suum in abyssum demersit. Cede Deo ✝, qui te per fidelissimum seruum suum Dauid de Rege Saule spiritualibus canticis pulsus fugauit. Cede Deo ✝, qui te in Iuda Iscariote proditore damnauit. Ille enim te diuinis ✝ verberibus tangit, in cuius conspectu cum tuis legionibus tremens & clamans dixisti: Quid nobis & tibi I E S V Fili Dei altissimi? Venisti huc ante tempus torquere nos? Ille te perpetuis flammis vrget, qui in fine temporum dicturus est impiis: Discedite à me maledicti in ignem æternum, qui paratus est diabolo & angelis eius. Tibi enim impie, & angelis tuis vermes erunt, qui numquam morientur. Tibi & angelis tuis inextinguibile præparatur

tur incendium , quia tu es princeps maledicti homicidij ; tu auctor incestus, tu sacrilegorum caput, tu actionum pessimarum magister : tu hæreticorum doctor, tu totius ob-scœnitatis inuentor. Exi ergo ✠ impie, exi ✠ scelerate , exi cum omni fallacia tua , quia hominem templum suum esse voluit Deus. Sed quid diutiùs moraris hîc? Da honorem Deo Patri omnipotenti ✠ , cui omne genu flectitur. Da locum Domino I E S V Chri-sto ✠ , qui pro homine sanguinẽ suum sacratissimum fudit. Da locum Spiritui ✠ sancto, qui per beatum Apostolum suum Petrum te manifestè strauit in Simone Mago: qui fallaciã tuam in Anania & Saphira condẽnauit, qui te in Herode Rege honorẽ Deo nõ dante percussit; qui te in Mago Elyma per Apostolum suũ Paulum cæcitatis caligine perdidit, & per eundem de Pythonissa verbo imperans exire præcepit. Discede ergo nunc ✠ , discede ✠ seductor. Tibi eremus sedes est. Tibi habitatio serpens est: humiliare & prosternere. Iam non est differendi tempus. Ecce enim dominator Dominus proximat citò , & ignis ardebit ante ipsum , & præcedet, & inflàmabit in circuitu inimicos eius. Si enim hominem fefelleris, Deum non poteris irridere. Ille te eiicit, cuius oculis nihil occultum est. Ille te expellit , cuius virtuti

52 MANVALIS EXORCISMORVM
vniuersa subiecta sunt. Ille te excludit, qui
tibi & angelis tuis præparauit æternam ge-
hennam; de cuius ore exhibit gladius acutus,
qui venturus est iudicare viuos & mortuos,
& sæculum per ignem. *Resp. Amen.*

*Predicta omnia, quatenus opus fuerit, repeti
possunt, donec obsessus sit omnino liberatus.*

*Iuuabit præterea plurimum, hæc quæ infra
notantur, super obsessum deuotè dicere, sæpèque
repetere.*

Pater noster, &c. Ave Maria, &c. Cre-
do, &c.

Canticum beatæ Mariæ Virginis. Luc. I.

Magnificat: anima mea Dominum.
Et exultauit spiritus meus: in Deo
salutari meo.

Quia respexit humilitatem ancillæ suæ:
ecce enim ex hoc beatam me dicent om-
nes generationes.

Quia fecit mihi magna, qui potens est:
& sanctum nomen eius.

Et misericordia eius à progenie in pro-
genies: timentibus eum.

Fecit potentiam in brachio suo: dispersit
superbos mente cordis sui.

Deposuit potentes de sede: & exaltauit
humiles.

Esurientes impleuit bonis: & diuites di-
misit inanes.

Susce-

Suscepit Israel puerum suum : recordatus misericordiæ suæ.

Sicut locutus est ad patres nostros: Abraham, & semini eius in sæcula. Gloria Patri.

Canticum Zacharia. Luca 1.

Benedictus Dominus Deus Israel : quia visitauit, & fecit redemptionem plebis suæ.

Et erexit cornu salutis nobis : in domo Dauid pueri sui.

Sicut locutus est per os sanctorum : qui à sæculo sunt, prophetarum eius.

Salutem ex inimicis nostris : & de manu omnium, qui oderunt nos.

Ad faciendam misericordiam cum patribus nostris : & memorari testamenti sui sancti.

Iusiurandum quod iurauit ad Abraham patrem nostrum : daturum se nobis.

Vt sine timore de manu inimicorum nostrorum liberati : seruiamus illi.

In sanctitate & iustitia coram ipso : omnibus diebus nostris.

Et tu puer, propheta Altissimi vocaberis : præbis enim ante faciem Domini, parare vias eius.

Ad dandam scientiam salutis plebi eius : in remissionem peccatorum eorum.

Per viscera misericordiæ Dei nostri : in

§4 MANVALIS EXORCISMORVM
quibus visitauit nos oriens ex alto.

Illuminare his qui in tenebris & in vmbra mortis sedent : ad dirigendos pedes nostros in viam pacis. Gloria Patri.

Symbolum sancti Athanasij.

Qicumque vult saluus esse : ante omnia opus est vt teneat Catholicam fidem.

Quam nisi quisque integram inuiolatamque seruauerit : absque dubio in æternum peribit.

Fides autem Catholica hæc est, vt vnum Deum in Trinitate : & Trinitatem in vnitare veneremur.

Neque confundentes personas : neque substantiam separantes.

Alia est enim persona Patris, alia Filij : alia Spiritus sancti.

Sed Patris, & Filij, & Spiritus sancti vna est diuinitas : æqualis gloria, coæterna maiestas.

Qualis Pater, talis Filius : talis Spiritus sanctus.

Increatus Pater, increatus Filius ; increatus Spiritus sanctus.

Immensus Pater, immensus Filius : immensus Spiritus sanctus.

Æternus Pater, æternus Filius : æternus Spiritus sanctus.

Et

Et tamē non tres æterni: sed vnus æternus.

Sicut non tres increati, nec tres immensi: sed vnus increatus, & vnus immensus.

Similiter omnipotens Pater, omnipotens Filius: omnipotens Spiritus sanctus.

Et tamen non tres omnipotentes: sed vnus omnipotens.

Ita Deus Pater, Deus Filius: Deus Spiritus sanctus.

Et tamen non tres Dij: sed vnus est Deus.

Ita Dominus Pater, Dominus Filius: Dominus Spiritus sanctus.

Et tamen non tres Domini: sed vnus est Dominus.

Quia sicut singillatim vnamquamq; personam Deum ac Dominum confiteri Christiana veritate compellimur: ita tres Deos, aut Dominos dicere, Catholica religione prohibemur.

Pater à nullo est factus: nec creatus, nec genitus.

Filius à Patre solo est: non factus, nec creatus, sed genitus.

Spiritus sanctus à Patre & Filio: non factus, nec creatus, nec genitus, sed procedēs.

Vnus ergo Pater, non tres Patres, vnus Filius, non tres Filij: vnus Spiritus sanctus, non tres Spiritus sancti.

Et in hac Trinitate nihil prius aut poste-

56 MANVALIS EXORCISMORVM
rius, nihil maius aut minus: sed totæ tres
personæ coæternæ sibi sunt & coæquales.

Ita vt per omnia, sicut iam suprâ dictum
est, & vnitas in Trinitate: & Trinitas in vni-
tate veneranda sit.

Qui vult ergo saluus esse: ita de Trini-
tate sentiat.

Sed necessarium est ad æternam salutem:
vt incarnationem quoque Domini nostri
I E S V Christi fideliter credat.

Est ergo fides recta, vt credamus & con-
fiteamur: quia Dominus noster I E S V S Chri-
stus Dei Filius, Deus & homo est.

Deus est ex substantia Patris ante sæcula
genitus: & homo est ex substantia matris in
sæculo natus.

Perfectus Deus, perfectus homo: ex ani-
ma rationali, & humana carne subsistens.

Æqualis Patri secundum diuinitatem:
minor Patre secundum humanitatem.

Qui licet Deus sit, & homo: non duo ta-
men, sed vnus est Christus.

Vnus autem non conuersione diuinitatis
in carnem: sed assumptione humanitatis
in Deum.

Vnus omnino non confusione substan-
tiæ: sed vnitæ personæ.

Nā sicut anima rationalis & caro vnus est
homo: ita Deus & homo vnus est Christus.

Qui

Qui passus est pro salute nostra, descendit ad inferos: tertia die resurrexit à mortuis.

Ascendit ad cælos, sedet ad dexteram Dei Patris omnipotentis: inde venturus est iudicare viuos & mortuos.

Ad cuius aduentum omnes homines resurgere habent cum corporibus suis: & redituri sunt de factis propriis rationem.

Et qui bona egerunt, ibunt in vitam æternam: qui verò mala, in ignem æternum.

Hæc est fides Catholica: quam nisi quisque fideliter firmiterque crediderit, saluus esse non poterit. Gloria Patri. *Psalmus 90.*

Qui habitat in adiutorio Altissimi: in protectione Dei cæli commorabitur.

Dicet Domino, Susceptor meus es tu, & refugiū meum: Deus meus, sperabo in eum.

Quoniam ipse liberauit me de laqueo venantium: & à verbo aspero.

Scapulis suis obumbrabit tibi: & sub penis eius sperabis.

Scuto circumdabit te veritas eius: non timebis à timore nocturno.

A sagitta volante in die, à negotio perambulante in tenebris: ab incurfu, & dæmonio meridiano.

Cadent à latere tuo mille, & decem millia à dextris tuis: ad te autem non appropinquabit.

Verumtamen oculis tuis considerabis : & retributionem peccatorum videbis.

Quoniam tu es Domine spes mea: altissimum posuisti refugium tuum.

Non accedet ad te malum : & flagellum non appropinquabit tabernaculo tuo.

Quoniam Angelis suis mandauit de te: vt custodiant te in omnibus viis tuis.

In manibus portabunt te: ne fortè offendas ad lapidem pedem tuum.

Super aspidem & basiliscum ambulabis: & conculcabis leonem & draconem.

Quoniam in me sperauit, liberabo eum: protegam eum, quoniam cognouit nomen meum.

Clamabit ad me, & ego exaudiam eum: cum ipso sum in tribulatione, eripiam eum, & glorificabo eum.

Longitudine dierum replebo eum, & ostendam illi salutare meum.

Gloria Patri.

Psalmus 67.

EXurgat Deus, & dissipetur inimici eius: & fugiant, qui oderunt eum, à facie eius.

Sicut deficit fumus, deficient: sicut fluit cera à facie ignis, sic pereant peccatores à facie Dei.

Et iusti epulentur, & exultent in conspectu Dei: & delectentur in lætitia.

Cantate Deo, psalmum dicite nomini eius:
iter

iter facite ei qui ascendit super occasum,
Dominus nomen illi.

Exultate in conspectu eius: turbabuntur
à facie eius, patris orphanorum, & iudicis
viduarum.

Deus in loco sancto suo: Deus, qui inha-
bitare facit vnus moris in domo.

Qui educit vinctos in fortitudine: simi-
liter eos qui exasperant, qui habitant in se-
pulchris.

Deus cùm egredereris in conspectu po-
puli tui: cùm pertransires in deserto.

Terra mota est, etenim cæli distillauerunt
à facie Dei Sinai: à facie Dei Israel.

Pluuiam voluntariam segregabis Deus
hereditati tuæ, & infirmata est: tu verò per-
fecisti eam.

Animalia tua habitabunt in ea: parasti in
dulcedine tua pauperi Deus.

Dominus dabit verbum euangelizanti-
bus: virtute multa.

Rex virtutum dilecti dilecti: & speciei
domus diuidere spolia.

Si dormiatis inter medios cleros, pennæ
columbæ deargentatæ: & posteriora dorsi
eius in pallore auri.

Dum discernit cælestis reges super eam,
niue dealbabuntur in Selmon: mons Dei,
mons pinguis.

Mons

Mons coagulatus, mons pinguis: vt quid
fuspiciamini montes coagulatos?

Mons, in quo beneplacitum est Deo ha-
bitare in eo: etenim Dominus habitabit in
finem.

Currus Dei decem millibus multiplex,
millia lætantium: Dominus in eis in Sina in
sancto.

Ascendisti in altum, cepisti captiuitatem:
accepisti dona in hominibus.

Etenim non credentes: inhabitare Domi-
num Deum.

Benedictus Dominus die quotidie: pro-
sperum iter faciet nobis Deus salutarium
nostrorum.

Deus noster, Deus saluos faciendi: &
Domini Domini exitus mortis.

Verumtamen Deus confringet capita ini-
micorum suorum: verticem capilli peram-
bulantium in delictis suis.

Dixit Dominus, Ex Bafan conuertam:
conuertam in profundum maris.

Vt intingatur pes tuus in sanguine: lin-
gua canum tuorum ex inimicis ab ipso.

Viderunt ingressus tuos Deus: ingressus
Dei mei, regis mei, qui est in sancto.

Præuenerunt principes coniuncti psal-
lentibus: in medio iuencularum tympa-
nistriarum.

In ecclesiis benedicite Deo Domino : de fontibus Israel.

Ibi Benjamin adolescentulus : in mentis excessu.

Principes Iuda, duces eorum : principes Zabulon, principes Nephthali.

Manda Deus virtuti tuæ : confirma hoc Deus, quod operatus es in nobis.

A templo tuo in Ierusalem : tibi offerent reges munera.

Increpa feras arundinis , congregatio taurorum in vaccis populorum : vt excludant eos, qui probati sunt argento.

Dissipa gentes , quæ bella volunt, venient legati ex Ægypto : Æthiopia præueniet manus eius Deo.

Régna terræ cantate Deo : psallite Domino.

Psallite Deo , qui ascendit super cælum cæli : ad Orientem.

Ecce dabit voci suæ vocem virtutis , date gloriam Deo super Israel : magnificentia eius, & virtus eius in nubibus.

Mirabilis Deus in Sanctis suis, Deus Israel ipse dabit virtutem & fortitudinem plebi suæ : benedictus Deus.

Gloria Patri, & Filio.

Psalmus 69.

DEus in adiutorium meum intende : Domine ad adiuuandum me festina.

Con-

Confundantur & reuereantur: qui quæ-
runt animam meam.

Auertantur retrorsum, & erubescant: qui
volunt mihi mala.

Auertantur statim erubescences: qui di-
cunt mihi, Euge, euge.

Exultent & lætentur in te omnes qui quæ-
runt te: & dicant semper, Magnificetur
Dominus, qui diligunt salutare tuum.

Ego verò egenus & pauper sum: Deus ad-
iuua me.

Adiutor meus, & liberator meus es tu:
Domine ne moreris.

Gloria Patri.

Psalmus 53.

DEus in nomine tuo saluum me fac: &
in virtute tua iudica me.

Deus exaudi orationem meam: auribus
percipe verba oris mei.

Quoniam alieni insurrexerunt aduersum
me, & fortes quæsierunt animam meam: &
non proposuerunt Deum ante conspectum
suum.

Ecce enim Deus adiuuat me: & Dominus
susceptor est animæ meæ.

Auerte mala inimicis meis: & in veritate
tua disperde illos.

Voluntariè sacrificabo tibi: & confitebor
nomini tuo Domine, quoniam bonum est.

Quoniam ex omni tribulatione eripuisti
me;

me: & super inimicos meos despexit oculus meus.

Gloria Patri, & Filio.

Psalms 117.

Confitemini Domino quoniam bonus: quoniam in sæculum misericordia eius.

Dicat nunc Israel quoniam bonus: quoniam in sæculum misericordia eius.

Dicat nunc domus Aaron: quoniam in sæculum misericordia eius.

Dicant nunc qui timent Dominum: quoniam in sæculum misericordia eius.

De tribulatione inuocaui Dominum: & exaudiuit me in latitudine Dominus.

Dominus mihi adiutor: non timebo quid faciat mihi homo.

Dominus mihi adiutor: & ego despiciam inimicos meos.

Bonum est confidere in Domino: quàm confidere in homine.

Bonum est sperare in Domino: quàm sperare in principibus.

Omnes gentes circuierunt me: & in nomine Domini quia ultus sum in eos.

Circumdantes circumdederunt me: & in nomine Domini quia ultus sum in eos.

Circumdederunt me sicut apes, & exarserunt sicut ignis in spinis: & in nomine Domini quia ultus sum in eos.

Im-

Impulsus euersus sum vt caderem: & Dominus suscepit me.

Fortitudo mea, & laus mea Dominus: & factus est mihi in salutem.

Vox exultationis & salutis: in tabernaculis iustorum.

Dextera Domini fecit virtutem, dextera Domini exaltauit me: dextera Domini fecit virtutem.

Non moriar, sed viuam: & narrabo opera Domini.

Castigans castigauit me Dominus: & morti non tradidit me.

Aperite mihi portas iustitiæ, ingressus in eas confitebor Domino: hæc porta Domini, iusti intrabunt in eam.

Confitebor tibi quoniam exaudisti me: & factus es mihi in salutem.

Lapidem, quem reprobauerunt ædificantes: hic factus est in caput anguli.

A Domino factum est istud: & est mirabile in oculis nostris.

Hæc est dies quam fecit Dominus: exultemus & lætemur in ea.

O Domine, saluum me fac, ô Domine benè prosperare: benedictus qui venit in nomine Domini.

Benediximus vobis de domo Domini: Deus Dominus, & illuxit nobis.

Con-

Constituete diem solemnem in condensis: vsque ad cornu altaris.

Deus meus es tu, & confitebor tibi: Deus meus es tu, & exaltabo te.

Confitebor tibi quoniam exaudisti me: & factus es mihi in salutem.

Confitemini Domino quoniam bonus: quoniam in sæculum misericordia eius.

Gloria Patri.

Psalmus 34.

Iudica Domine nocentes me: expugna impugnantes me.

Apprehende arma & scutum: & exurge in adiutorium mihi.

Effunde frameam, & conclude aduersus eos, qui persequuntur me: dic animæ meæ, Salus tua ego sum.

Confundantur & reuereantur: querentes animam meam.

Auertantur retrorsum, & confundantur: cogitantes mihi mala.

Fiant tamquam pulvis ante faciem venti: & Angelus Domini coartans eos.

Fiat via illorum tenebræ & lubricum: & Angelus Domini persequens eos.

Quoniam gratis absconderunt mihi interitum laquei sui: superuacue exprobrauerunt animam meam.

Veniat illi laqueus quem ignorat, & captio
E quam

quam abscondit, apprehendat eum: & in laqueum cadat in ipsum.

Anima autem mea exultabit in Domino: & delectabitur super salutari suo.

Omnia ossa mea dicent: Domine, quis similis tibi?

Eripiens inopem de manu fortiorum eius: egenum & pauperem à diripientibus eum.

Surgentes testes iniqui: quæ ignorabam, interrogabant me.

Retribuebant mihi mala pro bonis: sterilitatem animæ meæ.

Ego autem cùm mihi molesti essent: induebar cilicio.

Humiliabam in ieiunio animam meam: & oratio mea in sinu meo conuertetur.

Quasi proximum, & quasi fratrem nostrum, sic complacebam: quasi lugens & contristatus sic humiliabar.

Et aduersum me lætati sunt, & conuenerunt: congregata sunt super me flagella, & ignoravi.

Dissipati sunt, nec compuncti, tentaerunt me, subsannauerunt me subsannatione: frenduerunt super me dentibus suis.

Domine, quando respicies? restitue animam meam à malignitate eorum, à leonibus vnicam meam.

Con-

Confitebor tibi in ecclesia magna: in populo graui laudabo te.

Non supergaudeant mihi qui aduersantur mihi iniquè: qui oderunt me gratis, & annuunt oculis.

Quoniam mihi quidem pacificè loquebantur: & in iracundia terræ loquentes, dolos cogitabant.

Et dilatauerunt super me os suum: dixerunt, Euge, euge, viderunt oculi nostri.

Vidisti Domine, ne fileas: Domine ne discedas à me.

Exurge, & intende iudicio meo: Deus meus & Dominus meus in causam meam.

Iudica me secundum iustitiam tuam Domine Deus meus: & non supergaudeant mihi.

Non dicant in cordibus suis, Euge, euge, animæ nostræ: nec dicant, Deuorauimus eum.

Erubescant & reuereantur simul: qui gratulantur malis meis.

Induantur confusione & reuerentia: qui magna loquuntur super me.

Exultent & lætentur qui volunt iustitiam meam: & dicant semper, Magnificetur Dominus, qui volunt pacem serui eius.

Et lingua mea meditabitur iustitiā tuam: tota die laudem tuam.

Gloria Patri.

Psalmus 30.

IN te Domine speraui, non confundar in æternum: in iustitia tua libera me.

Inclina ad me aurem tuam: accelera vt eruas me.

Esto mihi in Deum protectorem, & in domum refugij: vt saluum me facias.

Quoniam fortitudo mea & refugium meum es tu: & propter nomen tuum deduces me, & enutries me.

Educes me de laqueo hoc, quẽ absconderunt mihi: quoniam tu es protector meus.

In manus tuas cõmendo spiritum meum: redemisti me Domine Deus veritatis.

Odisti obseruâtes vanitates: superuacue.

Ego autem in Domino speraui: exultabo, & lætabor in misericordia tua.

Quoniam respexisti humilitatem meam: saluasti de necessitatibus animam meam.

Nec conclusisti me in manibus inimici: statuisti in loco spatioso pedes meos.

Miserere mei Domine, quoniam tribulor: conturbatus est in ira oculus meus, anima mea, & venter meus.

Quoniam defecit in dolore vita mea: & anni mei in gemitibus.

Infirmata est in paupertate virtus mea: & ossa mea conturbata sunt.

Super omnes inimicos meos factus sum oppro-

opprobrium & vicinis meis valdè: & timor notis meis.

Qui videbant me, foras fugerunt à me: obliuioni datus sum tamquam mortuus à corde.

Factus sum tamquam vas perditum: quoniam audiui vituperationem multorum commorantium in circuitu.

In eo dum conuenirent simul aduersum me: accipere animam meam consiliati sunt.

Ego autem in te speraui Domine: dixi, Deus meus es tu, in manibus tuis sortes meæ.

Eripe me de manu inimicorum meorum: & à persequentibus me.

Illustra faciem tuam super seruum tuum, saluum me fac in misericordia tua: Domine non confundar, quoniam inuocaui te.

Erubescant impij, & deducantur in infernum: muta fiant labia dolosa.

Quæ loquuntur aduersus iustum iniquitatem: in superbia, & in abusione.

Quàm magna multitudo dulcedinis tuæ Domine: quam abscondisti timentibus te.

Perfecisti eis, qui sperant in te: in conspectu filiorum hominum.

Abscondes eos in abscondito faciei tuæ: à conturbatione hominum.

Proteges eos in tabernaculo tuo: à contradictione linguarum.

Benedictus Dominus: quoniam mirificauit misericordiam suam mihi in ciuitate munita.

Ego autem dixi in excessu mentis meae: Proiectus sum à facie oculorum tuorum.

Ideò exaudisti vocem orationis meae: dum clamarem ad te.

Diligite Dominum omnes sancti eius: quoniam veritatem requirit Dominus, & retribuet abundanter facientibus superbiam.

Viriliter agite, & confortetur cor vestrum: omnes qui speratis in Domino.

Gloria Patri.

Psalmus 21.

DEus Deus meus, respice in me, quare me dereliquisti? longè à salute mea verba delictorum meorum.

Deus meus clamabo per diem, & non exaudies: & nocte, & non ad insipientiam mihi.

Tu autem in sancto habitas: laus Israel.

In te sperauerunt patres nostri: sperauerunt, & liberaisti eos.

Ad te clamauerunt, & salui facti sunt: in te sperauerunt, & non sunt confusi.

Ego autem sum vermis, & non homo: opprobrium hominum, & abiectio plebis.

Omnes videntes me, deriserunt me: locuti

locuti sunt labiis, & mouerunt caput.

Sperauit in Domino, eripiat eum: saluum faciat eum, quoniam vult eum.

Quoniam tu es qui extraxisti me de ventre: spes mea ab vberibus matris meæ, in te proiectus sum ex vtero.

De ventre matris meæ Deus meus es tu: ne discesseris à me.

Quoniam tribulatio proxima est: quoniam non est qui adiuuet.

Circumdederunt me vituli multi: tauri pingues obsederunt me.

Aperuerunt super me os suum: sicut leo rapiens & rugiens.

Sicut aqua effusus sum: & dispersa sunt omnia ossa mea.

Factum est cor meum tamquam cera liquefscens: in medio ventris mei.

Aruit tamquam testa virtus mea, & lingua mea adhæsit faucibus meis: & in puluerem mortis deduxisti me.

Quoniam circumdederunt me canes multi: concilium malignantium obsedit me.

Foderunt manus meas & pedes meos: dinumerauerunt omnia ossa mea.

Ipsi verò considerauerunt, & inspexerunt me: diuiserunt sibi vestimenta mea, & super vestem meam miserunt sortem.

Tu autem Domine ne elongaueris auxilium tuum à me : ad defensionem meam conspice.

Erue à framea Deus animam meam : & de manu canis vnicam meam.

Salua me ex ore leonis : & à cornibus vnicornium humilitatem meam.

Narrabo nomen tuum fratribus meis : in medio ecclesiæ laudabo te.

Qui timetis Dominum , laudate eum : vniuersum semen Iacob glorificate eum.

Timeat eum omne semen Israel : quoniam non spreuit, neque despexit deprecationem pauperis.

Nec auertit faciem suam à me : & cum clamarem ad eum, exaudiuit me.

Apud te laus mea in ecclesia magna : vota mea reddam in conspectu timentium eum.

Edent pauperes , & saturabuntur , & laudabunt Dominum qui requirunt eum : uiuent corda eorum in sæculum sæculi.

Reminiscentur , & conuertentur ad Dominum : vniuersi fines terræ.

Et adorabunt in conspectu eius : vniuersæ familiæ gentium.

Quoniam Domini est regnum : & ipse dominabitur gentium.

Manducauerunt , & adorauerunt omnes pingues terræ : in conspectu eius cadent omnes

omnes, qui descendunt in terram.

Et anima mea illi viuet: & semen meum
feruiet ipsi.

Annuntiabitur Domino generatio ven-
tura: & annuntiabunt cæli iustitiam eius,
populo qui nascetur, quem fecit Dominus.

Gloria Patri.

Psalmus 3.

Domine, quid multiplicati sunt qui tri-
bulant me? multi insurgunt aduersum
me.

Multi dicunt animæ meæ: Non est salus
ipsi in Deo eius.

Tu autem Domine susceptor meus es:
gloria mea, & exaltans caput meum.

Voce mea ad Dominum clamaui: & ex-
audiuit me de monte sancto suo.

Ego dormiui, & soporatus sum: & exur-
rex, quia Dominus suscepit me.

Non timebo millia populi circumdantis
me: exurge Domine, saluum me fac Deus
meus.

Quoniam tu percussisti omnes aduer-
santes mihi sine causa: dentes peccatorum
contriuisti.

Domini est salus: & super populum tuum
benedictio tua. Gloria Patri. *Psalmus 10.*

IN Domino confido, quomodo dicitis
animæ meæ: Transmigra in montem sic-
ut passer?

Quoniam ecce peccatores intenderunt arcum, parauerunt sagittas suas in pharetra: vt sagittent in obscuro rectos corde.

Quoniam quæ perfecisti destruxerunt: iustus autem quid fecit?

Dominus in templo sancto suo: Dominus in cælo sedes eius.

Oculi eius in pauperem respiciunt: palpebræ eius interrogant filios hominum.

Dominus interrogat iustum & impium: qui autem diligit iniquitatem, odit animam suam.

Pluet super peccatores laqueos: ignis, & sulphur, & spiritus procellarum pars calicis eorum.

Quoniam iustus Dominus, & iustitias dilexit: æquitatem vidit vultus eius.

Gloria Patri.

Psalms 12.

V Squequò Domine obliuiscêris me in finem: vsquequò auertis faciem tuam à me?

Quamdiu ponam consilia in anima mea: dolorem in corde meo per diem?

Vsquequò exaltabitur inimicus meus super me? respice, & exaudi me Domine Deus meus.

Illumina oculos meos, ne vmquam obdormiam in morte: ne quando dicat inimicus meus, Præualui aduersus eum.

Qui

Qui tribulant me, exultabunt si motus fuero: ego autem in misericordia tua speraui.

Exultabit cor meum in salutari tuo, cantabo Domino qui bona tribuit mihi: & psallam nomini Domini altissimi.

Gloria Patri.

MODVS EXORCIZANDI ex Pastoralis Mechliniensis.



CONVENIT, ut Exorcista ante actionem per piam recollectionem se ad eum statum componat, qui maxime conueniat ad ferendum suppetias proximo afflicto, aduersus tam pestilentem hostem. Proinde ordiatur actionem ab inuocatione sancti Spiritus, per quam statim ab initio omnem spem expectati auxilij transferat à se in benignissimum Dominum & Saluatorem nostrum, & eodem etiam astantes omnes respicere doceat: vitet autem turbam illorum, qui curiositate vana non ad cooperandum, sed ad videndum concurrere solent.

Actionem autem ad liberationem hominis à demone obsessi, sic instituere potest Sacerdos: Assumpto habitu Ecclesiastico, ut minimum superpelliceo & stola, etiam afflicti collum altera stola obuoluat, per quam quasi in tutelam eum assu-

assumat, & sibi iungat, vt in maiorem fiduciam erigatur. Deinde post humilem inuocationem sancti Spiritus, & adstantium monitionem, vt suas preces cum Sacerdotis actione coniungant. Et muniens seipsum signo Crucis, dicat clara voce: In nomine Patris, & Filij, & Spiritus sancti. Amen. Vers. Domine exaudi orationem meam. Resp. Et clamor meus ad te veniat. Vers. Dominus vobiscum. Resp. Et cum spiritu tuo. Oremus.

OMnipotens Domine, Verbum Dei Patris, Christe Iesu, qui sanctis Apostolis tuis dedisti potestatem calcandi super serpentes & scorpiones, & super omnem virtutem inimici; & cuius virtute victus, tamquam fulgur de cælo, satanas cecidit: tuum nomen tremens supplexq; deprecor, vt mihi indignissimo seruo tuo data venia peccatorum, confidentiam & virtutem donare digneris, vt hunc crudelem draconem brachij tui potentia securus aggrediar. Qui viuus & regnas cum Deo Patre, &c. Resp. Amen. Oremus.

OMnipotens sempiterne Deus, à cuius facie cæli distillant, montes sicut cera liquefunt, terra tremat, cui patent abyssi, quem infernus pauescit: te supplex deprecor, vt inuocatione tui nominis huius famuli tui [famulæ tuæ] N. anima à vexatio-

xatione liberata, ad auctorem suæ salutis recurrat, liberatoremque suum, diabolico depulso fœtore, & odore suauissimo Spiritus sancti percepto, sequatur Dominum nostrum Iesum Christum filium tuum. Qui tecum viuit & regnat, &c. *Resp.* Amen.

Tunc energumenus, si possit, clara voce dicat Symbolum Apostolorum, præeunte Sacerdote, qui statim dicat Vers. Benedicamus Patrem, & Filium, cum sancto Spiritu. *Resp.* Laudemus & superexaltemus eum in sæcula. *Vers.* Dominus vobiscum. *Resp.* Et cum spiritu tuo. Oremus.

OMnipotens sempiterne Deus, qui dedisti famulis tuis in confessione veræ fidei, æternæ Trinitatis gloriam agnoscere, & in potentia maiestatis adorare vnitatem: quæsumus, vt eiusdem fidei firmitate, ab omnibus semper muniamur aduersis. Per Christum Dominum nostrum. *Resp.* Amen.

Deinde dicat Euangelia quæ sequuntur, signans in principio librum, deinde frontem, os, & pectus suum, ac postremò frontem energumeni: cuiuslibet Euangelio præponens Vers. Dominus vobiscum. *Resp.* Et cum spiritu tuo.

Vers. Sequentia sancti Euangelij secundum Matthæum. *Resp.* Gloria tibi Dñe. *Cap.* 17.

IN illo tempore: Accessit ad Iesum homo genibus prouolutus ante eum, dicens:
Domi-

Domine, miserere filio meo, quia lunaticus est, & malè patitur: nam sæpè cadit in ignè, & crebrò in aquam. & obtuli eum discipulis tuis, & non potuerunt curare eum. Respondens autem Iesus, ait: O generatio incredula, & peruersa, quousque ero vobiscum? vsquequò patiar vos? Afferte huc illum ad me. Et increpauit illum Iesus, & exiit ab eo dæmonium, & curatus est puer ex illa hora. Tunc accesserunt discipuli ad Iesum secretò, & dixerunt: Quare nos non potuimus eiicere illum? Dixit illis Iesus: Propter incredulitatem vestram. Amen quippe dico vobis, si habueritis fidem sicut granum sinapis, dicetis monti huic, Transi hinc illuc: & transibit, & nihil impossibile erit vobis. Hoc autem genus non eiicitur, nisi per orationem & ieiunium.

Vers. Sequentia sancti Euangelij secundum Marcum. *Resp.* Gloria tibi Dñe. *Cap. vlt.*

IN illo tempore: Recumbentibus vndecim discipulis, apparuit illis Iesus: & exprobrauit incredulitatem eorum, & duritiam cordis: quia his qui viderant eum resurrexisse, non crediderunt. Et dixit eis. Euntes in mundum vniuersum, prædicate Euangelium omni creaturæ. Qui crediderit, & baptizatus fuerit, saluus erit. Qui verò non crediderit, condemnabitur. Signa autem

tem eos qui crediderint, hæc sequentur. In nomine meo dæmonia eiicient, linguis loquentur nouis, serpentes tollent. Et si mortiferum quid biberint, non eis nocebit. Super ægros manus imponent, & benè habebunt. Et Dominus quidem Iesus, postquam locutus est eis, assumptus est in cælum: & sedet à dextris Dei. Illi autem profecti, prædicauerunt vbique: Domino cooperante, & sermonem confirmante, sequentibus signis.

Vers. Sequentia sancti Euangelij secundum Lucam. *Resp.* Gloria tibi Domine. *Cap.* 4.

IN illo tempore: Descendit Iesus in Capharnaum, ciuitatem Galilææ: ibique docebat illos sabbatis. Et stupebant in doctrina eius, quia in potestate erat sermo ipsius. Et in synagoga erat homo, habens dæmonium immundum; & exclamauit voce magna, dicens: Sine, quid nobis, & tibi Iesu Nazarene? venisti perdere nos? scio te quis sis, Sanctus Dei. Et increpauit illum Iesus, dicens: Obmutesce, & exi ab eo. Et cum proiecisset illum dæmonium in medium, exiit ab illo, nihilque illum nocuit.

Vers. Sequentia sancti Euangelij secundum Ioannem. *Resp.* Gloria tibi Dñe. *Cap.* 12.

IN illo tempore: Dixit Iesus turbis Iudæorum. Nunc iudicium est mûdi: nunc prin-

80 MANVALIS EXORCISMORVM
princeps huius mundi eijcietur foras. Et ego
si exaltatus fuero à terra, omnia traham ad
me ipsum. Hoc autem dicebat, significans
qua morte esset moriturus. Respōdit ei tur-
ba. Nos audiuius ex lege, quia Christus
mānet in æternum: & quomodo tu dicis,
oportet exaltari filium hominis? Quis est
iste filius hominis? Dixit ergo eis Iesus. Ad-
huc modicum lumen in vobis est. Ambula-
te dum lucem habetis: vt non tenebræ vos
comprehēdant. Et qui ambulat in tenebris,
nescit quò vadat. Dum lucem habetis, cre-
dite in lucem, vt filij lucis sitis.

*Finitis Euāgelijs, Sacerdos osculatur librum,
dicens, Per Euangelica dicta, deleantur no-
stra delicta.*

*Deinde ponit librum super caput energume-
ni. Postea imponens super obsessum extremam
partem stole, dicit: Vers. Adiutorium nostrum
in nomine Domini. Resp. Qui fecit cælum
& terram. Exorcizo te immunde spiritus
per Patrem, & Filium, & Spiritum san-
ctum, vt ex eas & recedas ab hoc famulo
[famula] Dei N. ipse enim tibi imperat
maledicte, dammate, qui pedibus super mare
ambulauit, & Petro, ne mergeretur, dexte-
ram porrexit; qui cæco nato oculos aperuit,
& quadriduanum Lazarum de monumen-
to suscitauit. Ergo maledicte diabole, recog-
nosce*

nosce sententiam tuam , & da honorem Deo viuo ⁊ & vero. Da honorem Iesu ⁊ Christo Filio eius , & Spiritui ⁊ sancto , & recede ab hoc famulo [hac famula] Dei N. & hoc signum sanctæ ⁊ Crucis , quod nos fronti eius damus , tu maledicte diabole , numquam audeas violare : Per eum qui venturus est iudicare viuos & mortuos , & sæculum per ignem. *Resp.* Amen.

Audi maledicte satana, adiuratus per nomen æterni Dei , & Saluatoris nostri Iesu Christi, filij eius, cum tua victus inuidia, tremens gemenq; discede : nihil sit tibi commune cum seruo [famula] Dei N. Da igitur honorem aduenienti Spiritui sancto, qui ex summa cæli arce descendens, perturbatis fraudibus tuis , mundum sibi templum & habitaculum perficiat , vt ab omni penitus vexatione liberatus seruus [liberata ancilla] Dei, gratias perenni Deo referat semper, & benedicat nomen eius in sæcula sæculorum. *Resp.* Amen.

Postea Sacerdos tenens manus super caput energumeni dicat: Nec te lateat satana, imminere tibi pœnas , imminere tibi tormenta, imminere tibi diem iudicij, diemque supplicij sempiterni, diem qui venturus est velut clibanus ardens , in quo tibi atque vniuersis angelis tuis æternus superueniet interitus.

82 MANVALIS EXORCISMORVM
teritus. Proinde dammate atque damnande,
da honorem Deo viuo & vero, da honorem
Iesu Christo filio eius, & Spiritui sancto, in
cuius nomine atque virtute ego præcipio ti-
bi, quicumq; es, spiritus immunde, vt exeas &
recedas ab hoc famulo [hac famula] Dei N.
quem [quam] Deus & Dominus noster Ie-
sus Christus pretioso Sanguine suo redime-
re dignatus est, Qui venturus est iudicare
vivos & mortuos, & sæculum per ignem.
Resp. Amen.

Exi spiritus immunde ab hac creatura
Dei, nec in eam præsumas ampliùs introire.
Ipse tibi imperat maledicte diabole, qui te
de supernis cælorum, in inferiora terræ de-
mergi, qui te retrorsum abire præcepit. Tu
ergo nequissime spiritus, humani generis
inimice, mortis adductor, vitæ raptor, iusti-
tiæ declinator, malorum radix, seductor ho-
minum, incitator inuidiæ, causa discordiæ,
pater mendacij: illum metus, qui in Isaac
immolatus est, in Ioseph venundatus, in
agno occisus, in homine crucifixus; qui de-
inde inferni triumphator exstitit gloriosus.
Recede ergo in nomine Pa-tris, & Fi-lij,
& Spiritus + sancti, ab hoc famulo [hac fa-
mula] Dei, & ne ampliùs introëas in eum,
[eam,] in virtute Domini nostri Iesu Chri-
sti, qui venturus est iudicare vivos & mor-
tuos,

tuos, & sæculum per ignem. *Resp.* Amen.

Postea Sacerdos accepta Cruce, dicat: Ecce lignum sanctissimæ Crucis, fugite partes aduersæ, vicit enim vos & mundum Dominus Iesus Christus, Filius Dei, Imperator summus, leo de tribu Iuda, radix David.

Crucem det energumeno osculandam, dicens cum eo simul: Adoramus te Christe, & benedicimus tibi, quia per sanctam Crucem tuam redemisti mundum.

Deinde Sacerdos dicat: Kyrie eleison. Christe eleisó. Kyrie eleison. Pater noster. *Vers.* Et ne nos inducas in tentationem. *Resp.* Sed libera nos à malo. *Vers.* Exurgat Deus, & dissipentur inimici eius. *Resp.* Et fugiant qui oderunt eum à facie eius. *Vers.* Saluum fac seruum tuum. [ancillam tuam.] *Resp.* Deus meus sperantem in te. *Vers.* Nihil proficiat inimicus in eo. [ea.] *Resp.* Et filius iniquitatis non apponat nocere ei. *Vers.* Esto ei Domine turris fortitudinis. *Resp.* A facie inimici. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo. Oremus.

DEus, qui culpa offenderis, pœnitentia placaris: preces populi tui supplicantis propitius respice, & flagella tuæ iracundiæ, quæ pro peccatis nostris meremur, auerte.

OMnipotens sempiterne Deus, salus æterna credentium: exaudi nos pro famulo tuo infirmo, [famula tua infirma,] pro quo [qua] misericordiæ tuæ imploramus auxilium: vt reddita sibi sanitate, gratiarum tibi in Ecclesia tua referat actiones.

Hostium nostrorum, quæsumus Domine, elide superbiam: & eorum contumaciam dexteræ tuæ virtute prosterne.

Deus qui contritorum non despicias gemitum; & mœrentium non spernis affectū; adesto supplicationibus nostris, quas tibi pro tribulatione nostra effundimus, easque clementer exaudi: vt quidquid contra nos diabolicæ atque humanæ moliuntur aduersitates, ad nihilum redigatur, & consilio tuæ pietatis allidatur; quatenus nullis aduersitatibus læsi, sed de omni tribulatione & angustia erepti, læti in Ecclesia tua gratias referamus. Per Dñm nostrum, &c.
Resp. Amen.

Potest etiam dici Oratio, Deus qui corda fidelium. & Oratio, Concede nos famulos tuos. & Oratio illius Sancti, cuius nomine vocatur ipse, [ipsa,] qui [qua] vexatur: & Orationes aliorum Sanctorū, quos maiori deuotione colimus. Possunt dici & aliæ deuotæ Orationes, cum compunctione, & cordis contritione, implorando semper misericordiam Dei. Legat etiam

etiam Psalmum Iudica Domine nocentes me. fol. 65. & Psalm. 58.

Eripe me de inimicis meis Deus meus:
& ab insurgentibus in me libera me.

Eripe me de operantibus iniquitatem: &
de viris sanguinum salua me.

Quia ecce ceperunt animam meam: ir-
ruerunt in me fortes.

Neque iniquitas mea, neque peccatum
meū Dñe: sine iniquitate cucurri, & direxi.

Exurge in occursum meum, & vide: &
tu Domine Deus virtutum, Deus Israel.

Intende ad visitandas omnes gentes: non
miserearis omnibus qui operantur iniqui-
tatem.

Conuertentur ad vesperam, & famem
patientur vt canes: & circuibunt ciuitatem.

Ecce loquentur in ore suo, & gladius in
labiis eorum: quoniam quis audiuit?

Et tu Domine deridebis eos: ad nihilum
deduces omnes gentes.

Fortitudinem meam ad te custodiam,
quia Deus susceptor meus es: Deus meus,
misericordia eius præueniet me.

Deus ostendet mihi super inimicos meos,
ne occidas eos: nequando obliuiscantur po-
puli mei.

Disperge illos in virtute tua: & depone
eos protector meus Domine.

Delictum oris eorum, sermonem labiorum ipsorum: & comprehendantur in superbia sua.

Et de execratione & mendacio annuntiabuntur in consummatione: in ira consummationis, & non erunt.

Et scient quia Deus dominabitur Iacob: & finium terræ.

Conuertentur ad vesperam, & famem patientur vt canes: & circuibunt ciuitatem.

Ipsi dispergentur ad manducandum: si verò non fuerint saturati, & murmurbunt.

Ego autem cantabo fortitudinem tuam: & exultabo manè misericordiam tuam.

Quia factus es susceptor meus: & refugium meum in die tribulationis meæ.

Adiutor meus tibi psallam, quia Deus susceptor meus es: Deus meus misericordia mea. Gloria Patri.

Item Psalmum Exurgat Deus. fol. 58. & Psalm. Qui habitat in adiutorio. fol. 57. & Symbolum Athanasij: Quicumq; vult. fol. 54. In fine dicit energumeno, dicens: Benedictio Dei Patris & omnipotentis, & Filij, & Spiritus sancti, descendat super te, & maneat semper. Resp. Amen.

Possunt etiam suprà dicta pluries repeti, si demon in vexatione durauerit.

ALTERA forma exorcismorum ad fugandum demonem de corporibus oppressis, vel etiam maleficiatis.

SACERDOS *indutus vt suprà, dicit:* In nomine Patris ✠, & Filij ✠, & Spiritus ✠ sancti. *Resp.* Amen. Nos cum prole pia benedicat virgo Maria. Ecce Cru✠cem Domini, fugite partes aduersæ: vicit leo de tribu Iuda, radix Dauid. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

DEus Angelorum, Deus Archangelorum, Deus Prophetarum, Deus Martyrum, Deus Cōfessorum, Deus Virginum, Deus & Pater Domini nostri Iesu Christi, inuoco nomen sanctum tuum, ac præclaræ maiestatis tuæ clementiam suppliciter exposco, vt mihi auxilium præstare digneris aduersus hunc nequissimum spiritum, & omnem qui vexat hoc plasma tuum. Per eundem Christum Dñm, &c. *Resp.* Amen.

Exorcizo te immunde spiritus, omnis incurtio aduersarij, omnis ira, omne phantasma, omnis legio, in nomine Domini nostri Iesu Christi, eradicare & effugare ab hoc plasmate Dei. Ipse tibi imperat, qui te de supernis cælorum in inferiora terræ demergi

præcepit. Audi ergo, & nunc satana victus
 & prostratus abscede, in nomine Domini
 nostri Iesu Christi. Tu ergo nequissime sa-
 tana, inimice fidei, hostis generis humani,
 mortis adductor, vitæ raptor, iustitiæ decli-
 nator, malorum radix, fomes vitiorum, se-
 ductor hominum, proditor gentium, incita-
 tor inuidiæ, origo auaritiæ, causa discordiæ,
 excitator dolorum, malorum magister, quid
 stas & resistis, cum scias Deum tuas perdere
 vires? Illum metue, qui in Isaac est immola-
 tus, in Ioseph venumdatus, in agno occisus,
 in homine crucifixus, deinde inferni trium-
 phator exitit gloriosus. Recede ergo in no-
 mine Patris, & Filij, & Spiritus sancti.
 Da locum Spiritui sancto, per hoc signum
 Crucis ✝, *Hic signet Crucem frontem obfessi.*
 Domini nostri Iesu Christi: qui cum Patre
 & Spiritu sancto viuit & regnat Deus, per
 omnia sæcula sæculorum. *Resp. Amen.*

*Si nondum recesserit spiritus malignus, Sa-
 cerdos prosequitur. Vers. Dominus vobis-
 cum. Resp. Et cum spiritu tuo. Oremus.*

DEus conditor & defensor humani ge-
 neris, qui hominem ad imaginem tuam
 formasti, respice super hunc famulum tuum
 [hanc famulam tuam] N. qui [quæ] dolis
 inuidi serpentis appetitur, quem [quam] ve-
 rus aduersarius, antiquus hostis terræ, for-
 midi-

midinis horrore circumuolat, & sensum mentis humane stupore defigit, terrore conturbat, & metu trepidi timoris exagitat. Repelle Domine virtutem diaboli, fallacesque eius insidias amoue: procul impius tentator aufugiat. Sit nominis tui signo Crucis ✝ in fronte famulus tuus munitus, [famula tua munita,] & in anima tutus [tuta] & corpore.

Hic ter faciet signum Crucis in pectore, dicens:
 Tu pectoris huius ✝ interna custodias. Tu viscera ✝ regas. Tu corda ✝ confirmes. In anima aduersatricis potestatis tentamenta euanescent. Da Domine ad hanc inuocationem sanctissimi nominis tui gratiam, ut qui hucusque terrebat, territus aufugiat, & victus abscedat, tibi que possit hic famulus tuus [hæc famula tua] & corde & mente præbere famulatum. Per Christum, &c.

Adiuuro te serpens antique, per Iudicem viuorum & mortuorum, per factoré tuum, per factorem mundi, per eum qui habet potestatem mittendi te in gehennam, ut ab hoc famulo [hac famula] Dei N. qui [quæ] ad Ecclesiæ sinum recurrit, festinus discedas. Adiuuro te iterum, non mea infirmitate, sed virtute Spiritus sancti, ut desistas ab hoc famulo [hac famula] Dei N. quæm [quam] omnipotens Deus ad imaginem suam fecit.

Cede igitur, cede, non mihi, sed ministro Christi. Illius enim te vrget potestas, qui te, affixus cruci, subiugauit: illius brachium contremisce, qui deuictis gemitibus inferni, animas ad lucem perduxit. Sit tibi terror corpus hominis: sit tibi formido imago Dei. Ne resistas, nec morêris discedere ab homine; quoniam complacuit Deo in homine habitare. Et ne contemnendum me putes, dum me peccatorem esse cognoscis; imperat tibi Deus, imperat tibi maiestas Christi; imperat tibi Deus Pater, imperat tibi Deus Filius, imperat tibi Deus Spiritus sanctus; imperat tibi fides Apostolorum Petri & Pauli, & ceterorum Sanctorum; imperat tibi Martyrum sanguis; imperat tibi Sacramentum Crucis; imperat tibi mysteriorum virtus. Exi ergo transgressor, exi seductor, plene omni dolo & fallacia, veritatis inimice, innocentium persecutor. Da locum durissime, da locum impiissime, da locum Christo, in quo nihil inuenisti de operibus tuis; qui te spoliauit, qui regnum tuum destruxit, qui te victum ligauit, & vasa tua diripuit: qui te proiecit in tenebras, vbi tibi cum ministris tuis erit præparatus interitus. Sed quid truculente recogitas? quid temerarie retractas? reus omnipotenti Deo es, cuius statuta transgressus es: reus es Filio
eius

eius Iesu Christo Domino nostro, quem tentare ausus es, & crucifigere præsumpsisti: reus es humano generi, cui tuis persuasionibus mortis fructum propinasti.

Si adhuc non cessauerit, aut recesserit, prosequitur Sacerdos. Vers. Dominus vobiscum.
Resp. Et cum spiritu tuo. Oremus.

Domine sancte, Pater omnipotens, æterne Deus: Hosanna in excelsis, Pater Domini nostri Iesu Christi, qui illum refugam, tyrannum, & apostatam gehénæ ignibus deputasti: qui Vnigenitum tuum in hunc mundum misisti, vt illum rugientem contereret: velociter attende, accelera, vt eripias hominem, ad imaginem & similitudinem tuam creatum, à ruina & dæmonio meridiano. Da Domine terrorem tuum super bestiam quæ exterminat vineam tuam; da fiduciam seruis tuis, contra nequissimum draconem pugnare fortissimè, ne contemnat sperantes in te, & ne dicat sicut in Pharaone iam dixit, Deum non noui, & Israel non dimittam. Vrgeat illum dextera tua, potens expellere à famulo tuo [famula tua] N. ne diutiùs captiuum præsumat tenere hominem, quem tu ad imaginem tuam facere dignatus es: & in Filio tuo redemisti. Qui tecum viuit & regnat. *Resp.* Amen.

Adiuuro ergo te draco nequissime, in nomine

mine Agni immaculati, qui ambulauit super aspidem & basiliscum, qui conculcauit leonem & draconem : vt discedas ✠ ab homine, discedas ad Ecclesia ✠. *Hic producit signum Crucis super circumstantes*. Contremisce & effuge, inuocato nomine Domini; quem inferi tremunt; cui virtutes cælorum, potestates & dominationes subiectæ sunt; quem Cherubim & Seraphim indefessis vocibus laudant : imperat tibi Verbum caro factum, imperat tibi natus ex Virgine, imperat tibi Iesus Nazarenus, qui te, cum discipulos eius contemneres, elisum atque prostratum exire præcepit ab homine; quo præsentem, cum te ab homine separasset, nec porcorum gregem contingere præsumebas. Recede ergo nunc adiuratus in nomine eius ab homine quem ipse plasmauit. Durum est tibi velle resistere, durum est tibi contra stimulum calcitrare : qui quanto tardius exis, tanto maius tibi supplicium crescit: quia non homines contemnis, sed illum qui venturus est iudicare viuos & mortuos, & sæculum per ignem. *Resp. Amen.*

Si oppressus nondum fuerit liberatus, persequitur Sacerdos. Vers. Dominus vobiscum. *Resp.* Et cum spiritu tuo. Oremus.

OMnipotens Domine, Verbum Dei Patris, Christe Iesu, Deus & Dominus
nus

nus vniuersæ creaturæ, qui sanctis Apostolis tuis dedisti potestatem calcandi super serpentes & scorpiones; qui inter cetera mirabilium tuorum præcepta, dignatus es docere, dæmones effugare; cuius virtute motus tamquam fulgur de cælo, satanas cecidit: tuum sanctum nomen cum timore & tremore suppliciter deprecor, vt indignissimo mihi seruo tuo data venia omnium delictorum meorū, confidentiam & possibilitatem donare digneris, vt hunc crudelē draconem, brachij tui sancti munitus potentia, fiducialiter & securè aggrediar: per te Iesu Christe Domine Deus noster: Qui venturus es iudicare viuos & mortuos, & sæculum per ignem. *Resp.* Amen.

Adiuro ergo te omnis immundissime spiritus, omne phantasma, omnis incurfio satanæ, in nomine Iesu Christi ✝ Nazareni, qui post lauacrum Iordanis in desertum ductus est, & te in tuis sedibus vinxit, vt quem de limo terræ ad honorem gloriæ suæ formauit; tu desinas impugnare: & in homine miserabili nō humanam fragilitatem, sed imaginem omnipotentis Dei contremiscas. Cede ergo Deo, qui te, humiliato famulo suo Iob, in seruitutem redegit. Cede Deo, qui & malitiam tuam in Pharaone, & in eius exercitu per Moysen seruū suum

in

94 MANVALIS EXORCISMORVM
in abyssum demersit. Cede Deo, qui te per
Danielem puerum suum perdidit, & draco-
nem prostravit. Cede Deo, qui te per fide-
lissimum seruum suum Dauid, de rege Sau-
le, spiritualibus canticis pulsum fugauit.
Cede Deo, qui te in Iuda Iscariot prodi-
tore damnauit. Ille enim te diuinis verberi-
bus angit, in cuius conspectu cum tuis legio-
nibus tremens & clamans dixisti Quid no-
bis & tibi fili Dauid? venisti ante tempus
torquere nos? Ille te perpetuis flammis vr-
geat, qui in fine temporum dicturus est im-
piis: Ite maledicti in ignem æternum, quem
præparauit Pater meus diabolo & angelis
eius. Tibi enim impie & angelis tuis vermes
erunt, qui numquam morientur: Tibi &
angelis tuis præparatur inextinguibile in-
cendium; quia tu es princeps maledicti ho-
miciidij, tu auctor incestus, tu sacrilegorum
caput, tu artium pessimarum magister, tu
hæreticorum doctor, tu totius obscœnitatis
inuentor. Exi ergo impie, exi scelerate, exi
cum omni fallacia tua, quia hominem tem-
plum suum voluit esse Deus. Sed quid diu-
tiùs moraris hîc? Da honorem Deo Patri
omnipotenti, cui omne genu flectitur. Da
locum Domino Iesu Christo, qui pro ho-
mine Sanguinem suum sacratissimum fudit.
Da locum Spiritui sancto, qui per beatum

Apo-

Apostolum suum Petrum te manifestè strauit in Simone mago: qui fallaciam tuam in Anania & Saphira condemnauit: qui te in Herode Rege honorem Deo non dāte percussit: qui te in Bariesu mago, per Apostolum suum Paulum cæcitatis caligine perdidit: & per eundem de Pythonissa, verbo imperans, exire præcepit. Discede ergo nūc, discede seductor: tibi eremus sedes est, tibi habitatio serpens est. Humiliare & prostertere, iam non est differēdi tempus. Ecce enim dominator Dominus proximat citò, & ignis ardebit ante ipsum, & præcedet, & inflammabit in circuitu inimicos suos. Si enim hominem fefelleris, Deum non poteris irridere. Ille te eiicit, cuius oculis nihil occultum est: ille te expellit, cuius virtuti vniuersa subiecta sunt: ille te excludit, qui tibi & angelis tuis præparauit æternam gehennam, de cuius ore exiet gladius bis acutus: Qui venturus est iudicare viuos & mortuos, & sæculum per ignem. Resp. Amen.

Possunt legi sequentes Psalmi.

Psalmus 69.

DEus in adiutorium meum intende:
Domine ad adiuuandum me festina.
Confundantur & reuereantur: qui quæ-
runt animam meam.

Auer-

Auertantur retrorsum, & erubescant: qui volunt mihi mala.

Auertantur statim erubescences: qui dicunt mihi, Euge, euge.

Exultent & lætentur in te omnes qui querunt te: & dicant semper, Magnificetur Dominus, qui diligunt salutare tuum.

Ego verò egenus & pauper sum: Deus adiuua me.

Adiutor meus, & liberator meus es tu: Domine ne moreris.

Gloria Patri.

Psalmus 10.

IN Domino confido, quomodo dicitis animæ meæ: Transmigra in montem sicut passer?

Quoniam ecce peccatores intenderunt arcum, parauerunt sagittas suas in pharetra: ut sagittent in obscuro rectos corde.

Quoniam quæ perfecisti destruxerunt: iustus autem quid fecit?

Dominus in templo sancto suo: Dominus in cælo sedes eius.

Oculi eius in pauperem respiciunt: palpebræ eius interrogant filios hominum.

Dominus interrogat iustū & impium: qui autem diligit iniquitatem, odit animā suam.

Pluet super peccatores laqueos: ignis, & sulphur, & spiritus procellarum pars calicis eorum.

Quo-

Quoniam iustus Dominus , & iustitias dilexit : æquitatem vidit vultus eius.

Gloria Patri.

Psalms 51.

Quid gloriaris in malitia : qui potens es in iniquitate?

Tota die iniustitiam cogitauit lingua tua : sicut nouacula acuta fecisti dolum.

Dilexisti malitiam super benignitatem : iniquitatem magis , quàm loqui æquitatem.

Dilexisti omnia verba præcipationis : lingua dolosa.

Propterea Deus destruet te in finem : euellet te , & emigrabit te de tabernaculo tuo , & radicem tuam de terra viuentium.

Videbunt iusti , & timebunt , & super eum ridebunt , & dicent : Ecce homo , qui non posuit Deum adiutorem suum.

Sed sperauit in multitudine diuitiarum suarum : & præualuit in vanitate sua.

Ego autem sicut oliua fructifera in domo Dei : speraui in misericordia Dei in æternum , & in sæculum sæculi.

Confitebor tibi in sæculum , quia fecisti : & expectabo nomen tuum , quoniam bonum est in conspectu sanctorum tuorum.

Gloria Patri. Sicut erat.

Item possunt legi Litanie cum Precibus suis & Orationibus.

G

O R A -

ORATIONES

ET

EXORCISMI,

ad iuuandum energumenos
& alios maleficiatos,

ex probatis Auctioribus desumpti.



*S*ACERDOS *exorcizaturus*, ob-
seruatis iis quæ suprà dicta sunt,
orabit in modum qui sequitur:

Vers. Adiutorium ✝ nostrū
in nomine Domini. *Resp.* Qui
fecit cælum & terram. *Vers.* Sit nomen Do-
mini benedictum. *Resp.* Ex hoc nunc & vs-
que in sæculum.

Ecce Crucem Domini ✝, fugite partes
aduersæ, vicit leo de tribu Iuda, radix Da-
uid.

Psalmus 67.

EXurgat Deus, & dissipetur inimici eius:
& fugiant, qui oderūt eum, à facie eius.

Sicut deficit fumus, deficient: sicut fluit
cera à facie ignis, sic pereant peccatores à
facie Dei.

Et iusti epulentur, & exultent in conspe-
ctu

ctu Dei: & delectentur in lætitia.

Cantate Deo, psalmū dicite nomini eius:
iter facite ei qui ascendit super occasum,
Dominus nomen illi.

Exultate in conspectu eius: turbabuntur
à facie eius, patris orphanorum, & iudicis
viduarum.

Deus in loco sancto suo: Deus, qui inha-
bitare facit vnus moris in domo.

Qui educit vinctos in fortitudine: simi-
liter eos qui exasperant, qui habitant in se-
pulchris.

Deus cū egredereris in conspectu po-
puli tui: cū pertransires in deserto.

Terra mota est, etenim cæli distillauerunt
à facie Dei Sinai: à facie Dei Israel.

Pluuiam voluntariam segregabis Deus
hereditati tuæ, & infirmata est: tu verò per-
fecisti eam.

Animalia tua habitabunt in ea: parasti in
dulcedine tua pauperi Deus.

Dominus dabit verbum euangelizanti-
bus: virtute multa.

Rex virtutum dilecti dilecti: & speciei
domus diuidere spolia.

Si dormiatis inter medios cleros, pennæ
columbæ deargentatæ: & posteriora dorsi
eius in pallore auri.

Dum discernit cælestis reges super eam,

*Deus dabit verbum euangelizanti-
bus: virtute multa.*

100 MANVALIS EXORCISMORVM
niue dealbabuntur in Selmon: mons Dei,
mons pinguis.

Mons coagulatus, mons pinguis: vt quid
fuspiciamini montes coagulatos?

Mons, in quo beneplacitum est Deo ha-
bitare in eo: etenim Dominus habitabit in
finem.

Currus Dei decem millibus multiplex,
millia lætantium: Dominus in eis in Sina in
sancto.

Ascendisti in altum, cepisti captiuitatem:
accepisti dona in hominibus.

Etenim non credentes: inhabitare Domi-
num Deum.

Benedictus Dominus die quotidie: pro-
sperum iter faciet nobis Deus salutarium
nostrorum.

Deus noster, Deus saluos faciendi: &
Domini Domini exitus mortis.

Verumtamen Deus confringet capita ini-
micorum suorum: verticem capilli peram-
bulantium in delictis suis.

Dixit Dominus, Ex Basan conuertana:
conuertam in profundum maris.

Vt intingatur pes tuus in sanguine: lin-
gua canum tuorum ex inimicis ab ipso.

Viderunt ingressus tuos Deus: ingressus
Dei mei, regis mei, qui est in sancto.

Præuenerunt principes coniuncti psal-
lenti-

lentibus: in medio iuencularum tympanistriarum.

In ecclesiis benedicite Deo Domino: de fontibus Israel.

Ibi Benjamin adolescentulus: in mentis excessu.

Principes Iuda, duces eorum: principes Zabulon, principes Nephthali.

Manda Deus virtuti tuæ: confirma hoc Deus, quod operatus es in nobis.

A templo tuo in Ierusalem: tibi offerent reges munera.

Increpa feras arundinis, congregatio taurorum in vaccis populorum: ut excludant eos, qui probati sunt argento.

Dissipa gentes quæ bella volunt, venient legati ex Ægypto: Æthiopia præueniet manus eius Deo.

Regna terræ cantate Deo: psallite Domino.

Psallite Deo, qui ascendit super cælum cæli: ad Orientem.

Ecce dabit voci suæ vocem virtutis, date gloriam Deo super Israel: magnificentia eius, & virtus eius in nubibus.

Mirabilis Deus in Sanctis suis, Deus Israel ipse dabit virtutem & fortitudinem plebi suæ: benedictus Deus.

Gloria Patri, & Filio.

Deinde Sacerdos flexis genibus alta voce dicet Litanias Sanctorum, prout infra habentur.

Vers. Domine exaudi orationem meam,

Resp. Et clamor meus ad te veniat.

Vers. Dominus vobiscum. *Resp.* Et cum spiritu tuo.

Domine Deus omnipotens, qui omnia tuo dispēsas arbitrio, tu Pater clemens, tu pius propitiator, tu mœstorum consolator, tu tribulatorum fortitudo, tu ægrotantium medicus, tu defensor tuorum plasmatum, respice de sede sancta tua super hunc famulum tuum, quem malignus conturbat spiritus, & memor esse digneris, quia opus manuum tuarum est, & pretioso Sanguine suo eum Filius tuus redimere dignatus est: & concede vt medelam tuam non solum in corpore, sed etiam in anima sentiat. Per eundem Dñm nostrum Iesum Christum.

Omnipotens sempiterne Deus, Pater Domini nostri Iesu Christi, te supplices exoramus, vt imperes diabolo qui hunc famulum tuum detinet, vt ab eo recedat, & libera eum qui credit in verum liberatorem, vt amota omni vexatione diaboli, maiestati tuæ libera mente deferuiat. Per eundem Dominum.

ORamus pietatem tuam, omnipotens Deus, vt præstes auxilium familiæ tuæ,
&

& clementer exaudire digneris preces nostras, vt famulum tuum ab hac infirmitate ad integram iubeas reuerti corporis sanitatem. Per Dominum nostrum, &c.

Vers. Dominus vobiscum. *Resp.* Et cum spiritu tuo.

Vers. Sequentia sancti Euangelij secundum Marcum. *Resp.* Gloria tibi Domine.

Marc. 16.

IN illo tempore: Recumbentibus vndecim discipulis, apparuit illis Iesus, & exprobrauit incredulitatem eorum & duritiam cordis, quia his, qui viderant eum resurrexisse, non crediderunt. Et dixit eis: Euntes in mundum vniuersum, prædicate Euangelium omni creaturæ. Qui crediderit, & baptizatus fuerit, saluus erit: qui verò non crediderit, condemnabitur. Signa autem eos, qui crediderint, hæc sequentur. In nomine meo dæmonia eiicient, linguis loquentur nouis, serpentes tollent: & si mortiferum quid biberint, non eis nocebit: super ægros manus imponent, & benè habebunt. Et Dominus quidem Iesus postquam locutus est eis, assumptus est in cælum, & sedet à dextris Dei. Illi autem profecti prædicauerunt vbique Domino cooperante, & sermonem confirmante, sequentibus signis. *Resp.* Deo gratias.

Oremus.

Sancta Maria, Virgo perpetua, mater Dei, templum Domini, sacrarium Spiritus sancti, atque omnes Angeli & Archangeli, Principatus & Potestates, Virtutes & Dominationes, Throni, Cherubim & Seraphim, atque omnes sancti Patriarchæ, Prophetæ, Apostoli, Martyres, Cōfessores, Doctores, & Virgines, necnon & vniuersi Dei electi intercedere dignentur pro illo afflicto N. ad Dominū, vt mereatur plenè liberari, & custodiri ab omnibus spiritibus immundis, animæ & corporis vexationibus, sensuum perturbationibus, dæmonum terroribus & illusionibus, etiam in sanitate mentis & corporis conseruari. Per eum qui venturus est iudicare viuos & mortuos, & sæculum per ignem. *Resp. Amen.*

Iesus Mariæ filius, salus mundi, & Dominus, sit tibi clemens & propitius, & liberet te plenè, & custodiat te semper ab omnibus spiritibus immundis, animæ & corporis vexationibus, sensuum perturbationibus, ac dæmonum terroribus, & in bona sanitate mentis & corporis te conseruet, in nomine Patris ✠, & Filij ✠, & Spiritus ✠ sancti. Amen.

OMnipotens sempiterne Deus, petimus humili prece diuinam clementiam
tuam,

tuam, vt famulum tuum quem conspici-
mus ab antiquo hoste tentatum esse graui-
ter, & sensu à liuore satanæ perturbari atque
vexari, ab eius impetu clementer eripias.

*His subiungere licet pro qualitate persona-
rum, temporis, aut loci, siue Psalmos Pæniten-
tiales cum Litanis, siue alios qui hominem in
spem & fiduciam erigant, vt Qui habitat in
adiutorio Altissimi. fol. 57. item In te Do-
mine speraui. fol. 68.*

EXORCISMVS, dicendus (si commodè fieri
poterit) coram venerabili SACRAMENTO
exposito in altari.

SACERDOS cum magna reuerentia ponet
sanctissimum Eucharistiae Sacramentum su-
per altare debitè ornatum luminaribus, &c.
Energumenum constituet infra gradus dicti
altaris, indutum stolâ per modum Crucis. Facta
reuerentia per incensum thuris venerabili Sa-
cramento, Exorcista flexis genibus dicet alta
voce, se ipsum signans,

In nomine Patris, & Filij, & Spiritus san-
cti. Amen. *Vers.* Adiutorium nostrum in
nomine Domini. *Resp.* Qui fecit cælum &
terram. *Vers.* Deus in adiutorium meum in-
tende. *Resp.* Domine ad adiuuandum me
festina. *Vers.* Dominus vobiscum. *Resp.* Et
cum spiritu tuo.

Oremus.

Deus qui nobis sub Sacramento mirabili, passionis tuæ memoriam reliquisti; tribue quæsumus, ita nos Corporis & Sanguinis tui sacra mysteria venerari, vt redemptionis tuæ fructum in nobis iugiter sentiamus. Qui viuus & regnas cum Deo Patre in vnitate Spiritus sancti Deus, per omnia sæcula sæculorum. *Resp. Amen. Oratio.*

Deus refugium nostrum & virtus, adesto piis famulorum tuorum precibus, auctor ipse pietatis, & præsta; vt quod fideliter petimus, efficaciter consequamur. Per Dominum nostrum. *Resp. Amen. Oratio.*

Ineffabilem misericordiam tuam, Domine, huic seruo tuo N. clementer ostende: vt simul eum & à peccatis omnibus exuas, & à pœnis quas pro his meretur eripias. Per Dominum nostrum Iesum Christum. *Resp. Amen. Oratio.*

PReces famuli tui N. quæsumus Domine clementer exaudi, vt qui iuste pro peccatis suis affligitur, pro tui nominis gloria misericorditer liberetur. Per Christum Dominum nostrum. *Resp. Amen.*

Oratio.

Deus, qui hunc famulum tuum N. in tantis periculis cōstitutum, pro humana scis fragilitate non posse subsistere: da ei salu-

salutem mentis & corporis, vt ea quæ pro peccatis suis patitur, te adiuuante vincat. Per Christum Dñm nostrum. *Resp.* Amen.

Oratio.

DA quæsumus omnipotens Deus, vt hic famulus tuus *N.* qui in tot aduersis ex sua infirmitate deficit, intercedente Filij tui vnigeniti passione respiret. Per eundem Christum Dominum, &c.

Oremus.

DEus qui gloriosissimum nomen *I E S V* Christi filij tui Domini nostri, fecisti fidelibus tuis summo suauitatis affectu amabile, & malignis spiritibus tremendum atque terribile: concede propitius, vt omnes qui hoc nomen *I E S V* deuotè venerantur in terris, sanctæ consolationis dulcedinem in præsentem percipiant, & in futuro gaudium exultationis, & interminabilis iubilationis obtineant in cælis. Per eundem Dominum nostrum Iesum Christum filium tuum, qui tecum viuit & regnat in vnitæte Spiritus sancti Deus. Per omnia sæcula sæculorum. *Resp.* Amen.

Post Orationem surget Exorcista, & asperget infirmum & astantes Aqua benedicta: & stans à latere versus infirmum, ita vt non vertat dorsum venerabili Sacramento, legat super illum sequentia.

Lectio

IN diebus illis: Orauit Sara filia Raguelis ad Dominum, dicens: Benedictum est nomen tuum, Deus patrum nostrorum: qui cū iratus fueris, misericordiam facies, & in tempore tribulationis peccata dimittis his qui inuocant te. Ad te Domine faciem meam conuerto, ad te oculos meos dirigo. Peto Domine, vt de vinculo improperij huius absoluas me. Tu autem Domine miserere nobis. *Resp.* Amen.

Initium sancti Euangelij secundū

Ioannem.

Ioan 1.

IN principio erat Verbum: & Verbum erat apud Deum: & Deus erat Verbum. Hoc erat in principio apud Deum. Omnia per ipsum facta sunt: & sine ipso factum est nihil. Quod factum est, in ipso vita erat: & vita erat lux hominum: & lux in tenebris lucet, & tenebræ eam non comprehenderunt. Fuit homo missus à Deo, cui nomen erat Ioannes. Hic venit in testimonium, vt testimonium perhiberet de lumine: vt omnes crederent per illum. Non erat ille lux: sed vt testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est: & mundus eum non cognouit. In propria venit:

nit: & sui eum non receperunt. Quotquot autem receperunt eum, dedit eis potestatem filios Dei fieri: his, qui credunt in nomine eius. Qui non ex sanguinibus, neque ex voluntate carnis, neque ex voluntate viri: sed ex Deo nati sunt. ET VERBUM CARO FACTUM EST: & habitauit in nobis, (& vidimus gloriam eius, gloriam quasi vnigeniti à Patre,) plenum gratiæ & veritatis. *Resp.* Laus tibi Christe.

E X O R C I S M V S.

PEr Euangelica dicta, extingatur, dissipetur & destruatur in te omnis malitia diabolica, In nomine Patris ✠, & Filij ✠, & Spiritus ✠ sancti. Amen. *Psalms. 50.*

Miserere mei Deus: secundum magnam misericordiam tuam.

Et secundum multitudinem miserationum tuarum: dele iniquitatem meam.

Amplius laua me ab iniquitate mea: & à peccato meo munda me.

Quoniam iniquitatem meam ego cognosco: & peccatum meum contra me est semper.

Tibi soli peccaui, & malum coram te feci: vt iustificeris in sermonibus tuis, & vincas cum iudicaris.

Ecce enim in iniquitatibus conceptus sum: & in peccatis concepit me mater mea.

Ecce

Ecce enim veritatem dilexisti : incerta & occulta sapientiæ tuæ manifestasti mihi.

Asperges me hyssopo, & mundabor : lauabis me, & super niuem dealbabor.

Auditui meo dabis gaudium & lætitiā : & exultabunt ossa humiliata.

Auerte faciem tuam à peccatis meis : & omnes iniquitates meas dele.

Cor mundum crea in me Deus : & spiritum rectum innoua in visceribus meis.

Ne proicias me à facie tua : & spiritum sanctum tuum ne auferas à me.

Redde mihi lætitiā salutaris tui : & spiritu principali confirma me.

Docebo iniquos vias tuas : & impij ad te conuertentur.

Libera me de sanguinibus Deus, Deus salutis meæ : & exultabit lingua mea iustitiam tuam.

Domine labia mea aperies : & os meum annuntiabit laudem tuam.

Quoniam si voluisses sacrificium, dedissem vtique : holocaustis non delectaberis.

Sacrificium Deo spiritus contribulatus : cor contritum & humiliatum Deus non despicias.

Benignè fac Domine in bona voluntate tua Sion : vt ædificentur muri Ierusalem.

Tunc

Tunc acceptabis sacrificium iustitię, oblationes, & holocausta: tunc imponent super altare tuum vitulos.

Gloria Patri, & Filio: & Spiritui sancto.

Sicut erat in principio, & nunc, & semper: & in sæcula sæculorum. Amen.

E X O R C I S M V S.

*Ostendendo digito reuerenter venerabile
SACRAMENTUM, dicet Exorcista:*

ADEST, ô nequissime spiritus, summa pietas. Adest ille, qui pro nostra salute passus est. Nunc (inquit) princeps mundi huius eiicietur foras. Hoc est illud corpus quod de corpore Virginis sumptum est, quod in stipite crucis extensum est, quod in tumulo iacuit, quod de morte surrexit, quod videntibus discipulis in cælum ascendit. In huius ergo maiestatis terribili potestate, tibi spiritus maligne præcipio vt ex hac creatura Dei N. egrediaris, & fugias, nec eam deinceps præsumas molestare. Amen.

Lectio Isaiaë Prophetæ. *Isaia 14.*

QUOMODO cecidisti de cælo Lucifer, qui manè oriebaris? Corruisti in terram, qui vulnerabas gentes? qui dicebas in corde tuo, In cælum conscendam, super astra Dei exaltabo solium meum, & sedebo in monte testamenti in lateribus Aquilonis. Ascendam super altitudinem nubium, similis ero
Altissi-

Altissimo. Verumtamen ad infernum detrahêris in profundum laci. Qui te viderint, ad te inclinabuntur, teq; prospicient. Numquid iste est vir qui conturbauit terram, qui concussit regna? Tu autem Domine miserere nostri. *Resp.* Deo gratias.

Lectio sancti Euangelij secundum

Lucam.

Luc. II.

IN illo tempore: Erat Iesus eiiciens dæmonium, & illud erat mutum: & cum eiecisset dæmonium, locutus est mutus, & admiratæ sunt turbæ. *Vers.* Tu autem Domine miserere nostri. *Resp.* Deo gratias.

Per Euangelica dicta, deleantur omnia nostra delicta, & extinguatur in te omnis virtus diabolica. *Ex Psalmis.*

09. **D**ixit Dominus Domino meo: Sede à dextris meis.

Donec ponam inimicos tuos: scabellum pedum tuorum.

5. **D**extera tua Domine magnificata est in fortitudine, dextera tua Domine percussit inimicum, & in multitudine gloriæ tuæ deposuisti aduersarios tuos.

5. **I**lluminans tu mirabiliter à montibus æternis, turbati sunt omnes insipientes corde.

Tu terribilis es, & quis resistet tibi? ex tunc ira tua.

Inimi-

Inimici defecerunt frameæ in finem, & *Psal. 9*
ciuitates destruxisti.

Tu confregisti capita draconis : dedisti *Psal. 7*
eum escam populis Æthiopum.

Tu dirupisti fontes & torrentes : tu sicca-
sti fluuios Ethan.

Custodit Dominus omnes diligentes se: *Psal. 1*
& omnes peccatores disperdet.

Dominus soluit compeditos, Dominus *Psal. 1*
illuminat cæcos.

Dominus erigit elisos, Dominus diligit
iustos.

Qui habitat in cælis irridebit eos; & Do- *Psal. 1*
minus subsannabit eos.

Deus conteret dentes eorum in ore ip- *Psal. 1*
sorum, molas leonum confringet Domi-
nus.

Virum sanguinum & dolosum abomina- *Psal. 1*
bitur Dominus : ego autem in multitudine
misericordiæ tuæ introibo in domum tuam,
& confitebor nomini tuo.

Dominus irridebit eum, quoniam pro- *Psal. 1*
spicit quòd veniet dies eius.

Immittet Angelus Domini in circuitu *Psal. 1*
timentium eum, & eripiet eos.

E X O R C I S M V S.

A Vdite aspides tartareæ, exorcizo vos,
cuiuscumque generis sitis, vt sine vlla
mora discedatis ab hac creatura Dei N. om-

H

neque

114 MANVALIS EXORCISMORVM
neque maleficium aut maleficij signum dis-
soluatis.

Exorcizo vos per eum qui dixit : Ego sum
qui sum. per simplicissimam vnitatem Dei.

Exorcizo vos per veritatem vnius princi-
pij totius vniuersi Creatoris & Reſtoris.

Adiuro vos vt fugiatis , per æternum
Deum, Patrem luminum.

Adiuro vos per Deum Filium,quem ado-
rant omnes Angeli Dei.

Adiuro vos per Spiritum sanctum à Pa-
tre Filioque procedentem.

Adiuro vos vt relinquatis hanc creatu-
ram Dei , per sanctissimam Trinitatem,Pa-
trem, Filium , & Spiritum sanctum , vnum
Deum omnipotentē, vnius essentia, substā-
tia, & potestatis : ex quo omnia , per quem
omnia, & in quo omnia, cui gloria in sæcula.

Adiuro vos per diuinarum personarum
æqualitatem.

Impero vobis vt recedatis , per immensi-
tatem , incomprehensibilitatem , æternita-
tem, infinitatem, immutabilitatē, iustitiam
& misericordiam Dei.

Exorcizo vos vt ab hac creatura Dei exea-
tis, per Filij Dei incarnationem, aduentum,
& natiuitatem, per eiusdem baptismum &
sanctum ieiunium.

Per crucem Christi & passionem.

Per

Per mortem Domini & sepulturam.

Per sanctam ipsius resurrectionem & admirabilem ascensionem.

Exorcizo vos per aduentum sanctissimi Paracleti.

Per sanctificationem eius & consolationem, vt ab hac creatura Dei exeatis, & amplius ne introëatis in eam.

Lectio beati Pauli Apostoli. *Hebr. 4.*

FRatres, Adeamus cum fiducia ad thronum gratiæ eius, vt misericordiam consequamur, & gratiam inueniamus in auxilio opportuno. *Vers.* Tu autem Domine misere nostri. *Resp.* Deo gratias.

Lectio sancti Euangelij secundum
Lucam. *Luc. II.*

IN illo tempore: Dixit Iesus discipulis suis: Petite, & dabitur vobis; quærite, & inuenietis; pulsate, & aperietur vobis. Omnis enim qui petit, accipit; & qui quærit, inuenit; & pulsanti aperietur. *Resp.* Laus tibi Christe.

Per Euangelica dicta deleantur omnia nostra delicta, & extinguatur in te omnis virtus diabolica.

Exorcista flectat genua, & ad Deum dicat:

EXaudi Deus orationem meam cum de- *Psal.*
precor, à timore inimici eripe animam meam.

60. Exaudi Deus deprecationem meam, intendente orationi meæ.

125. Conuerte Domine captiuitatē nostram, sicut torrens in Austro.

79. Incensa igni, & suffossa, ab increpatione vultus tui peribunt.

12. Deus meus pone illos vt rotam, & sicut stipulam ante faciem venti.

Et cognoscant quia nomen tibi Dominus, tu solus Altissimus in omni terra.

8. Ne quando dicant in gentibus, Vbi est Deus eorum?

4. Ne dicant in cordibus suis: Euge, euge, animæ nostræ.

Nec dicant, Deuorauimus eum.

6. Educes me de laqueo hoc quem absconderūt mihi, quoniam tu es protector meus.

2. Ita persequēris illos in tempestate tua, & in ira tua turbabis eos.

Gloria Patri, & Filio. Sicut erat.

EXORCISMVS *per* SACRAMENTA.

EXorcizo vos, nequissimi latrones, qui hominem ab Ierusalem in Iericho, à felicitate innocentiae ad peccati miseriam descendentem despoliaſtis, & plagis impositis semiuiuum reliquistis. Exorcizo vos per piissimum Samaritanum Iesum Christum, qui per incarnationis humilitatem misero ho-

homini appropians alligauit vulnera eius, & visibilibus Sacramentis institutis, tamquam oleo & vino infusis, eorundem Sacramentorum virtute infirmum reficere, & contra vestram nequitiam præsumptamque potentiam vires suppeditare dignatus est.

Formidate igitur accedere ad hominis Christiani corpus, qui in morte Christi baptizatus, consepultus est cum illo per Baptismum in mortem, atque erutus de potestate tenebrarum (vestra scilicet) translatus est in regnum Filij dilectionis Dei, à cuius regno vos excidisse non ignoratis.

Adiuro vos per virtutem Spiritus sancti, qui in Sacramento Confirmationis per Chrismatis vñctionem & signum Crucis, cum impositione manus Episcopalis Christianorum frontibus impressum, in eorum cordibus non tantum charitatis dona multiplicat, verum etiam robur mentis subministrat, quo, in militiam spiritualem conscripti, omnibus vestris impugnationibus redduntur superiores.

Adiuro quoque vos per eximiam illam Christi erga homines charitatem, qua sanctissimum Corpus & pretiosissimum Sanguinem suum, quæ in Eucharistia sub speciebus panis & vini verè & substantialiter adsunt, illis in cibum potumque spiritualem

concedere voluit in suæ passionis memoriam , & incruenti sacrificij oblationem ; cuius virtute omnibus efficiuntur hostibus fortiores . Quapropter Christiani hominis corpus, quod à iudice vestro, qui in hoc Sacramento præsens est, tanto honore dignum habetur, eueltigìò deferite.

Quidni ab hoc seruo Dei statim receditis, toties ab eo victi, quoties per Sacramentum Pœnitentiæ vel statui gratiæ restitutus est , vel ampliore iustificatione donatus, mundante eum & sanctificante Sanguine Christi, cuius virtutem sustinere nullo modo potestis.

Arguit imbecillitatem vestram ad maiorem confusionem, quòd Christianos in infirmitate constitutos tentationibus vestris infestantes per virtutem extremæ Vnctionis à Christo instituræ non rarò fugemini , & animas, quarum perditioni inhiatis, ad Beatorũ sedes angelico ministerio deferri cum vestra indignatione videre compellamini. Ita nunc quoque hinc discedite , eiusdem Christi virtute constricti, in cuius nomine vos adiuro.

Recordari enim vos oportet, quòd Christus Dominus per Ordinis Sacramentum seruis suis potestatem dederit calcandi super serpentes & scorpiones , omnemq; virtutem

tutem vestram pedibus eorum subiecerit. Vnde & ego (quamuis indignus & peccator) ad ignominiam vestram pedibus istis Euangelicis vos naturâ superiores cōculco, & in nomine Iesu, qui hanc mihi dedit potestatem, vos protrudo, mandoq; vt ab hoc seruo Dei exeatis, eumque vexare desinatis, neque vltteriùs accedatis ad eum.

Sed & probè scitis, spiritus immundi, qui carnis spurcicias diligentes, fortitudinem habetis in lumbis vestris, & virtutē in vmbilico ventris vestri: quantum de viribus vestris ademptum sit, cū Christus Dominus matrimonialem contractum Sacramenti honore nobilitans, amorem coniugum naturalem sublimauit in spiritualem charitatem, vt esset honorabile coniugium in omnibus, & torus immaculatus.

Quid ergo tot Sacramentorum virtute attriti, viribus vestris confiditis? nec ad terribile Dei nomen, in quo vos adiuro, continuo fugam capitis? Discedite toties victi. Discedite viribus destituti. Discedite coram Christo Domino imbecilles, qui vos vt per Sacramenta sanctissima in hoc sæculo hominibus vincendos exposuit, ita in die iudicij sempiternis ignibus cruciandos addicet. Cui est honor & gloria per omnia sæcula sæculorum.

Exprobratio in satanam.

O Miserrime & nequissime spiritus, ecce contra te tuum Factorem ac punitorem inuocaui, cuius longanimitatem contemnere non consueuisti impunè. Reminisci debuisses, quemadmodum in te, & quàm iustè, statim ab initio tuæ conditionis animaduertit. Audi, miserrime, opprobriū tuum. Vos spiritus nunc quidem brutales, olim etiam hominibus nobiliores omnes à Deo omnipotente producti fuistis, donis naturalibus sublimes, sed gratuitis sublimiores: qui in ipso mox vestræ conditionis exordio, Conditori vestro non solum ingrati, verum etiam rebelles extitistis, in superbiam, in liuorem & odium maximum prorumpentes. O ingratitudinē maximam! ô inauditam temeritatem! ô flammis æternis exurendum scelus! Audiatis quid de vestro principe, & singulis vestrūm, suo modo sub figura Nabuchodonosor superbissimi, immò quid de Nabuchodonosor adinstar satanæ, dicat per Isaïam magnus & admirabilis Conditor vester: Quomodo (inquit) cecidisti de cælo Lucifer? qui nanè oriebaris, corruisti in terram. Corruisti, inquam, tu, qui tua pulchritudine delectatus, dicebas in corde tuo, tuum scilicet olasphemando Conditozem, vnde laudare debuif-

buiffes; In cælum conscendam, super astra
 cæli exaltabo folium meum. Sedebo in mō-
 te testamenti, in lateribus Aquilonis. Ascen-
 dam super altitudinem nubium, similis ero
 Altissimo. O verbum totius temeritatis!
 & cui per magnum & admirabilem Ado-
 nai iultissimè respondeatur: Verumtamen,
 ô spiritus ingrate atque superbissime, ad in-
 fernum detrahêris, in profundum laci. Qui
 te viderint post tātam dignitatem obsiden-
 tem corpora humana, & infra intestina ster-
 corea latitantem, bestiales gestus rugitusq̃;
 porcinos cum femineis eiulatibus exercen-
 tem, ad te contemplandum præ admiratione
 inclinabuntur, vt videant ad quantam
 profunditatem, de tanta sublimitate explo-
 sus, ruensq̃ue descenderis.

Illud verò, miserrime, quomodo sufferre
 iam potes, quòd omnipotens Deus de su-
 perbissimo Rege Tyri sub tua persona,
 qui eum tuo facto docuisti, per Ezechielem
 profitetur & dicit: Tu signaculum similitu- *Ezec*
 dinis, plenus sapientia, & perfectus decore,
 in deliciis Paradisi Dei fuisti. Omnis lapis
 pretiosus operimentum tuum: sardius, to-
 pazius, & iaspis, chrysolithus, & onyx, &
 beryllus, sapphirus, & carbunculus, & sma-
 ragdus: aurum opus decòris tui: & forami-
 na tua, in die qua conditus es, præparata
 sunt.

sunt. Tu Cherub extentus, & protegens, & posui te in monte sancto Dei, in medio lapidum ignitorum ambulasti: perfectus in viis tuis à die conditionis tuæ, donec inuenta est iniquitas in te. In multitudine negotiationis tuæ repleta sunt interiora tua iniquitate, & peccasti: & eieci te de monte Dei, & perdidisti te, ô Cherub, protegens de medio lapidum ignitorum, quorum consortio te indignum effecisti. Perdidisti sapientiam (Deo teste) licet tu apud mulierculas & Necromanticos de sapientia glorieris: & ex angelo effectus es bestia teterrima & scabiosa.

O miserrime, quo nulla creatura miserior vel impudentior est, quomodo post tantam gloriam audes comparere, & brutales, imò porcinos moliri rugitus? Erubescere miselle, & fuge, Dei omnipotentis imperia veritus.

Nam ego Iesu Christi Nazareni crucifixi indignus Sacerdos & famulus, auctoritate & virtute Dei omnipotentis, Patris ✠, & Filij ✠, & Spiritus ✠ sancti, præcipio tibi ut hoc Dei templum desinas occupare. Et contra te inuoco sanctam Trinitatem, vlttricem contumaciæ tuæ, beatam Virginem Mariam, omnes bonorum Spirituum choros, omnes electos Dei, quos omnes humiliter

liter precor, vt mihi aduersum te sint in adiutorium. Fuge miserrime, fuge latro, quia iudex adest iratus: adest contra te iudicium Iesu Christi Nazareni crucifixi. Imperet tibi Dominus, qui venturus est iudicare viuos & mortuos, & sæculum per ignem.

Si quando Exorcista iudicabit expedire vt interroget aliqua à demone, seruat is iis quæ habentur in Instructione, præmittet sequentia.

Lectio Actuum Apostolorum.

Act. 16.

F Actum est euntibus nobis ad orationem, puellam quamdam habentem spiritum pythoem obuiare nobis, quæ quæstum magnum præstabat dominis suis diuinando. Hæc subsecuta Paulum & nos, clamabat dicens: Isti homines, serui Dei excelsi sunt, qui annuntiant vobis viam salutis. hoc autem faciebat multis diebus. Dolens autem Paulus, & conuersus, spiritui dixit: Præcipio tibi in nomine Iesu Christi exire ab ea. Et exiit eadem hora. Tu autem Domine miserere nostri. *Resp.* Deo gratias.

Lectio sancti Euangelij secundum Marcum.

Marc. 9.

IN illo tempore: Respondens vnus de turba, dixit: Magister, attuli filiũ meum ad te, habentem spiritum mutum: qui vbi cumque eum apprehendit, allidit illum, & spumat,

spumat, & stridet dentibus, & arescit: & dixi discipulis tuis vt eiicerent illum, & non potuerunt. Qui respondens eis, dixit: O generatio incredula, quamdiu apud vos ero? quamdiu vos patiar? afferte illum ad me. Et attulerunt eum. Et cum vidisset eum, statim spiritus conturbauit illum: & elusus in terram, volutabatur spumans. Et interrogauit patrem eius: Quantum temporis est, ex quo ei hoc accidit? At ille ait: Ab infantia: & frequenter eum in ignem, & in aquas misit, vt eum perderet. Sed si quid potes, adiuua nos, misertus nostri. Iesus autem ait illi: Si potes credere, omnia possibilia sunt credenti. Et continuo exclamans pater pueri, cum lacrymis aiebat: Credo, Domine: adiuua incredulitatem meam. Et cum videret Iesus concurrentem turbam, comminatus est spiritui immundo, dicens illi: Surde & mute spiritus, ego præcipio tibi, exi ab eo, & ampliùs ne introëas in eum. Et exclamans, & multum discerpens eum, exiit ab eo: & factus est sicut mortuus, ita vt multi dicerent: Quia mortuus est. Iesus autem tenens manum eius, eleuauit eum, & surrexit. *Resp.* Laus tibi Christe.

Per Euangelica dicta deleantur omnia nostra delicta, & extinguatur in te omnis virtus diabolica.

Subiunget Exorcista: Adiuro te per Deum Matt.
vium, vt non contradicas verbo veritatis Eccli.
vilo modo; & de mendacio ineruditionis
tuæ confundaris.

*Hic petat Exorcista ea quæ scire desiderat
pro faciliiori expulsionẽ demonum, dicendo:
Da gloriam Deo.*

Ioan.

*Si diabolus recuset respondere, vel mendaciis
vel nugis diuertere interrogata, insurgat
Exorcista, dicens: Iterum atque iterum ad- 3. Reg
iuro te, vt non loquaris mihi, nisi quod ve-
rum est, in nomine Domini.*

*Si ex responso demonis vel aliis signis ad-
uertat Exorcista plures esse in corpore obsesso
dæmones, tam in adiurationibus præcedenti-
bus quàm sequentibus & in aliis Precibus ute-
tur numero plurali.*

*Deinde siue responderit demon siue non,
quamdiu non fuerit eiectus, prosequitur Exor-
cista suam exorcizationem, & adiurationes,
donec victoriam reportet de hoste communi,
Deo fauente & iubente.*

E X O R C I S M I

qui nituntur inuocationibus
& suffragiis Sanctorum
& Sanctarum DEI.

Primus, Per inuocationem beatissimæ
Virginis MARIAE.

*Flexis genibus ante altare vel imaginem beatis-
sime Virginis, vel alterius Sacti vel Sancte,
leget Exorcista alta voce Litanias B. MARIAE
LAVRETANÆ, prout sequuntur.*

KYrie eleison. Christe eleison. Kyrie
eleison. Christe audi nos. Christe
exaudi nos.

Pater de cælis Deus, Miserere nobis.

Fili Redemptor mundi Deus, Miserere
nobis.

Spiritus sancte Deus, Miserere nobis.

Sancta Trinitas vnus Deus, Miserere nobis.

Sancta Maria, Ora pro eo.

Sancta Dei genitrix, Ora pro eo.

Sancta Virgo virginum, Ora pro eo.

Mater Christi, Ora pro eo.

Mater diuinæ gratiæ, Ora pro eo.

Mater purissima, Ora pro eo.

Mater

| | |
|--------------------------|-------------|
| Mater castissima, | Ora pro eo. |
| Mater inuiolata, | Ora pro eo. |
| Mater intemerata, | Ora pro eo. |
| Mater amabilis, | Ora pro eo. |
| Mater admirabilis, | Ora pro eo. |
| Mater Creatoris, | Ora pro eo. |
| Mater Saluatoris, | Ora pro eo. |
| Virgo prudentissima, | Ora pro eo. |
| Virgo veneranda, | Ora pro eo. |
| Virgo prædicanda, | Ora pro eo. |
| Virgo potens, | Ora pro eo. |
| Virgo clemens, | Ora pro eo. |
| Virgo fidelis, | Ora pro eo. |
| Speculum iustitiæ, | Ora pro eo. |
| Sedes sapientiæ, | Ora pro eo. |
| Causa nostræ lætitiæ, | Ora pro eo. |
| Vas spirituale, | Ora pro eo. |
| Vas honorabile, | Ora pro eo. |
| Vas insigne deuotionis, | Ora pro eo. |
| Rosa mystica, | Ora pro eo. |
| Turris Dauidica, | Ora pro eo. |
| Turris eburnea, | Ora pro eo. |
| Domus aurea, | Ora pro eo. |
| Fœderis arca, | Ora pro eo. |
| Ianua cæli, | Ora pro eo. |
| Stella matutina, | Ora pro eo. |
| Salus infirmorum, | Ora pro eo. |
| Refugium peccatorum, | Ora pro eo. |
| Consolatrix afflictorum, | Ora pro eo. |
| | Auxi- |

| | |
|--------------------------|-------------|
| Auxilium Christianorum, | Ora pro eo. |
| Regina Angelorum, | Ora pro eo. |
| Regina Patriarcharum, | Ora pro eo. |
| Regina Prophetarum, | Ora pro eo. |
| Regina Apostolorum, | Ora pro eo. |
| Regina Martyrum, | Ora pro eo. |
| Regina Confessorum, | Ora pro eo. |
| Regina Virginum, | Ora pro eo. |
| Regina Sanctorum omnium, | Ora pro eo. |

Agnus Dei qui tollis peccata mundi, Parce nobis Domine.

Agnus Dei qui tollis peccata mundi, Exaudi nos Domine.

Agnus Dei qui tollis peccata mundi, Misereere nobis.

Christe audi nos. Christe exaudi nos. Kyrie eleison. Christe eleison. Kyrie eleison. Pater noster. *Vers.* Et ne nos inducas in tentationem. *Resp.* Sed libera nos à malo. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo. Oremus.

COncede nos famulos tuos, quæsumus Dñe Deus, perpetua mentis & corporis sanitate gaudere: & gloriosa beatæ Mariæ semper virginis intercessione, à præsentī liberari tristitia, & æterna perfrui lætitia. Per Christum Dominum nostrum. *Resp.* Amen.

Oratio.

Oratio.

DEus qui salutis æternæ, beatæ Mariæ virginitate fecunda, humano generi præmia præstitisti: tribue quæsumus, vt ipsam pro nobis intercedere sentiamus, per quam meruimus auctorem vitæ suscipere Dominum nostrum Iesum Christum, &c.
Resp. Amen.

Oratio.

OMaria virgo, quæ contriuiisti caput serpentis, fugatrix dæmonum, & maleficiorum dissipatrix, ne hæc creatura, ad imaginem & similitudinem filij tui creata, vlteriùs crucietur succurre; & preces nostras, quas auribus tuæ pietatis & misericordiæ offerimus, exaudi; vt desideratam sanitatem tuo pio interuentu obtineat, largiente Iesu Christo filio tuo crucifixo, regnante in sæcula sæculorum. *Resp. Amen.*

Surgens Exorcista ab Oratione, asperget infirmum & circumstantes Aqua benedicta, & eleuatis oculis in calum dicet: Sub tuum præsidium confugimus, sancta Dei genitrix, nostras deprecationes ne despicias, & concede, vt te adiuuante de hoc superbo hoste victoriam referamus.

Sequentia sancti Euangelij secundum

Lucam.

Luce 1.

EXurgens autem Maria in diebus illis, abiit in montana cum festinatione, in

I

ciui-

130 MANVALIS EXORCISMORVM
ciuitatem Iuda, & intrauit in domum Zachariæ, & salutauit Elisabeth. Et factum est, vt audiuit salutationem Mariæ Elisabeth, exultauit infans in vtero eius: & repleta est Spiritu sancto Elisabeth, & exclamauit voce magna, & dixit: Benedicta tu inter mulieres, & benedictus fructus ventris tui. Et vnde hoc mihi vt veniat mater Domini mei ad me? Ecce enim vt facta est vox salutationis tuæ in auribus meis, exultauit in gaudio infans in vtero meo. Et beata quæ credidisti; quoniam perficientur ea quæ dicta sunt tibi à Domino. Et ait Maria: Magnificat anima mea Dominum: Et exultauit spiritus meus in Deo salutari meo. Quia respexit humilitatem ancillæ suæ: ecce enim ex hoc beatam me dicent omnes generationes. Quia fecit mihi magna, qui potens est: & sanctum nomen eius. Et misericordia eius à progenie in progenies: timentibus eum. Fecit potentiam in brachio suo: dispersit superbos mente cordis sui. Deposuit potentes de sede: & exaltauit humiles. Esurientes impleuit bonis: & diuites dimisit inanes. Suscepit Israel puerum suum, recordatus misericordiæ suæ. Sicut locutus est ad patres nostros: Abraham, & semini eius in sæcula. Mansit autem Maria cum illa quasi mensibus tribus: & reuersa est in domum

rum suam. *Resp.* Laus tibi Christe.

Subiunget Exorcista, quod semper faciet lecto aliquo Euangelio. Per Euangelica dicta deleantur omnia nostra delicta, & extinguatur in te omnis virtus diabolica.

E X O R C I S M V S.

Illa mater Dei intemerata, semper virgo Maria, quam Dominus omnipotens ab initio viarum suarum, antequam quidquam faceret à principio, & ab æterno elegit sibi in matrem & sponsam: illa inquam vos virginittis hostes per suam intercessionem expellat ab hac creatura Dei, ipsique Deo hoc habitaculum suum, quod temerè præsumpsistis inuadere, relinquatis, ac omne maleficiorum genus dissoluatis.

Illa vobis suis meritis contraheniat, cuius partus exstitit salutis exordium, & gaudium annuntiavit in vniuerso mundo: ipsa enim est flos campi, de qua ortum est pretiosum lilium conuallium, per cuius partum mutatur natura protoplastorum, deletur & culpa; ex ea enim ortus est Sol iustitiæ Christus Deus noster, qui soluens maledictionem, dedit benedictionem, & confundens mortem, donauit nobis vitam sempiternam.

Illa vos vestramque superbiam calcet, o angeli apostatici, cui missus est Angelus Ga- Luc.
briel

132 MANVALIS EXORCISMORVM
briel à Deo in ciuitatem Galilææ, cui nomē
Nazareth, vt salutatione præmissa, conce-
ptionem Dominicam nuntiaret, dicendo:
Ecce concipies & paries filium, & vocabis
nomen eius I E S V M: hic erit magnus, &
filius Altissimi vocabitur. fiet autem istud
Spiritu sancto superueniente in te, & Altis-
simi virtute te obumbrante.

Illa vos vestramque superbiam concul-
cet, quæ cum se grauidam cognouisset,
exurgens abiit in montana cum festinatio-
ne in ciuitatem Iudæ, & intrauit in domum
Zachariæ, & salutauit Elisabeth. Et factum
est vt audiuit salutationē Mariæ Elisabeth,
exultauit infans in vtero eius. Et repleta est
Spiritu sancto Elisabeth, & exclamauit di-
cens: Benedicta tu inter mulieres, & bene-
dictus fructus ventris tui.

Illa vos vestramque superbiam vincat,
quæ nouem post conceptionem decursis
mensibus, dum medium silentium tenerent
omnia, & nox in suo cursu medium iter per-
ageret, dum pastores vigilias noctis custodi-
rēt super gregem suum, peperit filium suum
primogenitum, & pannis eum inuoluit, &
reclinauit in præsepe, quia non erat ei locus
in diuersorio.

Illa vos vestramque proteruiam retun-
dat, in qua præcisum est illud Euæ infelici-
tatis

tatis elogium, quo dicitur, In dolore paries filios, quia ista in lætitia Dominum peperit. Eva enim luxit, ista exultavit: Eva lacrymas, Maria gaudium in ventre portavit: quia illa peccatorem, ista edidit innocentem, & nocentium liberatorem.

Illa vos vestramq; temeritatem cōfundat, & caput vestrum conterat, quæ Virgo ante partum, in partu, & post partum permanfit.

Illa vos expugnet, quæ postquam imple- *Luc.* ti sunt dies purgationis eius, secundum legem Moyfi cum Ioseph sponso suo tulit filium suum, & Dominum nostrum Iesum Christum, in Ierusalem, vt sifteret eum Domino.

Illa vos fugam capere faciat, quæ in Cana Galilææ, ad nuptias in quibus defuit vinum, dixit filio suo: Vinum non habent. Deinde ministris: Quodcumque dixerit vobis, facite.

Illa vos ad loca vobis debita deiiciat, ô corruptores bonæ mentis, quæ cum Maria Cleophæ & Maria Magdalene iuxta crucem Iesu Christi filij sui stabat: quam cum ipse vidisset, ait illi: Mulier, ecce filius tuus. Deinde dixit discipulo suo Ioanni: Ecce mater tua. Et ex illa hora accepit eam discipulus in sua.

Illa vos ad loca vobis debita deturber,

quæ cum debitum carnis morte interueniente exsoluisset, assumpta est ad æthereum thalamum, in quo Rex regum stellato sedet folio.

Illaque tandem vos exterminet, quæ sicut Christi magnificentia super cælos est eleuata, ita exaltata est super choros Angelorum ad cælestia regna; cuius meritis precibusque confusus, auctoritate Filij ipsius ego vobis præcipio vt hinc discedere festinetis, & ab omni maleficio hanc creaturam Dei solutam & liberam relinquatis.

Quousque tandem non exhibitis? quid moramini? quid temerè cogitatis? Fugite rebelles æternæ maiestati, date locum Deo maledicti, & exite ab hac imagine sanctissimæ Trinitatis, euertes ad loca vobis à Deo parata.

Secundus EXORCISMVS, per inuocationem sanctorum ANGELORVM.

Oremus.

Oratio.

DEus, qui miro ordine, Angelorum ministeria, hominumque dispensas: concede propitius; vt à quibus tibi ministrantibus in cælo semper assistitur, ab his in terra vita nostra muniatur. Per Dominum nostrum Iesum, &c. *Resp. Amen.*

Ora-

Oratio.

Visita, quæsumus Domine, hunc famulum tuum N. & omnes insidias inimici ab eo longè repelle. Angeli tui sancti habitent cum eo, qui eum in pace custodiant: & benedictio tua sit super eum semper. Per Christum Dominum nostrum. *Resp. Amē.*

Oratio.

Deus, qui ineffabili providentia sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æterna societate gaudere. Per Dominum nostrum Iesum Christum, &c.

Hic surget Exorcista, & asperget obsessum & circumstantes Aqua benedicta, & stans versus illum, prosequetur sequentia.

Psalmus 90.

Qui habitat in adiutorio Altissimi: in protectione Dei cæli commorabitur.

Dicet Domino, Susceptor meus es tu, & refugium meum: Deus meus, sperabo in eum.

Quoniam ipse liberauit me de laqueo venantium: & à verbo aspero.

Scapulis suis obumbrabit tibi: & sub penis eius sperabis.

Scuto circumdabit te veritas eius: non timebis à timore nocturno.

A sagitta volante in die, à negotio perambulante in tenebris: ab incurfu, & dæmonio meridiano.

Cadent à latere tuo mille, & decem milia à dextris tuis: ad te autem non appropinquabit.

Verumtamen oculis tuis considerabis: & retributionem peccatorum videbis.

Quoniam tu es Domine spes mea: altissimum posuisti refugium tuum.

Non accedet ad te malum: & flagellum non appropinquabit tabernaculo tuo.

Quoniam Angelis suis mandauit de te: vt custodiant te in omnibus viis tuis.

In manibus portabunt te: ne fortè offendas ad lapidem pedem tuum.

Super aspidem & basiliscum ambulabis: & conculcabis leonem & draconem.

Quoniam in me sperauit, liberabo eum: protegam eum, quoniam cognouit nomen meum.

Clamabit ad me, & ego exaudiam eum: cum ipso sum in tribulatione, eripiam eum, & glorificabo eum.

Longitudine dierum replebo eum, & ostendam illi salutare meum.

Gloria Patri, & Filio: & Spiritui sancto.

Sicut erat in principio, & nunc, & semper: & in sæcula sæculorum, Amen.

Lectio

Lectio sancti Euangelij secundum

Matthæum. *Matth. 4.*

IN illo tempore : Ductus est Iesus in desertum à spiritu, vt tentaretur à diabolo. Et cùm ieiunasset quadraginta diebus, & quadraginta noctibus, postea esuriit. Et accedens tentator, dixit ei : Si filius Dei es, dic vt lapides isti panes fiant. Qui respondens, dixit : Scriptum est : Non in solo pane viuit *Deu* homo, sed in omni verbo quod procedit de ore Dei. Tunc assumpsit eum diabolus in sanctam ciuitatem : & statuit eum supra pinnaculum templi, & dixit ei : Si filius Dei es, mitte te deorsum. Scriptum est enim : Quia Angelis suis mandauit de te, & in manibus tollent te, ne fortè offendas ad lapidem pedem tuum. Ait illi Iesus : Rursum scriptum est : Non tentabis Dominum Deum tuum. Iterum assumpsit eum diabolus in montem excelsum valdè : & ostendit ei omnia regna mundi, & gloriam eorum, & dixit ei : Hæc omnia tibi dabo, si cadens adoraueris me. Tunc dicit ei Iesus : Vade sathana : scriptum est enim : Dominum Deum tuum adorabis, & illi soli seruies. Tunc reliquit eum diabolus : & ecce Angeli accesserunt, & ministrabant ei. *Resp.* Laus tibi Christe.

Per Euangelica dicta deleantur omnia

138 MANVALIS EXORCISMORVM
nostra delicta, & extingatur in te omnis
virtus diabolica.

EXORCISMVS.

EXorcizo vos spiritus nequam, qui hoc
plasma Dei vexare præsumitis, per Deū
omnipotentem, sanctorum Angelorum &
vestrum Creatorem, vt agnita vilitate ve-
stra, ad quam per superbiam deuenistis, dis-
sipatoque omni maleficio, ab hac Dei crea-
tura discedatis. Neque enim digni estis vt
in homine tyrannidem exerceatis, qui à na-
turali vestra excellentia contra Deum vos
eleuando deiecti, atque rudentibus inferni
detracti, in carceribus vestris sub caligine
reseruamini. Eum timete, qui sanctos spi-
ritus, suum principatum domiciliumque
seruantes, non tantum æterna gloria remu-
nerauit, verum etiam vestram, quam dese-
ruistis, adiecit dignitatem; ita vt ad ipsorum
præsentiam vos iam contremiscere com-
pellamini, quibus aliquando naturâ pares
fuiſtis.

Illius vos vrgeat maiestas, qui vobis ex
altissima cælorum sede deiectis in ea loca,
vbi vmbra mortis & nullus ordo, sed sempi-
ternus horror inhabitat, stabiliter sibi ad-
hærentes spiritus per hierarchias ordinesque
sic disposuit, vt millia millium throno eius
assistant, & decies millies cetera millia ma-
iestati

iestati ipsius perpetuò ministrent. Quorum ministerio (nisi cesseritis) ad mandatum eius tanta vobis accumulentur tormenta, vt infernalem potiùs flammam, quàm huius creaturæ Dei corpus eligere compellamini.

Illum timete, cuius voluntati obsequens Archangelus Michaël cum exercitu Angelorum, vos frustrà contrà præliantes ita deuicit & subiugauit, vt ne locus quidem vester in cælo ampliùs inueniretur. Horum vos potestati resistere præsumitis? Scitote quòd vestrùm vnus Asmodæus per Raphaëlem Archangelum iecoris fumo è cubiculo Tobiaë & Saræ profligatus, in deserto superioris Ægypti religatus sit.

An ignoratis quòd omnium præsentium Christianorum, qui precibus apud Deum contra vos certant, Angeli semper vident faciem Patris nostri qui in cælis est? qui nos labentes erigunt, qui contra vestros insultus nos muniūt, qui orationes nostras ad Deum perferunt, qui diuinæ beneuolentiæ beneficia suis precibus impetrata nobis reportant. Omnes nos contra vestram contumaciam Dominum inuocamus. Quid moramini vltteriùs? quid expectatis, nisi vt Angeli sancti, de quorum custodia contra vos gloriamur, accepto à Deo mandato flagella vobis

140 MANVALIS EXORCISMORVM
vobis ingeminent, & miseriæ vestræ acerbiora insuper tormenta adiiciantur?

Iterum vos exorcizo per Iesum Christum Dominum nostrum verum hominem verumque Deum, qui sua humilitate & passione mortis paulominus ab Angelis minoratus, sic gloria & honore coronatus est, ut sit caput omnis principatus & potestatis, in quem & desiderant Angeli prospicere, cuius Sanguine hic servus Dei redemptus est. Exite igitur vos apostatici spiritus. Date locum Deo omnipotenti, cui hic servus additus est. Date locum Christo Domino nostro, sub cuius auspiciis hic contra vestram nequitiam militat. Date locum sanctis Angelis, quorum hic tutelæ commissus est, eorumque contra vos auxilium inuocamus, neque eum ulterius à Domini sui seruitio vestris infestationibus aut maleficiis impedire præsumatis. Per eum qui venturus est iudicare viuos & mortuos, & sæculum per ignem.

Tertius

Tertius EXORCISMVS, per inuocationem DEI & SANCTORVM eius.

Flexis genibus leget Exorcista alta voce Litánias sequentes.

KYrie eleison. Christe eleison. Kyrie eleison. Christe audi nos. Christe exaudi nos.

Pater de cælis Deus, Miserere nobis.

Fili Redemptor mundi Deus, Miserere nobis.

Spiritus sancte Deus, Miserere nobis.

Sancta Trinitas vnus Deus, Miserere nobis.

Sancta Maria, Ora pro nobis.

Sancta Dei genitrix, Ora pro nobis.

Sancta Virgo virginum, Ora pro nobis.

Sancte Michaël, Ora pro nobis.

Sancte Gabriel, Ora pro nobis.

Sancte Raphaël, Ora pro nobis.

Omnes sancti Angeli & Archangeli, Orate pro nobis.

Omnes sancti beatorum spirituum ordines, Orate pro nobis.

Sancte Ioannes Baptista, Ora pro nobis.

Omnes sancti Patriarchæ & Prophetæ,

Orate pro nobis.

Sancte Petre, Ora pro nobis.

Sancte Paule, Ora pro nobis.

Sancte

| | |
|---|------------------|
| Sancte Andrea, | Ora pro nobis. |
| Sancte Iacobe, | Ora pro nobis. |
| Sancte Ioannes, | Ora pro nobis. |
| Sancte Thoma, | Ora pro nobis. |
| Sancte Iacobe, | Ora pro nobis. |
| Sancte Philippe, | Ora pro nobis. |
| Sancte Bartholomæe, | Ora pro nobis. |
| Sancte Matthæe, | Ora pro nobis. |
| Sancte Simon, | Ora pro nobis. |
| Sancte Thadæe, | Ora pro nobis. |
| Sancte Matthia, | Ora pro nobis. |
| Sancte Barnaba, | Ora pro nobis. |
| Sancte Luca, | Ora pro nobis. |
| Sancte Marce, | Ora pro nobis. |
| Omnes sancti Apostoli & Euangelistæ, Ora- | |
| te pro nobis. | |
| Omnes sancti Discipuli Domini , Orate | |
| pro nobis. | |
| Omnes sancti Innocentes, Orate pro nobis. | |
| Sancte Stephane, | Ora pro nobis. |
| Sancte Laurenti, | Ora pro nobis. |
| Sancte Vincenti, | Ora pro nobis. |
| Sancti Fabiane & Sebastianæ , Orate pro | |
| nobis. | |
| Sancti Ioannes & Paule, | Orate pro nobis. |
| Sancti Cosma & Damiane, | Orate pro nobis. |
| Sancti Geruasi & Protasi, | Orate pro nobis. |
| Omnes sancti Martyres, | Orate pro nobis. |
| Sancte Siluester, | Ora pro nobis. |
| | Sancte |

| | |
|--|----------------|
| Sancte Gregori, | Ora pro nobis. |
| Sancte Ambrosi, | Ora pro nobis. |
| Sancte Augustine, | Ora pro nobis. |
| Sancte Hieronymus, | Ora pro nobis. |
| Sancte Martine, | Ora pro nobis. |
| Sancte Nicolae, | Ora pro nobis. |
| Omnes sancti Pontifices & Confessores, | |
| Orate pro nobis. | |

| | |
|-----------------------------------|------------------|
| Omnes sancti Doctores, | Orate pro nobis. |
| Sancte Antoni, | Ora pro nobis. |
| Sancte Benedicte, | Ora pro nobis. |
| Sancte Bernarde, | Ora pro nobis. |
| Sancte Dominice, | Ora pro nobis. |
| Sancte Francisce, | Ora pro nobis. |
| Omnes sancti Sacerdotes & Leuitæ, | Orate pro nobis. |

Omnes sancti Monachi & Eremitæ, Orate pro nobis.

| | |
|-------------------------|----------------|
| Sancta Maria Magdalena, | Ora pro nobis. |
| Sancta Agatha, | Ora pro nobis. |
| Sancta Lucia, | Ora pro nobis. |
| Sancta Agnes, | Ora pro nobis. |
| Sancta Cæcilia, | Ora pro nobis. |
| Sancta Catharina, | Ora pro nobis. |
| Sancta Anastasia, | Ora pro nobis. |

Omnes sanctæ Virgines & Viduæ, Orate pro nobis.

Omnes Sancti & Sanctæ Dei, Intercedite pro nobis.

Pro-

Propitius esto, Exaudi nos Domine.
 Ab insidiis diaboli, Libera eum Domine.
 Per mysterium sanctæ Incarnationis tuæ,
 Libera eum Domine.

Per aduentum tuum, Libera eum Do-
 mine.

Per natiuitatem tuam, Libera eum Do-
 mine.

Per baptismum & sanctum ieiunium tuum,
 Libera eum Domine.

Per crucem & passionem tuam, Libera eum
 Domine.

Per mortem & sepulturam tuam, Libera
 eum Domine.

Per sanctam resurrectionem tuam, Libera
 eum Domine.

Per admirabilem ascensionem tuam, Libe-
 ra eum Domine.

Per aduentum Spiritus sancti Paracliti, Li-
 bera eum Domine.

Peccatores, Te rogamus audi nos.

Fili Dei, Te rogamus audi nos.

Agnus Dei qui tollis peccata mundi, Parce
 nobis Domine.

Agnus Dei qui tollis peccata mundi, Exau-
 di nos Domine.

Agnus Dei qui tollis peccata mundi, Mise-
 rere nobis.

Christe audi nos. Christe exaudi nos. Kyrie
 eleison.

eleison. *Christe eleison. Kyrie eleison. Pa-*
ter noster. Ave Maria. Vers. Domine exau-
 di orationem meam. *Resp.* Et clamor meus
 ad te veniat. *Vers.* Dominus vobiscum.
Resp. Et cum spiritu tuo. Oremus:

OMnipotens sempiterne Deus, quæsu-
 mus, vt desideratam nobis tuæ propi-
 tiationis abundantiam, multiplicatis inter-
 cessoribus, largiaris. Per Dominum no-
 strum, &c. *Resp.* Amen. Oremus.

INteruenientibus, Domine, sancta Maria
 virgine matre tua & omnibus Sanctis,
 huic famulo tuo N. auxilij tui placatus ostē-
 de virtutem, vt destructis aduersitatibus, in-
 fidiisq̃ue diabolicis vniuersis, secura dein-
 ceptibi seruiat libertate. Qui cum Patre &
 Spiritu sancto viuis & regnas in sæcula sæ-
 culorum. *Resp.* Amen. Oremus.

OMnes Sancti tui, quæsumus Domine,
 nos vbique adiuuent, & dum eorum
 merita recolimus, patrocinia sentiamus, &
 ab Ecclesia tua cunctam repelle nequitiam.
 Iter, actus, & voluntates nostras in salutis
 tuæ prosperitate dispone, & huic famulo
 tuo pacem, & iisdem interuenientibus à dæ-
 monum infestatione requiem concede. Per
 Dominum, &c. *Resp.* Amen. Oremus.

Protege Domine hunc famulum tuum
 [hanc famulā tuam] N. & Apostolorum
 K tuo-

146 MANVALIS EXORCISMORVM
tuorum Petri & Pauli, & aliorum Aposto-
lorum patrocínio confidentem, perpetua
defensione conserua. Per Dominum.

*Surgens ab oratione Exorcista, asperget in-
firmum Aqua benedicta, & stans versus illum
leget sequentia.*

Psalmus 31.

Bēati, quorum remissæ sunt iniquitates:
& quorum tecta sunt peccata.

Beatus vir, cui non imputauit Dominus
peccatum: nec est in spiritu eius dolus.

Quoniam tacui, inueterauerunt ossa
mea: dum clamarem tota die.

Quoniam die ac nocte grauata est super
me manus tua: conuersus sum in ærumna
mea, dum configitur spina.

Delictum meum cognitum tibi feci: &
iniustitiam meam non abscondi.

Dixi, Confitebor aduersum me iniusti-
tiam meam Domino: & tu remisisti impie-
tatem peccati mei.

Pro hac orabit ad te omnis sanctus: in
tempore opportuno.

Verumtamen in diluuió aquarum multa-
rum: ad eum non approximabunt.

Tu es refugium meum à tribulatione, quæ
circumdedit me: exultatio mea erue me à
circumdantibus me.

Intellectum tibi dabo, & instruam te in
via

via hac qua gradieris: firmabo super te oculos meos.

Nolite fieri sicut equus & mulus: quibus non est intellectus.

In camo & fræno maxillas eorum constringe: qui non approximant ad te.

Multa flagella peccatoris: sperantem autem in Domino misericordia circumdabit.

Lætamini in Domino, & exultate iusti: & gloriamini omnes recti corde.

Gloria Patri, & Filio: & Spiritui sancto.

Sicut erat in principio, & nunc, & semper: & in sæcula sæculorum. Amen.

Lectio sancti Euangelij secundum

Matthæum. *Matth. 15.*

IN illo tempore: Egressus Iesus secessit in partes Tyri & Sidonis. Et ecce mulier Chananæa à finibus illis egressa clamauit, dicens ei: Miserere mei Domine fili David: filia mea malè à demonio vexatur. Qui non respondit ei verbum. Et accedentes discipuli eius, rogabant eum dicentes: Dimitte eam: quia clamat post nos. Ipse autem respondens, ait: Non sum missus nisi ad oues quæ perierunt domus Israel. At illa venit, & adorauit eum, dicens: Domine, adiuua me. Qui respondens ait: Non est bonum sumere panem filiorum, & mittere canibus. At illa dixit: Eriam Domine: nam & catelli

148 MANVALIS EXORCISMORVM
edunt de micis quæ cadunt de mensa dominorum suorum. Tunc respondens Iesus, ait illi: O mulier, magna est fides tua: fiat tibi sicut vis. Et sanata est filia eius ex illa hora. *Resp.* Laus tibi Christe.

Per Euangelica dicta deleantur omnia nostra delicta, & extinguatur in te omnis virtus diabolica.

EXORCISMVS.

EXorcizo vos apostatici spiritus, per Patrem & Filium & Spiritum sanctum, vt ab hac creatura Dei, Sanguine Christi de faucibus vestris erepta, continuò recedatis. Exorcizo vos per B. Mariam virginem Dei matrem, & omnes sanctorum Angelorum choros, & per merita omnium Sanctorum, qui paratam vobis gloriam, à qua per inobedientiam excidistis, fide & operibus consecuti, vestras ruinas in cælestibus impleuerunt.

Exorcizo vos per sanctos Patriarchas & Prophetas, qui aduersus tenebras ignorantie quas mundo induxeratis, à Deo in vineam suam missi tamquam fideles operarij, illas non in se tantum vicerunt, sed & ab aliorum cordibus expulerunt: propter quod & per vestram inuidiam lapidati sunt, secti sunt, in occisione gladij mortui sunt, glorioso de vobis certamine in perpetuum triumphantes.

Exor-

Exorcizo vos per sanctos Apostolos Christi, qui carne velatum Filium Dei simplici fide recipientes, vestram proteruiam, qua Deum qui vos genuit dereliquistis, confuderunt, acceptaque gratia & Apostolatu ad obediendum fidei in omnibus, sua prædicatione totum orbem terrarum ab infidelitate ad Creatoris nostri agnitionem reduxerunt.

Exorcizo vos per quatuor Euangelistas, qui sublimiū mysteriorum Dei cognitione, tamquam oculis pleni intus & foris, lumine Euangelij publicato, vestram qua pro diis haberi volebatis impudentiam detexerunt.

Exorcizo vos per gloriosum exercitum sanctorum Martyrum, qui vobis impiè sæuientibus in eos, sui sanguinis & vitæ prodigi, pro iustitia & veritate agonizarunt vsque ad mortem. A quibus subacti & turpiter victi, erubescite; neque virtuti sanguinis eorum quem pro Christo fuderunt, vltius resistere præsumatis.

Exorcizo vos per sanctos Pontifices, quos Spiritus sanctus posuit Episcopos ad regendam Ecclesiam Christi, quam acquisiuit Sanguine suo, eamque à vobis vestrisque infidiis indefessa vigilantia defenderunt.

Exorcizo vos per sanctos Confessores, qui magna animi fortitudine mundum cum omnibus deliciis contemnentes, cupidita-

150 MANVALIS EXORCISMORVM
rum suarum victores extiterunt ; & supera-
tis vestris tentationibus, diuinorum manda-
torum viam alacri charitate cucurrerunt.

Adiuro vos per sanctos Ecclesiæ Docto-
res, qui non sibi solis viuentes, postquam
Deo per sanctam cōuersationem grati facti
sunt, scriptis quoque eandem Ecclesiam il-
luminarunt, & cōtra hæresum errores, quas
numquam seminare desistitis, munierunt,
atque in Catholica fide conseruarunt.

Exorcizo vos per sanctos Abbates, Mo-
nachos, Eremitas, qui hominum munda-
norum consortia declinantes, atque in soli-
tudinibus errantes, in montibus, speluncis,
& cauernis terræ, quæ loca tamquam vestris
spurcitiis consecrata inhabitare antea con-
sueuistis, impetus vestros fortiter sustinue-
runt, & vobiscum veluti cominus congres-
si, in propriis vos sedibus expugnarunt.

Exorcizo vos per sanctos Presbyteros, qui
diuinis astiterunt in conscientia pura, & im-
maculati Agni oblatione, inter alia bene-
ficia, fidelibus à Deo vestrorum quoque
conatuum exsufflationem frequenter im-
petrauerunt.

Exorcizo vos per sanctas & prudentes
Virgines & Viduas, quæ exhibuerunt cor-
pora sua hostiam viuentem, sanctam, Deo
placentem, vt per continentia libamen, co-
gitan-

gitantes quæ Domini sunt, & placerent cui se probauerunt, vestras quotidiana exercitatione impugnationes & impuritates animo plusquam femineo debellantes.

Hos igitur & omnes Dei Sanctos suppliciter inuocantes, rogamus Deum, vt Angelorum protectio, Patriarcharum fides, lumen Prophetarum, Apostolorum perfecta charitas, Martyrum sanguis, Confessorum fortitudo, Monachorum religiosa deuotio, Virginum castitas, sanctitas Viduarum, & omnium Sanctorum & Sanctarum merita fiant nobis contra vos in adiutorium, Per Christum Dominum nostrum. *Resp.* Amen.

Alia formula exorcizandi obfessos & maleficiatos.



ANTE omnia semper Exorcista asperget obfessum & astantes Aqua benedicta, eamq; sepius inter exorcizandum adhibebit. Deinde imponet stolam collo obfessi, illumq; & astantes serio adhortabitur vt secum orent. Et signando seipsum signo Crucis, dicet:

DEus in adiutorium + meum intende: *psal.*
Domine ad adiuuandum me festina.

Confundantur & reuereantur: qui quæ-
runt animam meam.

Auertantur retrorsum, & erubescant: qui
volunt mihi mala.

Auertantur statim erubescences: qui di-
cunt mihi, Euge, euge.

Exultent & lætentur in te omnes qui quæ-
runt te: & dicant semper, Magnificetur
Dominus, qui diligunt salutare tuum.

Ego verò egenus & pauper sum: Deus ad-
iuua me.

Adiutor meus, & liberator meus es tu:
Domine ne moreris.

Gloria Patri, & Filio.

*Postea à flexis genibus clara voce leget Lita-
nias Sanctorum prout suprà fol. 141. Vel Veni
creator Spiritus, &c. cum Collecta, Deus qui
corda fidelium, &c. pro ratione temporis, &
opportunitate Sacerdotis.*

*Recitatis Litanis, usque Peccatores, Te
rogamus audi nos, surget, & conuersus ad af-
flictum, dicet:*

Vt hanc creaturam pretioso tuo Sangu-
ine redemptam ab infestationibus dæmo-
num liberare digneris, Te rogamus audi
nos.

Vt hanc creaturam tuam à cruciatibus
dæmonum liberare, & benedicere digneris,
Te rogamus audi nos.

Vt

Vt hanc creaturam tuam à potestate dæ-
monum liberare, benedicere, & conseruare
digneris, Te rogamus audi nos.

Fili Dei, Te rogamus audi nos.

Agnus Dei qui tollis peccata mundi, Par-
ce ei Domine.

Agnus Dei qui tollis peccata mundi, Ex-
audi nos Domine.

Agnus Dei qui tollis peccata mundi, Mi-
serere nobis.

Pater noster, &c. *Vers.* Et ne nos inducas
in tentationem. *Resp.* Sed libera nos à malo,

Amen. *Vers.* Domine exaudi orationem
meam. *Resp.* Et clamor meus ad te veniat.

Vers. Dominus vobiscum. *Resp.* Et cum spi-
ritu tuo. Oremus.

Domine Iesu Christe, qui pro redem-
ptione mundi voluisti à Iudæis repro-
bari, & à Iuda proditore osculo tradi, & à
perfidis vinculis alligari, & sicut Agnus
mansuetus ad victimam duci, atque in con-
spectu Pilati ignominiosè sisti, & à falsis te-
stibus accusari, flagellis & opprobriis vexa-
ri, conspui, & spinis coronari, colaphis cædi,
clauis acutis perforari, & in cruce leuari, in-
ter latrones deputari, felle & aceto potari,
lancea vulnerari. Tu Domine Iesu Christe,
per has sanctissimas pœnas tuas, quas ego
indignus peccator recolo, & per sanctam

Crucem tuam te precor, vt nō respicias peccata mea, atq; peccata huius creature tuæ *N.* sed secundū magnam misericordiam tuam libera eum à diabolo vexante; & mihi indigno famulo tuo præbe virtutem, vt valeam expellere omnes dæmones eam vexantes, per tua sanctissima verba. Qui viuis cum Deo Patre in vnitate Spiritus sancti Deus: Per omnia sæcula sæculorum.

Resp. Amen.

Oremus.

Domine Deus omnipotens, inuictæ virtutis auctor, & insuperabilis imperij Rex, & semper magnificus triumphator, qui aduersæ dominationis vires reprimis, qui hostiles nequitias potenter expugnas, qui omnia per tuum verbum ex nihilo condidisti, qui Luciferum & sequaces eius superbos & rebelles de cælo expulisti, qui in Filio tuo ima summis reconciliasti, qui non vis mortem peccatoris, cui proprium est misereri semper & parcere, miserere huic creaturæ tuæ *N.* non respiciendo eius peccata & demerita, sed secundū tuam clementiam libera eam ab omnibus laqueis malignorum spirituum, quibus alligatur, & ab omni infestatione & molestia ipsorum quibus torquetur. Sicut liberaisti Mariam Magdalenam à septem spiritibus immundis, & filiam Chananæ à vexatione dæmonis;

nis; sic hanc creaturam nunc etiam liberare digneris ab omnibus malignis spiritibus eam infestantibus. Et sicut liberaſti Ionam de ventre ceti, & Suſannam de falso crimine, & Dauid de manibus Saul, & tres pueros de camino ignis ardentis, & Daniele de lacu leonum; ita nunc eadem clementia liberare digneris hanc creaturam tuam *N.* Sanguine Filij tui redemptam, & vnda Baptismatis regeneratam, ab omni vexatione malorum spirituum. Et qui dedisti Apostolis potestatem super malignos spiritus & virtutes eorum, ipsosque fugandi à corporibus hominum, & curandi infirmos; ita nunc mihi indigno famulo tuo concedere digneris dono tuæ gratiæ virtutem fugandi istas contrarias potestates tenebrarum ab hac creatura tua *N.* virtute tua, & inuocatione sanctissimi nominis tui. Per Christum Dominum nostrum. *Resp. Amen.* Oremus.

OMnipotens sempiterne Deus, Pater Domini nostri Iesu Christi, te supplices exoramus, vt imperes spiritibus istis qui hunc famulum tuum *N.* detinent, vt ab eo recedant: libera eum, quia credit in verum liberatorem Dominum nostrum Iesum Christum filium tuum: Qui tecum viuit, &c.

Hic Sacerdos surgat ab oratione, & asperget obsec-

obsessum Aqua benedicta, & dicet energumenus vel maleficiatus generalem Confessionem vt sit initio Missæ, Confiteor Deo omnipotenti, &c. vel lingua vulgari qua solet pramitti Confessioni Sacramentali. Qua facta, Sacerdos impendet generalem absolutionem, dicendo, Misereatur tui, &c. Indulgentiam, absolutionem, &c. postea leget sequentes Orationes super afflictum. Oremus. Oratio.

Domine Deus omnipotens, qui dixisti conuersionem te malle peccatoris, quàm mortem; suscipe orationem quam pro famulo tuo *N.* ante conspectum gloriæ tuæ effundimus, vt pariter cum & à peccatis omnibus exuas, & à vexatione diabolicæ fraudis clementer eripias. Per Dominum nostrum, &c. Oremus.

Respice Domine super hunc famulum tuum, pro quo Dominus noster Iesus Christus non dubitauit manibus tradi nocentium, & crucis subire tormentum. Qui tecum viuit & regnat in vnitæte Spiritus sancti Deus, per omnia sæcula sæculorum. *Resp. Amen.* Oremus.

PReces nostræ humilitatis pro tuitione famuli tui *N.* oblatas, petimus Domine dignanter exaudi, & ab eius vexatione malignos spiritus tua potestate compesce. Per Dominum nostrum.

Ore-

Oremus.

Domine Deus virtutum, suscipe preces quas tibi indigni offerimus pro famulo tuo N. vt indulta peccatorum suorum remissione, eum ab opprimentis diaboli inuasiōe digneris eripere. Per Dominum nostrum Iesum Christum, &c. Oremus.

Domine sancte, Pater omnipotens, æterne Deus, qui peccantium animas non vis perire; contine iram quam mere-mur, & respice propitius super hunc famulum tuum N. miserabili afflictione laborantem. Per Dñm nostrum, &c. Oremus.

Deus inuictæ virtutis auctor, & ineffabilis imperij Rex, ac semper magnificus triumphator, qui inimicos & aduersarios nominis tui ad honorem gloriæ tuæ potenter expugnas; te supplices deprecamur, vt hunc famulum tuum N. ab inuidorum spirituum vexatione ad laudem nominis tui liberare digneris. Per Dominum nostrum, &c.

Oremus.

Succurre, quæsumus Domine, famulo tuo N. diabolicis tentationibus crudeliter afflicto, vt per sanctæ Mariæ matris Domini nostri Iesu Christi, sanctorum Petri & Pauli, omniumque Sanctorum & Sanctarum intercessionem ad pristinam mentis & corporis sanitatem pertingere mereatur, &

158 MANVALIS EXORCISMORVM
in tua deinceps protectione, ad tui nominis
gloriam securus permaneat. Per eundem
Dominum, &c.

Consequēter leget Exorcista ea quæ sequuntur.

Lectio libri Sapientiæ. *Eccli. 36.*

Alleua Deus manum tuam super gen-
tes alienas, vt videant potētiam tuam.
Sicut enim in conspectu eorum sanctifica-
tus es in nobis, sic in conspectu nostro ma-
gnificaberis in eis, vt cognoscant te, sicut &
nos cognouimus, quoniam non est Deus
præter te, Domine. In noua signa, & immu-
ta mirabilia. Glorifica manū, & brachium
dextrum. Excita furorem, & effunde iram.
Tolle aduersarium, & afflige inimicum.
Festina tempus, & memento finis, vt enar-
rent mirabilia tua. In ira flammæ deuoretur
qui saluatur: & qui pessimant plebem tuam,
inueniant perditionem. Cōtere caput prin-
cipum inimicorum, dicentium: Non est
alius præter nos. Tu autem Domine mise-
rere nostri. *Resp. Deo gratias.*

Lectio sancti Euangelij secundum
Marcum. *Marc. 16.*

IN illo tempore: Dixit Iesus discipulis
suis: Euntes in mundum vniuersum, præ-
dicare Euangelium omni creaturæ. Qui
crediderit, & baptizatus fuerit, saluus erit:
qui verò non crediderit, condemnabitur.

Signa

Signa autem eos, qui crediderint, hæc sequentur. In nomine meo dæmonia eiicient, linguis loquentur nouis, serpentes tollent: & si mortiferum quid biberint, non eis nocebit: super ægros manus imponent, & benè habebunt. *Resp.* Laus tibi Christe.

Per Euangelica dicta, deleantur omnia nostra delicta, & extinguatur in te omnis virtus diabolica.

Postea prosequetur exorcizationem.

A D I V R A T I O.

A Diuro te †, dæmon, per illum cuius natiuitatem Angelus Mariæ Virgini annuntiauit, quiq̃ue pro nobis peccatoribus descendit de cælis, ET INCARNATVS EST de Spiritu sancto, natus ex Maria Virgine, ET HOMO FACTVS EST. Adiuro te †, dæmon, per eundem qui panniculis inuolutus in præsepio iacere voluit, qui infantiles necessitates sustinens, vberibus virgineis lactatus, pastoribusq̃ue nuntiatus fuit; quiq̃ue, vt Legem imple-ret, circumcidi voluit. Adiuro te †, dæmon, per eundemmet qui Magis (stellâ præuiâ) manifestum se fecit, in temploq̃ue præsentatus in vlnis Simeonis exceptus est, & in Ægyptum fugit. Adiuro te †, dæmon, per eundem qui inuentus in templo in medio Doctorum fuit, & qui à Ioanne bapti-

baptizari voluit, in deserto quadraginta diebus & quadraginta noctibus ieiunauit, & à diabolo tentari se permisit. Adiuro te ✝, dæmon, per eundem qui vocatus ad nuptias, aquam conuertit in vinum, quiq; cæcos illuminauit, surdos fecit audire, claudos ambulare, & qui infirmos propria virtute & potestate sanauit. Adiuro te ✝, dæmon, per illum qui dæmones è corporibus obsessis expulit, qui leprosos mundauit, mortuos suscitauit, cæco nato lumen restituit, super aquas siccis pedibus ambulauit. Adiuro te ✝, dæmon, per eundem qui in monte sancto coram discipulis suis transfiguratus est, & qui Chananæam pro filia sua rogantem exaudiuit, mulieremq; deprehensam in adulterio monuit non amplius peccare, & sine cõdemnatione dimisit. Adiuro te ✝, dæmon, per eundem qui Publicanum ad pœnitentiam vocauit, Petrum lacrymantem suscepit, quiq; ex itinere fatigatus corpus suum fame & siti afflixit, & compatiendo nostris calamitatibus, lacrymatus est. Adiuro te ✝, dæmon, per eundem qui immeritò dæmoniacus & potator vini est appellatus, qui indigentiam paupertatis sustinuit, quiq; cum Maria & Martha ad monumentum Lazari defuncti plorauit, ipsumq; Lazarum quatrduanum fœtentem

tem è monumento excitauit; quique præuidens desolationem Ierusalem, fleuit. Adiuro te †, dæmon, per eundem qui dignatus est pedes discipulorum suorum lauare, & qui in cœna panem & vinum suis sanctissimis verbis in Corpus & Sanguinem suum conuertit, & appropinquante termino suæ passioni, vsque ad sanguineum sudorem ad Patrem orauit, & à Iuda suo discipulo osculo se tradi permisit. Adiuro te †, dæmon, per eundemmet qui ab impiis derisus, & vinculis ligatus, & ad Pontifices ductus, in concilio Iudæorum accusatus, pugnis & alapis in faciem demum cædi voluit. Adiuro te †, dæmon, per eundem qui sputis & opprobriis affectus, facie velari, colaphis cædi, palmis percuti, & variis iniuriis blasphemari, ad columnam nudus ligari, & pro nobis vsque ad sanguinem verberari voluit. Adiuro te †, dæmon, per eundem qui à Pilato traditus fuit militibus, & ab eis veste purpurea indutus, spinis coronatus, arundine percussus, & genuflexionibus subsannatus fuit. Adiuro te †, dæmon, per eundem qui Rex Iudæorum iuste nominatus, à Pilato iniuste iudicatus, veste purpurea exutus, & vestimentis suis denuò indutus, ligno crucis oneratus, ad montem Caluariæ ductus, & cum latronibus deputatus est.

Adiuro te ✝, dæmon, per eundem, qui ve-
 stibus propriis, coram omnibus exutus, in
 cruce eleuatus brachiis extensis, durissimis
 clauis in ea affixus, à prætereuntibus, ab ip-
 sisque Pontificibus blasphematus fuit. Ad-
 iuro te ✝, dæmon, per eundem, cuius labia
 dulcissima & melliflua siti aruerunt, qui que
 faciem suâ speciosam verberibus affectam,
 vt leprosam ostendit, & pro suis crucifixo-
 ribus Patrem exorauit, latronem in cruce
 exaudiuit, matrē propriam Ioanni cōmen-
 dauit. Adiuro te ✝, dæmon, per eundem
 qui sitiens felle & aceto potatus fuit, qui que
 ad Patrem suum magna voce clamans, di-
 xit : In manus tuas commendo spiritum
 meum : qui venerandum illud caput suum
 inclinans, spiritum emisit. Adiuro te ✝, dæ-
 mon, per eundemmet qui pretioso Sangu-
 ine suo totum mundum redemit ; qui que
 lanceâ in latere suo perfoßus fuit, ex quo
 sanguis & aqua exiuit. Adiuro te ✝, dæ-
 mon, per eundem qui de cruce vespere fuit
 depositus, qui que in monumento nouo se-
 pultus, maxima cum virtute ad inferos de-
 scendens portas æreas confregit, & potentiâ
 suâ diabolum vicit, & infernum expoliauit.
 Adiuro te ✝, dæmon, per eundem qui tertia
 die resurgens à mortuis, Mariæ Magdalenzæ
 & discipulis suis apparuit, die verò quadra-
 gesima

gesima illis videntibus in cælum ascēdit, &
 die Pentecostes Spiritum sanctū Paraclitum
 in linguis igneis super illos misit, & per eum-
 dem qui venturus est iudicare viuos & mor-
 tuos, & te maledicte diabole, & sæculum
 per ignem, vt statim exeas & recedas ab hoc
 famulo Dei N. cum omnibus iniquitatibus,
 maleficiis, incantationibus, ligaturis, & fa-
 cturis tuis, numquam ad eum rediturus.
 Nec te lateat, maledicte satan, nec te lateat,
 creatura damnata, & reprobata, & maledi-
 cta à Deo in æternum propter nequitiam
 tuam. Nec te lateat, spiritus immunde, vbi-
 cumque latitas in corpore istius creaturæ
 Dei N. imminere tibi diem iudicij sempi-
 terni, diemque qui venturus est velut cliba-
 nus ardens, in quo tibi & omnibus angelis
 tuis apostaticis æternus superueniet interi-
 tus. Et ideò pro tua nequitia damnate at-
 que damnande, da honorem Deo viuo &
 vero, da honorem Iesu Christo Deo & Sal-
 uatori nostro, da honorem Spiritui sancto
 Paraclito, in cuius nomine atque virtute
 ego præcipio tibi, immunde spiritus, vbi-
 cumque latitas in corpore istius N. vt exeas
 & recedas ab eo, & numquam de cetero ad
 ipsum accedas: quia istum Deus & Domi-
 nus noster Iesus Christus ad suam sanctam
 gratiam & benedictionem, fontemque Ba-

164 MANVALIS EXORCISMORVM
prismatis, dono suæ gratiæ vocare dignatus
est, vt fieret eius templum, per aquam rege-
nerationis, & remissionem omnium pecca-
torum, & per nomen & virtutem eiusdem
Dei & Domini nostri Iesu Christi: qui ven-
turus est iudicare viuos & mortuos, & sæcu-
lum per ignem. *Resp.* Amen.

A D I V R A T I O.

VRgeat ergo te Dominus noster Iesus
Christus Dei filius, vrgeant te Angeli
Dei, vrgeant te Archangeli, vrgeant te Pa-
triarchæ & Prophetæ, vrgeant Apostoli &
Euangelistæ, vrgeant te Martyres, vrgeant
te Confessores, vrgeant te Virgines, vrgeant
te omnes Sancti & electi Dei, & omnes ar-
tes & insidiæ tuæ indies deficiant. Non ergo
inuideatis vlteriùs, ô rebelles Deo, huic N.
pristinam fortitudinem & sanitatem, non
vexetis eum ampliùs, nec impediatis quæ-
rentem vitam æternam.

Alia A D I V R A T I O.

CHristi nomine inuocato, & auctoritate
Ipsius Domini nostri Iesu Christi, quam
suis Apostolis & eorum successoribus, &
omnibus in ipsum credentibus dedit, dicēs:
10. Ecce dedi vobis potestatem calcandi super
serpentes & scorpiones & super omnem
rc. 16. virtutem inimici. Et in alio loco, Signa eos,
qui crediderint, hæc sequentur: In nomine
meo

meo dæmonia eiicient, & super ægros manus imponent, & benè habebunt; ego peccator & minister Christi adiuro vos ✠ omnes nefandos & Deo rebelles spiritus, iusto Dei iudicio æternis & infernalibus ignibus deputatos, per omnipotentiam Dei Patris, & per sapientiam Filij, & per virtutem Spiritus sancti, & per immensitatem, æternitatem, pulchritudinem, nobilitatem & excellentiam Dei: vt ab hac creatura Dei recedatis, & cedendo agnoscatis quòd ipse est Deus omnium, à quo omnia, per quem omnia, in quo omnia, cui omnis decor & gloria conuenit, quem omnes cælestes potestates adorant & contremiscunt: & eadem auctoritate præcipio vobis vt hanc creaturam Dei *N.* sanam, vt inuenistis, relinquatis, numquam ad eam amplius redeuntes; & ad locum, vbi nullam creaturam Dei lædere possitis, protinus abeatis; per illius virtutem & potentiam qui venturus est iudicare viuos & mortuos, & sæculum per ignem.

E X O R C I S M V S.

Vers. Adiutorium nostrum in nomine Domini. *Resp.* Qui fecit cælum & terram.

Vers. Sit nomen Dñi benedictum. *Resp.* Ex hoc nunc & vsque in sæculum. *Vers.* Kyrie eleison. *Christe eleison.* Kyrie eleison. Pater

L ; noster.

166 MANVALIS EXORCISMORVM
noster. *Vers.* Saluum fac seruum tuum,
Resp. Deus meus sperantem in te. *Vers.* Ni-
hil proficiat inimicus in eo. *Resp.* Et filius
iniquitatis nō apponat nocere ei. *Vers.* Mit-
te ei Domine auxilium de sancto. *Resp.* Et
de Sion tuere eum. *Vers.* Esto ei, Domine,
turris fortitudinis. *Resp.* A facie inimici.
Vers. Domine exaudi orationem meam.
Resp. Et clamor meus ad te veniat. *Vers.* Do-
minus vobiscum. *Resp.* Et cum spiritu tuo.

Oremus.

Oratio.

Domine Deus, propitius esto mihi pec-
catori, qui omnes homines vis saluos
fieri, & ad agnitionem veritatis tuæ venire:
suscipe orationem meam, quam pono ante
conspectum clementiæ tuæ, pro famulo
tuo N. qui à dæmonio vexatur, & eum ad
misericordiam tuam peruenire concede.
Per Dominum nostrum, &c.

Exi ab eo, satana, & da locum Spiri-
tui sancto Paraclito: exi foras, spiritus im-
munde, ab hac creatura Dei N. in nomine
Iesu.

Oremus, fratres charissimi, pro hac crea-
tura Dei N. quæ secundum carnem à dæ-
monio vexatur: vt desuper illi mittat Deus
Angelum pacis & Angelum salutis cum
medela cælesti, & vt eam visitare & liberare
digneetur.

Ore-

Oremus.

Domine sancte, Pater omnipotens, æterne Deus, per impositionem manuum mearum, virtute tua, refugiat diabolus ab vniuersis compaginibus membrorum istius creaturæ tuæ N. in nomine Domini nostri Iesu Christi, qui nos suo Sanguine redemit. Qui vêturus est iudicare viuos & mortuos, & sæculum per ignem. *Resp. Amen.*

Oremus.

Deus Angelorum, Deus Archangelorum, Deus Prophetarum, Deus Apostolorum, Deus Martyrum, Deus Confessorum, Deus Virginum, Deus & Pater Domini nostri Iesu Christi, te inuoco, & nomē sanctum tuum, ac præclaræ maiestatis tuæ clementiam supplex deosco, vt mihi auxilium tuum præstare digneris aduersus hunc nequissimum spiritum: vt vbicumque sit, audito nomine tuo velociter exeat & recedat. Per Christum Dominum nostrum, *Resp. Amen.*

A D I V R A T I O.

Ipse tibi imperat, maledicte diabole, qui ventis, ac mari, & tempestatibus imperauit. Ipse tibi imperat, qui te de supernis cælorum in inferiora terræ demergi præcepit. Ipse tibi imperat, qui te super pectus tuum ire præcepit. Audi ergo, satana, & time, &

L 4

victus

victus & prostratus recede, adiuratus in nomine Domini nostri Iesu Christi. Tu ergo, nequissime spiritus, qui es inimicus humani generis, mortis auctor, iustitiæ osor, malorum radix, fons vitiorum, seductor hominum, proditor gentium, incitator inuidiæ, causa discordiæ, origo auaritiæ, excitator dolorum, qui resistis Sanctis, cum scias te amittere vires per eum qui in Isaac est immolatus, in Ioseph venundatus, in agno Paschali occisus, & in homine crucifixus, ab eodem superatus recede in nomine Patris, & Filij, & Spiritus sancti: & da locum Spiritui sancto per hoc signum sanctæ Crucis Domini nostri Iesu Christi, qui venturus est iudicare viuos & mortuos, & sæculum per ignem.

Oremus.

Domine sancte, Pater omnipotens, æterne Deus, qui illum fatanam refugam tyrannum deputasti gehēnæ: qui Vni-
genitum tuum in hunc mundum misisti, vt illum rugientem leonem contereret: velociter attende, & accelera vt eruas hominem, ad imaginem & similitudinem tuam formatum, à ruina & dæmonio meridiano. Da, Domine, terrorē tuum super bestiam, quæ exterminauit vineam tuam: da fiduciam seruis tuis contra hunc nequissimum
spiri-

spiritum fortiter stare: exaudi sperantes in te, quia tu es Deus solus: & ne dicat, sicut olim in Pharaone dixit; Deum non noui, & Israel non dimittam. Vrgeat illum, Domine, potens dextera tua discedere à famulo tuo *N.* nec diutius præsumat tenere captiuum hominem, quem tu ad imaginem tuam facere dignatus es, & in fine sæculi per Sanguinem Filij tui redemisti. Per eundem Dominum nostrum Iesum Christum filium tuum, qui venturus est iudicare viuos & mortuos, & sæculum per ignem. *Resp. Amen.*

Oremus.

OMnipotens sempiterne Deus, Pater Domini nostri Iesu Christi: te supplices deprecamur, impera diabolo qui hunc famulum tuum *N.* detinet, quem Filius tuus vnigenitus redemit suo Sanguine, vt ab eo recedat. Libera eum à vexatione immundorum spirituum vt maiestati tuæ securamēte deferuiat, consecutus gratiam Spiritus sancti. Qui tecum & cum vnigenito Filio tuo viuit & regnat, per omnia sæcula sæculorum. *Resp. Amen.*

Oremus.

Repelle, Domine, ab hoc famulo tuo *N.* omnem infestationē inimici: vt redintegrata sua pristina sanitate, ad gratiarum tua clementia redeat actionem. Per Christum Dominum nostrum. *Resp. Amen.*

L 3

Ore-

Oremus.

DEus conditor & defensor humani generis, qui hominem ad similitudinem tuam formasti: respice super hunc famulum tuum *N.* qui dolis inuidi serpentis appetitur, quem vetus aduersarius & hostis antiquus formidinis horrore circumuoluit, & sensum mentis stupore defigit, atque terrore conturbat, & motu trepido timoris exagitat. Repelle, Domine, virtutem diaboli, & fallaces insidias eius amoue, vt impius tentator effugiat: sitque nominis tui signo famulus tuus in anima tutus & corpore. Tu pectus eius interiora custodias, viscera regas, cor confirmes. In anima aduersariae potestatis tentamenta euanescant. Da, Domine, ad hanc inuocationem nominis tui gratiam, vt qui hucusque terrebat, territus exeat, & victus abscedat; tibi que possit hic famulus tuus corde firmato & mente sincera debitum praebere famulatum. Per eum qui venturus est iudicare viuos & mortuos, & saeculum per ignem. *Resp.* Amen.

A D I V R A T I O.

A Diuro vos, spiritus, & angeli maligni, & persecutores Christianorum, per Patrem, & Filium, & Spiritum sanctum: per aduentum Domini nostri Iesu Christi: per annuntiationem Gabrielis Archangeli
ad

ad Mariam virginem, per natiuitatem Domini, per humilitatem infantiae eius, & persecutionem ab Herode, per passionem Domini nostri Iesu Christi, per patibulum crucis eius, per sepulturam eius: per resurrectionem eius, per ascensionem eius in cælum, & per aduentum eius ad iudicandum inter iustos & peccatores: & per omnes etiam virtutes cælorum, & per choros Prophetarum, Apostolorum, Martyrum, Confessorum, & Virginum, atque omnium Sanctorum Dei, vt non præsumatis infestare aut vltcriùs fatigare hunc famulum Dei *N.* Per eundem Dominum nostrum Iesum Christum, qui vêturus est iudicare viuos & mortuos, & sæculum per ignem.

Oremus.

OMnipotens sempiterne Deus, petimus humili prece diuinam clementiam tuam, vt famulum tuum *N.* quem conspiciamus ab antiquo hoste satana grauiter tentari, & in sensu suo perturbari atque vexari, ab eius impetu clementer eripias; & hominem tuis manibus formatum, à ruina & dæmonio meridiano liberares: Per Dominum nostrum Iesum Christum, &c. Oremus.

Domine Iesu Christe, qui dedisti potestatem discipulis tuis super omnia dæmonia, vt eiicerent ea de corporibus obsessis:

sis: nos indigni serui tui inuocamus nomen sanctum tuum super hunc famulū tuum N. quem vexat diabolica sæuitia, vt per virtutem tuam diabolum conteras, & eiicias de corpore huius facturæ tuæ, fiatque mundum & expiatum à dæmone, quod Baptismi aqua ablutum est & purificatum: Per te, Christe Saluator mundi, qui viuis & regnas cum Deo Patre, in vnitate Spiritus sancti Deus, &c. *Resp.* Amen.

EXORCIZATIO.

EXorcizo te, immunde spiritus, draco, basilisce, serpens noxie, per Deum Patrem omnipotentem, per verbum veritatis, & per signum sanctæ Crucis Iesu Christi Nazareni, & per Agnum immaculatum, per Filium Dei de altissimis progressum, de Spiritu sancto conceptum, de Maria virgine natum, vt recedas ab hoc famulo Dei N. Adiuro te per eum, quem Ioannes videns exclamauit, dicens; Ecce agnus Dei, ecce qui tollit peccata mundi. Qui venturus est iudicare viuos & mortuos, & sæculum per ignem. *Resp.* Amen.

Alia EXORCIZATIO.

EXorcizo te, spiritus immunde, exi ab hac creatura Dei per inuocationē Domini nostri Iesu Christi. Non tibi impero ego peccator, sed tibi imperat agnus immacula-

culatus Iesus Christus Dominus noster, Dei filius. Vrgeant te de te triumphantes Angeli atque Archangeli, vrgeant te Apostoli, vrgeant te Martyres, vrgeant te Confessores, vrgeant te Virgines. Deficiant vires tuæ diabolicæ. Relinque pristinam fortitudinem membris eius, & sensibus sanitatem. Non in esca, non in potu ei noceas: non superuenias vigilanti, nec dormienti: nec te moueas contra eum, nec impendas quærentem vitam æternam. Per eum qui venturus est iudicare viuos & mortuos, & sæculum per ignem. *Resp. Amen.* Oremus.

TE ergo, Domine Deus noster, supplices exoramus, vt visitatione tua sancta serues famulum tuum N. ne inimicus tuus in anima ista triumphare incipiat.

Vnde, maledicte satana, recognosce sententiam tuam: da honorem Deo ✙ viuo & vero, da honorem Iesu ✙ Christo filio eius, & Spiritui ✙ sancto Paraclito, & recede ab hoc famulo Dei N. Tibi præcipio, dammate immunde spiritus, hostis humani generis, per Deum Patrem omnipotentem, inuisibilem, incomprehensibilem, atq; immortalem, qui fecit celum & terram, mare, & omnia quæ in eis sunt, eradicare ab hoc famulo Dei N. ita vt vltra in eo locum non habeas; sed tu, Deus omnipotens, propitius esto, vt
corpus

174 MANVALIS EXORCISMORVM
corpus à dæmonibus obsessum, à tota ne-
quitia diabolica gratia tua eximatur. Per
Dñm nostrum Iesum Christum filiũ tuum,
qui venturus est iudicare viuos & mortuos,
& sæculum per ignem. *Resp.* Amen.

*Possunt etiam dici Euangelia aliqua, scilicet,
Initium sancti Euangelij secundum Ioan-
nem. fol. 40. vel alia fol. 41. & 77. Item
Psalmi sequentes. Psalmus 69.*

+ **D**Eus in adiutorium meum intende:
Domine ad adiuuandum me festina.

Confundantur & reuereantur: qui quæ-
runt animam meam.

Auertantur retrorsum, & erubescant: qui
volunt mihi mala.

Auertantur statim erubescantes: qui di-
cunt mihi, Euge, euge.

Exultent & lætentur in te omnes qui quæ-
runt te: & dicant semper, Magnificetur
Dominus, qui diligunt salutare tuum.

Ego verò egenus & pauper sum: Deus ad-
iuua me.

Adiutor meus, & liberator meus es tu:
Domine ne moreris.

Gloria Patri, & Filio. *Psalmus 10.*

IN Dño confido, quomodo dicitis animæ
meæ: Transmigra in mōtem sicut passer?

Quoniam ecce peccatores intenderunt
arcum, parauerunt sagittas suas in pharetra:

vt

vt sagittent in obscuro rectos corde.

Quoniam quæ perfecisti destruxerunt:
iustus autem quid fecit?

Dominus in templo sancto suo: Domi-
nus in cælo sedes eius.

Oculi eius in pauperem respiciunt: palpe-
bræ eius interrogant filios hominum.

Dominus interrogat iustum & impium:
qui autem diligit iniquitatem, odit animam
suam.

Pluet super peccatores laqueos: ignis, &
sulphur, & spiritus procellarum pars calicis
eorum.

Quoniam iustus Dominus, & iustitias
dilexit: æquitatem vidit vultus eius.

Gloria Patri.

Psalms 51.

Quid gloriaris in malitia: qui potens es
in iniquitate?

Tota die iniustitiam cogitavit lingua tua:
sicut nouacula acuta fecisti dolum.

Dilexisti malitiam super benignitatem:
iniquitatem magis, quàm loqui æquita-
tem.

Dilexisti omnia verba præcipationis:
lingua dolosa.

Propterea Deus destruet te in finem:
euellet te, & emigrabit te de tabernaculo
tuo, & radicem tuam de terra viuentium.

Videbunt iusti, & timebunt, & super eum
ride-

176 MANVALIS EXORCISMORVM
ridebunt, & dicent: Ecce homo, qui non
posuit Deum adiutorem suum.

Sed speravit in multitudine diuitiarum
suarum: & præualuit in vanitate sua.

Ego autem sicut oliua fructifera in domo
Dei: speravi in misericordia Dei in æter-
num, & in sæculum sæculi.

Confitebor tibi in sæculum, quia fecisti:
& expectabo nomen tuum, quoniam bo-
num est in conspectu sanctorum tuorum.

Gloria Patri, & Filio: & Spiritui sancto.

Sicut erat in principio, & nunc, & sem-
per: & in sæcula sæculorum, Amen.

Psalmus 67.

† **E**Xurgat Deus, & dissipentur inimici
eius: & fugiant, qui oderunt eum, à fa-
cie eius.

Sicut deficit fumus, deficient: sicut fluit
cera à facie ignis, sic pereant peccatores à
facie Dei.

Et iusti epulentur, & exultent in conspe-
ctu Dei: & delectentur in lætitia.

Cantate Deo, psalmũ dicite nomini eius:
iter facite ei qui ascendit super occasum,
Dominus nomen illi.

Exultate in conspectu eius: turbabuntur
à facie eius, patris orphanorum, & iudicis
viduarum.

Deus in loco sancto suo: Deus, qui inha-
habi-

bitare facit vnius moris in domo.

Qui educit vinctos in fortitudine: similiter eos qui exasperant, qui habitant in sepulchris.

Deus cū egredereris in conspectu populi tui: cū pertransires in deserto.

Terra mota est, etenim cæli distillauerunt à facie Dei Sinai: à facie Dei Israel.

Pluuiam voluntariam segregabis Deus hereditati tuæ, & infirmata est: tu verò perfecisti eam.

Animalia tua habitabunt in ea: parasti in dulcedine tua pauperi Deus.

Dominus dabit verbum euangelizantibus: virtute multa.

Rex virtutum dilecti dilecti: & speciei domus diuidere spolia.

Si dormiatis inter medios cleros, pennæ columbæ deargentatæ: & posteriora dorsi eius in pallore auri.

Dum discernit cælestis reges super eam, niue dealbabuntur in Selmon: mons Dei, mons pinguis.

Mons coagulatus, mons pinguis: vt quid suspicamini montes coagulatos?

Mons, in quo beneplacitum est Deo habitare in eo: etenim Dominus habitabit in finem.

Currus Dei decem millibus multiplex,
M mil-

178 MANVALIS EXORCISMORVM
millia lætantium: Dominus in eis in Sina in
sancto.

Ascendisti in altum, cepisti captiuitatem:
accepisti dona in hominibus.

Etenim non credentes: inhabitare Domi-
num Deum.

Benedictus Dominus die quotidie: pro-
sperum iter faciet nobis Deus salutarium
nostrorum.

Deus noster, Deus saluos faciendi: &
Domini Domini exitus mortis.

Verumtamen Deus confringet capita ini-
micorum suorum: verticem capilli peram-
bulantium in delictis suis.

Dixit Dominus, Ex Basan conuertam:
conuertam in profundum maris.

Vt intingatur pes tuus in sanguine: lin-
gua canum tuorum ex inimicis ab ipso.

Viderunt ingressus tuos Deus: ingressus
Dei mei, regis mei, qui est in sancto.

Præuenerunt principes coniuncti psal-
lentibus: in medio iuencularum tympa-
nistriarum.

In ecclesiis benedicite Deo Domino: de
fontibus Israel.

Ibi Benjamin adolescentulus: in mentis
excessu.

Principes Iuda, duces eorum: principes
Zabulon, principes Nephthali.

Man-

Manda Deus virtuti tuæ: confirma hoc Deus, quod operatus es in nobis.

A templo tuo in Ierusalem: tibi offerent reges munera.

Increpa feras arundinis; congregatio taurorum in vaccis populorum: vt excludant eos, qui probati sunt argento.

Dissipa gentes quæ bella volunt, venient legati ex Ægypto: Æthiopia præueniet manus eius Deo.

Regna terræ cantate Deo: psallite Dño.

Psallite Deo, qui ascendit super cælum cali: ad Orientem.

Ecce dabit voci suæ vocem virtutis, date gloriam Deo super Israel: magnificentia eius, & virtus eius in nubibus.

Mirabilis Deus in Sanctis suis, Deus Israel ipse dabit virtutem & fortitudinem plebi suæ: benedictus Deus.

Gloria Patri, & Filio: & Spiritui sancto.

Sicut erat in principio, & nunc, & semper: & in sæcula sæculorum. Amen.

Litanie cum Precibus & Orationibus suis dicantur prout fol. 141. Deinde sæpiùs repetantur isti Versus sequentes, signando energamennum signo Crucis vel eius imagine: & ad singulos Versus assistentes respondeant: Vicit leo de tribu Iuda, radix David. Vers. Ecce Crucem Domini, fugite partes aduersæ.

Resp. Vicit leo de tribu Iuda, radix David.

Vers. Ecce vexillum redemptionis nostræ, ideò fugite partes aduersæ. *Resp.* Vicit leo de tribu Iuda, radix David. *Vers.* Ecce signū confusionis vestræ, ideò fugite partes aduersæ. *Resp.* Vicit leo de tribu Iuda, radix David.

Quandocumque Exorcista voluerit concludere pro illa vice exorcizationem, & necdum diabolus reliquerit obsessum, dicet Exorcista sequentem Protestationem magna fide & fiducia cum subsequente Exorcismo.

P R O T E S T A T I O.

† **Q** Vandoquidem, superbi ac maledicti dæmones, ad diuini nominis inuocationem ab huius creaturæ ~~ex~~ vexatione non desistitis, ne illud vobis impunè futurum existimetis, quoniam ignis, grando, nix, glacies, & spiritus procellarum pars erit calicis vestri.

E X O R C I S M V S.

† **I** Mperet Deus vobis omnibus spiritibus immundis qui estis in hoc corpore, quatenus non præsumatis ascendere superius ad caput vel ad membra huius creature Dei N. aut ipsam lædere: sed sinatis ipsam orare, comedere, bibere, quiescere, & omnia illa agere quæ spectant sanitatem corporis & animæ suæ, atque ad honorem Dei omnipo-

nipotentis: Qui viuit & regnat in sæcula
 sæculorum. *Resp.* Amen.

*Deinde asperget eum & assistentes Aqua
 benedicta, dicens:* Discedant omnes insidiæ
 latentis inimici, & si quid est, quod aut in-
 columitati habitantium inuidet, aut quieti,
 aspersione huius aquæ effugiat, Per eum qui
 venturus est iudicare viuos & mortuos, &
 sæculum per ignem.

*Et breuiter afflictum in materna lingua
 consolando & commonendo, dimittet illum in
 domum suam cum benedictione.*

EXORCISMVS ad compellendum
 dæmonem vt restituat chirogra-
 phum quo homo se illi obligauit.

Oremus.

Oratio.

CLEMENTISSIME Deus, cuius po-
 tentiæ non est finis, qui in omnes crea-
 turas tuas & res earum supremum habes
 semperque retines dominium, ita vt nihil
 sit quod tuo etiam per apostasiam eximi
 possit imperio. Peccauimus in te, tuamque
 prouocauimus iustissimam iracundiã, quan-
 do tuis mandatis non obediuimus. Atque
 tunc maximè, quando ab amicitia tua &
 Dño fugientes, te abnegauimus, & impio-
 rum dæmonum consortio nos adiunximus:

& quasi non sufficeret abnegasse te, etiam per scripturam nos dæmonibus obligauimus, & chirographum illud voluntariæ obligationis contra te illi tradidimus asseruandum. Verùm, clementissime Domine, quia misericordiæ quoque tuæ non est numerus, & tibi proprium est misereri semper & parcere; hæc tua creatura, quæ te abnegato se dæmonibus tradito chirographo obligauit, in se infinita tua bonitate reuerfa, suam detestatur impietatem, & timore tuo compuncta, abnegato rursus dæmone, tibi vero suo Domino subdi, atque in gratiam tuam recipi contrito corde desiderat. Scimus, Domine, te cor contritum & humiliatum numquam despicere, neque chirographum illud misericordiæ tuæ vllum impedimentum ponere posse; ideoque supplices te deprecamur, vt abundantia pietatis tuæ non tantum huius peccati impietatem, per Sanguinem filij tui Domini nostri Iesu Christi remittas, sed & dæmonem ad restituendum chirographum obligationis & traditionis illius verbo virtutis tuæ compellas: ne de sua tyrannide glorietur, ne ius aliquod prætendat in hominem, quem per Filium tuum peccatorum suorum vinculis absolui deprecamur. Per eundem Dominum nostrum Iesum Christum, &c.

E X O R C I S M V S.

EXorcizo te, impie satan, qui cū tuo excideris principatu, tyrannicum in homines semper affectas imperiū. Exorcizo te per Iesum Christum, qui venit in hūc mundum peccatores saluos facere, vt ab hac creatura, quæ tuis fraudibus decepta se tibi tradidit, omne tuum imperium festinus amoueas. Ex hoc enim rursus te deferens, diuinæ misericordiæ se committit, vt ei seruiat cui se totam debet, quiq̃ue seruientibus sibi æternæ vitæ mercedem promisit. Exorcizo te per pretiosum Sanguinem Iesu Christi, quo deletum est chirographum decreti quod erat nobis cōtrarium, ita vt suscipiente Iesu peccatorem in gratiam suam, aduersus eum nihil ampliùs debeas præsumere, vt chirographum quo hæc creatura se tibi obligauit, cū per Sanguinem Christi abolitum sit, hīc restituere non morêris.

Audi maledicte satan, Dei seruus nullam habet potestatem, vt inuito Domino suo, alterius se subiiciat seruituti: vnde tu frustra in vano isto gloriaris chirographo; ac proinde in nomine Domini tibi præcipio vt illud restituas, nec penes te diutiùs serues: vt omnibus constet, Deo peccatorem in gratiam recipiente, nullum tibi in animam eius restare imperium.

Adiuuro te per eum, qui te, cū in atrio tuo tamquam fortis armatus gloriareris, ea-
 que quæ possidebas in pace tenere præsu-
 meres, infinitis partibus fortior superueniēs
 vicit, & atrio te eiecit, tuaque arma in qui-
 bus vanè confidebas abstulit, & spolia dis-
 tribuit. Redde igitur nunc chirographum,
 quo hæc Dei creatura stultè seipsam tibi
 tradidit in seruitutem. Redde, inquam, in
 nomine eius à quo es deuictus: & cū tuam
 tyrannicam potestatem iustè amiseris, non
 præsumas illius vanum chirographum diu-
 tius retinere. Iam enim per pœnitentiam
 hæc Dei creatura vero suo Domino se resti-
 tuit, & tyrannidem tuam spernit, atque in
 Dei misericordia aduersus tuas impugna-
 tiones sperat inuenire protectionem, adiu-
 uante sanctissima & gloriosissima virgine
 Dei genitrice Maria, cuius intercessione
 quod per se consequi digna non est, à filio
 eius Iesu Christo obtineat. Per eundem
 Dominum nostrum.

EXORCISMVS ad compellendum
 dæmonem vt traditam sibi ab ho-
 mine Eucharistiam restituat.

Oremus.

Domine Deus omnipotens, qui Filium
 tuū, vt assumptę carnis œconomiā im-
 ple-

pleret, in deserto tentari à diabolo, & supra
pinnaculum templi statui, atque in mótem
excelsum transferri voluisti; rogamus im-
mensam clementiam tuam, vt diaboli te-
meritate, qua Sacramentum Eucharistiæ,
in quo idem Filius tuus corporaliter præ-
sens est, auferre præsumpsit, coërcita, eum
per sanctos Angelos tuos ad illud restituen-
dum in locum per nos designatum compel-
las. Per eundem Dominum nostrum Ie-
sum Christum filium tuum, qui tecum vi-
uit & regnat in vnitae Spiritus sancti Deus,
per omnia sæcula sæculorum. *Resp. Amen.*

Oremus.

Domine Iesu Christe, qui sub speciebus
panis & vini sacrosanctum Eucharistię
Sacramentum sic instituisti, vt quamuis eo
sacrum Corpus & Sanguis tuus pretiosus
substantialiter contineatur, omnia tamen
circa illud admitti possent, quibus ratione
specierum visibilium panis & vinum in se
sunt obnoxia: supplices te rogamus, vt di-
missa iniquitate, qua hic sacrilegis manibus
idem Sacramentum dæmoni tradere aspor-
tandum veritus non est, verbo virtutis dæ-
monem ad illud in loco ad hoc præparato
restituendum compellere digneris; vt serui
tui, qui de tanti Sacramenti iniuria contri-
stantur, ad nominis tui gloriam de eiusdem

186 MANVALIS EXORCISMORVM
restitutione lætentur: Qui viuus & regnas
cū Deo Patre in vnitate Spiritus sãcti Deus,
per omnia sæcula sæculorum. *Resp.* Amen.

EXORCISMVS.

ADIURO te, nequissime spiritus, quo
hominem, vt tuæ captiuitatis vinculis
tenaciùs innodares, eò dementiæ induxisti,
vt sacrosanctum Eucharistiæ Sacramentum
tibi tradere non sit veritus, quod & tu susci-
pere, & quò à Deo permissus es, asportare
præsumpsisti. Adiuro te per illud ipsum Sa-
cramentum, coram quo te contremiscere
necesse est; vt sicut illud ab homine tradi-
tum suscepisti, ita ad locum à nobis designa-
tum restituere non morêris.

Adiuro te per sacratissimum Corpus &
Sanguinem Christi, quæ in hoc Sacramen-
to verè & realiter contineri certissima fide
credimus, vt cū tu Sacramentum illud
adorare & debitum illi honorem impende-
re nec possis, nec velis; ad locum istum con-
tinuò illud restituas, ab hominibus, prout
oportet, colendum atque adorandum.

Adiuro te per Iesum Christum Regem
Regum & Iudicem viuorum & mortuo-
rum, qui sanctum Eucharistiæ Sacramen-
tum non dæmonibus, sed nobis hominibus
in spiritualem cibum potumque reliquit, vt
fracta contumacia tua, virgæ eius ferreæ
sub-

subiectum te vel inuitus agnoscas, & horrore cruciatus æterni, quem talibus tibi factis accumulas, euestigiò sanctissimum illud Sacramentum, quod asportare non es veritus, loco à nobis designato, sine aliqua læsione aut perturbatione restituas, vt cùm illius perceptione indignus sis, ab homine, qui per illud veram vitam consequatur iuxta Christi promissionem, sumi possit.

Nec te lateat, satana, nullam tibi per hoc facinus occasionem dari gloriandi contra Christum, quasi in Corpus illius habeas potestatem. Species tantùm sunt, quas impia hominis fretus voluntate, mouere potuisti: in ipsum verò Christi Corpus nihil potes, sed ante illud, etiam cùm species mouere præsumis, horrescere cogeris & contremiscere.

Quid ergo moraris? in nomine Iesu Christi tibi mandamus, vt Sacramentum quod impiè transtulisti, huc restituas, & Dei ac Iudicis tui timore compulsus, hac ipsa restitutione confitearis, nihil te contra hoc Sacramentum posse, sed sacrilegi dumtaxat hominis fuisse ministrum.

GRATIARVM ACTIO LIBERATO DÆMONIACO:

S*I quando energumenus Dei gratia & fauore erit liberatus, obseruabit Exorcista ea quæ habentur in Instructione, premiffa gratiarum actione in hunc qui sequitur modum, alta voce.*

HYMNVS SS. Ambrosij & Augustini.

TE Deum laudamus: te Dominum confitemur.

Te æternum Patrem: omnis terra veneratur.

Tibi omnes Angeli: tibi cæli, & vniuersæ potestates.

Tibi Cherubim & Seraphim: incessabili voce proclamant:

Sanctus, Sanctus, Sanctus: Dominus Deus sabaoth.

Pleni sunt cæli & terra: maiestatis gloriæ tuæ.

Te gloriosus Apostolorum chorus,

Te Prophetarum laudabilis numerus,

Te Martyrum candidatus laudat exercitus.

Te per orbem terrarum, sancta confite-
tur Ecclesia,

Pa-

Patrem immensæ maiestatis.

Venerandum tuum verum, & vnicum
Filiū,

Sanctum quoque Paraclitum Spiritum.

Tu Rex gloriæ Christe.

Tu Patris sempiternus es Filius.

Tu ad liberandum suscepturus homi-
nem: non horruisti virginis uterum.

Tu deuicto mortis aculeo: aperuisti cre-
dentibus regna cælorum.

Tu ad dexteram Dei sedes: in gloria
Patris.

Iudex crederis esse venturus.

Te ergo quæsumus, tuis famulis subueni:
quos pretioso Sanguine redemisti.

Æterna fac cum sanctis tuis: gloria mu-
nerari.

Saluum fac populum tuum Domine: &
benedic hereditati tuæ.

Et rege eos: & extolle illos vsque in æ-
ternum.

Per singulos dies, benedicimus te.

Et laudamus nomen tuum in sæculum:
& in sæculum sæculi.

Dignare Domine die isto: sine peccato
nos custodire.

Miserere nostri Domine: miserere no-
stri.

Fiat misericordia tua Domine super nos:
quem-

190 MANVALIS EXORCISMORVM
quemadmodum sperauimus in te.

In te Domine speraui: non confundar in
æternum.

Quo finito leget sequentia: Vers. Confir-
ma hoc Deus quod operatus es in nobis.
Resp. A templo sancto tuo quod est in Ieru-
salem. *Vers.* Ostende nobis Domine mise-
ricordiam tuam. *Resp.* Et salutare tuum da
nobis. *Vers.* Domine exaudi orationem
meam. *Resp.* Et clamor meus ad te veniat.
Vers. Dominus vobiscum. *Resp.* Et cum spi-
ritu tuo. Oremus.

GRatias agimus tibi, Domine sancte, Pa-
ter omnipotens, æterne Deus: gratias
agimus tibi Christe, Verbum æterni Patris:
gratias agimus tibi Spiritus alme: gratias agi-
mus Sanctis omnibus, tum Angelis, tū ho-
minibus; quia omnipotēti virtute Dei elusus
est draco. Deus Abraham, Deus Isaac, &
Deus Iacob, miserere famulo tuo N. à dia-
bolica potestate liberato, & in eius adiuto-
rium sanctum dirige Michaëlem, qui eum
protegat, visitet, atque defendat ab omni-
bus inimicis suis. Qui viuis & regnas, &c.

Oremus.

OMnipotens sempiterne Deus, qui libe-
rare dignatus es hunc famulū tuum N.
à vexatione satanæ & ministrorum eius,
mitte in eum septiformem Spiritum san-
ctum

ctum tuum Paraclitum de cælis. *Oratio.*

Quæsumus omnipotens Deus, famulum tuum *N.* propitius respice; ut te largiente regatur in corpore, & te seruante custodiatur in mente. Per Christum Dominum nostrum. *Resp.* Amen.

Lectio beati Pauli Apostoli. *2. Cor. 1.*

Benedictus Deus, & Pater Domini nostri Iesu Christi: pater misericordiarum, & Deus totius consolationis: qui consolatur nos in omni tribulatione nostra. Tu autem Domine miserere nobis. *Resp.* Deo gratias.

Lectio sancti Euangelij secundum

Lucam.

Luc. 10.

In illo tempore: Reuersi sunt septuaginta duo cum gaudio, dicentes: Domine, etiam dæmonia subiiciuntur nobis in nomine tuo. Et ait illis: Videbam satanam sicut fulgur de cælo cadentem. Ecce dedi vobis potestatem calcandi supra serpentes, & scorpiones, & super omnem virtutem inimici: & nihil vobis nocebit. Verumtamen in hoc nolite gaudere, quia spiritus vobis subiiciuntur; gaudete autem quod nomina vestra scripta sunt in cælis. *Resp.* Laus tibi Christe.

Oremus.

Oramus te Deus omnipotens, ut spiritus iniquitatis amplius non habeat potestatem.

192 MANVALIS EXORCISMORVM
testatem in hoc famulo tuo N. [*vel* hac
famula tua N.] sed vt fugiat, & non reuer-
tatur. Ingrediatur in eum [*vel* in eam] Do-
mine, te iubente, bonitas, & pax Domini
nostri Iesu Christi, per quem redempti su-
mus, & ab omni malo non timemus, quia
Dominus nobiscum est. Qui viuit & regnat
cum Deo Patre in vnitae Spiritus sancti
Deus per omnia sæcula sæculorũ. *Resp.* Amē.

Oremus.

Sanctificet te Deus signaculo sanctę Cru-
cis ⁊ suę, vt recedant à te omnes ini-
mici tui. Defendat te Iesus Christus filius
Dei viui per signum sanctę ⁊ Crucis. De-
fendat te Deus ab omnibus malis præsentibus
& futuris, exterioribus & interioribus.
Signo ⁊ te signaculo sanctę Crucis, vt à
persecutionibus diaboli liberet te Deus. Si-
gnaculo huius Crucis ⁊ prosternantur ipsi
dæmones aduersarij tui, & fugiant à te. Per
istius sanctę Crucis ⁊ signaculum liberet te
Deus à periculis omnibus: & mittat sanctos
Angelos suos, qui te custodiant. Benedictio
Dei Pa⁊tris, & Fi⁊lij, & Spiritus ⁊ sancti,
sit super te. Virtus sanctę Crucis ⁊ sit super
te, intra te, circa te, ante te, & post te, & ma-
neat tecum in æternum. *Resp.* Amen.

Benedictio ⁊ beatę Marię matris Dei sit
super te. Benedictio ⁊ Patriarcharũ, Prophe-
tarum,

rum, Apostolorum, Martyrum, Confessorum, Virginum, & omnium Sanctorum & Sanctarum Dei sit super te. *Resp. Amen.*

Hic benedicet liberatum.

Benedicat tibi Dominus noster Iesus Christus, & custodiat te. *Resp. Amen.*

Conuertat Dominus vultum suum ad te, & det tibi pacem. *Resp. Amen.*

Pax & benedictio Dei omnipotentis Patris, & Filij, & Spiritus sancti descendat super te, & maneat tecum in æternum. *Resp. Amen.*

Pro occasione data instruet Exorcista liberatum lingua materna, materia desumpta ex sequentibus sententiis, & iuxta ea quæ dicta sunt in Instructione.

Ecce sanus factus es, iam noli peccare, ne ^{Joan. 5} Edeterius tibi aliquid contingat.

Vade in domum tuam ad tuos, & an- ^{Marc.} nuntia illis quanta tibi Dominus fecerit, & misertus sit tui.

Vade in pace, & Dominus tecum sit in ^{Judith} ultionem inimicorum nostrorum.

Vade & reuertere, quod enim meum erat, ^{3. Reg.} feci tibi, & Deus Israel det tibi petitionem ^{1. Reg.} tuam, quam rogasti eum. Dei enim est & ^{2. Para} adiuuare, & in fugam conuertere.

MANVALIS EXORCISMORVM PARS TERTIA,

*Continens modum & praxim exorcizandi
& curandi spiritualiter omne genus
maleficiorum seu incantationum quibus
homines in propriis corporibus, & aliis
bonis externis, à malis spiritibus vel
maleficis ope demonum affliguntur.*

EXORCISMVS pro maleficiato in
proprio corpore.

PRÆTER Instructiones gene-
rales in prima Parte huius Ma-
nualis positas, sepè etiam Pa-
stores & alij curam afflictorum
gerentes perlegent ea quæ de
hoc argumento habentur in Rituali Romano
& in Pastoralis Mechliniensis.

Quando Pastor vel Exorcista aliquis ex
magnis & probabilibus indiciis (de quibus in
Instructione) deprehendet aliquem in corpore
suo esse maleficiatum: dictus maleficiatus exor-
cizand-

cizandus, si per infirmitatem possit, veniet ad Ecclesiam ante meridiem, & pramissa Confessione & sacra Communione, flectet genua, vel scidebit ante altare Venerabilis Sacramenti, vel beatissimæ Virginis, vel alterius Sancti vel Sanctæ. Si verò domi propter infirmitatem debet exorcizari, ante imaginem Crucifixi, aut beatissimæ Virginis; & corde sursum ad Deum eleuato, manu tenebit cereum benedictum accensum, vel iuxta eum ponetur.

*Sacerdos exorcizaturus, alba vel superpelli-
ceo cum stola indutus, aliam stolam afflictæ su-
per humeros in modum Crucis imponet, Aqua
benedicta afflictum & circumstantes asperget,
illósque inuitabit ad sedulo orandum cum ipso.
Quibus ita dispositis, dicat primum,*

Oremus.

Acciones nostras, quæsumus Domine,
aspirando præueni, & adiuuando pro-
sequere: vt cuncta nostra oratio & operatio
à te semper incipiat, & per te ccepta finia-
tur. Per Christum Dominum nostrum.
Resp. Amen. *Oremus.*

Deus, qui Sacerdotibus tuis tantam gra-
tiam donare dignatus es, vt quidquid
in tuo nomine ab iis agitur, à te fieri creda-
tur: quæsumus clementiam tuam, vt quid-
quid modò visitaturi sumus, visites, quid-
quid benedicturi, benedicas: sitq; ad nostræ

196 MANVALIS EXORCISMORVM
humilitatis introitum Sanctorum tuorum
meritis fuga dæmonum, & Angeli pacis in-
gressus. Per Christum Dominum nostrum.
Resp. Amen.

*Deinde flexis genibus alta voce legat Lita-
nias Sanctorum, prout habentur supra fol. 141.
In fine Pater noster. Ave Maria. Vers.* Exau-
diat te Dñs in die tribulationis: *Resp.* Prote-
gat te nomen Dei Iacob. *Vers.* Mittat tibi
auxilium de sancto. *Resp.* Et de Sion tuea-
tur te. *Vers.* Impleat Dominus omnes peti-
tiones tuas. *Resp.* Nunc cognoui quoniam
saluum fecit Dominus Christum suum.
Vers. Domine exaudi orationem meam.
Resp. Et clamor meus ad te veniat. *Vers.* Do-
minus vobiscum. *Resp.* Et cum spiritu tuo.
Oremus.

OMnipotens clementissime Deus, &
bonitatis infinitæ, qui secundum mul-
titudinem sapientiæ & misericordiæ tuæ
quos diligis castigas, & flagellas omnem fi-
lium quē suscipis: te suppliciter inuocamus,
vt famulo huic tuo [famulæ huic tuæ] N.
qui [quæ] in corpore suo membrorum
debilitatem & dolorem patitur, gratiam
tuam conferre digneris, vt quidquid ab eo
[ea] humana fragilitate peccatum, ignosce-
re; quidquid diabolica in eo [ea] prauitate
corruptum aut violatum est, purgare, resti-
tuere,

tuere, sanare digneris, nocumento omni ac dolore sublato, cunctisq̃ue malignorum spirituum pestiferis machinamentis procul depulsis.

Miserere Domine contritionis & pœnitentiæ, miserere gemituum & lacrymarum illius cunctorumq̃; circumstantium, gloriam tuam & misericordiam pro illo [illa] humiliter implorantium: & non habentem fiduciam nisi in misericordia tua, ad tuæ gratiam reconciliationis clementer admitte. Per Christum Dominum nostrum. *Resp.* Amen.

Oremus.

DEus, qui facturæ tuæ pio semper dominaris affectu: inclina, quæsumus, aurem tuam supplicationibus nostris; & famulum tuum [famulam tuam] aduersa corporis valetudine laborantem clementer visitare, oculisq̃ue tuæ miserationis respicere digneris, cælestemq̃ue ei & salutarem medicinam impendere. Per Christum Dominum nostrum. *Resp.* Amen.

Oremus.

DEus humanæ infirmitatis singulare præsidium: auxilij tui super infirmum famulum tuum [infirmam famulam tuam] ostende virtutem; vt ope misericordiæ tuæ adiutus [adiuta] Ecclesiæ tuæ incolumis

198 MANVALIS EXORCISMORVM
repræsentari mereatur. Per Christum Do-
minum nostrum. *Resp.* Amen.

Oremus.

P Reces famuli tui, quæsumus Domine,
clementer exaudi, vt qui iustè pro pec-
catis suis affligitur, pro tui nominis gloria,
misericorditer liberetur. Per Christum Do-
minum nostrum. *Resp.* Amen.

Oremus.

D Eus, qui beatum Petrum à vinculis
absolutum, illæsum abire fecisti, famu-
li tui [famulæ tuæ] N. in afflictione consti-
tuti [constitutæ] vincula absolue, & eum
[eam] mente & corpore illæsum abire
concede. Per Dominum nostrum Iesum
Christum filium tuum, qui tecum viuit &
regnat in vnitæte Spiritus sancti Deus, Per
omnia sæcula sæculorum. *Resp.* Amen.

*Surgens Exorcista ab oratione, asperget in-
firmum Aqua benedicta, & stans leget super
eum sequentia.*

Lectio libri Exodi. *Exod.* 7.

+ **I** N diebus illis: Ingressi Moyses & Aaron
ad Pharaonem, fecerunt sicut præceperat
Dñs: tulitq; Aaron virgam coram Pharao-
ne & seruis eius, quæ versa est in colubrum.
Vocauit autem Pharao sapientes & malefi-
cos, & fecerunt etiam ipsi per incantationes
Ægyptiacas, & arcana quædam similiter,
proie-

proieceruntque singuli virgas suas, quæ ver-
sæ sunt in dracones. Sed deuorauit virga
Aaron virgas eorum. Tu autem Domine
miserere nostri. *Resp.* Deo gratias.

Lectio sancti Euangelij secundum
Marcum. *Marc. ult.*

IN illo tempore: Recumbentibus vnde-
cim discipulis, apparuit illis Iesus: & ex-
probrauit incredulitatem eorum & duri-
tiam cordis; quia his, qui viderant eum re-
surrexisse non crediderunt. Et dixit eis:
Euntes in mundum vniuersum, prædicate
Euangelium omni creaturæ. Qui credide-
rit, & baptizatus fuerit, saluus erit; qui verò
non crediderit, condemnabitur. Signa au-
tem eos, qui crediderint, hæc sequentur. In
nomine meo dæmonia eiicient, linguis lo-
quentur nouis, serpentes tollent: & si mor-
tiferum quid biberint, non eis nocebit: su-
per ægros manus imponent, & benè habe-
bunt. Et Dominus quidem Iesus, postquam
locutus est eis, assumptus est in cælum, &
sedet à dextris Dei. Illi autem profecti, præ-
dicauerunt vbique: Domino cooperante, &
sermonem, confirmante sequentibus signis.
Resp. Laus tibi Christe.

Per Euangelica verba tollantur & de-
struantur in N. omnia diabolica opera.
Resp. Amen.

Ex Psalmis.

11. **D**isperdat Dominus vniuersa labia dolosa, & linguam magniloquam.

2. Reges eos in virga ferrea, & tamquam vas figuli confringes eos.

57. Sicut deficit fumus, deficiant; sicut fluit cera à facie ignis, sic pereant peccatores à facie Dei.

7. Sicut cera quæ fluit, auferentur; supercecidit ignis, & non viderunt solem.

6. Quoniam brachia peccatorum conterentur, confirmat autem iustos Dominus.

Nisi conuersi fueritis, gladium ✝ suum vibrabit, arcum ✝ suum tetendit, & parauit illum.

Et in eo parauit ✝ vasa mortis, sagittas ✝ suas ardentibus effecit.

3. Hic *N.* accipiet bene✝dictionem à Domino, & misericordiam à Deo salutari suo.

Dirumpamus vincula ✝ eorum, & proiciamus ✝ à nobis iugum ipsorum ✝.

4. Bene✝dicat te Dominus ex Sion, qui fecit cælum & terram.

Possunt etiam recitari & alij Psalmi, utpote Qui habitat in adiutorio, &c. fol. 57. In te Domine speraui, &c. fol. 68. & alij.

EXORCISMVS.

EXorcizo te *N.* corpore infirmum, sed per Spiritum sanctum ex sacro Baptismi Sacra-

cra-

cramentò renatum, per Deum viuum ✠, per Deum verum ✠, per Deum sanctum ✠, per Deum qui te primùm de terra creauit, & postea satanæ fraudibus perditum, pretioso Sanguine suo redemit, vt effugiat atq; discedat à te omnis phantasia, nequitia ac versutia diabolicæ fraudis, omnisque spiritus immundus, adiuratus per eum qui venturus est iudicare viuos & mortuos, & sæculum per ignem. *Resp. Amen.*

Et tu maledicte satana, quisquis huic famulo Dei N. per quoscumque vel quomodocumque læsionis aliquid intulisti, recognosce sententiam tuam: da honorem & gloriam Deo viuo & vero: da honorem Iesu Christo filio eius Domino nostro: da honorem Spiritui sancto Paraclito, vt cū omnibus noxiis & maledictis operibus & conatibus tuis ab hoc seruo Dei, ad imaginem eius factò, & pretioso Sanguine Christi filij eius redempto, confestim abscedas, nec ampliùs ei vel rebus ipsius diutiùs nocere præsumas. Per eundem Deum & Dominum nostrum Iesum Christum, qui cum Patre & Spiritu sancto viuit & regnat per infinita sæcula sæculorum. *Resp. Amen.*

Deinde aspergat Aqua benedicta.

Alia formula exorcizandi maleficiatos quoscūque.



SERVATIS eis quæ suprà dicta sunt, leget Exorcista alta voce flexis genibus Litanias Sanctorum, suprà fol. 141. vel beatissima Virginis, fol. 126. cum Collectis sequentibus ibidem.

Postea surgens ab oratione, asperget infirmum Aqua benedicta, & leget sequentia stans versus illum.

Lectio Libri Sapientiae. Eccli. 36.

Miserere nostri Deus omnium, & respice nos, & ostende nobis lucem miserationum tuarum; & immitte timorem tuum super gentes, quæ non exquisierunt te, ut
h. 26. cognoscant quia non est Deus nisi tu, & enarrent magnalia tua. Tu autem Domine miserere nobis. Resp. Deo gratias.

Lectio sancti Euangelij secundum
Ioannem. Ioan 1.

IN principio erat Verbum: & Verbum erat apud Deum: & Deus erat Verbum. Hoc erat in principio apud Deum. Omnia per ipsum facta sunt: & sine ipso factum est nihil. Quod factum est, in ipso vita erat: & vita erat lux hominum: & lux in tenebris
lucet,

li
ta
ce
o-
is-
m
r-
s
e
-
n
t
z
-
lucet, & tenebræ eam non comprehenderunt. Fuit homo missus à Deo, cui nomen erat Ioannes. Hic venit in testimonium, vt testimonium perhiberet de lumine: vt omnes crederent per illum. Non erat ille lux: sed vt testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est: & mundus eum non cognouit. In propria venit: & sui eum non receperunt. Quotquot autem receperunt eum, dedit eis potestatem filios Dei fieri: his, qui credunt in nomine eius. Qui non ex sanguinibus, neque ex voluntate carnis, neque ex voluntate viri: sed ex Deo nati sunt. ET VERBUM CARO FACTUM EST: & habitauit in nobis, (& vidimus gloriam eius, gloriam quasi vnigeniti à Patre,) plenum gratiæ & veritatis. *Resp.* Laus tibi Christe.

Per Euangelica verba tollantur & destruantur in N. omnia diabolica opera. *Resp.* Amen.

Ex Psalmis, ad consolationem afflicti.

EXspecta Dominum, & custodi viam eius, & exaltabit te vt hereditate capias terram; cum perierint peccatores videbis.

Spera in Deo, quoniam adhuc confitebor

bor illi, salutare vultus mei, & Deus meus.

26. Exspecta Dominum, viriliter age, & confortetur cor tuum, & sustine Dominum.

34. Iacta super Dominum curam tuam, & ipse te enutriet; non dabit in æternum fluctuationem iusto.

90. Super aspidem & basiliscum ambulabis, & conculcabis leonem & draconem.

Quoniam Angelis suis mandauit de te, vt custodiant te in omnibus viis tuis.

Dominus custodit te ab omni malo, custodiat animam tuam Dominus.

120. Dominus custodiat introitum tuum, & exitum tuum: ex hoc nunc & vsque in sæculum.

0. Scuto circumdabit te veritas eius, non timebis à timore nocturno.

20. Ecce non dormitabit neque dormiet, qui custodit Israel.

3. Custodit Dominus omnia ossa eorum, vnum ex his ✚ non conteretur.

Oremus.

17. **S**Ana me Domine, & sanabor; saluum me fac, & saluus ero, quoniam laus mea tu es. Non sis mihi formidini, spes mea tu in die afflictionis. Confundantur qui me persequuntur, & non cōfundar ego; paueant illi, & non paueam ego; induc super eos diem afflictionis, & duplici contritione contere

tere eos. Per Dominum nostrum, &c.

Resp. Amen.

Oremus.

DEus, qui beato Petro Apostolo tuo, collatis clauibus regni cælestis, ligandi atque soluendi pontificium tradidisti: concede, vt intercessionis eius auxilio, à peccatorum nexibus, & diaboli vinculis hic famulus tuus [hæc famula tua] *N.* liberetur. Per eum qui venturus est iudicare sæculum per ignem. *Resp.* Amen.

E X O R C I S M V S.

A Diuro vos †, dæmones infernales, spiritus maligni, qui ad inferendum malum huic creaturæ Dei *N.* fabricastis & conseruatis maleficium in ea, per Deum Patrem omnipotentem †, & Filium eius vnicum Dominum nostrum Iesum Christum †, & per Spiritum sanctum † Paraclitum ab utroque procedentem, & vobis præcipio, vt omnibus incantationibus, fascinationibus, signaturis, ligaturis; statim sublatis, ab hac creatura Dei, & ab omnibus rebus eius recedatis, atque liberam ab omni maleficio, incantatione, & ligatura relinquatis, per sacratissimum, tremendum, honorandum & glorificandum nomen I E S V, & per virtutem eius, qui est Alpha & Omega, principium & finis, qui ambulat super pēnas ventorum, qui omnia ex nihilo sua omnipotenti

tenti virtute creauit, per quem omnes Sancti & electi Dei beatificantur, ante cuius faciem ignis præcedet, & inflammabit vos inimicos suos. Adiuro vos ✠ maligni dæmones, inimici triumphatoris Iesu Christi Nazareni, vt cessetis hanc creaturam Dei N. lædere, & vestris maleficiis vexare, per potentiam illius qui vos rebelles à consortio sáctorum Angelorum exclusos ad sedes tartareas damnauit igne & sulphure cruciandos, vt protinus destruatis & ad nihilum redigatis omnia maleficia, incátationes, fascinationes, ligaturas, & omnes vestras noxias pactiones, quibus hanc Dei creaturam infestare & affligere præsumpsistis, eamque liberam & sanam, & sine vlla læsione animæ & corporis in posterum permittatis, vt mēte & corpore pariter expedita, liberam seruitutem suo exhibeat Creatori, Qui viuit & regnat, &c.

Asperget aqua benedicta infirmum.

Alius EXORCISMVS.

ADiuro vos ✠ iterum dæmones, per Deum omnipotentem, qui diuisit lucem à tenebris, stabiliens cælos, & eis mensuras ponens, vt statim sine mora amoueatis ab hac creatura Dei omnia nocumenta vestra, & ipsam sine læsione relinquatis. Adiuro vos ✠ per magnum nomen Domini

ni IESV Christi filij eius, ne ampliùs appropinquetis huic creaturæ, ad ei inferenda, vel in ea conseruanda aliqua maleficia, & à vexatione vestra libera relinquantis omnia quæ ad illam pertinent. Adiuro vos ⁊ in virtute Spiritus sancti Paracliti, vt si quid in signum positum est ad huius creaturæ afflictionem, illud statim amoueat, & ⁊ nullã vsurpetis audaciam obsequendi maleficis hominibus ad nocendum huic creaturæ, & omnia quæ posuistis ad lædendum valetudini eius, statim tollatis & remoueat, sine aliqua læsione animæ & corporis eius, & illa portetis ad loca arida, sterilia, & inhabitabilia. Et sicut per beatos Apostolos Dei Petrum & Paulum, dissolutæ & ad nihilum redactæ fuerunt incantationes factæ per Simonem Magum, ita auctoritate Dei omnipotentis dissoluantur omnes sortilegæ artes, præstigia, & incantationes inuentæ & fabricatæ ad lædendum & nocendum huic creaturæ. Similiter adiuro vos per nomen Domini nostri Iesu Christi, qui descendens ad inferos, deuicta potentia inferni, animas sãctorum Patrum inde extractas secum ad cælos triumphator inuexit, vt remoto omni dolo & obstinatione, destruatis & tollatis omnem malignam fascinationem ab hac creatura Dei, omniaque nociua eius corpori ingesta edu-

208 MANVALIS EXORCISMORVM
educatis per illam viam quæ sit magis libera & expedita absque læsione corporis & sanitatis eius. In virtute eiusdem Domini nostri Iesu Christi ; qui venturus est iudicare viuos & mortuos, & sæculum per ignem.
Resp. Amen.

Alius EXORCISMVS.

Teneat Exorcista manus super vel versus infirmum.

EXtinguatur in te N. omnis virtus diabolica per impositionem manuum mearum, & per inuocationem omnium sanctorum Angelorum, Archangelorum, Patriarcharum, Prophetarum, Apostolorum, Martyrum, Confessorum, atque Virginum, & omnium simul Sanctorum, in nomine Patris ✠, & Filij ✠, & Spiritus ✠ sancti. Amen.

Prosequetur.

A Periat tibi Dominus Deus noster ianuam misericordiæ suæ, & liberet te à malis tuis & omnibus insidiis & machinationibus inimicorū tuorum, tam malorum spirituum quàm ministrorum eius, per intercessionem beatissimæ Mariæ matris & virginis, & per sactum Ioannem Baptistam, per Apostolos suos Petrum & Paulum, & alios Apostolos, per omnes sanctos Innocētes, Martyres, & Confessores atque Doctores, per omnes sanctos Sacordotes & Leuitas,

tas, Monachos & Eremitas, per omnes sanctas Virgines, Viduas, & Continentes, & per totam cælestem curiam. Et sicut liberauit Dñs Sufannam de falso crimine, Dauid de manu Goliæ, Iudith & populum suum de manu Holofernitis, sic te liberare dignetur ab omni potestate diaboli & ministrorum eius, & disrumpere omnia vincula maleficiorum, incantationum, & omne opus diaboli. Rerum cum qui venturus est iudicare viuos & mortuos, & sæculum per ignem. *Resp. Amen.*

Poterit etiam addi hac sequens Oratio S. Basily.

Deus cælorum, Deus luminum, Deus Angelorum, qui tuæ subsunt fortitudini; Deus Archangelorum, qui tuo subiiciuntur imperio; Deus gloriosarum Dominationum, Deus Sanctorum, & Pater Domini nostri Iesu Christi: qui animas morte vinctas soluisti, & hominem tenebris immersum per vnigenitum Filium tuum illuminasti; qui pepulisti omnes dolores nostros, & omne onus abiecisti; qui omnes assultus inimici à nobis amoliris: Fili & Verbum Dei, qui immortales nos fecisti morte tua, & glorificasti nos gloria tua; qui largitus es nobis per resurrectionem tuam, vt ex humana in diuinam transeamus naturam; qui omnia peccatorum nostrorum vincula per crucem portasti; qui lapsum & vulnera

210 MANVALIS EXORCISMORVM
nostra assumpsisti & sanasti Domine, &
viam ad cælos nobis strauisti, & corruptio-
nem in incorruptione mutasti: exaudi me
cum desiderio & metu clamantem ad te,
cuius timore montes liquefunt, cum fir-
mamento, quod sub cælo est; cuius virtute,
muta elementorum ingenia horrent, custo-
dientes suos limites; per quem ignis ille vl-
tionis non excedit fines sibi positos, sed ge-
mens expectat nutum tuum; propter quam
omnis creatura, ceu parturiens cruciatur,
gemēs gemitibus inenarrabilibus iussa ma-
nere ad opportuna tempora; quam fugit
omnis aduersaria potestas, & à quo hostilis
exercitus domitus est, & diabolus concidit,
serpens conculcatus est, & draco occisus
est, per quem gentes tibi confitentes, illumi-
natæ & confortatæ sunt in te Domine, per
quem vita manifestata est, spes sola data est,
fides roborata est, Euangelium annūtiatum
est, per quem homo è terra denuò conditus
est, in te collocata fide. Quis enim tui simi-
lis Deus omnipotens? Quare oramus te
Deus patrum nostrorum & Domine mise-
ricordiæ, qui es ante sæcula omniq; substan-
tia superior, respice hunc tuum famulum te
adeuntem in sancto tuo nomine, & dilecti
Filij tui Iesu Christi, & sancti omnipotentis
& viuifici Spiritus tui; depelle ab anima ip-
sius

fius omnem languorem, omnem infidelitatem, omnem spiritum immundum, vellicatorem, subterraneum, igneum, olidum, concupiscentiæ plenum, auri argentiq; auidum, superbum, meretricium, tenebrosum, informem, impudentē. Ita Deus abige ab hoc famulo tuo omnem vim diaboli, omne incantamentum, omne veneficiū, idololatriam, diuinationē ex astris, Græcè astromantiam, astrologiam, necromātiā, augurium, molliciem, amorem, auaritiam, temulentiam, scortationem, adulterium, lasciuiam, impudentiam, iram, contentionem, inconstantiam, & omnem suspicionem malam. Etiam Domine Deus inspira illi spiritum tuum pacificum, vt eo munitus referat fructum fidei, virtutis, sapientiæ, puritatis, continentię, charitatis, benignitatis, spei, mansuetudinis, longanimitatis, patientiæ, sobrietatis & intellectus, quoniam te inuocat seruus tuus, in nomine Iesu Christi credens in consubstantialē Trinitatem, vnā testificantibus Angelis, Archangelis, gloriosis Dominationibus, & omni cælesti exercitu: & cum hoc custodi & corda nostra, quia potens es Domine, & tibi gloriam referimus Patri, & Filio, & Spiritui sancto. *Resp. Amen.*

Deinde aspergat Aqua benedicta, & cum benedictione dimittat.

Possunt prædicti Exorcismi sæpiùs repeti, & inde sumi quos malit Exorcista, & ad singulos asperget infirmos Aqua benedicta. Continuabit autem legere super infirmum diuersis vicibus bis vel ter in hebdomada, vel diebus alternis, quoties & quamdiu ipsi prudenti Exorcista videbitur.

Poterunt prædicti Exorcismi seruire non tantum pro energumenis, sed etiam pro aliis maleficiatis & ex maleficio infirmis.

Si quis prolixiores desiderat, adiunget his Preces positas infra pro variis ægri tudinibus, & aliis malis, mutatis mutandis.

Remedia generalia, de quibus in Instructio- nibus generalibus, utpote de Reliquiis, Agnis Dei, &c. ferendis, item de exercitiis piorum operum ad placandum Deum, & similibus Ec- clesiasticis remediis, de quibus in singulis fere titulis infra particulariùs agitur, etiam his in- firmis applicabit Exorcista, & de illis piam da- bit instructionem.

Si verò afflicto non liberato Exorcista con- cludere voluerit, uti poterit Protestatione su- perius posita fol. 180. omisso Exorcismo.

Post liberationem ager Exorcista gratias Deo pro beneficiis obtentis, sicut præscriptum est supra, fol. 188. pro liberatione obsessi, cum admonitione saluari ad liberatum, prout ibidem.

Remedia contra febres, pestem, & alias infirmitates naturales.



QVONIAM *mundus scatet variis remediis superstitiosis & illicitis contra febres & alios morbos naturales, quibus ita passim homines fidunt, ut non solum negligāt Medicos & medicinas naturales, sed etiam recursum ad Deum per preces & alia pia opera. Proinde curam habentes animarum aliq̃, Exorcistæ, studebunt ab huiusmodi subditos suos aut ad curam suam spectantes auertere; docebuntq̃, non solum illa reiicienda quæ per inscriptos characteres & nomina barbara, vel alia huiusmodi, apertum superstitionis indicium præ se ferunt; sed & alia in quibus occultè magis, & ob id periculosius immiscentur vanæ ceremoniæ & ritus ab Ecclesiæ cōsuetudine alieni, quantumvis multi per illa videantur iuari & sanari, cū in hisce rebus non tam ab experientia sumendum indicium, quàm à regulis fidei, & Ecclesiæ doctrina & traditione. Monebunt illos ut utantur approbatis ab Ecclesiā remediis spiritualibus, qualia sunt, vitæ & morum emendatio, confessio Sacramentalis, sacra Communio, Missæ sacrificij auditio, preces feruentes & continua ieiunia, elemosyna, & alia pia opera. Huiusmodi infirmi reuerenter secum deferre possunt particulas sanctarum Reliquiarum, Agnos Dei, Euāgelium sancti Ioannis, & similia sacra Scripturæ testimonia;*

modò non ponant spem in ipsis verbis, in modo
 scriptiois, numero crucium, figura, aut similibus
 nihil ad rem pertinentibus, sed effectũ expectent
 supernaturali Dei beneficio. Similis est ratio de
 pane, sale, & aliis rebus iuxta morem Ecclesiæ be-
 nedictis, quibus uti possunt, confidentes quòd
 Deus exaudiet preces Ecclesiæ suas pro eis qui
 rebus illis utuntur. Videantur ea quæ de pradi-
 ctis latius habentur in Instruptione.

Quando Sacerdos requiretur ut pro huiusmo-
 di infirmis more Ecclesiæ oret, indutus Alba vel
 superpelliceo & stola, ante omnia asperget infir-
 mum Aqua benedicta: deinde clara voce dicet
 flexis genibus:

Vers. Adiutorium ⁊ nostrum in nomine
 Domini. *Resp.* Qui fecit cælum & terram.
 Postea *Litania*s omnium Sanctorum, prout su-
 præ habentur, fol. 141. *Vers.* Domine exau-
 di orationem meam. *Resp.* Et clamor meus
 ad te veniat. *Vers.* Dominus vobiscum.
Resp. Et cum spiritu tuo. Oremus.

DEus, cui proprium est misereri semper
 & parcere, suscipe deprecationem no-
 stram, ut nos & omnes famulos tuos, quos
 delictorum catena constringit, miseratio
 tuæ pietatis clementer absoluat.

EXaudi, quæsumus Domine, supplicum
 preces, & confitentium tibi parce pec-
 catis: ut pariter nobis indulgentiam tribuas
 benignus & pacem.

Inef-

I Neffabilem nobis Domine misericordiam tuam clementer ostende; vt simul nos & à peccatis omnibus exuas, & à pœnis quas pro his meremur, eripias.

D Eus, qui culpa offenderis, pœnitentia placaris: preces populi tui supplicantis propitiùs respice; & flagella tuæ iracundiæ, quæ pro peccatis nostris meremur, auerte. Per Dominum nostrum, &c. *Resp. Amen.*

Oremus.

O Mnipotens sempiterne Deus, salus æterna credentium, exaudi nos pro famulo tuo N. infirmo, pro quo misericordiæ tuæ imploramus auxilium: vt reddita sibi sanitate, gratiarum tibi in Ecclesia tua referat actiones. Per Dominum nostrum, &c. *Resp. Amen.*

Oremus.

D Eus infirmitatis humanæ singulare præsidium: auxiliij tui super infirmum famulum tuum N. ostende virtutem: vt ope misericordiæ tuæ adiutus, Ecclesiæ tuæ sanctæ incolumis repræsentari mereatur. Per Dominum nostrum, &c. *Resp. Amen.*

Surgens ab oratione, asperget infirmum Aqua benedicta, & leget super eum sequentia.

Lectio Epistolæ beati Iacobi Apostoli.

Iacobi 5.

I Nfirmatur quis in vobis? inducat presbyteros Ecclesiæ, & orent super eum, un-

216 MANVALIS EXORCISMORVM
gentes eum oleo in nomine Domini. Et
oratio fidei saluabit infirmum, & alleuiabit
eum Dominus: & si in peccatis sit, remit-
tentur ei. Confitemini ergo alterutrum pec-
cata vestra: & orate pro inuicem vt salue-
mini: multum enim valet deprecatio iusti
assidua. Tu autem Domine miserere nobis.
Resp. Deo gratias.

Sequentia sancti Euangelij secundum
Lucam. *Luce 4.*

IN illo tempore: Surgens autem Iesus de
synagoga, introiuit in domum Simonis.
Socrus autem Simonis tenebatur magnis fe-
bribus, & rogauerunt illum pro ea. Et stans
super illam, imperauit feбри, & dimisit il-
lam. Et continuo surgens, ministrabat illis.
Resp. Laus tibi Christe.

Per Euangelica dicta reddat tibi Deus
sanitatem mentis & corporis. *Resp.* Amen.

Ex Psalmis.

102. **D**omine, non secundum peccata nostra,
quæ fecimus nos: neq; secundum ini-
quitates nostras retribuas nobis.

78. Domine, ne memineris iniquitatum no-
strarum antiquarum, citò anticipent nos
misericordiæ tuæ: quia pauperes facti su-
mus nimis.

6. Miserere mei Domine, quoniam infir-
mus sum: sana me Domine, quoniam con-
tur-

turbata sunt ossa mea, & anima mea turbata est valdè.

Miserere mei Domine, quoniam tribulor: conturbatus est in ira oculus meus, anima mea, & venter meus. Psal. 3

Quoniam defecit in dolore vita mea, & anni mei in gemitibus.

Infirmata est in paupertate virtus mea: & ossa mea conturbata sunt.

In Deo speravit cor meum, & adiutus sum: & re floruit caro mea, & ex voluntate mea confitebor ei. Psal. 2

Misit Dominus verbum suum, & sanavit eos: & eripuit eos de interitionibus eorum. Psal. 1

Possunt hæc sæpius reiterari.

*Si plures & longiores quis desideret Exorcismos, sumat ex præcedentibus, eosq; accom-
modet intentioni suæ.*

Remedia spiritualia contra philtrea amatoria.



CUM usus philtroꝝ sit diabolicū inuentum, cum quo etiam ordinariè cōcurrunt maleficia: & experientia doceat, huiusmodi veneficio infectos potius iuuari remediis spiritualibus, quàm naturalibus medicinis (licet hæ negligi non debeāt,) opera pretium erit hic adiungere media licita & ab

Ecclesia approbata, quibus curam animarum gerentes poterunt huiusmodi afflictis succurrere, & consolationem aliquam adferre, & volūtates eorum præseruare ab illicitis amoribus, in quos reliqua corporis harmonia per prædicta venena inclinat & excitatur: tum etiam corpus præseruetur Dei auxilio & fauore à variis morbis & languoribus, & ab ipsa morte.

Curabit itaque curam animarum gerens, ut huiusmodi afflictio vel afflictæ tempestiue applicentur remedia vtriusq; generis tam naturalia quàm spiritualia. Naturalia, ut per medicinas refrigerantes & imminuentes ardorem libidinis, & per expellētes, sumptum venenum tollant vel imminuant. Spiritualia, quæ carnem macerent, & doment: qualia etiam sunt vitatio conspectus rei amata, occupatio mentis in curis grauioribus & piis, lectio bonorum librorum, cogitatio mortis, iudicij, & inferni, contemplatio vilitatis corporis humani, quid fuerit ante animationē; quid nunc sit, sublata cutis tenuissimæ pellicula; quid, cū anima recedet, futurum: meditatio denique passionis & mortis Domini nostri, & alia quæ mentem egrotantis auertere à nefario amore possint, & inducere sanctum feruorem erga Deum.

Suadebit ei etiam vsum frequentem Sacramentorum, Cōfessionis, & Sacramenti Altaris, aliāq; pia opera. Applicabit illi etiam Preces & Exorcismos, maximè huic malo accommodatos, quales sunt qui suprā habentur contra maleficia quibus afflictaur sanitas corporū humanorum fol. 195.

Item

Item qui habentur contra varias agritudines naturales, fol. 213. vel qui infrà ponuntur contra succubos & incubos, fol. 230. Adiungantur prædictis Exorcismis sequentes Orationes Ecclesiæ.

Oremus.

VRe igne sancti Spiritus renes nostros, & cor nostrum, Domine: vt tibi casto corpore seruiamus, & mundo corde placeamus. Per Dominum nostrum Iesum Christum filium tuum: qui tecum viuit & regnat in vnitæte eiusdẽ Spiritus sancti. *Resp. Amen.*

Oremus.

Domine adiutor & protector noster, adiuua nos: & refloreat cor & caro nostra vigore pudicitia, & castimonie nouitate: & ab omnibus quæsumus tẽtationibus emundemur. Per Dñm nostrum. *Resp. Amen.*

Oremus.

Deus qui iustificas impium, & non vis mortem peccatoris: maiestatem tuam suppliciter deprecamur, vt famulum tuum de tua misericordia confidentem, cælesti protegas benignus auxilio, & assidua protectione conserues: vt tibi iugiter famuletur, & nullis tẽtationibus à te separetur. Per Dominum, &c. *Resp. Amen.*

Oremus.

OMnipotens & mitissime Deus, respice propitius ad preces nostras, & libera
corda

220 MANVALIS EXORCISMORVM
corda nostra de malarum tentationibus cogitationum: vt sancti Spiritus dignum fieri habitaculum mereamur. Per Dominum nostrum Iesum Christum filium tuum: qui tecum viuit & regnat in vnitae eiusdem Spiritus sancti, &c. Resp. Amen.

Oremus.

DEus, qui illuminas omnem hominem venientem in hunc mundum: illumina, quæsumus, corda nostra gratiæ tuæ splendore: vt digna ac placita maiestati tuæ cogitare semper, & te sincerè diligere valeamus. Per Dominum, &c. Resp. Amen.

Remedia spiritualia pro impeditis per maleficia, ope dæmonum, in matrimonio.



*Q*uia maleficium ligatura, vt vocāt, & pleraq; alia, quæ ordinariè hominibus contingunt, & eueniunt ex defectu fidei, spei, & charitatis in Deum, Deo sic iusto iudicio hominum incredulitatem & diffidentiam puniente, teste S. Leone Papa Serm. 19. de Passione, hinc Pastores seriò monebūt coniungendos & coniugatos, nihil esse timendum ab huiusmodi ligaturis & maleficiis, sed firma fide credendum, Dominum Iesum Christum assistere Sacramento atque instituto suo; præcipuè cū recta fide, bona intentione, & pura conscientia susci-
piun-

piuntur, vel qui susceperint utantur. Vnde cauebunt Pastores eorumq; substituti, ne ob timorem innodationis vel ligaminis alicuius, matrimonia solemnizent modo aliquo ab Ordinario loci non approbato, ne ipsi, qui alios ab huiusmodi vano timore, verbo & exemplo retrahere debent, ipsis mali & damnabilis timoris exemplum præbere videantur. Neque tamen per se est illicitum (ideoque permitti interdum poterit) quòd quidam, ne maleficio aliquo impediantur ab opere coniugali, Matrimonium contrahere desiderent ignorantibus illis à quibus maleficiū metuunt, adeoque in parte templi secretiori.

Coniugibus, qui Deo permittente huiusmodi maleficio sunt innodati, suadebit Sacerdos, ut peracta peccatorum suorum integra & dolorosa confessione, sacratissimum Christi Corpus sæpius reuerenter sumant, & exemplo Tobie & Saræ aliquot diebus à copula abstinentes, ieiunio & precibus, aliisque piis operibus & eleemosynis se præparent. Interim etiam se præsentent Sacerdoti, qui illos aliquoties exorcizabit, & precibus Ecclesiæ benedicet, Deoque commendabit in hunc, qui sequitur, modum.

Asperget coniuges Aqua benedicta, & dicet alta voce:

Vers. Adiutorium ✠ nostrum in nomine Domini. Resp. Qui fecit cælum & terram. Postea Litánias ut suprà, fol. 141. Vers. Saluos fac seruum tuum, & ancillam tuam.

Resp.

Resp. Deus meus sperantes in te. *Vers.* Mitte eis Domine auxilium de sancto. *Resp.* Et de Sion tuere eos. *Vers.* Nihil proficiat inimicus in eis. *Resp.* Et filius iniquitatis non apponat nocere eis. *Vers.* Esto eis Domine turris fortitudinis. *Resp.* A facie inimici. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo. Oremus.

EXaudi nos omnipotens & misericors Deus, vt quod nostro ministratur officio, tua benedictione protinus impleatur. Per Dominum nostrum, &c. *Resp.* Amen. Oremus.

Propitiare Domine supplicationibus nostris, & institutis tuis, quibus propagationem humani generis ordinasti, benignus assiste: vt quod te auctore iunctum est, te auxiliante seruetur. Per Dominum nostrum. *Resp.* Amen. Oremus.

Deus, qui potestate virtutis tuæ de nihilo cuncta fecisti: qui dispositis vniuersitatis exordiis, hominē ad imaginem Dei facto, ideò inseparabile mulieris adiutorium condidisti, vt femineo corpori de virili dares carne principium, docens quod ex vno placuisset institui, numquam licere disiungi. Deus qui tam excellenti mysterio coniugalem

lem copulam consecrasti, vt Christi & Ecclesiæ Sacramentum præsignares in fœdere nuptiarum. Deus per quem mulier iungitur viro, & societas principaliter ordinata, ea benedictione donatur, quæ sola nec per originalis peccati pœnam, nec per diluuij est ablata sententiam: respice propitius super hos famulos tuos, qui maritali iuncti confortio, tua se expetunt protectione muniri: sit in illis iugum dilectionis & pacis: nihil in illis ex actibus suis ille auctor præuaricationis vsurpet: sint fecundi in sobole, & videant filios filiorum suorum, vsque ad tertiam & quartam generationem: & ad optatam perueniant senectutem, atque ad cælestia regna perueniant. Per eundem Dominum nostrum Iesum Christum filium tuum, qui tecum viuit. *Resp. Amen.*

Surgens Sacerdos ab oratione, asperget Coniugatos iterum Aqua benedicta, & leget super illos quæ sequuntur.

Lectio libri Tobia.

Tob. 8.

TVnc hortatus est virginem Tobias, dixitque ei: Sara, exurge, & deprecemur Deum hodie, & cras, & secundum cras: quia his tribus noctibus Deo iungimur: tertia autem transacta nocte, in nostro erimus coniugio. Filij quippe sanctorum sumus, & non possumus ita coniungi sicut gentes quæ
igno-

224 MANVALIS EXORCISMORVM
ignorant Deum. Surgentes autem pariter,
instanter orabant ambo simul, vt sanitas
daretur eis. Dixitque Tobias: Et nunc Do-
mine tu scis quia non luxuriæ causa accipio
sororem meam coniugem, sed sola poster-
tatis dilectione, in qua benedicatur nomen
tuum in sæcula sæculorum. Dixit quoque
Sara: Miserere nobis Domine, miserere no-
bis, & consenescamus ambo pariter sani.
Tunc Raphaël Angelus apprehendit dæ-
monium, & religauit illud in deserto supe-
rioris Ægypti. Tu autem Domine, miserere
nobis. *Resp.* Deo gratias.

Sequentia sancti Euangelij secundum
Ioannem. *Ioan. 2.*

IN illo tempore: Nuptiæ factæ sunt in
Cana Galilææ, & erat mater Iesu ibi. Vo-
catus est autem & Iesus, & discipuli eius, ad
nuptias. Et deficiente vino, dicit mater Iesu
ad eum: Vinum non habent. Et dicit ei Ie-
sus: Quid mihi & tibi est, mulier? nondum
venit hora mea. Dicit mater eius ministris:
Quodcumque dixerit vobis, facite. Erant
autem ibi lapideæ hydriæ sex positæ secun-
dum purificationem Iudæorum, capientes
singulæ metretas binas vel ternas. Dicit eis
Iesus: Implete hydrias aqua. Et impleue-
runt eas vsque ad summum. Et dicit eis Ie-
sus: Haurite nunc, & ferte architriclino. Et
tule-

tulerunt. Vt autem gustauit architriclinus aquam vinum factam, & non sciebat vnde esset, ministri autem sciebant qui hauserant aquam; vocat sponsum architriclinus, & dicit ei: Omnis homo primum bonum vinum ponit; & cum inebriati fuerint, tunc id quod deterius est: tu autem seruasti bonum vinum usque adhuc. Hoc fecit initium signorum Iesus in Cana Galilææ, & manifestauit gloriam suam, & crediderunt in eum discipuli eius. *Resp.* Laus tibi Christe.

Psalmus 127.

BEati omnes qui timent Dominum: qui ambulant in viis eius.

Labores manuum tuarum quia manducabis: beatus es, & benè tibi erit.

Vxor tua sicut vitis abundans: in lateribus domus tuæ.

Filij tui sicut nouellæ oliuarum: in circuitu mensæ tuæ.

Ecce sic benedicetur homo: qui timet Dominum.

Benedicat tibi Dñs ex Sion: & videas bona Ierusalem omnibus diebus vitæ tuæ.

Et videas filios filiorum tuorum: pacem super Israel. Gloria. Oremus.

Domine Iesu Christe, beatissimæ Virginis Mariæ Ioseph desponsatæ filius, qui in Paradiso terrestri Matrimonium institui,

tuisti, in officium, & conseruationem, & multiplicationem humani generis, & ipsum Matrimonium mirabiliter honorasti in aduentu tuo, & primordiis miraculorum tuorum: dignare hos quos matrimonialiter coniunxisti, per merita & preces beatissimæ Virginis Mariæ matris tuæ, & omnium Sanctorum & Sanctarum tuarum, benedicere, ac plenè liberare ab omni ligamento, fascinatione, & maleficio satanæ, & dare fecunditatem & gratiam vt liberè possint vti matrimonio suo ad generandas & educandas proles ad laudem & gloriam tuam: In nomine Patris ✠, & Filij ✠, & Spiritus ✠ sancti. *Resp.* Amen. Oremus.

Domine Iesu Christe, fili Dei viui, qui vterum beatissimæ Virginis Mariæ mirabiliter fecundasti, vt de Spiritu sancto conciperet, portaret, pareret ac nutriret te Deum ac Dominum Saluatorem nostrum: suppliciter inuocamus clementiam tuam, vt his famulis tuis *N. & N.* fecunditatem donare digneris; vt generare ac nutrire valeant proles in vitam æternam, Amen. In nomine Patris ✠, & Filij ✠, & Spiritus ✠ sancti. Amen. Oremus.

Omnipotens sempiterne Deus, qui primos nostros parentes bona societate copulasti: benedic, & sanctifica ✠ hos coniuges,

iuges, & semina in eis semen vitæ æternæ: corda eorum tui sancti Spiritus munda infusione: Angelo tuo sanante, eos à maligna dæmonum infestatione libera, & custodi, & omnes mentis & corporis aduersitates ab eis repelle: vt munimine tuo protecti, & te donante, deuotè laudent nomen sanctum tuum, quod est benedictum in sæcula sæculorum. Amen.

Et aspergens illos iterum Aqua benedicta, exorcizabit illos sequenti Exorcismo.

E X O R C I S M V S.

EXorcizo vos, impuri dæmones, humani generis & diuinæ dispositionis inimici, in nomine indiuiduæ Trinitatis, Patris †, & Filij †, & Spiritus † sancti, cuius potentia vniuersa creata sunt, cuius prouidentia omnia in suo ordine conseruantur; vt quidquid aduersus hos coniuges moliti estis ad impediendam filiorum generationem, iuxta modum à Creatore ordinatum, eiusdem Dei nostri potestate coacti amoueat.

Adiuro vos per eum qui de Virgine nasciturus, vt sua quoque natiuitate conjugalem statum honoraret, eam potissimum elegit matrem, quæ iam erat desponsata viro; vt dissipatis maleficis vestris pactonibus, aut maleficijs signis, quidquid his coniugibus nocumenti aut impediementi intulistis, con-

228 MANVALIS EXORCISMORVM
tinuò auferatis, liberosque ab omni vestra
fascinatione relinquatis.

Adiuro vos per eundem Dominum nostrum Iesum Christum, qui venit in hunc mundum vt dissoluat opera diaboli, & chi-
rographum decreti, quod erat contrarium
nobis, tulit de medio, affigens illud cruci;
vt quidquid incantatione, aut ligatura, aut
quocumque maleficio secundum damna-
biles artes vestras effectum, quo impedian-
tur coniuges isti sanctum Matrimonij sta-
tum amplexi, ne ea quæ status sui sunt libe-
rè valeant exercere, id omne dissoluatis &
amoueatis, & nullum propter illa nocumen-
tum aut impedimentum deinceps adferre
præsumatis. Inuocamus enim contra vos
terribile nomen Domini nostri IESV Chri-
sti, vt omnes pactiones vestras rumpere
compellamini, neque maleficis, quos vestra
quasi fidelitate decipitis, fidem seruare, aut
quod pacti estis perficere vlteriùs permitta-
mini, cogente vos Cruce Christi, cuius signo
hos Christi seruos consignamus: vrgente
vos eiusdem Domini nostri eminentissima
potestate, qua & ipse spiritus nequam eii-
ciebat verbo, & discipulis suis potestatem
dedit calcandi super serpentes & scorpiones
& omnem virtutem inimici. In eius ergo
virtute præcipio vobis, vt ordinem à Deo ad
hu-

humani generis propagationem institutum perturbare desistatis; vt inuidia vestra, qua & Deo gloriam, & humano generi salutem æternam auferre nitimini, vano conatu tabescens, vobis tantummodò cruciandis seruiat; hominum verò generatione secundùm honorabile coniugium torumque immaculatum procedente, electorum numerus impleatur, aspirante eodem Domino nostro Iesu Christo, qui venturus est iudicare viuos & mortuos, & sæculum per ignem.

Aspergat illum vel illos Aqua benedicta, & in pace dimittat.

Quòd si occulto Dei iudicio, vel aliqua coniugum culpa maleficium non tollatur, non desistent coniuges orationibus, ieiuniis, eleemosynis, aliisque piis operibus Deum propitium sibi reddere, Missam quotidie, si possunt, audiant, & pro se etiam celebrari curabunt, frequenter confitebuntur peccata sua, & sacram Communionem reuerèter sumunt: peregrinationes piè suscipiènt ad loca à Deo suis beneficiis & miraculis visitata: Reliquias, Agnos Dei, & huiusmodi sacra religiosè secum deferent: numquã ibunt cubitum quin se feruentibus precibus Deo, B. Maria, Angelo Custodi, aliisque Sanctis commendent, Aqua benedicta se & lectum aspergent, palmis benedictis thalamum ornabunt: abstinebunt ab omnibus illicitis remediis, contactibus, &c. sed purè & castè ex solius prolis desiderio, Matrimonio vii cupient. Exor-

cismos & Preces superius positas sapius reiterari curabunt; quibus poterit Sacerdos, si ei visum fuerit, alias adiungere ex supra positis pro infirmis. Cauebit autem Sacerdos diligenter, ne permittat illum errorem & rei sacrae abusum, qui hodie in nonnullis locis vigere dicitur, quo aliqui tali maleficio vexatis succurri posse putant, si vir & mulier priori Matrimonio, legitime & in facie Ecclesiae cōtracto, mutuo consensu renuntient, & nouum coram Sacerdote contrahant. Est enim hoc diabolicum inuentum superstitionis inducendae causa, vel ut res sacras hominibus ludibrio exponat, & Sacramento Christi grauem irroget iniuriam, cum dicat Christus Matth. 19. Quod Deus coniunxit homo non separet. Denique, huiusmodi afflicti consulunt etiam Medicos, si forte impedimentum ipsorum prouenerit à mala corporum complexione, & humorum peccantium abundantia. Quae medicinae etiam possunt indirectè prodesse huic malo, etiam quando per diabolum introductum est.

Remedia spiritualia contra Succubos & Incubos.

DÆMONES incubos & succubos hominibus infestos, ex D. Augustino libro 15. de Ciuit. cap. 23. & aliis Patribus cognoscimus: verumtamē non facile in similibus omnibus fides adhibenda, præcipuè femineo sexui, mirabiliū formarum in imagine-

ginatione susceptivo. Proinde Exorcista, vel curā animarum habens, examinabit hac prudēter cum Medicis & Theologis peritioribus. Si cōstet probabiliter aliquem dicto modo vexari contra volūtatem suam, adhibebit remedia & Exorcismos suprà in tertia Parte, contra maleficia quibus homines solēt in propriis corporibus affligi, positos. Confiteatur sacramentaliter frequenter summa qua poterit animi contritione, prēmuniat se sacra Communione, in precibus sit assiduus: inter omnes preces sæpius legat Orationem Dominicam & Salutationem Angelicam, his enim multos ab hac vexatione liberatos constat variis exemplis. Alia denique adhibeat, quæ superiùs præscripta sunt contra ligaturas, philtrea, &c.

Volunt aliqui loci mutationem contra hoc malum aliquid posse: potiùs dormitorium & lectus afflicti sæpè benedicenda ordinariis Ecclesiæ benedictionibus. Videat etiam prudens Exorcista, utrūm hac afflictio nō infligatur à Deo aliquando feminis, ob nimiam curiositatem in vestibus, ornatu crinium, & similibus, quibus, non contentæ naturali sua pulchritudine, variis fucis & mediis studēt allicere viros in sui amorem. Quo fit, Deo permittente, ut fiant ludibrio demonibus, quæ nimium in sua gloriantur pulchritudine. Tales adducendæ ad compunctionem peccatorum suorum, & emendationem vitæ qua in posterum ab huiusmodi laqueis abstineant, & se componant ad modestiam, humilitatem, & verecundiam decentem.

Præter prædicta possunt contra hanc vexationem, quæ valdè abominabilis est, etiam applicari Exorcismi secunda Partis huius Manualis, cum sit quedam species obsessiois, vel ei valdè affinis infestatio.

Modus exorcizandi circa quæuis animalia per maleficia & veneficia afflicta.

IN PRIMIS attendendum an fortè ex causis naturalibus animalia ægrotent, utpote ex deuoratis araneis sese pabulo ingerentibus, aut aliorum venenatorum animalculorum morfu, ex aëre præ stabulorum immunditia vitiato, à bufonibus alijsve serpentibus, qui sæpè dum lac exungunt, vbera ledunt.

In iuuandis brutis animalibus maleficiatis, procedet Exorcista simili ferè modo ut antè: nempe exhortādo in primis patrem & matrem familias, omnesq; domesticos ad seriam pœnitentiam & vitæ emendationem: ut cum vera cordis humilitate & spiritus contritione ad Deum conuersi, agnoscant damna hæc ipsis immitti à bono iustq; Deo propter peccata, inter quæ numeranda sunt iuramenta & execrationes animalium, ad correctionem & probationem ipsorum.

Quocircà peccatorum suorum per bonam & salu-

salutarem coram Sacerdote Confessionem, à Dei misericordia veniam implorantes, meliora seriò proponant: & sic in statu gratiæ constituti, in Dei clementia fiduciam omnem collocent; parati se diuinæ voluntati; quidquid ei placuerit, conformare.

A superstitionibus aliisque diaboli & ministrorum eius hominum impostorum fraudibus cauebunt, scientes ab Ecclesia vetari omnia illa quæ non sunt instituta à Deo, vel ab Ecclesia, ad consequendos effectus supernaturales. Vnde in colligendis herbis pro alimēto bestiarum nullas adhibebunt circumstantias vanas & ad rem non facientes, sed legent Orationem Dominicam, Salutationem Angelicam, vel Symbolum fidei, expectantes subsidium à Dei misericordia, qua illos exaudiet tempore suo. Et quia Ecclesia pia & sollicita mater etiã Exorcismis & Adiurationibus, secundum potestatem sibi à Deo factam, diaboli conatus & insidias repellere studet, & creaturas humanis necessitatibus destinatas non modo in naturalem, sed etiam in salutarem vsum per Orationes & Benedictiones sibi iterum asserat & benedicat, prout videre licet in Benedictione salis, aquæ, & similium rerum quæ in sacratiorē vsum ab Ecclesia assumuntur, iuxta doctrinam Apostoli dicentis, omnem creaturam bonam esse, & sanctificari per verbum Dei & orationē; licet etiam hanc sanctificationem extēdere ad pecora & eorum pabula, quæ quidē quod ad præsens attinet, in hoc posita est, ut ad conuenientem & saluta-

234 MANVALIS EXORCISMORVM
rem vsum repurgētur à diaboli fraudibus & nocumentis, ne (quod Scriptura ait) creaturae quae ad commoditatem homini subseruiunt, per insipientiam fiant decipulae & captionis laquei.

Formulae Exorcismorum & Benedictionum ex Pontificali & Missali in fine huius Manualis apponuntur: & quamquā etiam aliae à temerariis excogitari possint, & sint excogitatae; nullus tamen Sacerdotum & Exorcistarum illis uti praesumat, sed illas retineat quae ab Ecclesia in vsum receptae sunt, & à veteribus vsitatae: non tantum ut tutiores simus à superstitionibus & erroribus aliis; sed etiam quia efficacior est oratio nostra, quando cum Ecclesiae Precibus vinaciter coniungitur. Ad quam rem confert etiam, ipsa verba ab Ecclesia vsitata, in quantum fieri potest, retinere.

Quae iam generaliter dicta sunt, ad particulares vsus facile applicari possunt, pro loco & tempore, & rerum occurrentium necessitate. Sed (ut diximus) praecipua cura debet esse de apparatu, hoc est, ut per veram poenitentiam ad Deum ex corde conuertantur, qui in afflictione remedia quaerunt. Hoc autem dicitur potissimum propter formularios illos, qui diuersas agendi formulas conquirunt; & si per vnā non succedit, subinde aliam atque aliam adhibent: tamquam si in forma agendi principalis virtus collocanda esset, cum multo maior sollicitudo esse debeat de pietate & preparatione ad orandum, quàm de forma agendi.

Absque scrupulo in omnibus (modo nihil admisceant

miscant superstitionis) uti possunt Aqua benedicta, sale & pane benedicto, ramos palmarum ab Ecclesia benedictos suspendant in domibus & stabulis suis, cereum benedictum in die Purificationis accendant, & in locis infestatis collocent, & similia approbata remedia adhibeant, quorum effectus & vis à Deo est, & expectatur per Preces Ecclesie fusas in hunc finem.

Hac breuiter instructione domesticis data, Exorcista ibit ad stabulum & locum in quo sunt animalia afflicta, dispicietq; ne foris sint aliqua maleficij signa sub limine abscondita, aut terræ infossa, eaq; auferri curabit. Quæ cautio nonnullis qui totius stabuli terram ad aliquam altitudinem effoderunt, optimè cecit.

Deinde omnibus domesticis ad orationem inuitatis, ipsum stabulum & animalia Aqua benedicta asperget. Postea leget clara voce flexis genibus, si commodè possit Litánias Sanctorum, prout habentur supra fol. 141. quibus subiunget sequentes Orationes.

Oremus.

DEus, qui laboribus hominum etiam de mutis animalibus solatia subrogasti: supplices te rogamus, ut sine quibus non alitur humana conditio, nostris facias vñibus non perire. Per Dominum nostrum, &c.
Resp. Amen.

Oremus.

TRibulationem nostram, quæsumus Domine, propitius respice: & iram tuæ indi-

236 MANVALIS EXORCISMORVM
indignationis, quam iustè meremur, auerte.
Per Dominum, &c. *Resp.* Amen. Oremus.

Auerte, quæsumus Domine, à fidelibus
tuis cunctos miseratus errores, & sæ-
uientium morborum, qui grassantur in ani-
malia, depelle perniciem: vt quos suo meri-
to flagellas deuios, foueas tua miseratione
correctos. Per Dominum, &c. *Resp.* Amen.

*Surgens Exorcista ab oratione asperget ite-
rùm animalia & locum totum cum astantibus
Aqua benedicta, & versus animalia maleficia-
ta leget sequentia.*

Lectio Ieremiæ Prophetæ. *Ierem. 14.*

Si iniquitates nostræ contenderint contra
nos: Domine fac propter nomen tuum:
quoniam multæ sunt auersiones nostræ: ti-
bi peccauimus. Expectatio Israel, saluator
eius in tempore tribulationis. Tu autem in
nobis es Domine, & nomen tuum inuoca-
tum est super nos: ne derelinquas nos Do-
mine Deus noster. Tu autem Domine mi-
serere nobis. *Resp.* Deo gratias.

Sequentia sancti Euangelij secundum
Marcum. *Marc. 11.*

IN illo tempore: Dixit Iesus discipulis
suis: Habete fidem Dei. Amen dico vo-
bis, quia quicumque dixerit huic monti:
Tollere, & mittere in mare; & non hæsitau-
erit in corde suo, sed crediderit, quia quod-
cum-

cumque dixerit, fiat: fiet ei. Propterea dico vobis: omnia quaecumque orantes petitis, credite quia accipietis, & euenient vobis. Et cum stabitis ad orandum, dimittite si quid habetis aduersus aliquem: vt & Pater vester qui in cælis est dimittat vobis peccata vestra. Quòd si vos non dimiseritis, nec Pater vester qui in cælis est, dimittet vobis peccata vestra. *Resp.* Laus tibi Christe.

Per Euangelica dicta tollantur & euerantur omnia diabolica facta.

Vel si malit, recitabit initium Euangelij S. Ioannis, In principio, &c. fol. 202. quod contra omnia maleficia & infirmitates rectè potest adhiberi. *Psalmus 53.*

DEus in nomine tuo saluum me fac: & in virtute tua iudica me.

Deus exaudi orationem meam: auribus percipe verba oris mei.

Quoniam alieni insurrexerunt aduersum me, & fortes quæsierunt animam meam: & non proposuerunt Deum ante conspectum suum.

Ecce enim Deus adiuuat me: & Dominus susceptor est animæ meæ.

Auerte mala inimicis meis: & in veritate tua disperde illos.

Voluntariè sacrificabo tibi: & confitebor nomini tuo Domine, quoniam bonum est.

Quo-

Quoniam ex omni tribulatione eripuisti me: & super inimicos meos despexit oculus meus.

Gloria Patri, & Filio.

Psalms 56.

Miserere mei Deus, miserere mei: quoniam in te confidit anima mea.

Et in vmbra alarum tuarum sperabo: donec transeat iniquitas.

Clamabo ad Deum altissimum: Deum qui benefecit mihi.

Misit de cælo, & liberauit me: dedit in opprobrium conculcantes me.

Misit Deus misericordiam suam, & veritatem suam: & eripuit animam meam de medio catulorum leonum, dormiui conturbatus.

Filij hominum, dentes eorum arma & sagittæ: & lingua eorum gladius acutus.

Exaltare super cælos Deus: & in omni terra gloria tua.

Laqueum parauerunt pedibus meis: & incurruerunt animam meam.

Foderunt ante faciem meam foueam: & inciderunt in eam.

Paratum cor meum Deus: paratum cor meum: cantabo, & psalmum dicam.

Exurge gloria mea, exurge psalterium & cithara: exurgam diluculo.

Confitebor tibi in populis Domine: &
psal-

psalmum dicam tibi in gentibus.

Quoniam magnificata est vsque ad cælos misericordia tua : & vsque ad nubes veritas tua.

Exaltare super cælos Deus : & super omnem terram gloria tua.

Gloria Patri.

Psalms 7.

Domine Deus meus , in te speraui : saluum me fac ex omnibus persequentibus me , & libera me.

Ne quando rapiat vt leo animam meam : dum non est qui redimat , neq; qui saluum faciat.

Domine Deus meus , si feci istud : si est iniquitas in manibus meis.

Si reddidi retribuētibus mihi mala : decidam meritò ab inimicis meis inanis.

Persequatur inimicus animam meam , & comprehendat , & conculcet in terra vitam meam : & gloriam meam in puluerem deducat.

Exurge Domine in ira tuā : & exaltare in finibus inimicorum meorum.

Et exurge Domine Deus meus in præcepto quod mandasti : & synagoga populorum circumdabit te.

Et propter hanc in altum regredere : Dominus iudicat populos.

Iudica me Domine secundum iustitiam meam :

240 MANVALIS EXORCISMORVM
meam : & secundum innocentiam meam
super me.

Consumetur nequitia peccatorum, & diriges iustum : scrutans corda & renes Deus.

Iustum adiutorium meum à Domino:
qui saluos facit rectos corde.

Deus iudex iustus, fortis, & patiens: num-
quid irascitur per singulos dies?

Nisi conuersi fueritis, gladium suum vibra-
bit : arcum suum tetendit, & parauit illum,

Et in eo parauit vasa mortis : sagittas suas
ardentibus effectit.

Ecce parturiit iniustitiam : concepit dolo-
rem, & peperit iniquitatem.

Lacum aperuit, & effodit eum : & incidit
in foueam quam fecit.

Conuertetur dolor eius in caput eius : &
in verticem ipsius iniquitas eius descendet.

Confitebor Domino secundum iustitiam
eius : & psallam nomini Domini altissimi.

Gloria Patri.

EXORCISMVS.

EXorcizo te, dæmon maledicte, immu-
de ac maligne spiritus, quicumque ani-
malia ista Dei viui & veri creaturas afflige-
re aut vexare audes, & adiuro te per eum-
dem Deum viuum †, per Deum verum †,
per Deum sanctum † Patrem & Filium &
Spiritus sanctum, vt exeas & recedas à lo-
co isto,

co isto, nec vñquam huc reuerti præsumas, neque eodem loco vel alibi agentibus hominibus aut iumentis damnum vel paucorem immittas, aut quodcumq; maleficium in detrimentum vitæ illorum, vel sanitatis aut vtilitatis inferas, per eum qui te in patibulo crucis vicit & superauit, arma in quibus confidebas abstulit, spoliaq; tua distribuit, ac potestatem tuam in electorum suorum salutem & consolationem ligauit: qui & venturus est statuto tempore iudicare viuos, & mortuos, & sæculum per ignem.
Resp. Amen.

Alius EXORCISMVS.

A Diuro vos, ô maligni spiritus, per creatorem cæli & terræ, per incarnationem Domini nostri Iesu Christi, eiusq; circumcissionem, apparitionem, baptismum, ieiunium, & per Crucem eius, per clauos, lanceam, latus, manus & pedes Christi perforatos, per passionem, mortem, resurrectionem, & ascensionem, & Spiritus sancti missionem, & per gloriosam Virginem Mariam, & per merita omnium Apostolorum, Martyrum, Confessorum, Virginum, & omnium electorum: vt numquam amplius accessum habeatis ad hunc locum in detrimentum hominum, animalium, & quarumcumque rerum humanæ vtilitati à Deo

242 MANVALIS EXORCISMORVM
indultarum: In nomine Patris †, & Filij †,
& Spiritus † sancti. Resp. Amen.

Et aspergens animalia & locum iterum Aqua benedicta, & astantes, dicat:

Domine Deus, Pater omnium rerum,
defende nos & pecora ista, defende
Domine dona tua, defende familiam istam
ab omnibus malis, per virtutem Aquæ à te
ministerio Ecclesiæ benedictæ, & per inuo-
cationem sancti nominis tui: In nomine
Patris †, & Filij †, & Spiritus † sancti. Et
exterminetur diabolus à terminis iustorum
per inuocationem sancti nominis tui, &
omnium Angelorum, Patriarcharum, Pro-
phetarum, Apostolorum, Martyrum, Con-
fessorum, Virginum, & omnium electorum,
& nos & pecora hæc ab omni malo liberare
& custodire digneris. Per Christum Do-
minum nostrum. Resp. Amen.

*Poterunt prædicta sapius repeti, vel alia
Preces & Exorcismi ex supra positis, vel ex iis
qua habentur infra contra infestationes do-
morum, his adiungi, mutatis mutandis.*

EXORCISMVS contra maleficia lacticianiorum, & aliorum comestibilium, frugum, &c.



VANDO lac, butyrum, vel alia comestibilia maleficiata videntur, præmissis iam dictis de familia constituenda in statu gratia, præmittet Exorcista (si iudicet longiores Preces adhibendas) *Litanias Sanctorum*, prout supra habentur fol. 141. quibus subiunget sequentes Orationes, & reliqua.

Oremus.

OMnipotens sempiternæ Deus, qui inter cetera dona clemencie tuæ, hominibus ad vsus varios vitæ mortalis, lactis substantiam largiri dignatus es: maiestatem tuam suppliciter deprecamur, vt lactis huius substantiam sic benedicere digneris, vt & seruis tuis feliciter & copiosè proueniat, & quisquis illo deinde ad alimentum suum, vel ad aliam vitæ huius commoditatem vti voluerit, gratiam tuam & benedictionem sibi gaudeat adfuisse. Per Christum Dominum nostrum. *Resp. Amen.*

Oremus.

OMnipotens sempiternæ Deus, cui creaturarum tuarum bonitas placet, quiq; ex abundantia pietatis tuæ fideles per Prophetam tuum ad comedendum pingua in-

uitare dignatus es, atque inter alias creaturas pinguedinis tuæ participes, butyro tantam dignitatem tribuisti, vt non modò illud hominibus omnis generis, sed vnigenito etiam Filio tuo, pro salute nostra de purissima Virgine incarnato, in cibum & alimentum feruire volueris: clemētiam tuam humiliter imploramus, vt à substantia butyri huius vim omnem fraudemque virulenti hostis benignus auertas: nihil hîc nocu-
menti, nihil mortiferæ corruptionis inferre præsumat; sed quod fidelibus tuis ad humanæ indigentiaë remedium contulisti, integrum illis, iuuolatum ac incorruptum feruetur, vt cùm digna gratiarum actione sumentes, vitæ suæ ac sanitati prodesse sentiant ac lætentur. Per Christum Dominum nostrum. *Resp. Amen.* Oremus.

OMnipotens & misericors Deus, qui Sacerdotibus & ministris tuis, præ ceteris tantam gratiam conferre dignatus es, vt quidquid in nomine tuo per eos agitur, à te fieri credatur: quæsumus immensam clementiam tuam, vt quidquid ego, licet indignus, modò visito, visitare, quidquid benedico ✠, benedicere digneris, & ad introitum meæ humilitatis, omnium Sanctorum tuorum meritis dæmones fugentur & expellantur ab hac domo, & ab his creaturis
tuis

tuis ad hominum vsum à te relictis & destinatis, cessent & tollantur omnes nequitiae & fascinationes eorum, & Angelus pacis & salutis hinc adsit, qui eos compescat, & hinc discedere cogat cum omnibus maleficiis. Per Christum Dominum nostrum. *Resp.* Amen.

Deinde legat Euangelium S. Ioannis, In principio erat Verbum. vt suprà, fol. 202.

EXORCISMVS *pro lacte.*

ECce Crucem ⁊ Domini, fugite partes aduersæ, vicit leo de tribu Iuda, radix Daud. Exorcizo te creatura lactis in nomine Dei Patris omnipotentis ⁊, & in nomine Iesu Christi ⁊ filij eius Domini nostri, & in virtute Spiritus ⁊ sancti, vt fias lac exorcizatum in salutem fidelium, & sis omnibus ex te sumentibus sanitas animæ & corporis, & effugiat atque discedat à te nequitia omnis ac versutia diabolicæ fraudis, omnisque nocendi facultas in te omnis modo per ministros satanicos introducta.

Alius EXORCISMVS.

EXorcizo te per illum qui sanctis Patribus, Abraham, Isaac, & Iacob, terram lacte & melle manantem repromisit, eandemque terram posteris eorum fideliter tradidit possidendam; ne eiusdem Dei & Domini nostri fidelibus seruis sis mali alicuius,

246 MANVALIS EXORCISMORVM
nocumenti, morbi, infirmitatis, mœroris
aut anxietatis occasio. Per eum qui ventu-
rus est iudicare viuos & mortuos, & sæcu-
lum per ignem. *Resp. Amen.*

EXORCISMVS pro butyro.

EXorcizo te creatura butyri, per Deum ✠
viuum, per Deum ✠ verū, per Deum ✠
sanctum, per Deum qui hominibus ab ini-
tio pro sua bonitate ad vsus vitæ huius cor-
ruptibilis butyrum de armento dedit & lac
de ouibus: vt nihil in te loci habeat aduer-
sariæ cuiuscumque virtutis operatio, nihil
in te potestatis malitia satanæ, nihil ars dam-
nata quorumuis veriusque sexus illi impia
ac nefaria societate adhærentium, vt quouis
modo substantiam tuam minuant vel cor-
rumpant, vel quacumque ratione homini-
bus noxiam reddant: præstante illo & ser-
uante, qui venturus est iudicare viuos &
mortuos, & sæculū per ignem. *Resp. Amen.*

Alius generalis EXORCISMVS.

ADiuro te, quicumque es quietis hu-
manæ perturbator, per Patrem ✠, &
Filium ✠, & Spiritum ✠ sanctum, vt no-
cere desinas huic domui, neque audeas
malefacere frugibus & omnibus quæ in do-
mo sunt, frumento, vino, oleo, lacti, butyro,
caseis, ouis, vel animalibus, ceterisque om-
nibus ad hanc domum pertinentibus. Hoc
tibi

tibi imperet Dñs Iesus Christus per suam sanctam natiuitatem, baptismum, ieiunium, & per amarissimam suam passionem, crucem & mortem; denique per sanctam suam resurrectionem, ascensionem in cælos, & Spiritus sancti missionē. Cogant te suis precibus & meritis apud Deum exequi mandatum istud, beatissima Virgo & mater eiusdem Domini nostri Maria, nouē chori Angelorum, Patriarchæ, Prophetæ, Apostoli, Euangelistæ, Martyres, Confessores, Virgines, Viduæ, & omnes Sancti & Sanctæ Dei, quibus hæc domus & omnia ei contingentia cum omnibus habitantibus in ea sit in protectione & custodia contra omnes insidias inimici. Per eundem Dominum, &c. *Resp.* Amen.

Alius EXORCISMVS contra inuisibilem lactis, butyri, vel aliarum rerum per incantationes ablationem.

Vers. Adiutorium nostrum in nomine Domini. *Resp.* Qui fecit cælum & terram. *Vers.* Dominus vobiscum. *Resp.* Et cum spiritu tuo. Oremus.

OMnipotens sempiterne Deus, qui ad seruandam inter homines pacem, furtum facere, & rem proximi concupiscere prohibuisti; obsecramus clementiam tuam,

vt omnes qui quod iniuste concupiscunt, dæmonis adiutorio proximis suis auferre nituntur, dexteræ tuæ virtute coërceas, & hisce famulis tuis, qui concessis à te vitæ suæ subsidiis ad honorem tuum frui desiderant, sanctorum Angelorum cōcede præsidium, qui dæmonum potestate repressa, maleficos iniustorum hominum cōatus, quos eorum adiumento perficiendos existimant, irritos reddant & frustraneos. Per Christum Dominum nostrum. *Resp.* Amen.

EXORCISMVS.

EXorcizo te, immunde spiritus, qui ad turbandum Christianorum quietem, & ad iniurias in bonis temporalibus inferendas hominibus tua fraude deceptis auxiliū præbes, per iudicem viuorum & mortuorum, vt ab hac domo & familia omnibusq; ad eam pertinentibus recedas, nec quidquam eorum quæ ad illam spectant attingere vel auferre præsumas.

Exorcizo te per æternam Dei iustitiam, ex qua lex illa, qua suum cuique dandum esse statuitur, emanauit, vt omnibus promissionibus pactis, artibus, signisq; quibus te quasi astrictum & obligatum simulas, dissipatis, diuinæ seueritatis in te exercendæ formidine, omnia quæ huius familiæ sunt, salua & intacta dimittas. Recede ergo hinc, diui-

diuinæ legis transgressor, hominumq; perturbator, & Angelis sanctis, quorum tutelæ familia ista commissa est, te propellentibus, fuge, nec eam in sua quiete ac bonis lædere, aut vlteriùs molestare præsumas, inuocato contra tuam malitiam nomine Domini nostri Iesu Christi, qui venturus est iudicare viuos & mortuos, & sæculum per ignem. Resp. Amen.

Aspergatur deinde Aqua benedicta.

Possunt etiam istis aptari, quæ habentur infra contra noxia animalia, vermes, &c. corrumpētes agros & fruges. Facile etiam Exorcista poterit hos Exorcismos accommodare variis rebus ad vsum hominum spectantibus, arte magica & diabolica veneficiatis.

Monebit & instruet Sacerdos in lacticiiniis operam præstantes, vt dum ad opus lactarium se parant, in se excitent fiduciam in Deum, recitentq; attentè & religiosè Orationem Dominicam & Salutationem Angelicam, cum Symbolo fidei. Et muniant se & opus suum signaculo sanctæ Crucis, aspergant Aqua benedicta, & ipsis lacticiiniis imponant aliquid salis benedicti, accendant cereum benedictum. Sed in applicatione prædictorum abstineant à superstitiosis admiscendis; sed nudè & simpliciter hæc peragant, auxilium & subsidium expectantes à Deo per preces Ecclesiæ.

Docebit etiam, multas pias feminas plurimum auxilij inuenisse contra omnes maleficiorum infestationes, quod ex iisdē lacticiis vel aliis rebus, consueuissent aliquam partem dare pauperibus ad Dei gloriam ex Christiana charitate, cum recta intentione, pioq; animo.

EXORCISMVS contra imminentem tempestatem tonitruorum, fulgurum, grandinum, ventorum, &c.

PER signum ✕ Crucis de inimicis ✕ nostris libera nos ✕ Deus noster, In nomine Patris ✕, & Filij, & Spiritus sancti. Amen. *Dicitur Symbolum fidei, scilicet, Credo in Deū, &c. Deinde Kyrie eleison. Christe eleison. Kyrie eleison. Pater noster. Vers. Adiutorium nostrum in nomine Dñi. Resp. Qui fecit cælum & terram. Vers. Sit nomen Dñi benedictum. Resp. Ex hoc nunc & vsque in sæculum. Vers. Exurgat Deus, & dissipentur inimici eius. Resp. Et fugiant qui oderūt eum à facie eius. Vers. Exurge Christe, adiuua nos. Resp. Et libera nos propter nomen tuum. Vers. Domine exaudi orationem meam. Resp. Et clamor meus ad te veniat. Vers. Dominus vobiscum. Resp. Et cum spiritu tuo.* Oremus.

Domine Iesu Christe, qui fecisti cælum & terram, mare, & omnia quæ in eis sunt,

sunt, quique flumini Iordani benedixisti, atque in eo baptizari voluisti, & tuas sanctissimas manus, & brachia sacratissima in cruce ✝ extendisti, quibus aërem sanctificasti: obsecramus immensam pietatis & bonitatis tuæ abundantiam, quatenus has nubes, quas ante me, & post me, & supra me, à dextris & à sinistris, video aërem perturbare, dissolvere & annihilare digneris: vt alligata potestas dæmonum impiè desæuientium, deficiat & turbetur, ad laudem tui sanctissimi nominis, & potentissimæ maiestatis tuæ. Qui viuis & regnas.

Postea conuersus ad nubes, signet eas signo Crucis, dicens: Circumdet te nubes Deus Pater ✝, circumdet te Deus Filius ✝, circumdet te Deus Spiritus ✝ sanctus. Destruat te Deus Pater ✝, destruat te Deus Filius ✝, destruat te Deus Spiritus ✝ sanctus. Comprimat te Deus Pater ✝, comprimat te Deus Filius ✝, comprimat te Deus Spiritus ✝ sanctus. Amen.

Obsecratio.

SANCTUS Matthæus, sanctus Marcus, sanctus Lucas, sanctus Ioannes Euangelista, qui Christi Euangelium per quattuor mundi partes diuulgarunt, ipsi suis meritis & precibus hanc tempestatem à termino isto, & ab omnibus Christianorum finibus ab eodem

252 MANVALIS EXORCISMORVM
eodem Domino nostro Iesu Christo re-
moueri obtineant & depelli.

EXORCISMVS.

ET ego peccator & Christi Sacerdos seu
minister, licet indignus, auctoritate &
virtute eiusdem Dei & Domini nostri Iesu
Christi, summi Imperatoris, non mea po-
tentia innixus & confisus, vobis præcipio,
immundissimi spiritus, qui has nubes seu
nebulas concitatis, in virtute eiusdem Dei
& Domini nostri Iesu Christi †, per sanctif-
simam eiusdem incarnationem, per sanctam
natiuitatem, per baptismum & ieiunium ip-
sius, per eius sacratissimam Crucem † &
passionem, per sanctam resurrectionem, per
admirabilem ascensionem, per tremendum
aduentum eius ad iudicium, per merita in-
temeratae semperque virginis Mariæ, & san-
ctissimi N. & per merita omnium Sancto-
rum, vt exeatis ab eis, & eas dispergatis in
locis siluestribus & incultis, quatenus noc-
ere non possint hominibus, animalibus, fru-
ctibus, herbis, arboribus; aut quibuscumque
rebus, humanis vsibus deputatis. Per eum-
dem Dominum nostrum Iesum Christum,
qui venturus est iudicare viuos & mortuos,
& sæculum per ignem. *Resp. Amen.*

Ipse vobis imperat, dæmones, qui has nu-
bes commouetis, de quo de nube lucida di-
ctum

ctum est: Hic est filius meus dilectus, in quo mihi benè complacui: ✠ ipse vobis imperat, qui sua sacratissima Cruce, corporis sui sanctissimi in ea extensione, aërem purgavit: ✠ ipse vobis imperat, qui per mortem suam vos, principem vestrum, mortemque deuicit & ligauit, atque æternæ gehennæ mancipauit ignibus: ✠ ipse vobis imperat, qui inferno spoliato surrexit à mortuis: ✠ ipse vobis imperat, qui post quadraginta dies nube susceptus, virtutē suā ascendit in cælum: ✠ ipse vobis imperat, qui venturus est iudicare viuos & mortuos, & sæculum per ignem. *Resp. Amen. Et postea ostendat Crucem in aëra, dicens:* Ecce lignum sanctissimæ Crucis, fugite partes aduersæ; vicit enim vos & mundū Dominus noster Iesus Christus filius Dei, Imperator summus, leo de tribu Iuda, radix David.

Postea Aqua benedicta in modum Crucis aspergat per quattuor latera.

Si nondum quieuit tempestas, legantur flexis genibus Litaniæ Sanctorum, cum quattuor immediatè subsequentibus Orationibus, prout supra fol. 141. quibus adiungantur sequentes.

Oremus.

A Domo tua, quæsumus Domine, spiritales nequitiae repellantur: & aërearum discedat malignitas tempestatum. Per
Do-

254 MANVALIS EXORCISMORVM
Dominum nostrum, &c. *Resp.* Amen.

Oremus.

AD te nos, Domine, clamantes exaudi:
& aëris serenitatem nobis tribue sup-
plicantibus: vt qui iustè pro peccatis nostris
affligimur, misericordia tua præueniente,
clementiam sentiamus. Per Dominum no-
strum Iesum Christum. *Resp.* Amen.

Oremus.

OMnipotens sempiterne Deus, qui nos
& castigando sanas, & ignoscendo con-
seruas: præsta supplicibus tuis, vt aëris tran-
quillitate dono tuæ pietatis vtamur, & mi-
sericordiæ tuæ consolatione lætemur. Per
Dominum nostrum, &c. *Resp.* Amen.

*Surgens Sacerdos ab oratione, aspergat vt
suprà Aqua benedicta, & legat sequentia.*

Lectio libri Apocalypsis beati Ioannis

Apostoli.

Apoc. 7.

Post hæc vidi quatuor Angelos stantes
super quatuor angulos terræ, tenentes
quatuor ventos terræ ne flarent super ter-
ram, neque super mare, neque in vllam ar-
borem. Et vidi alterum Angelum ascēden-
tem ab ortu solis, habentem signum Dei vi-
ui. Et clamauit voce magna quatuor Ange-
lis, quibus datum est nocere terræ & mari,
dicens: Nolite nocere terræ & mari, neque
arboribus, quoadusq; signemus seruos Dei
nostri

nostri in frontibus eorum. Tu autem Domine miserere nostri. *Resp.* Deo gratias.

Sequentia sancti Euangelij secundum
Matthæum. *Matth. 14.*

IN illo tempore: Vespere autem facto, solus [Iesus] erat ibi: nauicula autem in medio mari iactabatur fluctibus: erat enim contrarius ventus. Quarta autem vigilia noctis venit ad eos ambulans super mare. Et videntes eum super mare ambulantem, turbati sunt, dicentes: Quia phantasma est. Et præ timore clamauerunt. Statimque Iesus locutus est eis, dicens: Habete fiduciam: ego sum, nolite timere. Respondens autem Petrus, dixit: Domine, si tu es, iube me ad te venire super aquas. At ipse ait: Veni. Et descendens Petrus de nauicula, ambulabat super aquam vt veniret ad Iesum. Videns vero ventum validum, timuit: & cum cœpisset mergi, clamauit dicens: Domine, saluum me fac. Et continuo Iesus extendens manum, apprehendit eum; & ait illi: Modicæ fidei, quare dubitasti? Et cum ascendisset in nauiculam, cessauit ventus. Qui autem in nauicula erant, venerunt, & adorauerunt eum, dicentes: Verè Filius Dei es. *Resp.* Laus tibi Christe.

Per Euangelica dicta impediantur & dissipentur omnia diabolica facta. *Resp.* Amen.

Ex

al. 17.

IN tribulatione mea inuocaui Domi-
num: & ad Deum meum clamaui.

Et exaudiuit de templo sancto suo vo-
cem meam: & clamor meus in conspectu
eius, introiuit in aures eius.

Commota est & contremuit terra: fun-
damenta montium conturbata sunt, &
commota sunt, quoniam iratus est eis.

Ascendit fumus in ira eius, & ignis à facie
eius exarsit: carbones succensi sunt ab eo.

Inclinauit cælos, & descendit: & caligo
sub pedibus eius.

Et ascendit super Cherubim, & volauit:
volauit super pennas ventorum.

Et posuit tenebras latibulum suum, in
circuitu eius tabernaculum eius: tenebrosa
aqua in nubibus aëris.

Præ fulgore in conspectu eius nubes trans-
ierunt: grando, & carbones ignis.

Et intonuit de cælo Dominus, & Altissi-
mus dedit vocem suam: grando & carbo-
nes ignis.

Et misit sagittas suas, & dissipauit eos:
fulgura multiplicauit, & conturbauit eos.

Et apparuerunt fontes aquarum, & reue-
lata sunt fundamenta orbis terrarum.

Ab increpatione tua Domine, ab inspira-
tione spiritus iræ tuæ.

Misit

Misit de summo, & accepit me: & assumpsit me de aquis multis.

Eripuit me de inimicis meis fortissimis, & ab his qui oderunt me: quoniam confortati sunt super me.

Notam fecisti in populis virtutem tuam: *Psal. 76*
redemisti in brachio tuo populum tuum, filios Iacob & Ioseph.

Viderunt te aquæ Deus, viderunt te aquæ: & timuerunt, & turbatæ sunt abyssi.

Multitudo sonitus aquarum: vocem dederunt nubes.

Etenim sagittæ tuæ transeunt: vox tonitruui tui in rota.

Illuxerunt coruscationes tuæ orbi terræ: commota est & contremuit terra.

Confitebuntur cæli mirabilia tua Domine: *Psal. 8*
etenim veritatem tuam in Ecclesia sanctorum.

Quoniam quis in nubibus æquabitur Domino: similis erit Deo in filiis Dei?

Domine Deus virtutum quis similis tibi? potens es Domine, & veritas tua in circuitu tuo.

Tu dominaris potestati maris: motum autem fluctuum eius tu mitigas.

Tui sunt cæli, & tua est terra, orbem terræ & plenitudinem eius tu fundasti: Aquilonem & mare tu creasti.

R

Nihil

Nihil proficiat inimicus in nobis: & filius iniquitatis non apponat nocere nobis.

103. Ab increpatione tua fugient: à voce tonitruui tui formidabunt.

106. Dixit, & stetit spiritus procellæ: & exaltati sunt fluctus eius.

Et statuit procellam eius in auram: & siluerunt fluctus eius.

Et lætati sunt quia siluerunt: & deduxit eos in portum voluntatis eorum.

Confiteantur Domino misericordiæ eius: & mirabilia eius filiis hominum.

Et exaltent eum in Ecclesia plebis: & in cathedra seniorum laudent eum.

Gloria Patri, & Filio: & Spiritui sancto.

Sicut erat in principio, & nunc, & semper: & in sæcula sæculorum. Amen.

Oremus.

DEus, qui in maiestate tua ascendis super Cherubim, & ambulas super pennas ventorum, quiq; ponis tenebras latibulum tuum in circuitu tuo, & tabernaculū tuum tenebrosam aquam in nubibus aëris: misere, misere nostri; placare Domine, parce populo tuo, & aërearum quæsumus discedat malignitas tempestatum, vt sicut iustè pro peccatis nostris periculo mali imminētis affligimur, ita misericordia tua præueniente, clemētiam sentiamus. Et si forsitan opera dæ-

ra dæmonum hæc concitantur in tuorum
fidelium detrimentum ; intona, quæsumus,
de cælo Altissime, da contra spiritalem ne-
quitiam vocem tuam, grandinem, & carbo-
nes ignis; fulgura coruscationem, & dissipa *Psal. 14*
eos, emitte sagittas tuas, & conturba eos ; vt
cognoscamus omnes te rectorem omnium
esse, qui rerum vices ineffabili tua proui-
dentia temperas. *Resp. Amen.*

E X O R C I S M V S.

EXorcizo vos scelestissimos dæmones,
qui naturalia principia & aëreas impres-
siones, ex quibus mortalibus omnibus di-
uersimodè beneficia operatur Deus, ausi
estis in consummationem nequitiae vestrae
conuertere, ventos concitantes, vapores
congregantes, nubes componentes, fulmi-
na & tonitrua excitantes, Per Deum ✠
Patrem omnipotentem, per Dominum
Iesum Christum ✠ filium eius vnigenitum,
& Spiritum sanctum ✠ Dominum & viui-
ficantem, qui ex Patre Filioque procedit.
Exorcizo vos per gloriosam Virginem Ma-
riam, stellam maris, tranquillitatem & se-
renitatem inducentem. Exorcizo denique
vos per omnes illos, in quibus Deus mira-
bilis & gloriosus apparet, vt à commouen-
da hac tempestate desistatis, nec amplius
terræ fructibus, multò minùs hominibus

260 MANVALIS EXORCISMORVM
noceatis. Per eundem Dominum nostrum
Iesum Christum, qui venturus est iudicare
sæculum per ignem. *Resp. Amen.*

Alia ADIVRATIO.

Sanctus Matthæus †, sanctus Marcus †,
sanctus Lucas †, sanctus Ioannes Evan-
gelista †, qui Christi Euangelium per qua-
tuor mundi partes diuulgauerunt, ipsi suis
meritis & precibus hanc tempestatem ab
omnibus Christianorum finibus, ab eodem
Domino nostro Iesu Christo obtineant ef-
fugari & depelli. Et ego indignus Christi
Sacerdos, auctoritate & virtute eiusdē Dei
& Domini nostri Iesu Christi, summi Im-
peratoris, vobis præcipio, immundissimi spi-
ritus, si qui has tempestates concitatis, per
tremendum eius iudicium, & per sanctissi-
mæ Crucis † signum quod vobis oppono, &
per merita intemeratæ semper virginis Ma-
riæ Dei genitricis, & per merita omnium
Sanctorum, vt desinatis nocere hominibus
ceterisque rebus humano vsui concessis, &
tempestates à vobis concitatæ dispergantur
in locis siluestribus, absque hominis aut iu-
menti alicuius aut fructuum terræ nocu-
mento. Per eundem Dominum nostrum
Iesum Christum, qui venturus est iudicare
vivos & mortuos, & sæculum per ignem.
Resp. Amen.

Alia

Alia A D I V R A T I O .

A Diuro vos, impij dæmones, per Deum
omnipotentem†, qui populū Israelem
præcedebat, ad ostendēdam viam, per diem
in columna nubis, montemq; Sinai sex die- *Exod.*
bus nube texit: cuius gloria impletum est
tabernaculum testimonij opertum nube,
qui in nube posuit arcum fœderis sui; cuius
vox in nube audita est, Hic est filius meus
dilectus, in quo mihi benè complacui; &
per Iesum Christum Dominum nostrum,
quem nubes suscepit ab oculis Apostolo-
rum quando ascendit ad cælum, qui in nu-
bibus veniet ad iudicandum viuos & mor-
tuos, quando etiam in nubibus rapientur
iusti obuiam Christo. Per eum (inquam)
qui hæc & alia mirabilia valdè operatus est
in nubibus, adiuro vos, ne his creaturis ser-
uientibus Deo & hominibus abutamini ad
inferendum nocumentum alicui creaturæ.
Per eundem Christum Dominum no-
strum. *Resp.* Amen.

*Debent etiam statim ab initio, vt moris est,
pulsari campanæ.*

*Si tempus tempestuosum adhuc permanserit,
poterunt suprà dicta pluries repeti.*

EXORCISMVS contra quæcumque
noxia animalia, vermes, mures, ser-
pentes, & alia quæcumque agros vel
aquas extraordinariè inficientia &
corrumpentia.

EXORCISTA *veniens ad locum in-
fectum, indutus ad minimum stola
(qua in omnibus Adiurationibus uti
debet) asperget Aquam benedictam
circum circa, vel secundum loci exigentiam.
Deinde signans se signo Crucis, dicet:*

Vers. Adiutorium nostrum in nomine
Domini. *Resp.* Qui fecit cælum & terram.

*Subiunget clara voce flexis genibus, si com-
moditas loci permittat, Litanias Sanctorum
cum Orationibus ut suprà habentur fol. 141.
cum sequentibus Orationibus.*

Oremus.

DEus, refugium nostrū & virtus, adesto
piis Ecclesiæ tuæ precibus auctor ipse
pietatis, & præsta; ut quod fideliter petimus,
efficaciter consequamur. Per Dominum
nostrum, &c. *Resp.* Amen. Oremus.

ALoco isto, quæsumus Domine, spiri-
tales nequitiae & noxia quæque rece-
dant, & aërearum potestatum malignitas,
ut

vt præsentibus subsidiis sufficienter adiuti,
sempiterna fiducialius appetamus. Per Do-
minum nostrum, &c. *Resp.* Amen.

Oremus.

P Reces nostras, quæsumus Domine, cle-
menter exaudi, vt qui iustè pro peccatis
nostris hanc ærumnam patimur, pro tui no-
minis gloria ab eadem misericorditer libe-
remur; vt procul tuâ potentiâ expulsa hæc
noxia animalia, nulli de cetero noceant, &
hos agros, terras, aquas, in tranquillitate &
quiete dimittant; quatenus ex iis proue-
nientia tuæ maiestati deseruiant, & nostræ
necessitati absque nocumento subueniant.
Per Dominum nostrum, &c. *Resp.* Amen.

*Surgens Exorcista ab oratione, versus agros
vel aquam leget sequentia.*

Lectio Apocalypsis beati Ioannis
Apostoli. *Apoc. 9.*

ET quintus Angelus tuba cecinit: & vidi
stellam de cælo cecidisse in terram, &
data est ei clavis putei abyssi. Et aperuit pu-
teum abyssi: & ascendit fumus putei, sicut
fumus fornacis magnæ: & obscuratus est
sol & aër de fumo putei. Et de fumo putei
exierunt locustæ in terram: & data est illis
potestas, sicut habent potestatem scorpio-
nes terræ: & præceptum est illis ne læderent
fœnum terræ, neque omne viride, neq; om-

264 MANVALIS EXORCISMORVM
nem arborem ; nisi tantum homines qui
non habent signum Dei in frontibus suis.
Tu autem Domine, miserere nobis. *Resp.* Deo
gratias.

Sequentia sancti Euangelij secundum
Lucam. *Luc. II.*

IN illo tempore : Dixit Iesus discipulis
suis : Petite, & dabitur vobis : quærite, &
inuenietis : pulsate, & aperietur vobis. Om-
nis enim qui petit, accipit : & qui quærit,
inuenit : & pulsanti aperietur. Quis autem
ex vobis patrem petit panem : numquid la-
pidem dabit illi ? aut piscem : numquid pro
pisce serpentem dabit illi ? aut si petierit
ouum : numquid porriget ei scorpionem ?
Si ergo vos cum sitis mali, nostis bona data
dare filiis vestris : quanto magis Pater vester
de cælo dabit spiritum bonum petentibus
se ? *Resp.* Laus tibi Christe.

Per Euangelica dicta, deleantur nostra
delicta. *Resp.* Amen.

Ex Psalmis.

9. **D**Eus deorum dominus locutus est : &
vocauit terram.

A solis ortu usque ad occasum : ex Sion
species decoris eius.

Deus manifestè veniet : Deus noster &
non filebit.

Audi populus meus, & loquar : Israel,
&

& testificabor tibi: Deus Deus tuus ego sum.

Non in sacrificiis tuis arguam te: holocausta autem tua in conspectu meo sunt semper.

Non accipiam de domo tua vitulos: neque de gregibus tuis hircos.

Quoniam meæ sunt omnes feræ silvarum: iumenta in montibus & boues.

Cognoui omnia volatilia cæli: & pulchritudo agri mecum est.

Si esuriero, non dicam tibi: meus est enim orbis terræ, & plenitudo eius.

Numquid manducabo carnes taurorum? aut sanguinem hircorum potabo?

Immola Deo sacrificium laudis: & redde Altissimo vota tua.

Et inuoca me in die tribulationis: eruam te, & honorificabis me.

Magnus Dominus noster, & magna virtus eius: & sapientiæ eius non est numerus. *Psal.*

Suscipiens mansuetos Dominus: humilians autem peccatores vsque ad terram.

Præcinite Domino in confessione: psallite Deo nostro in cithara.

Qui operit cælum nubibus: & parat terræ pluuiam.

Qui producit in montibus fœnum: & herbam seruituti hominum.

R s

Qui

Qui dat iumentis escam ipsorum: & pul-
lis coruorum inuocantibus eum.

Gloria Patri, & Filio: & Spiritui sancto.

Sicut erat in principio, & nunc, & sem-
per: & in sæcula sæculorum. Amen.

EXORCISMVS.

EXorcizo & adiuro vos, pestiferi vermes,
per Deum Patrem omnipotentem †, &
per Iesum Christum † filiū eius Dominum
nostrum, & per Spiritum sanctum † ab
utroque procedentem, vt confestim rece-
datis ab his campis, agris, pratis, hortis, vi-
neis, aquis, si Dei prouidentia adhuc vitam
vobis indulgeat, nec ampliùs in eis habite-
tis, sed ad illa ac talia loca transeatis, vbi nul-
lis Dei seruis nocere poteritis. Vobis, si per
maleficium diabolicum hīc estis, pro parte
diuinæ maiestatis, totius curiæ cælestis, nec
non Ecclesiæ hīc adhuc militantis impe-
ro, vt deficiatis in vobisipsis, ac decreasca-
tis, quatenus reliquiæ de vobis nullæ repe-
riantur, nisi ad gloriam Dei & ad vsum &
salutem humanam conducibiles. Quod
præstare dignetur qui venturus est iudicare
viuos & mortuos, & sæculum per ignem.
Resp. Amen.

Alius EXORCISMVS.

ADiuro vos, dæmones, per Deum Pa-
trem omnipotentem, qui in deserto
per

per quadraginta annos satiauit filios Israel manna, & ex petra aquam eduxit eis ad bibendum, vt statim ab his agris, campis, vineis, pratis, hortis, aquis, omne quod noxiū est amoueat. Adiuro etiam vos animalia, & quæcumque per maleficiū diaboli noxia estis hominibus & bonis eorum, per Deum Patrem omnipotentē, & per Filium eius, & per Spiritum sanctum paraclitum, vt hinc discedatis, & nocere desinatis graminibus, frugibus, piscibus [*exprimātur quæ nocumentum patiuntur*] & dissipemini, & omnis virtus & potestas nocendi vobis adimatur, & interimat vos dextera Dei omnipotentis per inuocationem nominis sui, & per passionem & mortem Iesu Christi filij sui, & per merita beatissimę Virginis Marię, & omnium Sanctorum & Sanctarum cælestis curiæ. Amen.

Concludat Exorcista sequenti Oratione.

OMnipotens sempiterne Deus, remunerator omniū bonorum, & pœnitentium peccatorum maximus miserator: in cuius nomine omnia genua flectuntur, cælestium, terrestrium, infernorum: concede nobis propitius, vt quod de gratia & misericordia tua consili agimus, per eandem gratiam & virtutem tuam efficacem consequatur effectum; vt per tuam clementiam ab
hac

268 MANVALIS EXORCISMORVM
hac peste liberati, maiestati tuæ congruas
gratiarum referamus actiones. Per Chri-
stum Dominum nostrum. *Resp.* Amen.

Oratio propria super aquas infectas.

Domine Iesu Christe, qui Iordanis flu-
men benedixisti, & in eodem baptiza-
tus aquas mundasti, vt elementum salubre
efficerentur in remissionem peccatorum:
has quoque aquas benedicere, sanctificare,
& purificare digneris: vt nihil in iis noxium,
nihil pestilens remaneat, nihil inficiens aut
corrumpens; sed munda omnia efficiantur
& salubria. Quatenus quæ ad vsum huma-
num ex iis vel in iis creata sunt, cum pro-
motione gloriæ tuæ, vitæque nostræ & sani-
tatis sumantur. Qui viuis & regnas cum
Deo Patre in vnitate Spiritus sancti Deus:
per omnia sæcula sæculorum. *Resp.* Amen.

*Deinde asperget vt supra Aquam benedi-
ctam. Possunt etiam hinc inde poni & insigi
palma benedicta ab Ecclesia.*

Modus

Modus discernendi APPARITIONES
SPIRITVVM , vtrũ boni sint an
mali : cum remediis & Exorcismis
contra spiritus malos infestantes do-
mos vel alia loca.

ETSI donum discernendi spiritus non
sit omniũ, sed peculiari gratia quibus-
dam cõcedatur, & negari non debeat,
quin bonorum hominum spiritus sin-
gulari dispensatione Dei redire possint, & ali-
quãdo redeant, teste Scriptura, quæ refert Samue-
lem apparuisse Saũli, teste item D. Gregorio in
Dialogis; licet etiam de Angelorum apparitioni-
bus multa in Scripturis habeantur: tamen cum eis
malignorum spirituum fraudes optimè sint notæ,
& probè sciant, quantum nobis ab eorum insidiis
periculi sit, nihil offendentur boni spiritus, si cau-
tissimè nobis prospiciamus, & omnem insolitam
apparitionem suspectã habeamus, ac proinde sic-
ubi spiritum tumultuantem aut cientem terribi-
les strepitus audierimus, aduersus eum tamquam
demonem armemur, tantisper donec aliud certis-
simis documentis deprehendatur. Et in hunc vsum
accommodari possunt quæ de spirituum immun-
dorum discretionem differit S. Antoninus apud
Athanasium in Vita ipsius, potissimùm à cap. 18.
quod sic inchoatur: Nunc iam ceteras vobis
dæmonum explicabo fallacias, &c.

In gratiam tamen eorum qui fortè carent libris necessariis, ex quibus hæc discere possent, subiunguntur hic aliquot regulæ, quibus discerni facile poterunt apparitiones bonorum & malorum spirituum.

Indicia mali spiritus sunt:

Primò, si ad præsentiam vel vsum rerum sacrarum diffugiat, nimirum signi Crucis, Aquæ benedictæ, nominis IESV, B. Virginis, aut cuius Sancti, sacrarum Reliquiarum, Agni Dei, cerei benedicti, stolæ sacræ, & similium quibus Ecclesia vti consuevit contra diabolicas fraudes. Item si hæc improbet aut dissuadeat.

Secundò, Si falsam vel prauam suæ apparitioni prætendat causam.

Tertiò, Si aliqua dicat contra Fidem & Ecclesiæ doctrinam, vel suadeat aliquid quod sit à moribus Sanctorum alienum.

Quartò, Si excitet mentem hominis ad superbiam, ad vanam gloriam, ad præsumptionem animi, ad desperationem, vel ad alium minùs ordinatum effectum.

Quintò, Si rem non patitur tractari cum superiore, vel Confessario.

Sextò, Si in forma tetra aut abiecta appareat, vel cum factore, tumultu, horrore, clade discedat.

Septimò, Si ubi semel præstitum est quod subsidij causa petiit, rursus quæsitis aliis occasionibus friuolis redeat: animæ enim, ubi satisfeceris, vel non redeunt, vel semel tantum ut gratias agant.

Octauò, Si blandè accedat, sed postea relinquat
macro-

maerorem, desolationem, turbationem animi, tenebras mentis: boni enim spiritus est illuminare, solari, & tranquillitatem animi adferre. Quod signum etiam habet locum, & obseruandum, quando non statim se spiritus prodit, vel dicit quid cupiat. Huiusmodi tamen ordinariè pro malignis haberi possunt, qui non statim indicant quid velint; præsertim si turbent domum, aliq̃, faciant quæ tendunt ad nocendum hominibus. Animæ redeuntes & boni spiritus non volunt aut intendunt hominibus nocumentum vel perturbationes inferre.

Aduertant tamen sedulò curam animarum gerentes ad fallacias & technas demonum, quomodo se soleant teste Apostolo transformare in Angelos lucis: proinde etiam si initio se prodant, ut spiritus boni solent, inquirent de secunda, tertia, & sequentibus apparitionibus, & facile deprehendent fraudem; non enim diu possunt lupi se tegere sub ouina pelle.

Si autem post diligentem indagationem apparitio maneat dubia an sit à bono an à malo spiritu, adhibeant remedia & Exorcismos Ecclesiæ, eosq̃ per preces cogant ad se manifestandos.

EXORCISMVS domus à malis spiritibus vexatæ.

S*acerdos indutus superpelliceo & stola, dicit:
In nomine Patris +, & Filij +, & Spiritus + sancti. Amen. Deinde flexis genibus*
Hym-

Hymnũ, Veni creator Spiritus, &c. *Vers.* Exsurgere Christe, adiuua nos. *Resp.* Et libera nos propter nomen tuum. *Vers.* Adiutorium nostrum in nomine Domini. *Resp.* Qui fecit cælum & terram. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo. Oremus.

Actiones nostras, quæsumus Domine, aspirando præueni, & adiuuando prosequere: vt cuncta nostra oratio & operatio à te semper incipiat, & per te cœpta finiat. Per Christum Dominum nostrum. *Resp.* Amen. Oremus.

Respice, quæsumus Domine, super hanc familiam tuam, pro qua Dominus noster Iesus Christus non dubitauit manibus tradi nocentium, & crucis subire tormentum. Qui tecum viuit & regnat in vnitate Spiritus, &c. *Resp.* Amen. Oremus.

Defende, quæsumus Domine, beata Maria semper virgine intercedente cum omnibus Sanctis tuis, istam ab omni aduersitate familiam: & toto corde tibi prostratam, ab hostium propitius tuere clementer insidiis. Per Christum Dominum nostrum. *Resp.* Amen. Oremus.

Omnipotens sempiterne Deus, qui Sacerdotibus tuis tantam gratiam contulisti,

tulisti, vt quidquid in tuo nomine dignè
perfecteque ab eis agitur, à te fieri credatur;
quæsumus immensam clementiam tuam,
vt quod modò visitaturi sumus, visites: &
quidquid benedicturi, benedicas: & ad
ea quæ acturi sumus, dexteram tuæ poten-
tiæ extendas: sintque ad nostræ humilitatis
introitum (Sanctorum tuorum meritis) fu-
ga dæmonum, & Angeli pacis ingressus.
Per Christum. *Resp.* Amen. Oremus.

DEus Angelorum, Deus Archangelo-
rum, Deus Prophetarum, Deus Apo-
stolorum, Deus Martyrum, Deus Confes-
sorum, Deus Virginum, & omnium benè
viuentium: Deus & Pater Domini nostri
Iesu Christi, te inuoco, & nomen sanctum
tuum, ac præclaræ maiestatis tuæ clemen-
tiam supplex depono, vt mihi auxilium
præstare digneris aduersum nequissimum
spiritum; vt vbicumque sit, audito nomine
tuo velociter exeat & recedat. Per Chri-
stum Dominum nostrum. *Resp.* Amen.

A D I V R A T I O.

A Diuro te serpens antique, per Iudi-
cem viuorum & mortuorum, per Fa-
ctorem mundi, qui habet potestatem mit-
tere te in gehennam, vt ab hac domo festi-
nus discedas. Ipse tibi imperat maledicte
diabole, qui ventis ac mari & tempestatibus

274 MANVALIS EXORCISMORVM
imperavit. Ipse tibi imperat, qui te de super-
nis cælorum in inferiora terræ demergi præ-
cepit. Ipse tibi imperat, qui te retrorsum
abire præcepit. Audi ergo satana, & time, &
victus & prostratus recede, adiuratus in no-
mine Domini nostri Iesu Christi: Qui ven-
turus est iudicare viuos & mortuos, & sæ-
culum per ignem. *Resp. Amen.*

*Deinde Sacerdos incipiet quindecim Psalmos
Graduales, qui sunt inter alios Psalmos magis
proprij ad hanc materiam: legendoq; aspergat
Aqua benedicta domus loca, illa potissimum
ubi fit maior infestatio, ac primùm inferiorem
partem domus. Moneatq; assistentes ut preces
suas cum ipsius coniungant. Psalmus 119.*

AD Dominum cùm tribularer clama-
ui: & exaudiuit me.

Domine libera animam meam à labiis
iniquis: & à lingua dolosa.

Quid detur tibi, aut quid apponatur tibi:
ad linguam dolosam?

Sagittæ potentis acutæ: cum carbonibus
desolatoriis.

Heu mihi, quia incolatus meus prolonga-
tus est, habitavi cum habitantibus Cedar:
multùm incola fuit anima mea.

Cum his qui oderunt pacem, eram paci-
ficus: cùm loquebar illis, impugnabant me
gratis. Gloria Patri.

Psal-

Psalmus 120.

LEuauī oculos meos in montes: vnde veniet auxilium mihi.

Auxilium meum à Domino: qui fecit cælum & terram.

Non det in commotionem pedem tuum: neque dormitet qui custodit te.

Ecce non dormitabit, neque dormiet: qui custodit Israel.

Dominus custodit te, Dominus protectio tua: super manum dexteram tuam.

Per diem sol non vret te: neque luna per noctem.

Dominus custodit te ab omni malo: custodiat animam tuam Dominus.

Dominus custodiat introitum tuum, & exitum tuum: ex hoc nunc & vsque in sæculum. Gloria Patri. *Psalmus 121.*

Lætatus sum in his, quæ dicta sunt mihi: in domum Domini ibimus.

Stantes erant pedes nostri: in atriis tuis Ierusalem.

Ierusalem, quæ ædificatur vt ciuitas: cuius participatio eius in idipsum.

Illuc enim ascenderunt tribus, tribus Domini: testimonium Israel ad confitendum nomini Domini.

Quia illic sederunt sedes in iudicio: sedes super domum Dauid.

Rogate quæ ad pacem sunt Ierusalem:
& abundantia diligentibus te,

Fiat pax in virtute tua: & abundantia in
turribus tuis.

Propter fratres meos, & proximos meos:
loquebar pacem de te.

Propter domum Domini Dei nostri:
quæsiui bona tibi.

Gloria Patri, & Filio. *Psalms 122.*

AD te leuavi oculos meos: qui habitas
in cælis.

Ecce sicut oculi seruorum: in manibus
dominorum suorum.

Sicut oculi ancillæ in manibus dominæ
suæ: ita oculi nostri ad Dominum Deum
nostrum, donec misereatur nostri.

Miserere nostri Domine, miserere no-
stri: quia multum repleti sumus despectione.

Quia multum repleta est anima nostra:
opprobrium abundantibus, & despectio su-
perbis.

Gloria Patri.

Psalms 123.

Nisi quia Dominus erat in nobis, dicat
nunc Israel: nisi quia Dominus erat in
nobis.

Cum exurgerent homines in nos: fortè
vivos deglutissent nos.

Cum irasceretur furor eorum in nos: for-
sitàn aqua absorbuisset nos.

Tor-

Torrentem pertransiuit anima nostra:
forsitan pertransisset anima nostra aquam
intolerabilem.

Benedictus Dominus: qui non dedit nos
in captionem dentibus eorum.

Anima nostra sicut passer erepta est: de
laqueo venantium.

Laqueus contritus est: & nos liberati su-
mus.

Adiutorium nostrum in nomine Domi-
ni: qui fecit cælum & terram.

Gloria Patri, & Filio: & Spiritui sancto.

Sicut erat in principio, & nunc, & sem-
per: & in sæcula sæculorum. Amen.

Quibus finitis, dicit Kyrie eleison. Christe
eleison. Kyrie eleison. Pater noster. *Vers.* Et
ne nos inducas in tentationem. *Resp.* Sed li-
bera nos à malo. *Vers.* Domine exaudi ora-
tionem meam. *Resp.* Et clamor meus ad te
veniat. *Vers.* Dominus vobiscum. *Resp.* Et
cum spiritu tuo. Oremus.

Domum tuam Domine clementer in-
gredere, & in tuorum cordibus fide-
lium, perpetuam tibi construe mansionem:
& presta, vt in hac domo nulla malignorum
spirituum dominetur nequitia. Per Chri-
stum Dominum nostrum. *Resp.* Amen.

*Deinde dicuntur alij quinque Psalmi, etiam
aspergendo loca domus.*

Qui confidunt in Domino, sicut mons Sion: non commouebitur in æternum, qui habitat in Ierusalem.

Montes in circuitu eius: & Dominus in circuitu populi sui, ex hoc nunc & vsque in sæculum.

Quia non relinquet Dominus virgam peccatorum super sortem iustorum: vt non extendant iusti ad iniquitatem manus suas.

Benefac Domine bonis: & rectis corde.

Declinantes autem in obligationes, adducet Dominus cum operantibus iniquitatem: pax super Israel.

Gloria Patri.

Psalms 125.

In conuertendo Dominus captiuitatem Sion: facti sumus sicut consolati.

Tunc repletum est gaudio os nostrum: & lingua nostra exultatione.

Tunc dicent inter gentes: Magnificauit Dominus facere cum eis.

Magnificauit Dominus facere nobiscum: facti sumus lætantes.

Cōuerte Domine captiuitatem nostram: sicut torrens in Austro.

Qui seminant in lacrymis: in exultatione metent.

Euntes ibant & flebant: mittentes semina sua.

Venien-

Venientes autem venient cum exultatione: portantes manipulos suos.

Gloria Patri, & Filio.

Psalmus 126.

Nisi Dominus ædificauerit domum: in vanum laborauerunt qui ædificant eam.

Nisi Dominus custodierit ciuitatem: frustra vigilat qui custodit eam.

Vanum est vobis ante lucem surgere: surgite postquam sederitis, qui manducatis panem doloris.

Cum dederit dilectis suis somnum: ecce hereditas Domini, filij; merces, fructus ventris.

Sicut sagittæ in manu potentis: ita filij excussorum.

Beatus vir, qui impleuit desiderium suum ex ipsis: non confundetur cum loquetur inimicis suis in porta.

Gloria Patri.

Psalmus 127.

BEati omnes qui timent Dominum: qui ambulant in viis eius.

Labores manuum tuarum quia manducabis: beatus es, & benè tibi erit.

Vxor tua sicut vitis abundans: in lateribus domus tuæ.

Filij tui sicut nouellæ oliuarum: in circuitu mensæ tuæ.

Ecce sic benedicetur homo : qui timet
Dominum.

Benedicat tibi Dominus ex Sion : & vi-
deas bona Ierusalem omnibus diebus vitæ
tuæ.

Et videas filios filiorum tuorum : pacem
super Israel.

Gloria Patri.

Psalmus 128.

Sæpè expugnauerunt me à iuuentute
mea : dicat nunc Israel.

Sæpè expugnauerunt me à iuuentute
mea : etenim non potuerunt mihi.

Supra dorsum meum fabricauerunt pec-
catores : prolongauerunt iniquitatem suam.

Dominus iustus concidit ceruices pecca-
torum : confundantur & conuertantur re-
trorsum omnes qui oderunt Sion.

Fiant sicut fœnum tectorum : quod prius-
quam euellatur , exaruit.

De quo non impleuit manum suam qui
metit : & sinum suum qui manipulos col-
ligit.

Et non dixerunt qui præteribant , Bene-
dictio Domini super vos : benediximus vo-
bis in nomine Domini.

Gloria Patri, & Filio : & Spiritui sancto.

Sicut erat in principio, & nunc, & sem-
per : & in sæcula sæculorum, Amen.

Statim dicit Kyrie eleison. Christe eleison.

Kyrie

Kyrie eleison. Pater noster. *Vers.* Et ne nos inducas in tentationem. *Resp.* Sed libera nos à malo. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo. Oremus.

OMnipotens sempiterne Deus, qui in omni loco dominationis tuæ totus assistis, totus operaris; adesto supplicationibus nostris, vt huius domus sis protector, & nulla hîc nequitia contrariæ potestatis obsistat: sed (virtute Spiritus sancti & operatione) fiat tibi hîc purum seruitium, & deuota libertas existat. Per Christum Dominum nostrum. *Resp.* Amen.

Postea dicuntur alij quinque Psalmi Graduales, aspergendo, vt supra, loca domus Aqua benedicta.

Psalmus 129.

DE profundis clamaui ad te Domine: Domine exaudi vocem meam.

Fiant aures tuæ intendentes: in vocem deprecationis meæ.

Si iniquitates obseruaueris Domine: Domine quis sustinebit?

Quia apud te, propitiatio est: & propter legem tuam sustinui te Domine.

Sustinuit anima mea in verbo eius: sperauit anima mea in Domino.

A custodia matutina vsque ad noctem:
speret Israel in Domino.

Quia apud Dominum misericordia: &
copiosa apud eum redemptio.

Et ipse redimet Israel: ex omnibus ini-
quitatibus eius.

Gloria Patri, & Filio.

Psalms 130.

Domine, non est exaltatum cor meum:
neque elati sunt oculi mei.

Neque ambulaui in magnis: neq; in mi-
rabilibus super me.

Si non humiliter sentiebam: sed exaltaui
animam meam.

Sicut ablactatus est super matre sua: ita
retributio in anima mea.

Speret Israel in Domino: ex hoc nunc &
vsque in sæculum.

Gloria Patri.

Sicut erat.

Psalms 131.

Memento Domine Dauid: & omnis
mansuetudinis eius.

Sicut iurauit Domino: votum vouit Deo
Iacob.

Si introiero in tabernaculū domus meæ:
si ascendero in lectum strati mei.

Si dederō somnum oculis meis: & pal-
pebris meis dormitationem.

Et requiem temporibus meis, donec in-
ueniam

ueniam locum Domino : tabernaculum
Deo Iacob.

Ecce audiuius eam in Ephrata : inueni-
mus eam in campis filux.

Introibimus in tabernaculum eius: ado-
rabimus in loco, vbi steterunt pedes eius.

Surge Domine in requiem tuam : tu &
arca sanctificationis tuæ.

Sacerdotes tui induantur iustitiam : &
sancti tui exultent.

Propter David seruum tuum : non auer-
tas faciem Christi tui.

Iurauit Dominus David veritatem , &
non frustrabitur eum : De fructu ventris tui
ponam super sedem tuam.

Si custodierint filij tui testamentū meum:
& testimonia mea hæc, quæ docebo eos.

Et filij eorum vsque in sæculum : sede-
bunt super sedem tuam.

Quoniam elegit Dominus Sion : elegit
eam in habitationem sibi.

Hæc requies mea in sæculum sæculi: hîc
habitabo, quoniam elegi eam.

Viduam eius benedicens benedicam:
pauperes eius saturabo panibus.

Sacerdotes eius induam salutaris: & sancti
eius exultatione exultabunt.

Illuc producam cornu David: paraui lu-
cernam Christo meo.

Inimi-

Inimicos eius induam confusione: super ipsum autem effloreat sanctificatio mea.

Gloria Patri.

Psalms 132.

ECce quàm bonum, & quàm iucundum: habitare fratres in vnum.

Sicut vnguentum in capite: quod descendit in barbam, barbam Aaron.

Quod descendit in oram vestimenti eius: sicut ros Hermon, qui descendit in montem Sion.

Quoniam illic mandauit Dominus benedictionem: & vitam vsque in sæculum.

Gloria Patri.

Psalms 133.

ECce nunc benedicite Dominum: omnes serui Domini.

Qui statis in domo Domini: in atriis domus Dei nostri.

In noctibus extollite manus vestras in sancta: & benedicite Dominum.

Benedicat te Dominus ex Sion: qui fecit cælum & terram.

Gloria Patri, & Filio.

Quibus finitis, dicit Kyrie eleison. *Christe* eleison. *Kyrie eleison.* *Pater noster.* *Vers.* Et ne nos inducas in tentationem. *Resp.* Sed libera nos à malo. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Ore-

Oremus.

DEus qui in omni loco dominationis tuæ, custos & protector assistis, exaudi nos quæsumus; vt inuiolabilis huius domus permaneat bene+dictio ; & beneficia tui muneris , vniuersitas quæ supplicat, mereatur . Per Christum Dominum nostrum. *Resp.* Amen.

Postea in principali loco domus legat sequens Euangelium . Vers. Dominus vobiscum. *Resp.* Et cum spiritu tuo.

Sequentia sancti Euangelij secundum

Lucam. *Cap.* 19.

IN illo tempore: Ingressus Iesus perambulabat Iericho. Et ecce vir nomine Zacchæus: & hic erat princeps Publicanorum, & ipse diues . Et quærebat videre Iesum, quis esset: & non poterat præ turba , quia statura pusillus erat. Et præcurrens ascendit in arborem sycomorum, vt videret eum: quia inde erat transiturus. Et cum venisset ad locum , suspiciens Iesus vidit illum, & dixit ad eum: Zacchæe festinans descende: quia hodie in domo tuo oportet me manere. Et festinans descendit: & excepit illum gaudens. Et cum viderent omnes, murmurabant, dicentes, quòd ad hominem peccatorem diuertisset. Stans autem Zacchæus, dixit ad Iesum: Ecce dimidium bonorum meo-

286 MANVALIS EXORCISMORVM
meorum, Domine, do pauperibus: & si quid
aliquem defraudaui, reddo quadruplum.
Ait Iesus ad eum: Quia hodie salus domui
huic facta est, eò quòd & ipse sit filius Abra-
hæ. Venit enim Filius hominis quærere, &
saluum facere, quod perierat. *Resp.* Laus tibi
Christe.

Deinde benedicitur incensum hoc modo: Per
intercessionem beati Michaëlis Archangeli
stantis à dextris altaris incensi, & omnium
electorum suorum, incensum istud dignetur
Dominus bene+dicere, & in odorem sua-
uitatis accipere. Per Christum Dominum
nostrum. *Resp.* Amen.

*Postea Sacerdos ponat incensum super ignem,
& incenset domum, dicens:* Incensum istud
à te benedictum, ascendat ad te Domine,
& descendat super nos misericordia tua.
Vers. Dominus vobiscum. *Resp.* Et cum spi-
ritu tuo. Oremus.

Visita, quæsumus Domine, habitationē
istam, & omnes insidias inimici ab ea
longè repelle: Angeli tui sancti habitent in
ea, qui nos in pace custodiant: & benedictio
tua sit super nos semper. Per Dominum
nostrum Iesum Christum. *Resp.* Amen.

*Postea domum & habitatores eius benedi-
cat, dicens:* Benedictio Dei omnipotentis
Pa+tris, & Fi+lij, & Spiritus + sancti,
descen-

descēdat super hanc domum, & omnes habitātes in ea, & maneat semper. *Resp. Amen.*

Et aspergat Aqua benedicta.

Alia formula benedicendi domum infestatam à malignis spiritibus.

Sacerdos vocatus ad domum aliquam benedicendam, in ipso itinere dicat:

Domine deduc me in iustitia tua: propter inimicos meos dirige in conspectu tuo viam meam. *Psal. 5.*

Respice in seruos tuos, & in opera tua: & dirige filios eorum *N. Psal. 8.*

Et sit splendor Domini Dei nostri super nos, & opera manuum nostrarum dirige super nos: & opus manuū nostrarum dirige.

In ingressu domus dicat: Pax huic domui. Luc. 1.
Deinde ad inhabitantes: Pax vobis à Deo Patre nostro, & Domino Iesu Christo. *Illisq̃ faciet breuem exhortatiunculam lingua materna de infra scriptis rebus vel aliis pro data opportunitate.*

Primò, Vt doleant de peccatis prateritis, & proponant emendationem.

Secundò, Vt satisfaciant proximo, si quoquo modo offenderint.

Tertiò, Vt remittant iniuriam & offensam, & pro offensoribus orent, vt tantò citius exaudiantur à Deo Opt. Max.

Deinde

Deinde surgens si non habeat Aquam benedictam ad manum, benedicet illam per formulam benedicendi infra positam fol. 296. illaq; asperget totam domum legendo sequentia:

50. Asperges me Domine hyssopo, & mundabor: lauabis me, & super niuem dealabor. *Prosequetur totum Psalmum Miserere mei Deus. fol. 109. In fine repetet, Asperges me Domine, &c. & sic repetendo, donec perfecerit asperersionem, & reuersus ad locum unde incepit, dicat, Vers. Adiutorium nostrum in nomine Domini. Resp. Qui fecit cælum & terram. Vers. Domine exaudi orationem meam. Resp. Et clamor meus ad te veniat. Vers. Dominus vobiscum. Resp. Et cum spiritu tuo.*

Oremus.

EXaudi nos, Domine sancte, Pater omnipotens, æterne Deus: & mittere digneris sanctum Angelum tuum de cælis, qui custodiat, foueat, protegat, visitet, atque defendat omnes habitantes in hoc habitaculo. Per Christum Dominum nostrum. *Resp. Amen.*

Oremus.

TE Deum Patrem omnipotentem suppliciter exoramus pro hac domo, & pro eius habitatoribus, ac rebus, vt eam benedicere, & sanctificare, ac bonis omnibus augere digneris, sicut benedicere dignatus

tus es domum Abraham , Isaac , & Iacob. Tribue illis Domine de rore cæli abundantiam , & de pinguedine terræ vitæ subsidium, & desideria cordis eorū ad effectum tuæ miserationis perducas, & intra domum istam Angeli tuæ lucis inhabitent, eamque & eius habitatores custodiant. Per Christum Dominum nostrum. *Resp.* Amen.

Postea benedicat incensum per benedictionem quæ habetur infra, fol. 309. & sicut prius incenset totam domum, vel præcipuas eius partes, legendo sequentia:

Imponendo thus benedictum in thuribulo, Incensum istud à te benedictum, ascendat ad te Domine, & descendat super nos misericordia tua.

Incensando: Dirigatur Domine oratio mea, sicut incensum in conspectu tuo.

Reuersus ad locum unde inceperrat, dicat:
Vers. Adiutorium nostrum in nomine Domini. *Resp.* Qui fecit cælum & terram.
Vers. Dominus vobiscum. *Resp.* Et cum spiritu tuo.

Oremus.

Visita , quæsumus Domine , habitationem istam, & omnes insidias inimici ab ea longè repelle: Angeli tui sancti habitent in ea, qui nos in pace custodiant, & benedictio tua sit super nos & eam semper . Per

T

Chri.

290 MANVALIS EXORCISMORVM
Christum Dominum nostrum. *Resp.* Amen.
Oremus.

Domine Deus omnipotens , cui astat exercitus Angelorum cum tremore, quorum seruitium spirituale & igneum esse cognoscitur; dignare respicere & bene+dicere habitationem istam, vt omnes languores, omnesque infirmitates, cunctæque insidiæ inimici, odorem huius incensi sentientes, effugiant & separentur à plasmatibus tuis, & ab eorum habitatione, vt numquam lædantur à morsu antiqui serpentis, pretioso Filij tui Sanguine redempta. Qui tecum viuit & regnat in vnitate Spiritus sancti Deus, per omnia sæcula sæculorum. *Resp.* Amen.

Deinde ponet Crucifixi imaginem in principali locò domus , in mensa recta mappa inter duos accēsos cereos benedictos si haberi possint.

Adorans Crucem flexis genibus, dicat: Adoramus te Christe, & benedicimus tibi, quia per Crucem tuam redemisti mundum.
Vers. Omnis terra adoret te Deus, & psallat tibi. *Resp.* Psalmum dicat nomini tuo Domine.

Oremus.

Adesto nobis Domine Deus noster, & quos sanctæ Crucis lætari facis honore, eos quoque perpetuis defende subsidiis. Per Dominum nostrum, &c. *Resp.* Amen.

Ore-

Oremus.

DEus, qui crucis patibulum, quod prius erat sceleratis ad pœnam, conuertisti redemptis ad vitam: concede plebi tuæ, eius vallari præsidio, cuius est armata vexillo. Sit ei Crux fidei fundamentum, spei suffragium, in aduersis defensio, in prosperis adiuuamen: sit ei in hostes victoria, in ciuitate custodia, in campis protectio, in domo tutela contra sæua iacula inimicorum. Per eundem Dominum, &c. *Resp.* Amen.

Surgens Exorcista ab oratione, stans leget sequentia:

Lectio libri Regum. 2. Reg. 6.

HAbitauit arca Dñi in domo Obededom Gethæi tribus mensibus, & benedixit Dominus Obededom, & omnem domum eius. Nuntiatumque est regi Dauid quòd benedixisset Dominus Obededom, & omnia eius propter arcam Dei. Dixitque Dauid: Ibo & reducam arcam cum benedictione in domum meam. Tu autem Domine miserere nostri. *Resp.* Deo gratias.

E X O R C I S M V S.

EXorcizo te, immundissime spiritus, omnisque incurio satanæ, In nomine Patris ✠, & Filij ✠, & Spiritus ✠ sancti, vt recedas ab his locis habitationis & quietis fidelium, nec deinceps quidquam molestiæ

aut infestationis inferre audeas adiuratus. Sanctus Angelus Raphael, qui te repressit à Tobia & Sara, te etiam disperdat de domo & loco isto, de angulis, lectis, & vniuersis locis in quibuscumque famulantes Deo habitant & quiescunt, dormiunt & vigilant, aut consistunt; nec audeas maligne spiritus & immunde inquietare, aut molestias vel maleficia suscitare contra eos, quæ sancti Chrifti vnctione sunt muniti. Per eum qui venturus est iudicare viuos & mortuos, & sæculum per ignem. *Resp. Amen.*

Postea aspergat Aquam benedictam, quod fiet post singulos Exorcismos.

Alius EXORCISMVS.

EXorcizo te, dæmon, & adiuro te per Deum viuum ✝, per Deum verum ✝, per Deum sanctum ✝, vt ex eas atque recedas de loco isto, nec vmquam reuertaris, nec habitantibus in eo aut homini aut bruto pauores immittas, aut quodcumque maleficium inferas, per eum qui te vicit & superauit in patibulo crucis, & potestatem tuam ligauit, quiq̃ue cum Deo Patre & Spiritu sancto viuit & regnat, per omnia sæcula sæculorum. *Resp. Amen.*

Alius EXORCISMVS.

OMnipotens Deus, qui est rerum omnium creator, custosq̃ue fidelium, clementer

menter respicere dignetur ad nostræ fragilitatis ministerium, vt ad introitum nostrum per benedictissimi & tremendi nominis IESV inuocationem, in quo flectitur omne genu, cælestium, terrestrium, & infernorum, mundetur, benedicatur & sanctificetur habitatio ista cum locis adiacentibus, discedat omne phantasma & nequitia ac versutia diabolicæ fraudis, omnisque spiritus immundus; & si quid est quod incolumitati inhabitantium inuidet aut quieti, nostræ humilitatis suffragiis effugiat, per intercessionem totius cælestis exercitus, Apostolorum, Martyrum, & omnium Sanctorum, quorum præsentia & assistentia suffulti, in nomine Saluatoris nostri Iesu Christi adiuramus & vrgemus hinc discedere, per signū sanctæ Crucis ✝ immundum spiritum; præcipimusque vt in posterum cesset omnis infestatio eius, & cunctæ eius præstigix & phantasmata eradicentur, terrorque venenosæ serpentis procul pellatur, per eum qui venturus est iudicare viuos & mortuos, & sæculum per ignem. *Resp. Amen.*

E X P R O B R A T I O.

TIme iudicia Dei, maledicte dæmon, expauesce iram omnipotentis, perspice iniquitates tuas quibus grauiter deliquisti, & verum bonum neglexisti: da locum vo-

luntati Dei, qui tibi iubeat vt statim recedas ab hac domo , quam temerè inuadere & molestare præsumpsisti, & habitatores eius inquietare. Quapropter adiuro te per Deū omnipotentem qui cuncta ex nihilo creauit, & superbiam tuam fregit; per Iesum Christum Dominum nostrum, qui est spes nostra & salus æterna, qui facit bonitatem cum seruis suis secundum multitudinem misericordiæ suæ, qui expansis in cruce manibus & nudo corpore, pro peccatis nostris Deo Patri sponte se totum obtulit; cuius passionis merita & virtus nobis cesserunt ad gloriam, tibi verò in confusionem, vt recedas à loco isto, & habitatoribus eius, intelligens & sentiens vires tibi fractas, & dominationem quam antea tyrannicè in genus humanum exercueras, tibi ademptam. Ergo humiliare sub manu Altissimi, qui ab Ecclesia sua, quidquid est noxium, sua virtute depellit; & quod salutare est, eidem largitur: qui suos fideles contra insidias vestras potenter defendit, & sua, quæ non potest falli, gubernatione conseruat. Quod & nobis concedat Pater ✚, & Filius ✚, & Spiritus ✚ sanctus. *Resp.* Amen.

Aspergat Aqua benedicta, & benedicat domum cum habitatoribus, dicendo: Benedictio Dei omnipotentis Patris ✚, & Filij ✚, & Spi-

ritus ⁊ sancti descendat super vos, & super domum vestram, & maneat semper. Resp. Amen.

Possunt huiusmodi Exorcismi cum ceteris repeti, si non cesset infestatio, aliquoties in septimana, quoties & quamdiu prudenti Exorcistæ videbitur. Si breviorē Exorcismum desideret, sumat ex prædictis deuotioni suæ magis accommodata.

Formulæ benedicendi tam comestibilia quàm alia quibus vtuntur energumeni vel maleficiati: desumptæ ex Pontificali, Missali, & Rituali Romano, & ex Scriptura sacra.



QUANDO QUIDEM (ut sæpius dictum est) valdè utile & expediens sit energumenis vel maleficiatis uti rebus Ecclesiæ precibus benedictis, ut Aqua benedicta, pane, sale benedicto, aliisq; cibis benedictis, & ut medicina ab eisdē sumenda benedicatur, iuxta doctrinam Apostoli dicētis, omnem creaturam bonam esse, & sanctificari per verbum Dei & orationem: hīc subiungūtur variæ formulæ benedictionum, quas

296 MANVALIS EXORCISMORVM
prudens Exorcista facile poterit accommodare aliis rebus hic non expressis, mutatis mutandis: ut hac ratione etiam excludantur formularia à temerariis quibusdam excogitata, multis superstitionibus admixtis. Et licet reperiantur fortè apud aliquos Auctores bona, non sapiëntia superstitionem; nihilominùs expedit illas Benedictiones & Preces retineri, quæ ab Ecclesia in usum receptæ sunt, à veteribus usitata, vel proximè ad eas accedūt, eò quòd huiusmodi efficaciores sunt & maioris meriti apud Deum, quàm priuatorū. Proinde Sacerdotes & Exorcista his solis utentur. Imò aliis uti non permittuntur, ne contingat malo delectu admitti quid minùs idoneum.

*Ordo ad faciendam A Q V A M
B E N E D I C T A M.*

Vers. Adiutorium nostrum in nomine Domini. *Resp.* Qui fecit cælum & terram.

Deinde absolutè incipit Exorcismum salis.

EXorcizo te, creatura salis, per Deum ✝
vium, per Deum ✝ verū, per Deum ✝
sanctum: per Deum, qui te per Elisæum
prophetam in aquam mitti iussit, ut sanaretur
sterilitas aquæ: ut efficiaris sal exorciza-
tum in salutem credentium: & sis omnibus
sumentibus te sanitas animæ & corporis: &
effu-

effugiat atque discedat à loco, in quo aspersum fueris, omnis phantasia & nequitia vel versutia diabolicæ fraudis, omnisque spiritus immundus adiuratus, per eum qui venturus est iudicare viuos & mortuos, & sæculum per ignem. *Resp. Amen.*

Oremus.

IMmensam clementiam tuam, omnipotens æterne Deus, humiliter imploramus: vt hanc creaturam salis, quam in vsum generis humani tribuisti, bene+dicere, & sancti+ficare tua pietate digneris: vt sit omnibus sumentibus salus mentis & corporis: & quidquid ex eo tactum vel respersum fuerit, careat omni immunditia, omni que impugnatione spiritalis nequitie. Per Dominum nostrum. *Resp. Amen.*

Exorcismus aquæ: & dicitur absolutè.

EXorcizo te creatura aquæ in nomine Dei + Patris omnipotentis, & in nomine Iesu + Christi filij eius Domini nostri, & in virtute Spiritus + sancti: vt fias aqua exorcizata ad effugandam omnem potestatem inimici, & ipsum inimicum eradicare & explantare valeas cum angelis suis apostaticis: per virtutem eiusdem Domini nostri Iesu Christi: qui venturus est iudicare viuos & mortuos, & sæculum per ignem. *Resp. Amen.*

Oremus.

DEus, qui ad salutem humani generis, maxima quæque sacramenta in aquarum substantia condidisti: adesto propitius inuocationibus nostris, & elemento huic multimodis purificationibus præparato, virtutem tuæ benedictionis infunde: vt creatura tua mysteriis tuis seruiens, ad abigendos dæmones, morbosque pellendos, diuinæ gratiæ sumat effectum: vt quidquid in domibus vel in locis fidelium hæc vnda resperferit, careat omni immunditia, liberetur à noxa: non illic resideat spiritus pestilens, non aura corrumpens: discedant omnes insidiæ latentis inimici: & si quid est, quod aut incolumitati habitantium inuidet, aut quieti, aspersione huius aquæ effugiat: vt salubritas per inuocationem sancti tui nominis expetita, ab omnibus sit impugnationibus defensa. Per Dominum.

Hic ter mittat sal in aquam in modum Crucis, dicendo semel:

Commixtio salis & aquæ pariter fiat: In nomine Patris, & Filii, & Spiritus sancti. *Resp.* Amen. *Vers.* Dñs vobiscum. *Resp.* Et cum spiritu tuo. Oremus.

DEus inuictæ virtutis auctor, & insuperabilis imperij Rex, ac semper magnificus triumphator: qui aduersæ dominationis

nis vires reprimis: qui inimici rugientis sauitiam superas: qui hostiles nequitias potenter expugnas: te Domine trementes & supplices deprecamur, ac petimus: vt hanc creaturam, salis & aquæ dignanter aspicias, benignus illustres, pietatis tuæ rore sanctifices: vt vbicumque fuerit aspersa, per inuocationem sancti nominis tui, omnis infestatio immundi spiritus abigatur: terrorque venenosi serpentis procul pellatur: & præsentia sancti Spiritus nobis misericordiam tuam poscentibus, vbique adesse dignetur. Per Dñm. in vnitae eiusdē Spiritus sancti.

Benedictio S A L I S.

Vers. Adiutorium nostrum in nomine Domini. *Resp.* Qui fecit cælum & terram.

Vers. Dominus vobiscum. *Resp.* Et cum spiritu tuo. Oremus.

Domine Deus, Pater omnipotens, qui hanc gratiam cælitus salis tribuere dignatus es, vt ex illo possint vniuersa condiri quæ hominibus ad escam procreasti, benedic hanc creaturam salis ad effugandum inimicum, & ei salubrem medicinam immitte, vt proficiat fumentibus ad animæ & corporis sanitatem. Per Christum Dominum nostrum. *Resp.* Amen.

Et aspergat Aqua benedicta.

Bene-

Benedictio PANIS.

Vers. Adiutorium nostrum in nomine Domini. *Resp.* Qui fecit cælum & terram.

Vers. Dominus vobiscum. *Resp.* Et cum spiritu tuo.

Oremus.

Domine sancte, Pater omnipotens, æterne Deus, benedicere digneris hūc panem tua sancta spiritali benedictione: vt sit omnibus sumentibus salus mentis & corporis, atque contra omnes morbos, & vniuersas inimicorum insidias, tutamen. Per Dominum nostrum Iesum Christum filium tuum, panem viuum, qui de cælo descendit, & dat vitam & salutem mundo: & tecum viuit & regnat in vnitæte Spiritus sancti Deus: per omnia sæcula sæculorum. *Resp.* Amen. *Aspergatur Aqua benedicta.*

Benedictio AGNI & ALIARVM CARNIVM.

Vers. Adiutorium nostrum in nomine Domini. *Resp.* Qui fecit cælum & terram.

Vers. Dominus vobiscum. *Resp.* Et cum spiritu tuo.

Oremus.

Deus, qui per famulum tuum Moysen, in liberatione populi tui de Ægypto agnum occidi iussisti in similitudinem Domini nostri Iesu Christi, & vtrosque postes domo-

domorū de sanguine eiusdem agni perungi
præcepisti: quique in priori Testamento car-
nes animalium in sacrificio offerri voluisti,
& in cibum & refectionem hominibus con-
cessisti: quæsumus vt hanc carnem bene-
dicere & sanctificare digneris, quam fa-
mulī tui ad laudem tuam sumere deside-
rant, per resurrectionem eiusdem Domini
nostri Iesu Christi: Qui tecum viuit & re-
gnat in sæcula sæculorum. *Resp. Amen.*

Et mox aspergit Aqua benedicta.

Benedictio. O V O R V M.

Vers. Adiutorium nostrum in nomine
Domini. *Resp.* Qui fecit cælum & terram.
Vers. Dominus vobiscum. *Resp.* Et cum spi-
ritu tuo. Oremus.

SVperueniat, quæsumus Domine, tuæ be-
nedictionis gratia huic ouorū creaturæ:
vt cibus salubris fiat fidelibus tuis in gratiarū
actione sumentibus, ob resurrectionem Do-
mini nostri Iesu Christi. Qui tecum viuit &
regnat in sæcula sæculorum. *Resp. Amen.*

Et aspergat Aqua benedicta.

Benedictio quorumcumque

F R V C T V V M.

Vers. Adiutorium nostrum in nomine
Domini. *Resp.* Qui fecit cælum & terram.

Vers.

Vers. Dominus vobiscum. *Resp.* Et cum spiritu tuo. Oremus.

Benedic Domine hos fructus, & præsta: vt qui ex eis in tuo sancto nomine vescantur, corporis & animæ salute potiantur. Per Christum Dominum nostrum. *Resp.* Amen.

Et aspergantur Aqua benedicta.

Benedictio ad quodcumque COM- ESTIBILE.

Vers. Adiutorium nostrum in nomine Domini. *Resp.* Qui fecit cælum & terram.

Vers. Dominus vobiscum. *Resp.* Et cum spiritu tuo. Oremus.

Benedic Domine, creaturam istam N. vt sit. remedium salutare generi humano: & præsta per inuocationem sancti nominis tui, vt quicumque ex ea sumpserint, corporis sanitatem, & animæ tutelam percipiant. Per Christum Dominum nostrum. *Resp.* Amen.

Aspergat Aqua benedicta.

Benedictio VINI, CERVISIAE, vel alterius potabilis materiæ.

Vers. Adiutorium nostrum in nomine Domini. *Resp.* Qui fecit cælum & terram.

Vers.

Vers. Dominus vobiscum. *Resp.* Et cum spiritu tuo.

Oremus.

Domine Deus, Pater omnipotens, statutor omnium elementorum & fructuum, qui per Iesum Christum filiū tuum Dominum nostrum, substantiam hanc in refocillationem sitis & corporum salutem esse voluisti; te supplices deprecamur, vt exauditis orationibus nostris, eam tuæ pietatis aspectu sancti+ fices; atque ita omnium spirituum immundorum ab ea recedat incurio, vt quicumque ex ea sumpserit, ei gratia tuæ benedictionis adueniat, & mala omnia te propitiante ab eo procul recedāt. Per eundem Dominum nostrum Iesum Christum filium tuum, qui tecum viuit, &c. *Resp.* Amen.

Et aspergat Aqua benedicta.

Alia Benedictio V I N O propria.

Vers. Adiutorium nostrum in nomine Domini. *Resp.* Qui fecit cælum & terram.

Vers. Dominus vobiscum. *Resp.* Et cum spiritu tuo.

Oremus.

Domine Iesu Christe, qui in Cana Galilææ ex aqua vinum fecisti, qui es vitis vera, multiplica super nos misericordiam tuam, & bene+dicere & sancti+ficare digneris hanc creaturam vini, vt quicumque

ex

304 MANVALIS EXORCISMORVM
ex eo sumet, diuinæ benedictionis tuæ opu-
lencia repleatur & sanctificetur, & corporis
sanitatem & animæ tutelam percipiat. Qui
cum Patre & Spiritu sancto viuus & re-
gnas, &c. *Resp.* Amen.

Aspergat Aqua benedicta.

Benedictio OLEI.

Vers. Adiutorium nostrum in nomine
Domini. *Resp.* Qui fecit cælum & terram.

Vers. Dominus vobiscum. *Resp.* Et cum spi-
ritu tuo. Oremus.

EMitte, quæsumus Domine, Spiritum
sanctum tuum Paraclitum de cælis in
hanc pinguedinem oliuæ, quam de viridi
ligno producere dignatus es, ad refectionem
mētis & corporis, vt tua sancta bene-
dictione sit omnibus hoc vnguento cælestis
medicinæ perunctis tutamen mentis & cor-
poris, ad euacuandos omnes dolores, om-
nesque infirmitates, omnemque ægritudi-
nem mentis & corporis, & si quod illis ad-
uersantium spirituum adhæreat nocumen-
tum, ad tactum & sumptionem sanctificati
olei huius abscedat, nullus spiritualibus ne-
quitiis locus, nulla refugis virtutibus sit fa-
cultas, nulla insidiantibus malis latendi li-
centia relinquatur. Per Christum Domi-
num nostrum. *Resp.* Amen.

Bene-

Benedictio quarumcumque ME-
DICINARVM.

Vers. Adiutorium nostrum in nomine Domini. *Resp.* Qui fecit cælum & terram.

Vers. Dominus vobiscum. *Resp.* Et cum spiritu tuo. Oremus.

SVmme Deus, qui summa & media im-
que custodis, qui omnem creaturam in-
trinsecus ambiendo concludis, sanctifica-
re, & benedicere digneris hanc medici-
nam, & benedictionem tuam super eam
digneris effundere, vt per tuam sanctissimam
virtutem, & copiosissimam benedictionem,
per signum sanctæ Crucis & impertitam, om-
nis virtus diabolica ab hac creatura, quæ
hanc medicinam sumptura est, expellatur
& annihiletur, tantamque virtutem merito
Passionis tuæ, & viuificæ Crucis & recipiat,
vt omnes immundos spiritus, incantatio-
nes, ligaturas, signaturas, facturas, & omnia
maleficia possit expellere & diuertere à fa-
mulo tuo qui ea vtetur, exhibeatque ei ple-
num sanitatis effectum. Per Dominum no-
strum Iesum, &c. *Resp.* Amen.

Oremus.

Benedico te, creatura medicinæ, in no-
mine altissimi Patris &, & Filij &, & Spi-
ritus & sancti, qui te creauit pro tutela hu-
mani

mani generis. Et rogamus te Dñe Deus noster, vt hæc creatura medicinæ famulo tuo qui ea vtetur, in nomine sanctæ Trinitatis efficiatur salutare remedium, sitque perfecta medicina in visceribus eius. Qui in Trinitate perfecta viuis & regnas in sæcula sæculorum. *Resp.* Amen.

Deinde aspergat Aqua benedicta.

Benedictio THALAMI.

Vers. Adiutorium nostrum in nomine Domini. *Resp.* Qui fecit cælum & terram.

Vers. Dominus vobiscum. *Resp.* Et cum spiritu tuo.

Oremus.

Benedic, Domine, thalamum hunc: vt omnes habitâtes in eo, in tua pace consistant, & senescant, & multiplicentur in longitudinem dierum cum incolumitate mentis & corporis, & ad regna cælorum perueniant. Per Dñm nostrum. *Resp.* Amen.

Oremus.

Creator & conseruator humani generis, dator gratiæ spiritualis, largitor æternæ salutis; tu Domine emitte benedictionem tuam super hunc thalamum, vt quicumque in eo requiescet, in virtute cælestis defensionis ad vitam æternam proficiat, & à suis languoribus & doloribus, omnibusque insidiis & machinationibus diaboli & ministro-
rum

rum eius liberetur. Per Dominum, &c.
Resp. Amen.

Postea aspergat Aqua benedicta.

Benedictio CUBICULI.

Vers. Adiutorium nostrum in nomine Domini. *Resp.* Qui fecit cælum & terram.

Vers. Dominus vobiscum. *Resp.* Et cum spiritu tuo. Oremus.

Benedic, Domine Deus omnipotens, locum istum, ut sit in eo sanitas, castitas, victoria, fortitudo, humilitas, bonitas, & mansuetudo, plenitudo legis, & gratiarum actio Deo Patri, & Filio, & Spiritui sancto: & hæc benedictio maneat super hunc locum, & super habitantes in eo, Angeli tuæ lucis eum inhabitent, eumque & eius habitatores custodiant & defendant contra omnes insidias inimici; & si quæ aduersa & contraria sunt ab eo in hoc loco machinata & fabricata, auctoritate maiestatis tuæ expellant. Per Dominum, &c. *Resp.* Amen.

Oremus.

Propitiare, Domine, supplicationibus nostris, & benedic locum istum dextera tua sancta, & omnes qui in eo commorantur, illumque visitare, & inhabitantibus gratiam sanitatis impertiri digneris, sicut benedicere dignatus es cubiculo & domui

308 MANVALIS EXORCISMORVM
in quo exceptus fuit hospitio Propheta Eli-
seus ; & sicut visitasti & sanasti socrum Pe-
tri. Mitte Dñe sanctum Angelum tuum de
cælis, qui liberet & defendat hunc locum ab
imminentibus malis cum omnibus qui in
eo commorantur , nullaque eos nequitia
contrariæ potestatis infestet, sed virtute Spi-
ritus sancti fiat hîc tibi debitum & deuota
libertate securum seruitium. Per Dominum
nostrum, &c. *Resp.* Amen.

Deinde aspergat Aqua benedicta.

Benedictio I G N I S quo cremabun-
tur signa malefica inuenta.

Vers. Adiutorium nostrum in nomine
Domini. *Resp.* Qui fecit cælum & terram.
Vers. Dominus vobiscum. *Resp.* Et cum spi-
ritu tuo. Oremus.

Domine Deus omnipotens , cui assistit
exercitus Angelorum cum tremore,
quorum seruitium spirituale & igneum esse
cognoscitur, dignare respicere, bene- & di-
cere & sanctificare hanc creaturam ignis, vt
eo combustis maleficij signis , omnes lan-
guores, omnesque infirmitates atque insi-
diæ inimici effugiant & separentur à pla-
smate tuo. Numquam lædatur à morfu an-
ticipi serpentis, quod pretioso Sanguine Filij
tui

tui redemisti. Qui tecū viuit & regnat, &c.
Resp. Amen.

Aspergat Aqua benedicta.

Benedictio THYRIS seu INCENSI.

Vers. Adiutorium nostrum in nomine Domini. *Resp.* Qui fecit cælum & terram.

Vers. Dominus vobiscum. *Resp.* Et cum spiritu tuo. Oremus.

PER intercessionem beati Michaëlis Archangeli stantis à dextris altaris incensi, & omnium electorum suorum, incensum istud dignetur Dominus benedicere, & in odorem suauitatis accipere. Sit, quæsumus Domine, famulis tuis pretioso Sanguine tuo redemptis, defensio perpetua contra omnes spiritus malignos, & omnes incantationes, præstigia, & diabolicas vexationes: sit perpetua expulsio malignorū spirituum, & in quocumque loco odor huius incensi fuerit, nullum maleficium, nullaque molestatio diabolica possit perdurare, sed statim tua immensa potentia & virtute tollatur & abigatur per signum sanctæ Crucis ⁊ tuæ. Qui viuis, &c. *Resp.* Amen. Oremus.

Domine Deus omnipotens, cui astat exercitus Angelorum cum tremore, dignare benedicere & sanctificare hanc creaturam incensi, vt omnes languores om-

310 MANVALIS EXORCISMORVM
nesque infirmitates atque insidiæ inimici,
odorem incensi huius sentientes fugiant
procul, vt de cetero non audeant lædere,
molestare, aut infestare creaturas tuas aut
loca habitationis earum. Per te Iesu Christe
saluator mundi, qui viuis, &c. *Resp.* Amen.

Aspergat Aqua benedicta.

*Sequentes generales Benedictiones & Exor-
cismi possunt etiam prædictis rebus applicari, si
quando quis longiores inquit, vel necessarias
putat.*

Benedictiones ad quæcumq; volueris
assumenda in humanum vsum per
modum cibi, potus, vel medicinæ.

Sacerdos vt supra superpelliceo & stola in-
dutus, vel saltem stola, dicat: *Vers.* Adiu-
torium nostrum in nomine Dñi. *Resp.* Qui
fecit cælum & terram. *Vers.* Benedicat nos
Deus, Deus noster, benedicat nos Deus.
Resp. Et metuant eum omnes fines terræ.

Lectio libri Genesis. *Gen. 1.*

Creavit Deus hominem ad imaginem
suam; ad imaginem Dei creavit illum,
masculum & feminam creavit eos. Bene-
dixitque illis Deus, & ait: Crescite, & mul-
tiplicamini, & replete terram, & subiicite
eam, & dominamini piscibus maris, & vo-
lati-

latilibus cæli, & vniuersis animantibus quæ mouentur super terram. Dixitque Deus: Ecce dedi vobis omnem herbam afferentem semen super terram, & vniuersa ligna quæ habent in semetipsis sementem generis sui, vt sint vobis in escam, & cunctis animantibus terræ, omniq̃ue volucris cæli, & vniuersis quæ mouentur in terra, & in quibus est anima viuens, vt habeant ad vescendum. Et factum est ita. Viditque Deus cuncta quæ fecerat, & erant valdè bona. *Resp.* Deo gratias.

Sequentia sancti Euangelij secundum
Lucam. *Luc. 24.*

IN illo tempore: Dum recumberet Iesus cum illis, accepit panem, & benedixit, ac fregit, & porrigebat illis. Et aperti sunt oculi eorum, & cognouerunt eum. *Resp.* Laus tibi Christe.

Per Euangelica dicta, det nobis & huic creaturæ [his creaturis] Dominus suam sanctam gratiam & benedictionem, In nomine Patris ✚, & Filij ✚, & Spiritus ✚ sancti. *Resp.* Amen.

Ex Psalmis.

Domini est salus, & super populum *ps.* tuum benedictio tua.

Sicut vnguentum in capite, quod descendit in barbam, barbam Aaron. *ps.*

Quod descendit in oram vestimenti eius, sicut ros Hermon, qui descendit in montem Sion.

Quoniam illic mandauit Dominus benedictionem, & vitam vsque in sæculum.

4. Aperis tu manum tuam, & imples omne animal benedictione.

3. Hic *N.* accipiet benedictionem à Domino, & misericordiam à Deo salutari suo.

33. Benedicat te Dominus ex Sion, qui fecit cælum & terram.

Vers. Domine exaudi orationem meam.

Resp. Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

OMnipotens Deus, adesto propitius inuocationibus nostris, & huic creaturæ humanis vsibus præparatæ virtutem tuæ benedictionis infunde: vt mysteriis tuis seruiens, ad abigendos dæmones, morbosque pellendos, diuinæ gratiæ sumat effectum: vt quicumque hac vsus fuerit, careat omni immunditia, liberetur à noxa, discedant omnes insidiæ latentis inimici: & si quid est quod vtentium incolumitati inuidet aut quieti, effugiat, vt salubritas per inuocationem tui sancti nominis expetita, ab omnibus sit infestationibus defensa. Per Christum Dominum nostrum. *Resp.* Amen.

Ore-

Oremus.

DEus inuictæ virtutis auctor, & insuperabilis imperij Rex, ac magnificus triumphator, qui aduersæ dominationis vires reprimis: qui inimici rugientis sæuitiam superas, qui hostiles nequitias potenter expungas. Te Domine trementes & supplices deprecamur ac petimus, vt hanc creaturam *N.* [has creaturas *N. & N.*] dignanter aspicias, benignus illustres, pietatis tuæ rore sancti+ficet: vt vbicumque fuerit [fuerint] in vsu adhibita [adhibitæ] ad honorem nominis tui, per inuocationem ipsius sanctissimi nominis tui, omnis infestatio immundi spiritus abigatur: terrorq; venenosi serpentis procul pellatur, & præsentia sancti Spiritus nobis misericordiam tuam poscentibus vbique adesse dignetur. Per Dominum, &c. *Resp.* Amen. Oremus.

Immensam clementiam tuam, omnipotens æterne Deus, humiliter imploramus, vt hanc creaturam *N.* [has creaturas *N. & N.*] quam [quas] in vsu generis humani tribuisti, bene+dicere & sancti+ficare tua pietate digneris, vt sit [sint] omnibus eam [eas] adhibentibus salus mentis & corporis. Vbicumque fuerit [fuerint] applicata [applicatæ] tollatur omnis immunditia, & cesset omnis impugnatio spiritualis nequitia.

314
tia. Per Christum Dominum nostrum.
Resp. Amen.

E X O R C I S M V S.

EXorcizo te, [vos] creatura N. [creatura N. & N.] in nomine Dei Patris † omnipotentis, & in nomine Iesu † Christi filij eius Domini nostri, & in virtute Spiritus † sancti; vt fias creatura exorcizata ad effugandam omnem potestatem inimici, & ipsum inimicum eradicare & explantare valeas cum angelis suis apostaticis, per virtutem eiusdem Domini nostri Iesu Christi, qui venturuss est iudicare viuos & mortuos, & sæculum per ignem. *Resp.* Amen.

Aspergat Aqua benedicta, dicens: Benedictus Deus & Pater Domini nostri Iesu Christi, qui bene † dixit nos in omni benedictione spirituali in cælestibus in Christo.
Resp. Amen.

F I N I S.

ANTVERPIÆ,
EX OFFICINA PLANTINIANA
BALTHASARIS MORETI,
M. DC. XXVI.



~~Agnes Borella
Lille Gledesha Ketsch
in Witten N. 1667. S. 1. 1. 1.
propr. H. 1667. 1. 1. 1. 1. 1.
Ketsch 1. 1. 1. 1. 1. 1. 1. 1. 1.~~

venit ad portam

et ingressum

factum

senectuti stultili

2